



106

Handwritten notes:
... ..
... ..
... ..

Handwritten: 47 P. 10




£45/10



ACQUIRED WITH THE SUPPORT OF THE
RESEARCH LIBRARY COUNCIL

2009

THE GETTY RESEARCH INSTITUTE





VITÆ ET ICONES
SVLTANORVM TVRCICO-
RVM, PRINCIPVM PERSARVM
aliorumq; illustrium Heroum
Heroinarumq; ab Osmane
usq; ad Mahometem II.
*Ad vicum ex antiquis Mettâis
effictæ, primum ex Cōstātinopoli
D. Imp. Ferdinādo oblatæ nunc
descriptæ & Tetrascichis
succinctis illustratæ,
a
Ja. Jac. Boissardo Vesuntino.
Omnia recens in æs artificiose
incisa et demum foras data, per
Theodorū de Bry Leod. Civem
Francforti,
Francf. ad moen. A. M.D. XCVI.*





Petri Lepidi Metensis in Boissardi effigiem à Theodoro de Bry sculptam.

COVS Alexandrum sibi nobilitavit Apelle,
 Dum pinxit docta Principis ora manu:
 Hanc, tuum illustrat Theodori industria vultum,
 Qui tanto heic pictus cernitur artifice,

P R Æ F A T I O.



CLARISSIMO
PRÆSTANTISSIMO,
QVE VIRO PETRO
LEPIDO.

REGIORVM NEGOTIORVM
SVMMO PROCVRATORI,
apud Mediomatrices, Vir-
dunenses & Tullianos.

I A N V S I A C O B V S B O I S S A R -
duſ Vesuntinus.



RODIERAT in lucem
superioribus annis, libel-
lus sub meo nomine, qui
continebat icones aliquot
illustrium virorum, quas
olim acceperam à Lentu-

P R Æ F A T I O.

Io Ventidio Vmbro. Illis autem breuiùs quàm res requirebat singulorum vitam adscripseram, sed vt mihi ab ipso Ventidio communicata fuerat.

Quæ cùm multis, potissimum tibi, vir præstantissime, non displicuissent, mihi que aliquot adhuc superessent aliorum Principum exterorum imagines, petivisti vt has in ordinem redactas superioribus adijcerem, addita singulis vita diffusionem oratione tractata. Id postquam ex historia Iouiana, & Annalibus Turcicis Leonclavij fecissem, non potui hoc opusculum cuiquam alij meliùs dicare, quàm tibi: Qui vt de re literaria hætenus sis optimè meritis, vt tuus quoque candor est & integritas, meos labores & conatus solitus & semper laudare, ac me singulari beneuolentia & fauore prosequi. Quod meum erga te studium propensamque voluntatem reddidit. At vt res videatur aliqua serie progredi, Et maiorem legentibus adferre delectationem, exordium huius libelli placuit sumere ab origine Turcicorum Imperatorum, quorum nomina recenseo vsque ad Mechementem, qui
anno

P R Æ F A T I O.

anno superiore à suis cæsus est. Simul quoque inferui aliquot aliorum Principum vultus, qui potentia, & arte militari his sæculis clauerunt sub Othomannorum po. Imperio. Quod exiguis principiis ortum ducens, tantum successu temporis sumpsit incrementum, vt occupata fere tota Asia, maiori Africæ parte, tandem in Europam transiit, videaturque totum Occidentale Imperium oppressurus, nisi prouidentia Dei nostris rebus tempestiuè prouideat.

Verissimum id semper esse fatebimur concordia res parvas crescere, discordia maximas dilabi. Christianorum res nihil olim tantopere concussit, quam avaritia, socordia, ambitio, & contentiones Græcorum Principum: qui dum neuter alteri cedit, dum mutuas in se exercent discordias & inimicitijs implacabilibus indulgent Turcis, qui procul in Asia degebant, accitis pontem fecerunt, quo per Hellespontum in Europam trajicerent, Imperiumque Constantinopolitanum, totam denique Græciam paulatim sui iuris fecerunt. Hodieque tantos fecerunt progressus, ut occupata jam fe-

P R Æ F A T I O.

re tota Hungaria, ad portas Viennæ Austriæ
 confideant armati, Germaniæ inhiantes.
 Nostri interim Principes intestinis odijs in-
 ter se sæuientes, bellis assiduïs omnes Chri-
 stiani orbis prouincias concutiunt, viris-
 que & facultatibus exhauriunt: nihil aut se-
 gniter curantes excidium, quod nobis im-
 minet; & opprimet procul dubiò, nisi De-
 us clementissimus protectionem nostri &
 defensionem suscipiat, perniciemque & ca-
 lamitatum abyssum, quas in nostra capita
 attrahimus, auertat: immeritosque & no-
 lentes eripiat è deploranda & horrenda illa
 seruitute, in quam redacti sunt hodie tot
 Asiæ Europæque gentes; quæ iusto Dei ju-
 dicio subiectæ sunt iugo Othmannicæ ty-
 rannidis, & Mahometicæ superstitionis:
 quæ priscorum Imperatorum incuria, ex A-
 rabia irrepsit in tot tamque florentes in A-
 frica, Ægypto, Asiaque, Ecclesias: pullulat-
 que indies magis ac magis, & protenditur
 vsque ad vltimos Indiæ terminos, ab ortu
 vsque & ad septentrionem. Dumque hæc
 audimus & videmus securi, pro regnorum
 amplificatione ambitiose decertantes inter
 se

P R Æ F A T I O.

se Principes, permittunt hoc fatale incendi-
um longè lateq; serpere : quo & ipsos con-
sumi necesse est, nisi maturè rebus commu-
nibus prospiciant, obuijque cant & repel-
lant pestem gliscentem.

At non considerant hanc infamiam il-
los apud posteritatem manere, quæ memo-
riam honestam Græcorum inquinavit, dum
judicantur plus ambitionis & obstinatiæ
habuisse, quam pietatis. Et dum cædibus va-
cant reges, reliqui verbum Dei & scripturas
sacras ad suos sensus pro arbitrio detorquen-
tes, dum pertinaciter de verbis disputant,
morum integritatem, & vitæ reformatio-
nem negligunt : Interim truculentissimus
ille omnium hostis diuersis sectis dissiden-
tes, & bellis ciuilibus exhaustos & fractos
immaniter opprimit. Tandem, sicut de
Phrygibus dicitur, serò sapientes redditi, &
magno nostro malo prudentes, reliquum
quod nobis superfuturum est, vitæ calami-
tosæ gembundi exigamus metuendum est,
desiderio torti amissæ, nō spe euecti recuperā-
dæ libertatis. De his cum inter nos sæpius
facta sit mentio, communicatisque fami-
liari-

P R Æ F A T I O.

liaribus colloquijs ingemiscamus ad considerationem malorum communium; proderit, meo iudicio, pauca hic adnotare, quibus lector iudicet quàm vario euentu, incertaque vicissitudine res humanæ inuoluantur: in quibus nihil diuturnum nihil stabile aut firmum. Quæ dùm probè considerauerimus, animum erigemus ad cœlos, ad quos Æterni Patris nos inuitat voluntas: iubetque neglectis huius mundi occupationibus vanis, mutabilibus & caducis, quietem perpetuam, certam, & cœlestem nos assidue meditari. Tunc primùm beati iudicabimur, non quando delicijs, opibus, honoribus & prospera valetudine in hac vita fruemur, sed quando corporibus his corruptilibus exuti, cupiditatum & æmulationum erimus expertes.

PHILIP.



P H I L I P P Æ L A,
Z Æ Æ P O L A N Æ
I N I C O N E S
I A N I I A C O B I B O I S S A R D I.



*Vm viros, clara quibus aura lucis
Fulsit, antiquo celebrūq, saclo
Fama, mirandis reuocare certas,
Iane tabellis:*

*Tu tuum nomen decus atque laudes
Porrigit primo radios abortu,
Quà vehit Phœbus celeri rotatu ad
Littora Calpes.*

*Et tibi debet studiosa summum
Turba quesitum meritis favorem:
Quam manu docta, Et calami magistra
Arte beasti.*

*Sic placent gnauo facies labore
Principum picta, quibus Italorum
Paruit quondam regio, simulque
Dorica tellus.*

*Sic iuvat quorum veneramur artes,
Dogma virtutem, via gesta, vitam,
Gratiam, roburque, scientiamque
Cernere vultus.*

*Vivida quos sic oculis figura
Subiicit nostris, proprioque gestu,
Ut putes quin et ea signa veram
Ducere vitam.*

*Gloriam factis tibi sic futuris
Adstruis: qua qui voluit potiri
Dicier credo hunc potuisse ab omni
Parte beatum.*



PRINCL



PRINCIPVM ALI
 QVOT TVRCICORVM, PAR-
 THORVM, ET VIRORVM ILLVSTRI-
 VM VITÆ, CVM ICONI-
 bus vnus cuiusque.



ANNALES Turcici

(quos Hieronymus Beck à
 Leopoldstorff ex Constanti-
 nopoli Viennam Austriae ad-
 portauit Ferdinandoque Im-
 peratori obtulit: cuius iussu in
 linguam Germanicam versi
 sunt à Ioanne Gaudiero, po-
 stea à Ioanne Leonelauio au-

cti luculento supplemento, & doctissimis commenta-
 rijs illustrati) Hi, inquam Annales memoriae prodide-
 runt apud Parthos in vrbe Machana dominatum ob-
 tinuisse Lecracem: annum autem & tempus non ad-
 notant, quo hic Lecraces vixerit, aut quid gesserit, e-
 iusque posterì, qui continua serie generis, regnique se-
 cuti sunt, vtpote Oguzan Lecracis filius¹, & reliqui
 qui ex eo nati sunt, nempe Oguzes, Giokolpes, Versa-
 iobes, Tectomur, Ciaces Aga, Bakis Aga, Basunger,

Oicoluces, Bainer, Cusulbuga, Cabielpes. Et Solei manes Scachus, à quo suam historiam aggrediuntur. Qui dum Machana rebus præesset Parthicis, Zingis Chan Chitaiensis regionis Tartarorum, vel ut Annales scribunt Tatarorum rex magnus, in Parthiam cum numeroso irrupit exercitus; Belchanque urbem vi captam diripuit, cum tota regione Chorasan, pulso Curiseme Scachio Belcha & Chorasanis principe, cuius filius fuit Vgnan Chan, qui pater in itinere mortuo suos Bagadatim perduxit, urbemque occupavit, totamque finitimam regionem in suâ redegit potestatem. Quod cum intellexisset Zingis Cham, illum armis oppressit: Soleimanes quoque Scachus Machana eversa, cum Tataro Principi viribus se sentiret imparē, maluit illius violētia cedere, quàm cum eminenti periculo ei se opponere: Collectis igitur Parthorum ingentibus copijs de Romania invadenda cum suis consilium iniit: Erzingam igitur urbem Armenia petens, inde in Asiaticam Romaniam progrediens, multis jam auctus peragrarum provinciarum spolijs, Amasiam potētissimam Cappadociae urbem occupavit; unde Chalepum Syriae, quæ antiquis fuit Berrhoca, petens, ad oppidum Taber prope Euphratem castra posuit: Cumque natatu illis esset trajiciendus fluvius, Soleimanes primus aquam ingressus, cum equo absorptus gurgite suffocatus est. Is filios habebat Sungurfengim, Gundogdim, & Euturulem. Hi patris corpus quæsitum inventumque sepeliverunt: Et ad campos profecti Passonios cum quadringentis mapalibus (quæ tabernacula sunt filtro tecta, & quæ faciliè transferuntur) illic confedit Ertucules Soleimanis filius; diuque finitimorum injuriis vexatus, cum intellexisset Sultanum Aladinem, qui paulo antea

lo antea ex Parthia quoque expulsus fuerat à Tataris , & in Romania Asiatica complures prouincias armis subegerat , ad illum Sarigatiū filium ablegauit , qui illum oraret , vt aliquem locum Parthis qui cum eo erant habitandum concederet : quos perhumaniter excepit Aladines , illisque locum commodum adsignauit , in quo degerent.

Sed cum armis vicinorum agigaretur Aladines , inque tot motibus & inimicorum incursionibus tutò non posset habitare Ertucules cum filiis Gundo , Sarigati & Osmāne versus Engurim , quæ est, Ancyra, Gálatiæ urbem se recepit , occupataque regionis parte Græcos perpetuis incursionibus infestabat , & rapinis exhauriebat. Tandem è viuis decessit anno Christianæ salutis 1289. cum suis præfuiſſet annis 42.

ISNICA TE ET NICÆA TIMET BITHYNNAQ. PRVSA
CÆDE TAMĒ GVNDI ET QVÆ SARIGATIS OVAT.



EDEBALIS NATAM THALAMI^S ADIVGE TVIS. NĀ
PVLCHRA HAC DICERIS POSTERITATE PARĒS.



OSMANES.



VMERTVCVLES adhuc
in vita esset, noctu somniauit è sui
Edebalis, hominis sanctitate & pro-
digiosis miraculis clari, splendo-
rem Lunæ emanare, ac penetrare
in suum finum: auem cum gesti-
ens excepisset, ex eius umbilico
enata est arbor, quæ regiones om-
nes vicinas, montesque & campos

sua vmbra tegeret, & ad radices arboris perennes aquas
efflueret: quibus vineæ horti agrique amœnissimi riga-
bantur: à somno postquam experrectus esset, recta ad Ede-
balem se contulit, illique somnium suum declarauit. Ille
diu apud se cogitabundus quæ posset esse huius somnii
interpretatio, tandem ad Ertuculem conuersus: Nasce-
tur tibi, inquit, filius, qui bellis vicinos subiget, & eius po-
steri regna & prouincias multas possidebunt. Filio tuo
nomen impones Osmani, & educabis qua poteris diligen-
ti cura, certus sis ex eo tibi futuros nepotes qui summo
cum imperio regnabunt. Natus igitur, & iam factus ad-
ultior Osmanes mortuo patri in regno successit: & vxo-
rem duxerat Edebalis illius Prophetæ, qui Iconii age-
bat

bat, filiam, ex qua nati sunt illi Vrchanes bassa, & Alisbassa, cum patre Osmane Græcis multum facerent negotii, omnia late longeque populantes, & diripientes Isnicam tandem, quæ est Nicæa, cum vicinis occupaverunt oppidis. Turcis occurrit præfectus Prusæ Bithynicæ; & in eo cōflictu cæsi sunt Osmanis fratres Gundus Elpes Agdemuris Pater, & Sarigatis qui Aidogdis vocabatur: Osmanes tamen victoria potitus Prusam contendit, & arctissima cinxit obsidione, qua tandem potiti sunt, Iussupho vrbis præside deditiōem faciente Vrchani, qui Osmanem patrem absentem in occupatione Neapolis certiorē de re tota fecit, Prussa capta est anno Christi 1327. Paulo post Osmanes è vita decessit, relicto Vrchane Gazi regni successore: qui magnis diuitiis ac ditione ampla potitus, Parthos principes, qui in prioribus expeditionibus patri & auo socii fuerant, imperii sui participes fecit, distributis illis aliquot provincijs: Vrchanes filios iam susceperat Soleimanem Bassam, cui Gerlensem & Bolensem Sangiacatum dedit, & Muratem Cham cui concessit provinciam Inungen. Postea Soleimanem præfecit Isnicæ, & Muratem Prusæ: Soleimani, quod mitis esset & clemens, sponte se dediderunt oppida Isnicæ vicina Atramylium, Pergamus, & aliæ Troadis vrbes, quæ simul Musulmannicam receperunt religionem, Christiana relicta.

Tandem de transfretando in Europam, consilio duorum principum (quorum alter Esesbegus, alter Fasilbegus dicebatur) cogitat: Illi Hellespontum traiecerunt ad Chiridocastrum, vbi mare latum est miliari tantum Græco: castrumque illud, & Madylum interceperunt: Quod Græci negligentius ferentes, de iis expellendis non cogita-

MVRATES.

7

cogitarunt statim: postea & Turcæ Callipolin occuparunt & paulatim magnos progressus in Thracia fecerunt; Cum autem mortuus esset Vrchan Gazes Soleimanis pater, qui & duobus ante mensibus vita decesserat, Imperium Gasi Murati Chani remansit: Is Zenderbuen Chelilem Cadilescherū suum cum exercitu misit, qui Callipolim & Zorlum traiiceret: quod vi cepit, & urbem Sis, Burgosinēque. Interea Eurōses Begus cum Chasi Elibego ad Hebrum, qui Maritza nunc dicitur, castrum Burgos occuparunt, & Dimotucum, & Ipsalam. Interim Murates Chan cum Scachino regiæ œconomo Hadrianopolim venit, adductis ingentibus copiis, quibus se adiunxerunt Eurenoses, & Elibegus: exercitibusque junctis Hadrianopoli potiti sunt, anno Christi 1360.

His auctus prouincijs, & locupletatus ingenti præda, Prusam Bithyniæ transfretato Hellesponto petijt: Vnde breui redeundum illi fuit in Europam, cum illi nuntiatum est plusquam quinquaginta Seruianorum millia collecta esse, & ad recuperandam Hadrianopolim contendere. In quos Scachines Regiæ Muratis œconomus, occupatis paulo ante Zagora & Ischebole, arma mouit, & per insidias nocturnas superauit, maximumque captiuorum numerum ad Muratem misit, Anno. 1366.

Qui rebus prospere gestis, in Asiam reuersus, Baia sitem Gilderonem filium circuncidi iussit: & Germiani Principis filiam illi desponsauit. Cerasumque urbem ad Pontum Cappadocicum subiugauit, & Cotyaiū Phrygiæ, Hierapolimque: & per legatos Delobelubanum & Chairedinem bassam ac Eurenosem begum in suam potestatem redegit agrum Gemulsinæ, Maroliam in Thracia, & Seras non procul a Cisso versus, Hebrum flumen: Cala au-

C

tem

tem Scachines in cōfinibus Thraciæ, Macedoniæ, & Thessaliæ occupauit Cauallam, Dearina, Hierissum, & Monastirium, quæ acciderunt anno Christi 1386.

Anno autem 1390. Murates exercitum duxit in Lazarum Bulcum Seruiæ Despotam: propterea quòd ad Pannonios se contulerat, & in Muratem concitarat: qui ad Cosouæ planiciem cum duobus filijs Baiazite Gilderonæ, & Zelebi Iacupe acri prælio dimicaturus videbatur: sed à quodam Christiano Cabilovitzio Lazari domestico fica in ventrem principis adacta expirauit anno Christi 1390.

Mortuo Murate Turcorum Principes Iacupem Zelebim obtruncant, & Baiafitem Imperatorem communi omnium sententia constituunt: qui prælio cum Seruianis inito eos vicit, Lazarumque captum frustulatim concidi iussit, Hadrianopolimque reuersus est, deportato patris corpore, quod Prusam deuectum sepeliri curauit in monumento suorum. Eius tamen viscera in Cosouæ planicie recondita sunt.



CAPPADOCAS CILICASQ. DOMAS, PÖTVMQ. REBELLEM
IMPERTVMQVE SVBIT GRÆCIA VICTA TVVM.



CVM SCYTHICO ADVĒTAT TEMIR CHÄ MILLECVL
INCIVSVS CAVEA, IVSSA SVPERBA FERES.



BAIASITES GIL DERVN.



BAIASITES patre è vivis
sublato, Turcico solus imperio po-
titus est: qui statim armis adortus
est K ratovum Sarviæ oppidum ad
Hæmum situm, idque occupavit
cum omnibus argenti fodinis: Et
Feris begum bellicosum hominem
misit ad Danubium, qui statim Vi-

dinam urbem in Turcarum redegit potestatem, & Ci-
tron Thessalonix; Boziciamq; ingressus, Patzinacas su-
begit Iagides begus. Interim Baiazites in Caramaniam
profectus, Hypsipolim (quæ à Turcis vocatur Alascheher)
occupavit. Aidinenses se ultro dederunt, & Sarchani-
enses Anno 1391.

1391.

Neque multo post Ioannem Palæologum Constan-
tinopolis Imperatorem aggressus est: Sed avocatus est ab
hoc bello, adventu Sigismundi Hungarorum regis, qui
Nicomolim Anno 1392. obsidione cinxerat ad Danubi-
um sitam: sed in hos nocturna impressione facta, Turcæ

1392.

superiores evaserunt Christianosque in fugam verterunt.
1393. Transacta interim pax est inter Græcos & Turcas
ea conditione, ut intra Constantinopolis mœnia Turcæ
virum unum darent in habitandum.

Eo tempore Borcuces Alcairi Sultanus diem obiit,
cuius provinciam invasit Gilderum. Et Anno sequenti
ductis in Armeniam copiis, Ertzingam Techribego
(qui Scender vocabatur & Rex Armeniorum) ademit.
Reversusque in Romaniā, trajectoque ad Callipolin fre-
to, Silistriam & Empolim suo adjecit imperio: quod acci-
dit Anno 1394. Peloponnesumque petens Feringen ut-
bem oppressit: Reversus Hadrianopolin Despinam fili-
am Stephani Bulcovitzij Serviæ Despotæ uxorem duxit:
Cumque Caramaniæ Begus Alifurius Hemidam sive
Cerasuntem occupasset, Baiafites Prusam venit, peragra-
taque Phrygia, quæ Tekiensis dicitur provincia, in Cilici-
am Caramaniam venit, Iconiumque obsedit, quod facta
deditione à civibus recepit, Cæsareamque Migdiam, &
Acfaram. Et ad pontum Borbem cepit, Isvendiaremque
Sinopes Principem coëgit sibi partem suæ provinciæ ce-
dere. Anno 1396.

Neque multo post Prusa Amasiam veniens, Seba-
stem à Casi Burchane accepit: cui præfecit filium suum
Emirem Solcimanem.

Anno autem 1397. Temir Chan (qui à nostris Tam-
berlanes vocatur) Parthiam ingressus, omnia ferro & ra-
pinis concussit, ulteriusque progressus, Chalepum cum
tota circumjacente regione occupavit, Damascumque
direptum populatus est anno 1399.

Ad hunc

Adhunc Temirem Turcomanni cum Techrine, Germaniano, Duxinone, & Mentefio begis, qui omnes suis ditionibus expulsi erant, & fortunis exuti legatos miserunt, & tuam miseriam explicarunt, induxeruntque ut Baiaziti oppressori bellum inferret: qui us benigne susceptis, pollicitus est se eorum injurias acceptatulum: missosque rursum in provincias, ex quibus fuerant expulsi, reducerentur. Quod cum facere recusasset Baiazites Tatarus ingenti exercitu coacto in Turcam venit, & Sebastem illi ademit, eamque evertit; interim advocatus est in Syriam incursione Sultani Memphitici qui vrbes ademptas recipere conabatur: quo fugato Chalepum & Emisam Bealbecumque (quæ fuit Heliopolis) subegit: Reverfusque in Parthiam ad urbem Carabugi hybernavit. Sequenti anno, vetis principio, exercitum ad Amasiam duxit. Ertzingamque, & Engurim. Interim Baiazites magno Tatarorum numero ad se accersito, quos per Moldaviam ex Destsere regione in Anatoliam adduxerat: Horum auxilio adjunctus ad Ancyram sive Engurim venit, ut Temiri Chani sese opponeret: Instructis igitur aciebus, cum ad arma ventum esset, Tatari cum Germanis & Mentefijs (quorum Principes erant cum Temire) à Baiazite defecerunt: eo prælio cæsus est Mustaphas Zelebis Baiazitis filius: Bassæ reliqui abducto altero imperatoris filio Emire Soleimane, fuga sibi consuluerunt. Baiazites ipse captus, & ad Temirem adductus, cum esset interrogatus quid facturum esset, si is fuisset victor. Baiazites ferociter respondit; si fortuna favente in meam venisses potestatem, inclusum te ferrea cavea mecum hinc inde circumduxissem: atqui, ait Temir: eadē patieris victus, quæ tu victor mihi eras præstiturus. Caveaque inclusum in exercitu sem-

femper secum circunduxit : quem cum deducturus esset
in suam ditionem, mœrore oppressus Baiazites sibi mor-
tem consciuit , relictis filiis quinque superstitibus, Emire
Soleimane, Isâ Zelebi, Musa Zelebi, Sultano Mucheme-
te, & Casam Zelebi : nam in Temiriano prælio
cæsus erat Mustaphas. Hæc contigerunt
Anno salutis nostræ 1402.





NO MALVS ES, NISI TE ENERVET MALE SVADA VOLVPTAS
QVÆQVE MINVS BELLO CONVENIT INGLV VIES



HOSPITIO MIRXI FRVITVR IAM MVSA VALACHI;
ILLE TVVM VIGILAT PRONVS IN EXITIVM.



SOLEIMANES.



ORTVO Baiazite ex Anatolia in Romaniam Europæam reuersi sunt Alisbassa, Eines begus, Et Azan Aga, qui exercitus erant duces præcipui. Sultanus Muchemetes Amasiam profectus est, & otio se dedit : Interim Musa frater Isam comprehensum occi-

dit: in Musam Emir Soleimanes arma sumpsit: cuius potentiam formidans Musâ, Casanem cum sorore Constantinopolim obsides misit, vt pacem cum Imperatore Manuele Palæologo firmaret. Soleimanes interim Hadrianopolim petens Imperator declaratus est: ad quem Muchemetes frater Amasia legatos misit, qui in nouis imperij auspicijs illi gratularetur. Soleimanes quoque ad Caramaniæ Principem literas dedit, quibus illum rogabat vt Musam fratrem non pateretur elabi: sed Musâ id intelligens matura sibi fuga consuluit, venitque ad Ifvendiarem, qui illum naui impositum per pontum Euxinum in Valachiam transportari curauit ad Mirxem si-

18 SOLEIMANES BAI AZITIS F.

ue Marcum Bogdaniæ Principem siue Valachiæ : à quo non solum hospitio exceptus est , sed eius consilio Hadrianopolim occupauit, vbi ab exercitibus Imperator salutatus est, qui in Soleimanem fratrem luxu & ingluuie diffuentem arma mouit, eumque oppressit; qui elabens in vico quodam ab incolis trucidatus est : Vicumque Musa incendit occisis omnibus habitatoribus.

Soleimanes imperauerat tantum annis septem: mortuus est 1411.





QVID MELICVM VEZIREM INVIT FECISSE, TVO SI
TE PRIVE PATRIO PRODITOR IMPERIO.



TE FRATRI MERSVM COENOSO GVRGITE TRADET
SARVDZES. SERVO FIDERE STVLITIA EST.



M V S A.



VCHEMETES qui Amariā habitabat, cum fratrem Soleimanem de medio sublatum audiuit, Musamq; Imperatorem declaratum, illum bello persequi statuit. omnesq; Anatoliæ provincias Soleimanis imperio subditas in potestatem redegit: Musa interim ne impetratus opprimeretur à fratre, rebus suis diligenter prospexit: Schahumq; Melicum creauit Vezirem: & Scheichem Bedredinum Samobunæ filium Cadilefcherū instituit, & reliquas prouincias inter suos familiares & duces militiæ distribuit: Vidinam ad Danubium sitam, & quæ defecerat, ad imperium reduxit, Buruvadamque & Metaram subegit. Et Chiupurim, quæ ditioris erat Seruiant: assiduisque excursionibus Constantinopolitanos vexauit: ad quos, Musa deserto, Scachus Melicus Vezirazemes defecit: vnde se recepit ad Sultanium Muchemetem, qui tunc temporis cum Baiazete Bassa Veziresime suo consultabat, quo pacto posset Hellespontum transfretare, & in Europam venire: Opportunè eo venit Scachus Melicus, qui consuluit ad Imperatorem Constantinopolitanum mittendos, vt cum eo pacem

cem iniret , & eius auxilio in Europam traiceret : nam Callipolis parebat imperio Musæ, ad quam traiectus Hellesponti commodus patet. Pace igitur sancita , E regione Constantinopolis navigio Imperatoris accepto transiuit, & ad Inzuam castra posuit, ad quem Alisbegus Eurenosisbegi filius cum suis copiis statim defecit: eumque secutus est Michael Iochzibegi filius, qui Musæ erat Beglerbegus. Quorum exercitibus auctus Muchemetes Hadrianopolim venit, deficientibus à Musa omnibus, præter Acanzios, cum quibus fugiens, ad Samecouam urbem coactus est cum fratre manus conferere : se illi imparem sentiens dum fugeret , illius equus in profundum cœnum lapsus est: Musam verò deiectum detinuit Sarudzes servus, qui dominum ad Muchemetem adduxit: illumque nocte sequenti in tentorio strangulari iussit; postquam imperasset annis tribus. Cōtingit id anno 1414. Muchemetem begum Michalis filium Acanziorum ducem captivum ad urbem Tocatam misit, quæ est Neocæsarea Cappadociæ.





M V C H E M E T E S.




Vsa igitur interempto , ac de suis rebus jam securus Muchemetes , ad omnes principes vicinos misit legatos, qui cum ijs pacem transigerent: Coactoque milite venit Prusam, quam paulo ante Caramanus Princeps occupaverat & incenderat, Ibafebasia cum urbis lotupletioribus civibus in arcem compulso. Ingressus igitur Muchemetes Caramaniam, Varfacum subegit, incolis deditionem faciētibz: Inde Iconium contendit , ubi illi occurrit Caramanus, prælioque commisso, superior evasit Muchemetes, captivo Caramano, cum Zebuco Mustapha suarum copiarum duce: cum quo ita transiit, ut tribus oppidis, & uni castro Muchumeti concessis, ipse Caramania potiretur. Ab eo quoque copias auxiliares, sicut ab Isvendiare, impetravit; quibus adjutus, Valachis bellum inferret: quos acri bello ad pacis conditiones adegit.

Interim gravis seditio in Anatolia excitata est auctore Burgluze Mustapha, qui Scheichis Bedredinis Oeconomus quondam fuerat; Et Bedredines Musæ Cadilefcherus erat. Isnicæ postea iussus exfulare. Mustaphas igitur hic Prophetæ nomine assumpto, Aidinenses ad se per-

26 MVCHEMETES BAIAZITIS F.

traxit, & tres novas moliri cepit: Cuius potentiam crescentem metuens Bedredines, Iſnica relicta, ad Iſvendiarem profugit; unde navi Euxino superato in Valachiam se cōtulit. In ſeditioſum Prophetam Muchemetes Muratem filium miſit, cum Baiazite Baſſa eius expeditionis ſocio, qui commiſſa pugna, pluribus que utrinque caſis, auctorem ſeditionis captum in fruſta diſſecuerunt. Et cum exercitu victore Maniſſam (quæ eſt Magnesia) properaverunt: ut illie tumultus à quodam Torlace Huggiemali motum compoſcerent: quem captivum cum aliquot alijs conjuratis ſuſpendio affecerunt. Interim Serras urbem ad Hebrum ſitam Muchemetes cepit. Sopeches Bedredines, qui in Valaciam profugerat, in agro Zagorienſi per ſuos publicabat imperium ſibi divinitus eſſe deſtinatum: auctusque jam magnis copijs invaſurus erat provinciam, ſed à ſuis deſtitutus captusque adductus eſt Serras: conſilioque Menlanæ Cheideri Perſæ (qui ſanctitatis nomine apud Muchemetem multam obtinebat auctoritatem) ſuſpenſus eſt: Muchemetes aliquando poſt Pruſam reverſus vitam cum morte mutavit, Sepulchroque majorum illatus eſt.





VARNA TVVM ILLVSTRAT SVPERATO PĀNONE NOMEN
HÆC TIBI SED CHRISTO VINDICE FAMA VENIT.



VEXAT TE IMPOSTOR DVSMES QVEM INFIDA TVORVM
TVRBA INSUPERATA PRODITIONE IVVAT.



AMVRATES



VCHEMETI VITA

functo successit in imperio Turcico eius filius Amurates. Anno Christi 1422. Principio regni illius magni motus in Anatolia orti sunt, defectione Chuseinis begi Ismiræ vel Smyrnæ Principis.

Is enim cum Dusme Mustapha,

qui se Muratis Gilderonis filium mentiebatur, & in opido Vardario ad Axium flumen sito degebat; In arce Epidauri, & in Imbro, Lemnoque insulis captivus detentus fuerat à Græcis, regnante Muchemete primo, quo mortuo, uterque Amurati multum facefferunt negotij. Nam in eorum partes transferunt Enrenoses begi: quorum subsidiis Serras expugnavit. & Hadrianopolim per deditioem cepit. Amurates qui Prusæ in Brytina tunc degebat, in Dusmen Mustapham expedit Baiazitem Bassam cum instructissimo exercitu. Is postquam ad Hadrianopolim appulisset, ad Dusmen defecit, à quo Veziris dignitate donatus est. Coactis igitur ingentibus copijs, cum Cuseinebego & alijs trajecto Hellesponto Prusam contendit. A qua cum unius diei abesset itinere, Vezirem Baiazetem bassam suspectum supplicio capitis affecit. Amurates

murates autem è custodia carceris Tocatenfis captivum revocavit Mechemetem begum Michalis filium, militi-
æque præfectum sibi adjunxit. Qui cùm ad Vlubatam urbem (quæ Lopadium olim vocabatur) venisset, castra metatus ad pontē Rhyndari, qui ex lacu Lopadio emanans, in mare se exonerat. Cum autem Mechemetem begum agnovissent ij, qui ad Dusmen defecerant, noctu trajecto fluvio ad Amuratem rediere, & se illi dederunt. Miserrant enim uterque legatos ad Imperatorem Constantinopolitanum qui ab eo auxilium poscerent: Sed Constantinopolitanus neglecto Amurate, suppetias Dusini ferre constituerat: quod Muchemetes per transfugas intelligens, rumorem sparsit Græcos in Amuratis partes transiisse. Quare attoniti omnes, qui Dusinem sequebantur, ad Amuratem se receperunt, vel sibi fuga consuluerunt. Ipse Dusines Mustaphas ad Bugam profugit: & magna vi pecuniæ data Cadio Bugensi, ejus ope salvus evasit: acceptis enim ab eo navigiis prope Callipolim transfretavit in Romaniam. Hunc subito Amurates subsecutus est cum omnibus copiis: sed cùm naves omnes à Dusme in terram subductæ essent, Amuratis conatum aliquandiu moratus est. Ad portum interim inopinatè maxima Genuensium navis appulerat mercaturæ gratia: cum ejus gubernatore pactus est, ut acceptis in singula capita ducatis duobus, copias omnes in adversum littus trans Hellespontum veheret. Quod ubi factum est, soluto liberaliter naulo, in planicie Ezeæ confedit: Dusmes Mustaphas versus Bolaire in oppidum vicinum se receperat, unde cùm Hadrianopolim contenderet, suis desertus est: Captus igitur in fuga, & ad Amuratem deductus, è pinnis mœnium Hadrianopolitanorum laqueo suspensus vi-

ſus vitam finivit. Amurates in throno regio conſtitutus, ab omnibus eſt Imperator ſalutatus. Sed paulo poſt cum exercitu in Aſiam redire coactus eſt, ut fratrem ſuum Muſtapham res novas molientem opprimeret : quem captum Iſnicæ necari juſſit, & Pruſam vectum in patris ſepulchro tumulari : id contigit Anno Chriſti 1425.

Reverſus iterum Hadrianopolim, in Valachia Vainodam coactus eſt arma movere : cujus ditionem ferro ac flamma miſerè vaſtavit. Eodemque anno in Anatoliam reſſus Iſmycæ Principem ſua regione expulit, impoſito urbi præſidio. Idem quoque fecit in ditionibus Mentefiana, Aedinenſi, Sarchania, & Chemidenſi, in quas deduxit colonias, quibus agros diſtribuit expulſorum incolarum.

Anno 1427. Stephanum Lazari filium Raxianorum 1427. ſive Servia Despotam regno ejecit, quod Georgio Stephani filio reſtituit ; ſed rebellionem molientem iterum hunc expulit, & eius regiones Anno 1428. depopulatus eſt. 1428.

Anno 1429. Hoſerbegus Amurati militans in Anatolia, Zietucam ditionem Turcico adjecit imperio. Anno 1431. ad oppugnandam Theſſalonicam copias 1431. inſtruxit : Eam Andronicus Palæologus, Manuelis Græcorum Imperatoris antepenultimi filius, paulo ante vendiderat Venetis, permutatione facta cum Tarviſinæ civitatis redditibus. Theſſalonicam Veneti miſerant Rectorem Marinum Bondomerium cum titulo Comitis Theſſalonicæ : Sed urbs ab Amurate obſeſſa, oppugnata & capta eſt, cæſis deſenſoribus, Venetorumque reliquijs navigio celeriter dilapſis.

Anno 1433. Alisbego Eurenosisbegi filio in Albania superato, belli negotium commissum est Sinanibego. Itacobego, & Turchianibego: qui cum Alibego iterum in Albaniam (quam Annautlar Turcæ vocant) profecti, gravissimâ damna Epirotis intulerunt. Defecerat enim ab Amurate Georgius Castrioti, qui Scanderbegus dicebatur, & Epirum patriam ditionem in libertatem vindicans, irritaverat Amuratem, cui à patre puer datus erat oñses. Anno verò 1435. Amurates uxorem duxit Mariam Despinam Georgij Serviæ Despotæ, & Irene Cantacuzenæ filiam. Hæc Irene soror erat Georgij Cantacuzeni nepotis Ioannis Cantacuzeni Imperatoris, ex Matthæo filio Albanensium Principe, ex hac Maria nullam prolem suscepit Amurates: nam Muchemetes ejus filius ex alia uxore illi natus est.

1435.

1437.

Anno 1437. Amurates cum exercitu venit in Caramaniam, pæceque cum Abrehimo Principe pacta in reditu Buruzen (quæ Cibyre olim vocabatur) ad Mæandrum situm oppidum occupavit. Eodem anno profectiorem instituit in Hungariam, & Semendriam sive Sinderoviam ad ripam Danubij sitam non procul à Belgrado & à filiis natu majoribus Georgij Despotæ Serviæ defensam in ditionem recepit. Duo Serviani fratres Stephanus & Georgius capti, candenti ferro oculis adposito, visu privati sunt. Nam horum pater cum Lazaro filio juniore ad Albertum II. Imperatorem Germanorum profugerat imploraturus auxilium, quod cum tardius venisset, capta Sinderovia Epidaurum, quæ est hodiè Ragusa, cum filio Lazaro se recepit, deportato illuc thesauro, qui æstimabatur precio quinquies centenorum millium ducatorum. Sed cum illum à Ragusinis repeteret Amurates,

rates, is cum facultatibus transijt ad Vladislaum Polonum regem, & Alberti II. in Imperio successorem, Hungariæque regem: cuius ope postea in regnum est restitutus.

Anno 1438. Taurinum, quod nunc Alba Græca vocatum, Amurates invasit, quam Ioannes Auranes defendebat. Situm est Taurinum ad Savi in Danubium confluentem: Sed cum frustra id obsideret, re infecta, se ad Novogrodem urbem contulit, in Serviæ finibus sitam; quam expugnavit, omni agro finitimo in deditio-nem recepto. Amurates interim redijt Hadrianopolim, relicto exercitu Mesitibego Romanix Beglerbego, quem iussit ut per Valachiam in Erdelium, sive Transylvaniam penetraret, & regionem vastaret. Transilvaniæ præfectus erat Ioannes Huniades Matthiæ regis Hungariæ pater, vir strenuus & magnanimus: qui Mesitembegum cum viginti Turcarum millibus fudit, & interemit, anno Christi 1440. Hac tam insigni suorum clade intellecta Murates irritatus, Tibiscam, que nunc Sophia dicitur, Bulgariæ urbem venit: unde Scachum Abedinem bassam cum universis Romanix copijs Acanziis & Genizaris expedit, ut Transylvaniam depopularetur. Sed impressione subita in Turcas facta, Huniades eorum exercitum, qui octuaginta hominum millibus constabat, fudit, & ipsum Abedinem interemit. Casaeo conflictu triginta Turcarum millia, capta quindecim millia: id accidit anno Domini 1441.

Factum est ut eodem tempore Aladinus Amuratis filius, quem pater unicè amabat, è vivis decederet Amasiæ: cuius mors gravissimè miserum afflixit patrem. Is cum esset in luctu Vladislaus ex Jagellonia Polonorum

ſtirpe natus (quem Hungari ſpreto Ladislao Auſtriaco Alberti II. Imperatoris poſthumo, regno præfecerant) cum Huniade Erdelij Bano, ſive Tranſylvaniæ Vaivoda, & Georgius Serviæ Deſpota Stephani filius, junctis copiis ad Cliffaras Iſladinas, quæ ſunt anguſtæ fauces in Hæmo monte, per quas tranſeundum eſt proſecturis ex Bulgaria in Thraciam, venerunt. Adverſus Chriſtianos miſſus eſt Caſanbaſſa cum Turchane bego conflictuque habito, Turchanes metu diſſugit. Caſanes verò cum ſuis fuſus eſt, & interemptus. Induciæ pactæ inter reges: Georgiusque Deſpota in gratiam cum Amurate rediit, & Serviæ dominum recepit: ea tamen conditione, ut quotannis tributi nomine penderet Turcæ dimidiam partem reddituum ſui Deſpotatus.

Dum hæc in Europagererentur, in Aſia res turbabat Abrahamus begus Caramaniæ Princeps, in quem Amurates miſit exercitum, qui illius temeritatem refranaret. Caramanus cum ſe viribus imparem ſentiret, miſſo ad Amuratem Saruma Iacupe, qui vir ſanctus exiſtimabatur, utrumque ad reconciliationem adduxit.

Amurates autem cum ſenio gravaretur, & ad res gerendas minus eſſet idoneus, Maniſam proſectus, ſponte ſe abdicavit imperio, filio Muchemete ſibi ſubſtituto. Cui, quia per ætatem tanto oneri non ſufficeret, adjunxit Cheliſem baſſam Vezirem, cum Menlana Cufrone Cadileſchero, quorum fidei filium cum imperio commiſit. Interea Viadiſlaus Hungariæ rex cum Huniade violatis induciis decennialibus, quas priore bello pacti erant cum Turcis, arma expediunt, advocatis in hanc expeditionem Germanis, Polonis, Boëmîs, Italis, & Valachis, quorum exer-

Tum exercitus superabat numerum octuaginta millium
 hominum. Quod factum est Eugenij III. P. M. opera: qui
 Iulianum Cælarinum Cardinalem legavit ad Vladislauum
 iuvenem, gloriæque avidum, ut illum ad bellum com-
 moveret. Pontificio decreto refragabantur plurimi viri
 boni; qui asserebant nequiquam licere pacta rescindere,
 quæ solenni sacramento stabilita essent. Iurejurando
 enim sese ad eas inducias adstrinxerant Christiani cum
 Turcis, cui pignori dederant hostiam sacram, quæ vo-
 catur Corpus domini. Vicit tandem Pontificis autoritas:
 qui dicebat conditiones pacis non esse servandas, quæ in
 detrimentum Reipublicæ Christianæ pactæ essent, &
 quæ à sacra sede Apostolica non essent approbatæ. Vla-
 dislaus igitur cum suis trajecto Danubio ad Albam Græ-
 cam venit: Materam oppidum, quod Pezechium voca-
 tur, & Sunium vi cepit, ubi quinque Turcarum millia
 cæsi sunt, Nicopolitanumque agrum depopulatus est.
 Burvada sponte deditionem fecit, & præsidium Christi-
 anum admisit. Mechemetes Syrusis begi filius Nicopolis
 begus, eos cum suis insecutus est; exijs aliquot occidit,
 alios captivos ad Amuratem misit. Qui de hoc motu
 certior redditus Manissa relicta Callipolim trajecit, ubi
 jam Classis Italica erat, impeditura Principis in Euro-
 pam trajectum. Sed Amurates ad Dianæ Hierum, quod
 hodie Turris sacra dicitur, Asiatico littori adjacens ad
 augustissimum Propontidis transitum, navigio trajecit
 ad Neocastrum, ad unum supra Constantinopolim Ger-
 manicum milliare, statimque ex Hadrianopoli discedens
 in hostem venit, qui ad Dionysiopolim sive Odyssum
 (quæ Varna nunc dicitur) ad Euxinum Pontum sitam
 confederant. Ibi acerrimè inter utrosque pugnatum est,

Vladislao dextrum cornu, Michaeli Zilagio (qui Niger dicebatur, & cuius sororem Huniades duxerat) sinistrum regente. Huniades cum strenuissimis equitibus, qui ab Hungaris Vitezides vocantur, Anatoliæ Beglerbegum invasit, fudit, & interemit. Concussis hac cæde rebus Turcicis, & jam plerisque in fugam versis, Amurates, quid agendum esset non videns, sublati in cœlum manibus, eductaque à sinu hostia consecrata, quam prioribus induciis pignori acceperat, in hæc verba prorupisse fertur. Christe, si Deuses, ut tui sectatores asserunt & credunt, vindica illorum perfidiam, qui te mihi pignori dedere, nihilo tamen minus pacem tam religiose sancitam per summum scelus violant. Dum hæc exclamaret, Vladislao rex summo conatu in Amuratem delatus, equo impingente excussus est, & humi prostratus, ad quem accurrens Cheserbegus lapsum oppressit, & capite truncavit. Caput Regis cum dextera & armis missa sunt ad Tatarorum regem, ut perfidiæ autorem cognosceret. Vladislao interempto Christiani cum Huniade perterriti in fugam versi sunt, quos Turcæ persecuti sunt, magnūq; ex iis numerū prostraverunt. Alij currus & impedimenta diripuerunt; & ingenti præda ditati per triduum hilaritati indulserunt congratulabundi, de tam insigni tamq; insperata victoria: Pugnam hanc commissam Bonfinus scribit 10. Novembris anni 1444. cæsaque Turcarum triginta millia, Christianorum vero decem millia.

Victor Amurates restituta Muchemeti filio Imperij administratione Manissam iterum se recepit. Sed anno sequenti, qui fuit 1445. iterum revocatus est à Chelibassâ Vezire, & reliquis Principibus, quibus erat commissus

missus juvenis Imperator Muchemetes. Is congregato exercitu Peloponnesum irrupit, Gereniamque urbem expugnatam incendit & delevit. Vnde in Epirum castra contra Georgium Castriotam Scodra dominum, quem multis expeditionibus antea susceptis superare nequiverat: Frustraque rebus in Albania tentatis cum magna suorum clade & jactura discesserat. Eius irritatus insolentia, statuit omnem lapidem movere, ut illum vel opprimeret, vel debilitatum in officio coërceret. Cum igitur Albaniam infestis copiis ingressus esset, Cotziacum urbem expugnavit, totamque regionem crudeliter vexatam diripuit.

His dum occupatus detineretur Huniades Transylvaniae Vaivoda cum numero Germanorum, Saxonum, Hungarorum, & Valachorum exercitu ad Albaniam Græcam venit, progressusque est ad Cosovæ campos: Quibus intellectis, Amurates Sophiam contendens quantas potuit copias celeriter conflavit, advocato ad se Mechemete filio jam adultiore. Interea Valachi trajecto Danubio provinciam infestabant: in quos delati Mechemetes begus, Isabegus, & Viguris filius cum Acanziorum copiis eos repressere & in fugam vertere.

Iam pervenerat Huniades ad Cosovæ planiciem, cum viginti duobus hominum millibus, Turcicus vero exercitus continebat 10000. peditum Ganizarorum 15000. Azapionum præter alios Europæos Asiaticos qui ad 50000. accedebant. Conflictu habito sunt multi utrinque cæsi superati tandem sunt Christiani, & in fugam
versæ

verſi Muchemetes cum patre & exercitu victore Hadri-
anopolim rediit anno 1448. Vnde iterum Amurates iter
inſtituit in Epirum contra Georgium Caſtriotam,
atque in obſidione Croæ metropolis Al-
bania, cū ea potiri non poſſet,
mortuus eſt.



AMV.



PLVS TIBI QVAM NVLLI INDVLST FORTVNA. SED OLIM
HÆSIT IN EPIRO LAVS TVA FACTA MINOR.



EVROPAM ATQVE ASIAM HIC FELICIT' OCCVPAT ARMIS
GRÆCVM ET BITHYNVM DVM RVIT IMPERIVM.



M V C H E M E T E S .



MV R A T I mortuo succes-
sit Muchemetes filius, anno Christi
1450. Is in obsidione Croæ ab exer-
citu salutatus est Sultanus. Qui sub-
lato patris corpore Hadrianopolim
venit, vnde in Asiam traiiciens ma-
gnifico illud Prusæ tumulauit appa-
ratu. Vtque solus imperaret, Tucs-

nem fratrem, sed diuersa matre natum, Mosis ballæ opera
interemit. Idemque de alio fratre Calepino facturum erat,
quem Amurates susceperat ex filia Sponder begi Pendera-
tiæ Satrapæ. Sed iuuenis clā Constanti. abductus in Itali-
am est ad Calixtum III. P. M. Principio sui imperij per
Legatos non satis feliciter pugnauit in Albania, contra
Georgium Castriotam, qui Ischenderbeg dicebatur. At
cum de Constantinopoli occupanda jam pridem cogita-
uisset, congregatis vnde quaque copiis tam ex Asia, quam
ex Europa, exercitum congregauit ducentorum millium
hominum: conuectisq; ingentibus tormentis & machi-
nis bellicis ad urbem peruenit: quam obsessam & vi expu-
gnatam tantis conatibus & militum seruire, vt illam oc-
cupauerit 29. Maij anno Christi 1453. Urbem ingressus
in Hippodramo (quod Atminda dicitur) columnam æ-

neam vidit, cui ænei serpentes triplices in summitate erant impliciti, quorum capitibus olim Constantinus magnus vrbis instaurator tripodem Delphici Apollinis imponi iusserat; adhibitis certis cerimoniis, & incantationibus magicis, quibus quandiu Stichiosis illa, sic enim vocantur, quarum autorem Apollonium Tyaneum volunt historici) superstes maneret, nullus serpens in urbem ingrederetur: eiusmodi occupata Aegypto per Selymum dicuntur fuisse ad Nilum, quæ crocodilorum imperum & sæuitiam impediabant. Vnius igitur serpentis ænei cum Pusdiganò, siue claua ferrea mutilasset Muchemetes, subito magnus serpentum numerus in vrbe visus est: sed de hac re monitus Princeps, à cæterorum fractione abstinuit: factumque est, vt postea serpentes illi fuerint innoxij. Equestrem tamen statuam æneam ibidem erectam, quæ pestis cõtadium ab vrbe auertebatur, deici iussit & comminui. Constantinopoli occupata, postquam animum refecisset in montanis Asiæ ad Olympum, bellum mouit contra Scanderbegum: cui statim ademittit Sferigradum anno 1453.

1453.

Pauloque post eadem vsus felicitate Nonogrado potitus est. Sed Albam Græcam, quæ Belgradum dicitur, non eodem successu oppugnauit: in cuius obsidione Dait caratzes Bassa Europæ Beglerbegus interiit anno Domini 1456.

1456.

1458.

Anno tandem 1458. Muchemetes in Peloponneso urbem Gordum cum aliis aliquot oppidis cepit: annoq; sequenti Semendriam siue Sinderouiam à Stephano Bozinenfi Principe per deditionem accepit. Anno autem 1461 in Anatoliam profectus Castamonem Paphlagoniæ urbem, Sinopem Amasiæ metropolim, & Trapezuntam

1461.

tem

rem Comnenorum Imperatorum sedem , (quæ Tarabosa dicitur) Dauide Comneno cum liberis cæso , suæ adiunxit ditioni.

In eum Vladus siue Vladislaus Draculæ filius Valachiae Voivoda cum conspirasset , Muchemetes eius ditionem occupauit : Vaiuoda cum aliquot suorum euadens fugit in Hungariam ad Matthiam regem Ioannis Huniadis filiū , qui in regno successerat Vlad. Austr. Pragæ extincto.

Anno 1462. Lesbum insulam , quæ nunc Mithylene dicitur , occupauit , expulso Kyriaco Catelusio , qui insulæ dominabatur. Is enim Genuensis erat genere : Lesbi autem possessio ad eos peruenit : cum anno 1355. Franciscus Catelusius Callo Ioannem Palæologum Andronici II. filium contra Ioannem Cantacuzenum tutorem ac socerum , Imperii que vsurpatorem adiuit , quem pro accepto beneficio gratus Lesbo donauit , & illi suam sororem desponsauit : ab illo Francisco longa generis serie ortus est hic Kyriacus , quem Muchemetes expulit , occupata insula.

Anno 1464. Muchemetes Bozinæ ducatum adortus , Stephanum Bosinæ regem Seruiæ , Rasciæ quæ Despotam ad colloquium per dolos ex castello Iaitzano blanditiis evocatum , captumque vivum cute crudeliter exiit. Iaitzamque , Hertzegouinam , & Couadzam sui iuris fecit. Anno sequenti iterum in Albaniam profectus , omnem Castriotæ ditionem subiugauit. Tandem in Anatoliam se conferens Giolchisaren arcem expugnauit in Caramania anno 1469.

Neque multo post Eubœam insulam (quæ Negropontum nostris dicitur , Turcis verò Egripos) inuadit. Ea ditionis erat Venetorum defendebaturque à Ludoui-

1462.

1464.

1469.

co Calbo, & Paulo Erizzo prætor Chalcedis urbis præcipuæ in ea insula. Qua capta Pauli Prætoris filia ob singularem formam ad Muchemetem perducta est: sed mori maluit, quam illius complexus admittere.

Interea Iusufzes begus dux militiæ Vfunchasanis regis Parthiæ magnis viribus Tocatam Armeniæ urbem depopulatus est: & in Caramaniam progressus, magnas clades incolis intulit. Sed Sultanus Mustaphas Muchemetis imperatoris filius Amasiæ præfectus Parthis cum exercitu factus obuius, eos fudit, Iusufzemque cepit, & ad patrem captivum misit, anno 1473.

Irritatus Muchemetes hac Parthorum insolentia, exercitum octuaginta millium hominum ex Anatolia collegit, & in Parthiam contendit cum filiis Mustapha, Baiazite, & Zenic: progressus in Asiam, Corycum, quod Turcæ Charachisar vocant, occupavit. Vfuncaßanus obuiam Turcico non prodijt imperatori. Sed suum militem diuersis in locis in insidiis statuit: in quorum partem inopinatò incidit Chas Murates Romanæ Beglerbegus, & à Parthis oppressus est, & cæsus, suis fugatisque Romanæ militibus: in quos cum sine ordine ferrentur Parthi in aciem, cui præerat Muchemetes, inciderunt, & graui-ter excepti: laborantibus Vfuncaßanus suppetias ferens, graue prælium vtrinque commissum est, Muchemete Bassa & Dautebassâ Anatoliæ Beglerbego strenuè pugnantibus. Victoriaque in Turcas inclinante cæso Zeinello Parthorum regis filio, reliqui in fugam versi sunt: Castra eorum direpta sunt, & ingenti præda Turcæ potiti. anno 1474.

1474.

Muchemetes postea in Stephanum Moldaviæ Vaidam arma mouit, qui Carabogdaniæ princeps erat.

Sed

Sed ab obsidione Scutari, quæ Iscodara dicitur, repulsus est, non leui suorum clade accepta. Atq; sub hoc tempus Muchemetes Vezirem suum Machmutem bassam in frustra concisum autoritate & vita priuauit. Anno deinde 1476.

1476.

Geducem Achmetem bassam cum exercitu decem millium Azaporum, totidemque Genizaris & aliis militibus misit ad mare nigrum, hoc est, ad Euxinum Pontum. Is Cofen, quæ est Theodosia, cum tota Taurica Chersonneso in Turcarum potestatem redegit, cum Kerimis, Crimiis, & Destensibus Tataris. 1476.

1477.

Anno sequente Muchemetes ingenti apparatu Moldauiam ingressus, Vaivodam fudit. Progressusque ad Moravam fluuium, Semendriam Rasciae metropolim (quam anno superiore Matthias rex Hungariae tribus castellis circa ædificatis obsidione cinxerat) liberauit, Hungaris repulsis.

1479.

Anno vero 1479. Iscodaram obsedit, pressamque rerum omnium penuria in sua potestate recepit. Nec multo post ab Hungaris cæsus est Balibegus, Halibego & Isabego sibi fuga consulentibus. Muchemetes interim Mesitem bassam ad oppugnandam Rhodum mittit. Insulae præerat Petrus Albifonius Gallus, equitum S. Iohannis Magister, quem Megalo mastaro vocant. Is fortiter Rhodum defendens Mesitem bassam Vezirem genere Palæologo natum ab obsidione repulit, interfectis plusquam triginta Turcarum millibus.

Eodem tempore alterum Vezirem Geducem Achmetem bassam cum valido exercitu, & potentissima classe misit in Italiam: qui Hydruntum Apuliae urbem (quæ è regione Aulonæ sexaginta interiecto maris Hadriatici sinu

1481.

sinu milliaribus Græcis distat (vi expugnauit & deripuit: captiuos omnis conditionis homines in seruitutem redegit, ipsumque Patriarcham ad aras profugientem serra dissecari iussit. Clades hæc Christianis illata est anno 1481.

Hydrunto expugnata procul dubio Romam progressurus videbatur, nisi morte fuisset præventus Muchemetes imperator. Nam cum in Asiam traiecisset invasurus Aegypti Sultanum, qui suos Legatos ab Usunchasane Persarum rege cum muneribus redeuntes violasset: Tum quod vectigal exigeret à Turcis, qui religionis gratia Mecham se conferunt. Cum enim Scuturium cum classe traiecisset & ad Chisivichen venturus esset, qui locus itinere vnus diei distat à Nicomedia (cuius planicies ad mare Astracenum pertingit) in morbum lapsus est: ad Clyzomenem delatus, locum amœnum & aquis irriguum, quò se olim Imperatores Constantinopolitani conferebāt & recreabant: ideo pratum Teggiurum, hoc est, Principum Græcorum, Turci vocant: illic Muchemetes cum pervenisset, morbo pressus extinctus est, V. nonas Maias. anno Christi

1481.

H

OPPIDA MONTANÆ SVBIGIS DVM IN FIDA CHIMERA
INTE TORLACES TELA CRVENTA MOVET.



NAVPACTVM VENETIS ADIMIS: TVA FRANA METHONE
ACCIPIT: AT GALLI LEMNIA VALLA PREMUNT.



BAIAZETES II.



ECHEME TE in Asia
vita functo Genizari rediuerunt
Constantinopolim, & urbem diripuerunt. Pauloque post Sultanus
Baiazetes, ex Amasia in Europam
traiciens ab omnibus Imperator
salutatus est. Sed eius frater Zemes ex Caramania Prusam Bithy-

niae venit, ibique sibi sedem statuit: in quem statim Baiazetes expediuit Geducem Achmetem bassam ex Apulia accersitum. Is primò Zemen Prusa expulit, qui in Caramaniam fugiens illius quoque persequentium hostium violentia extrusus est: quæ dum gererentur in Asia, Itali recuperauerunt Hydruntum, auxilio usi Matthiæ regis Hungariæ, eo tempore bello clari, Turcasque, præsidiarios omnes in seruitutem redigerunt: acta sunt hæc anno domini 1482.

Zemes secundo prælio victus, desperatis rebus in Rhodum profugit: seque Petro Albussonio Megalomastori tradidit: agebat enim tunc annum vigesimum octavum. Id ubi rescivit Baiazetes, legatos ad Megalomastorem misit cum muneribus, qui illum rogaient, ut

H 2 fra,

farrem Zemen diligenter adseruaret: ad cuius alimenta quadraginta millia ducatorum singulis annis se promisit daturum quandiu Zemes viueret, & perpetuam cum Christianis pacem seruaturum: quod postea bona fide praestitit. Vt autem securius viveret Baiazetes, Megalomastor Zemen in Galliam misit: qui aliquandiu vixit in Burgo novo arce Rhodiorum equitum. Vnde Romam ad Innocentium VIII. Pontificem maximum deductus est: & illic vixit vsque ad Alexandri VI. Pontificatum. Cum Karolus VIII. Gallia rex regnum Neapolitanum occupaturus venisset. Is Zemen impetravit ab Alexandro, cuius ope dicebat se recuperare posse Imperium Constantinopolitanum. Sed Pontifex propinato Zemi venenato poculo, paucos post dies lenta tabe Terracinae extinctus est. Eius filius qui paulo ante à patre apud Alcairēm Sultanum fuerat relictus cum matre, cum intellexisset Patrem Rhodum venisse, eò nauigauit, & Christianam religionem amplexus est: & uxorem duxit, ex qua suscepit duos filios, & totidem filias, vixitque illic priuatus, donec Rhodo à Soleimane capta, filios, (qui se deserturos religionem Christianam pernegabant,) supplicio adfecit, filias verò Constantinopolim duci praecepit.

1483.

Anno 1483. Baiazetes suos omnes Vezires ad se inuitauit, & conuiuio exhibito, vinum cum iis bibit: Sed Geducem Achmetembassam interfici iussit, quod eius potentia Principi jam cæperat esse formidini: quod ad illum sæpe Genizari itabant, publicèque vociferabantur, nisi imperator ipsis liberalius prouideret, se accersituros ex Italia Sultanum Zemen, & pro Imperatore habituros. Eodem quoque anno mortuus est in aula Baiazetis Cafanes Ibrahimus Caramani Principis solus superstes filius, post

post cuius mortem Caramania siue Cilicia ad Othmanorum redacta est imperium. Baiazetes triennium fere integrum in otio transegit absente Zeme, ac Tartaris in societatem & amicitiam receptis. Classem postea magnam cum terrestribus copiis instruxit, vt bello Carabogdavia Vaivodam laceraret: cuius regionem cum esset ingressus, omnia longè lateq; depopulatus est. Urbem Chilium (quæ fuit Achillæa) cepit, arcem dedente Memalaco Castellano. Deinde Moncastrum cum sibi dedit postulasset Turcæ ea conditione, vt cum vita facultates saluè relinquerentur incolis, pacta non præstiterunt, vrbe occupata, sed plus quam quingentas ciuium familias Constantinopolim transferri iussit Baiazetes anno 1484.

1484.

Sultanus interim Memphiticus, qui Alcairanus dicitur collecta magna militum manu duce Vsunesbego ad Adanen & Tarsum Ciliciæ vrbes substitit. Bellum hoc iam à Muchemete cœptum fuerat quod Baiazetus absoluerè statuit, nouis motus iejuniis, nempe quòd ad Sultanum Aegypti Zemes eius frater se receperat, & illum pecunia iuuerat, detinuissetque aliquandiu Zemis vxorem & filium, & quòd se insolentius gereret in Turcas Mecham petentes religionis ergo. Partes igitur Baiazetis tuebantur Anatoliæ Sangiachi, & Ferhâtesbegus Baiazeti gener: Caramaniæque Beglerbegus Caragossa: Pugna inter eos acerrima commissa est, Turcæque à Sultaninis fusi occiso etiam Ferhatébego. Neque multo post Baiazetis iussu Muchemetes begus Chèresisbegi filius, Cum Achmete Herzecogli vltimus Bozinhensis ducis filio qui Romaniam factus erat Beglerbegus, copias in Anatoliam duxerunt, & iuncti cum Asiatico milite Sultaninos iterum secundo prælio inuaserunt, quo captus est Achme-

tes Hertzecogli, & ad Vſbegum cuſtodix traditus eſt. Quod vbi inaudiſſet Baiazetes Daudembaffam iterum cum potenti exercitu expediuit: qui non temere obii- cendum eſſe AEgyptijs duabus victoriis ſuperbientibus ra- tus, retrodixit exercitum: Ad quem venit Aladentes Dulgadires Princeps; cuius ditio extenditur inter Syri- am, Berrhoeam, Amaſiam, Adanam, & Tarſum, inter montes Cappadociæ. Is à Sultano AEgypti deſiciens ad Daudem ſive Daudem baffam, venit, à quo benignè eſt exceptus, & Baiazeto commendatus. Principis Turcici filiam filio ſuo vxorem dari procurauit. Daudes Varſa- cenſem ditionem ingreſſus, quæ eſt in Caramania; Prin- cipes qui hætenus imperio Baiazetis ſubiici recuſauerant, partim occidi, partim in vincula coniici juſſit, alios in gratiam recepit: reliquos Phrygiæ maioris ſatrapas ad pa- cem coegit.

Aliquanto poſt Baiazetes Eunuchum Alim baffam ducem exercitus deſignatum miſit in Anatoliam, qui Adenorum arcem inſtaurauit, & neceſſariis rebus muni- uit, præſidioque firmavit: in eum Sultanus AEgypti mi- litem duxit, qui à Turcis ſuperatus eſt, & cæſus. Sed ite- rum cum expeditiore exercitu reuerſus Sultanus, Ade- nam Turcis ademit, & arcem demolitus eſt anno
1490. Dominis 490.

Baiazetes iterum comparato exercitu Iſchenden- rem begum Michalis filium illi præfecit, illumque miſit in Anatoliam, vt Aladeuli Dulgaduris Duci bellum infer- retis Turcas inopinato aggreſſus duos Iſchenderis filios interemit, patrem captivum miſit ad Sultanum Alcairi, Mameluci quoque AEgyptij in Caramaniam facientes impetum, Larendam diripuerunt & incenderunt, cum
aliis

aliis oppidis ac vicis vicinis; vbi periit Iacubespegus Vsun-
casanis filius. Sed missis vltro citroque legatis, pax tan-
dem sancita est inter Baiazetem & Sultanum, qui Ada-
nam & Tarsum Turcæ restituit: id factum est 1491. erant
enim hæc vrbes ad Caramaniam pertinentes: quas Baia-
zetes extincta Caramanorum gente sui juris fecerat,
& eas Sultanini duces paulo antea occupauerant.

His peractis, Turcicus Imperator arma movit in
Albaniam; & Chimeriotas, montanos Epiri oppressit,
oppida eorum cepit & incendit, incolis in captiuitatem
abductis.

In hac expeditione Torlaces quidam monachus
Turcicus, Eleemosynam se simulans petere Baiazetem
acinace stricto, quem filtro tegebat, interfecisset, nisi
Ischenderbassa sicarii impetum pisdigano, siue massa
ferrea, qua illum humi prostrauit, diuertisset. Quem sta-
tim aggressi milites frustilatis discerperunt: quod con-
tiguit anno domini 1493.

Anno 1494. Iacupes Aga Eunuchus Hungariam
cum novem millibus equitum ingressus est: illi occurrit
Emericus Drenzenus cum septem hominum millibus,
& alia rusticana multitudine, quæ ad quadraginta millia
accedebat: erat enim Banus Hungariæ, qui bellicis rebus
præerat.

Discordia autem inter eum & Hungaros orta, Ber-
nardino Frangipane pugnâ suadente contra aliorum vo-
luntatem, fusi sunt, & maxima clade affecti.

Anno 1498. Baiazetes instructa classe Pelopon-
nesum petiuit, Naupactumque (quod hodie Italis Le-
pauto Turcis verò Inebehti dicitur) Venetis ademit:
propterea quod Georgium Cervovitzium ditionis, illius
quæ

que Cararo vicina est, regulum protegendum suscepissent. Venetis opem tulit Ferdinandus Hispaniæ rex missio in eam expeditionem Consalvo Magno: qui coniunctus classi Venetæ, Cephaleniam Turcis ademit, & S. Mauram oppidum munitum prope Patras & Naupactum. Aduenerunt etiam ad hoc bellum Francorum naves auxilia-trices, à Ludovico XII. Gallie rege missæ quas ducebat Philippus Cliuensis.

Is cum manus cum Turcis confereret, neque suis militibus laborantibus succurrerent Venetorum classes, quibus præerat Antonius Grimanus: re infecta se subducens vela dedit, & Massiliam remeavit.

Naupactenses, cum sibi præsidium adferri non viderent, seque terra marique obsessos sentirent, clauces vr-bis ad Baiazetem detulerunt, seque eius potestati commiserunt anno 1499.

Sequenti æstate Hadrianopoli collecto iterum exercitu Baiazetes in Peloponnesum venit, Methonemque vi captam diripuit; maribus, quotquot in vrbe adultiores invenit, immaniter trucidatis, puerisque & mulieribus in seruitutem abactis. Horum cladem cum audiuis-sent Coronenses Baiazeto se ultro dederunt, anno 1500.

Dumque huic bello intenti essent Turcæ, Veneti cum auxiliari classe, quam Ferdinandus Arragonum & Castellæ rex Caroli V. avus maternus, duce Consalvo miserat, subsidiisque à Ludovico Gallorum rege acceptis, quas Philippus Rauestanus ex Cliuensium Principum familia oriundus adduxerat, omniumque classis continebat circiter hominum decem millia: Hi omnes Mitylenem urbem Lesbi magna tormentorum bellicorum violentia

olentia adorti, ita concusserunt, ut parum abesset, quin ea potirentur: nisi subito expeditissima classe Constantino poli missa, Turcæ hanc obsidionem soluissent, Ravestanus cum suis nauibus discedens, ad Citheram insulam, quæ Serigos dicitur, naufragium passus, cum reliquis exiguus suorum vix saluus euasit. Veneti spe sua deiectione muneribus per Legatos ad Baiazetem missis, illius animum placatum reddiderunt: illique restituerunt Leucadem munitissimum oppidum, quod hodie S. Maura vocatur: hæc acciderunt 1501.

Eo tempore in Tekiensis regione, (quæ est Bithyniæ & Ciliciæ vicina, contineturque Phrygia maiore, quatenus in mediterraneas vergit, versusque Cappadociam Armeniam, & Ciliciam se porrigit) vir fuit primarius nomine Chafanes Chelises: is filium habuit Scachoculum, qui Propheta sanctissimus ab omnibus passim habebatur: ad quem etiam Baiazetus septem asprorum millia solitus erat mittere, latitantem in spelunca quadam, antequam illum sectæ alienæ autorem rescuisset.

Is occupato bellis Baiazete, exantro suo prodiens, adiutusque innumera suorum sectatorum multitudine, tempore nundinarum Attaliam urbem Pamphiliæ, quæ hodie Sertelia vocatur, ingressus, eam diripuit, & Cadium eius in frustra dissecari iussit. Missisque ad finitimas provincias quibusdam suæ sectæ hominibus, proclamari præcepit, ut ad se omnes cum armis properarent, qui suæ saluti vellent prospectum. Statimque factum est, ut rebellium numerus excesserit decem millia: Cum quibus Anatoliam Scachoculis ingressus, Caracossam bassam sibi occurrentem superatum & captum palo infigi iussit. In perduces exercitum duxit Corcutes Baiazetis filius,
I qui

qui & fusus, fugatusque est. Turbatus propter hos seditio-
 forum motus. Baiazetus Alibabassam cum quadraginta
 millibus hominū & quatuor millibus Ianizarorum mi-
 sit in Asiam; cui adiunxit filium suum Achmetem Ama-
 siæ præfectum: antequā eo venissent Keiterbassa Begler-
 begus Iconij, & Zindes Kemalesbegus seditiosos Cara-
 maniam ingressos adorti sunt, à quibus Turcæ sunt supe-
 rati, bassa utroque capto, & capite truncato. Victores ver-
 sus Zibucciam planiciem profecti sunt, vbi ab Alibassa
 excepti, ad manus conferendas coacti sunt, eo prælio Cha-
 fanes Chelifes Scachoculis pater sagitta ictus perit: & Ali-
 bassa temerè in hostes irruens occisus est. Scachocules vi-
 ctoria, ingentique præda potitus in Parthiam iter institu-
 it, versus Tebrissum. Cumque esset in itinere occurrit illi
 Caravanna Ismaelis, Parthorum regis, quæ sericos pānos
 vehabat. Hanc aggressi milites Scachoculis, homines in-
 terfecerunt, & merces diripuerunt. Cum Tebrissum ve-
 nissent Ismael latronum duces supplicio puniuit, & sedi-
 tiosam multitudinem nobilibus & principibus Partho-
 rum mancipia dedit.

Biazetus interea pedum doloribus & senectute
 pressus Hadrianopoli, quæ est ad Rhodopem montem si-
 ta, degebat, quo pauli antò se receperat propter terræmo-
 tum, & pestem, quæ Constantinopoli grassabatur. Is cum
 de successore imperii cogitaret, mortuis jam tribus filiis
 natu maioribus, Schianscia, Mechemete, & Alensciato:
 illi tres adhuc restabant, Achemates, Corcutes & Sely-
 mus. Achomatem sibi succedere cupiebat Pater: Sed Se-
 lymus natu minor instructa classe ex Trapezunte per Eu-
 xinum Pontum in Tauricam Chersonesum navigat ad
 Meche-

Mechemetem Præcopiensium Tatarorum regem, qui Cophæ habitabat, Selymoque prius filiam suam dederat uxorem. A socero gener consilium opemque flagitat in rebus dubijs. Qui in vrbe Zabaca convocatis ex Coppæ & Tana celeberrimis ad Tanaim emporijs auxiliari exercitu, novam classem instruit, illiq; adjungit equitum milia quindecim.

His auctus copiis traiecto Boristene, per Valachiam prope Cheliam urbem Selymus Danubium traiecit: naves autem mari subsequi iussit, & ad Varnam terrestres copias expectare ad oras Bulgaria & Thracia.

Baiazetes filii ferociam animumque ambitiosum iam pridem suspectam habens, missis ad eum legatis (cum eum cum Tatarico exercitu venire audivisset) illum monet amicè, vt ab incepto desisteret. Is patri respondit se Achomatis fratris laceffitum injuriis ex Asia discessisse & in Europam venire, vt luculentiora dominia in hostilibus provinciis adipisceretur, quam quæ illi tradita essent à patre in sterili & scopuloso Colchorum regione.

Baiazetes vt filij animum irritatum aliquo pacto leniret, Samandriam urbem Misyæ & regione Belgradi positam eius adiunxit imperio. Addidit & donum sexaginta millium ducatorum, & mille vestes tam sericas quàm lanceas, cum copiosa annona, quæ omnia suis distribueret militibus.

Selymus interim cum adiret Achamatem ex Capadocia cum exercitu ad Baiazetem properare, instructus expeditissimo Tatarorum equitatu Hadrianopolim contendit, vt patrem interciperet sub specie colloctionis. Patrem enim monuit indecens fore, & contra Dei man-

1311.

datum si filius parentem nō inviseret, & illius manus de-
 oscularetur, cum potissimum ab eo se diligere, & tam liberaliter sibi ab eo provideri videret. Baiazetis filii anim-
 um obstinatum animadvertens, Hadrianopoli Con-
 stantinopolim versus iter instituebat, quod iam in vrbe
 omnia turbare audiret. Habebat enim secum omnes Ve-
 zires, Sangiacos, begos & milites, quibus injunxerat ut se-
 cum Constantinopolim proficiscerentur. Iamq; ad Zor-
 lum oppidum pervenerat Selymus cum equitatu Tartar-
 rico, ubi hærebat Baiazetes valetudine imbecillia, curru-
 que vehebatur obducto velo, cum neque pedibus stare,
 neq; equitare posset.

Ibi pugnandum fuit concurrentibus animosè pa-
 tris filiiq; copijs: Sed fusis Tartaris, Selymus in fugā ver-
 sus est, & versus Varnam elabens navigio Copen repeti-
 vit. Pater viro iter suum prosecutus est: Selymus interim
 in Aegyptum se cōtulit, equo vectus velocissimo (quem
 Carabul hoc est furvam nubem vocabat) cui mortuo, sic-
 ut Alexander suo Bucephalo, sepulchrum condidit ma-
 gnificum. Et iam Achomates, ex Amasia per Bithyniam
 & Galatiam venerat Chalcedonem (quæ hodie Scutari
 vocatur) vnde quotidianis patrem nunciis sollicitabat, uti
 in imperij administratione substitueretur: quod lubens
 præstitisset bonus senex, nisi illum à proposito divertis-
 sent Mustaphas bassā, Ajax, & Bostranges Ducaginoglis,
 qui precio corrupti à Selymo, se maioris emolumenti,
 conatibus Achomatis resistebant. Achomatis partes fo-
 vebant ipse Cadilescherus, & Niscanzis bassā, & Ionuzes
 bassā: quorum conatus cum innotuisset Genizaris, in eo-
 rum ædes irruerunt, & omnia diripuerunt. Chafanisque
 bassæ domum concitata seditione spoliaverunt: Ach-
 metis

metisque, quæ Achomates est, legati qui tunc in vrbe erant noctu se subduxere vt salutis suæ prospicerent. Senex Imperator persuasione bassarum qui Selymo favebant, Achomatem iussit in Cappadociam reverti, vnde illum revocaturum se promittebat, cum opus esse facto videret. Is paterni consilij mutatione irritatus, Bithynia, qua iter faciebat, deprædata, reversus est Amasiam: vbi convocatis filiis suis Amurati & Aladino suasit, in Asiam minorem invaderent, Pisidiamque Lycoaniam, & oram maritimam Pamphiliæ & Ioniæ, quæ provinciæ nullis fere præfidiis defendebantur, Corcuthe Baiazetis filio, qui illis præerat, vitæ tranquilliori dedito. Quas cum paucis diebus in deditionem recepissent duo Achmetis filij, pater eorum rex Asiæ declaratus est. Et cum Mechemetem Scianfiæ filium & Baiazetis nepotem non posset allicere, in illum movit exercitum, & Larendæ obsessum vrbe occupata cum fratre impubere cepit. Hac filij violētia offensus Baiazetes, legatos ad eum misit, qui illum reprehenderent, & illum ad officium revocarent: sed is nihilo mitior admonitione paterna, legationis principem capite truncari iussit, reliquos ignominiosè tractatos minabundus extrusit. Tunc pater hac crudelitate motus, bassarum hortatu, præcipue Mustaphæ, Achometem parricidam, & publicæ quietis hostes declaravit: Selymumq; revocavit, vt belli contra fratrem rebellem dux esset. Indignum enim ducebant omnes & nefas bellum suscipi in filium regium, nisi ductu alicuius ex Otthmannica gente generetur: vt contigerat ipsi Baiazeto, dum Zemem fratrem res novas in Cilicia moventem persequeretur. Corcuthes interim, qui Philosophiæ dabat operam, vitæ generi tranquilliori addictus, ab amicis monitus est, vt maturè re-

bus suis prospicerent. Is igitur ex Magnesia in Phoccam properans, expedita navi Constantinopolim venit ad patrem: sed exiguum templum non procul à Genizarorum domicilio ingressus est, nolens statim patrē adire: cui Baiazetes aliam domum commodiorem iussit preparari, ut tutior esset à Genizarorum iniuriis. Eum cum amicè recepisset pater, & benignè tractaret, non tamen illi ausus est imperij summam committere: propterea quod bonus senex senio & podagra debilis, & ad res agendas non satis idoneus, Præfectorum violentiam formidabat: qui expressè asserabant se non admissuros imperii successorem quenquam ex Principis filiis designari, patre vivo & valente. Selymus cognito Corcuthis adventu, Constantinopolim citissima navigatione ex Aegypto contendit: Iamq; ad Zegmē minorem (quæ Rhegium fuit oppidum subvrbanum, quod stationem pro navibus habet stadiis 102. ab vrbe distans) adpulerat Selymus: Cumq; propius accederet Corcuthes frater illi prodiit obviam, dextraq; vtrinq; porrecta, humaniter se invicem salutarunt, & collocuti sunt: simulque in urbem ingressi, Corcutes in suam se recepit domum, Selymus autem parvo cum comitatu ad hortos Genibaxeos tentoria fixit prope excubitoria Genizarorum, qui sunt cohortes Prætorianæ. Quò postquam venisset, Genizari congregati decem eorum numero ad Bassas ablegarunt, qui dicerent se pro rerum domino & imperatore Selymam agnoscere: Baiazeti ideo significarent propter valetudinem & senio debilitatum corpus, ad res gerendas non amplius idoneo, ut administrationem Imperii relinqueret Selymo filio: id nisi fieret, animadversuros se in ipsos bassas, & per viam constituturos Selymum in thronum regium. Cum his legatis

legatis Bassæ ad senem imperatorem venerunt, eorumq; postulata in medium proposuerunt: Quibus cum respon-
disset, se quandiu viveret nunquam depositurum esse sce-
ptrum regium. Mustaphas bassa qui supremus erat Vezir:
Baiazeti respondit, vale imperator maxime: sed scito bre-
vi fore vt nisi his obtemperes vitam tibi nobisq; adimēt:
Hac motus oratione Baiazetus paulo post rem exactè per-
pendens, Age, inquit, quia sic expedire bono publico exi-
stimatis lubens cedo rerum gubernacula filio meo Sely-
mo: Tum hilares Ganizarij unanimi consensu Selymum
imperatorem salutarunt: qui simulata modestia eam di-
gnitatem recusans, ad Corcuthem fratrem natu maio-
rem eam deferabat: Sed urgente & quasi cogente Musta-
pha bassa, non solum militiæ Princeps, sed totius Imperij
successor, patre connivente & consentiente, declaratus
est: statimq; publicis acclamationibus, & applausu popu-
li, Sultanus & imperator salutatus est: Corcuthes rei no-
vitate, & non expectata cōsternatus, dum tutò licebat, in
Phoccam se recepit, metuens Selymi ambitionem, cru-
delitatem, & perfidiam: quem sciebat omnia noliturum,
vt sublati fratribus solus rerum potiretur, Baiazetus quo-
que pater proditum se à suis animadvertens anno 1512.

Cistas quibus imperatorii thesauri continebantur,
commisit Sultano Selymo: petivitq; vt saltem spatio vi-
ginti dierum sibi liceret in vrbe esse; quibus exactis Di-
motucum urbem Thraciæ peteret, ibiq; reliquum vitæ
tempus exigeret privatus. Quod Selymus non solum lu-
bens concessit, sed patrem adiens imperium se recusare
adhuc simulabat: satis sibi esse affirmans, quod patrem
vidisset, & ab eo clementer esset exceptus. Cumq; consen-
su omnium receptus esset imperator, statim Genizarum
prima-

primarium Achomatis fratris socerum suspendi iussit, & alium quēdam ex Vlofeziorum numero capite truncari.

Paucis diebus interiectis cum Dimotucum se reciperet Bajazetus, Selymus eodem cum patre curru vectus, cum patre de multis rebus collocutus est; mutuoq; amplexu postquam sibi valedixerunt, pater iter profecutus est, filius Constantinopolim reversus est. Is patri adiunxerat Ionuzem bassam, qui curam eius gereret, omnesq; res administraret. Sed secreto fertur cum Ionuze transegisse vt patri venenum propinaret. Quod factum est per medicum Iudæum nomine Hamonem: vt quidam scripserūt. Alij dicunt illi venenum propinatum per medicum patris Vstorabim, cui Solymus promiserat in singulos dies annonam asprorum mille, qui reditus erat annuus dalerorum 9000. cum dalerus 40. valeat aspris, quod precium pactum cum reposceret à Selymo, capitis supplicio affectus est: & Baiazetes cum ad vicum Chapse pervenisset, veneno, quod in Pharmaci potione sumpserrat, urgente, mortuus est. Cuius corpus Constantinopolim reportatum est, & in templo quod prius condiderat,

sepultum: decessit è vita anno ætatis 76.


anno Christi 1412.




QV D PYRRHV M EPIRV S PRISCVM QV D IACTA ACHILLE
PELIDÆ ET PYRRHO MAIOR AD ISTE FVIT.



ROBORE PHARSALICO GETICAS VEXARE COHORTES
PERGE: TVA PATRIA EST LIBERA FACTA MANV.



SCANDERBEGVS.



Ntequam ad Selymj vitam veniamus, necessarium erit hic pauca adicere de iis, quæ cōcernunt excellentes illas virtutes, quæ effulserunt in Principe Albanæ, qui Scanderbegus vocatus est: qui sub finem imperij Amuratis & principium Mechemetis vixit fama celeberrimus tam apud Turcas, quàm apud Christianos.

Georgius Castriota Camissæ sive Ioannis Principis ejus partis Albanæ (quæ olim Aemathia dicta est) & Voisavæ filix Triballorum regis filius fuit. Is à patre datus est obses Amurati cum fratribus, Reposia, Stanisso, & Constantino, qui circuncisionem Musulmannico more recepit, & mutato nomine Ischenderbeg vocatus est, Itali Scanderbegum dixerunt.

Imperatori Turcico propter excellentes animi corporisque dotes longè carissimus. Prima statim ætate duello vicit insolentem Tartarum, in aula Otthomannica omnes ad certamen provocantem: nec multo postea, Iaiam & Zampsam Persas ejusdem insolentiæ & superbiæ, cujus erat Tartarus, animosè superavit. Mortuis au-

1431.

tem parentibus, fratribusque veneno ab Amurate sublati, cum se dominio paterno privari doleret, Croaper Sebaliam occupata, jamque Turcicæ dominationis pertæsus, cum male Amurati contra Pannonas cederet anno Christi 1443. ab eo defecit, & in Epirum astu se recepit. Literas enim per vim extorsit à cæcellario Amuratis, quibus jubebatur Croæ præfectus Scanderbegus urbem committere: quem cum non posset adducere ut simul in Albaniam transfiret, gladio illum transfodit, ne suæ fugæ nuncius esset apud Turcas. Cum his literis expeditissimo cursu in Albaniam pervenit, Croamque se recipiens eas præfecto legendsas tradidit, quas cum primum vidisset, non ignarus quo in loco Scanderbegus esset apud suum Imperatorem, illi urbem cum arcetradidit. Ejecto igitur præsidio, interfectisque aliquot obstinatoribus, & qui religionem Christianam recipere noluerant, suos exhortatus est, ut bono essent animo, & Deo gratias agerent, quòd excusso barbaricæ tyrannidis jugo, pristinæ restituti essent libertati. Alexiani interim congregati Principes Epirotæ venerunt, ut illic communi omnium consilio providerent de omnibus necessariis: non enim dubitabant fore ut breuiter de ijs opprimendis cogitarent Turcæ, post hanc defectionem.

Hi omnes jure iurando se adstrinxerunt facultates omnes operamque se impensuros, & in hoc consilia collaturos, ut Turcarum excusso dominio, vxores, liberosque, & patriam libertati restituerent. Electusque est communi omnium sententia Scanderbegus, qui belli administrationem susciperet. Hac Scanderbegi defectione plurimum turbatus est Amurates, tum quia illum diligebat propter singulares virtutes, tum quòd illum posse plu-

plurimè Turcicæ potentia obesse cognovisset. Itaque maturè providendum huic malo censuit: Et ad reditum cum nequiret illum adducere Ferisembegum hominem strenuum in Albaniam misit cum exercitu 13000. equitum: Quidam Alibegum primò missum fuisse scribunt cum 40000. hominum: ex quibus prælio cōmissō duodecim millia cæsa sunt, mille capta, reliqui fusi fugatiq;. Eadem fortuna postea usus est contra Mustaphambegum, qui in Epirum venerat duabus expeditionibus: Prima cū 10000 secunda cū 15000. totiesq; oppressus est & fusus. Id non ferens Amurates, statuit ipsemet in Albaniam iter suscipere, & Croam regionis metropolim obsidere. In cuius obsidione adduxerat hominum ducenta millia: cūque sæpius Marte dubio, sæpius adverso pugnasset cum hoste animoso, cum illi ex sententia res non succederet, dolore mortuus est, anno 1448. Sebalia & Seremeto ducibus superatis.

Anno 1451. Donicen filiam Ariamnitis Cominati Principis Epirotici, suorum hortatu, duxit uxorem, Muchemtes interim (qui Amurati patri in Imperio succefferat) non ferens Scanderbegum in Epiro dominari, anno 1452. Amesembegum & Debream, præstantissimos militiæ duces, qui illum reprimerent, misit: ij ad Belgradum urbem liberandam, quam Scanderbegus obsidebat, venerunt. Quorum adventu Albani ab osidione repulsi sunt, accepta non mediocri suorum clade, quam plurimū auxit Sebalias bassā. Pactis tandem induciis cum Mechemete, Scanderbegus domum se recepit, vnde in Italiam accersitus est, ut Ferrandum Arragonum regem Alfonsi filium, adjuvaret, quem Andegavienfes Galli regno detrudere volebant. Superatis igitur Gallis, & expul-

fo Picinino qui illis militabat, regn pacificum Ferrando relinquens in Albaniam reversus est anno 1460. Cumque in agros inimicorum frequenter excurrisset & prædas auerteret, offensum sibi rursus fecit Mechemetem. Qui ut injuriam acceptam ulcisceretur, successivè multos duces cum copiis in eum misit, quos omnes singulari virtute oppressos superavit. Primo enim Sinanbassa cum 30000. Secundo Assembegus cum 30000. cum oppugnarunt, & ab eo profligati sunt. Quibus damnis acceptis Mechemetes ad pacem petendam compulsus est: Licet antea victor ubique Constantinopolim, Bozinam, Serviam, Lemnum, Peloponnesum, Trapezuntem, & infinitas Asiæ provincias subjecisset: Pax quidem confirmata est cum Scanderbego; sed biennio postea Venetorum impulsu fracta est: li enim Turcicis armis vexati animadvertiebant statum suæ Reipublicæ plurimum debilitatum iri pace hac cum Albanis facta. Quare misso in Epirum Gabriele Trivisano Procuratore homine nobili & eloquente, tentarunt principem ad arma recipienda adducere: quod cum recusaret constantem, diceretque semel sacrosancte jurata pacta non debere rescindj, Epirotasque longis & difficilibus bellis jam fractos tranquillitatem poscere, neque velle ulterius aleam Martis experiri. Trivisanus cum parum precibus se proficere videret, contulit se ad Paulum Angelum Durazzi sive Dyrachii Episcopum, hominem sui temporis nobilitate, doctrina, & pietate nulli secundum, & qui plurimum auctoritate valebat apud Scanderbegum: Huic Trivisanus negotium dedit persuadenti, ut Epiroticus princeps rursus in Turcas bellum susciperet: Episcopus tantum valuit eloquentia, ut nolentem etiam, & multa prætexentem Scander-

Scanderbegum impulerit commune fœdus cum Venetis inire, quod firmiter postea, quandiu vixit, servavit: Statim igitur ingenti exercitu coacto Turcarum fines invasit, omnia incendiis, cædibus, & rapinis miscens: ingentemque pecudum numerum abigens: ita ut plus quam octuaginta ovium millia, sexaginta bouum & vaccarum, & tria millia equorum laudatissimi generis dicatur avertisse. Hanc tam insignem injuriam ac damnum ægerri-
mè tulit Princeps Turcicus, graviterque irritatus est in Scanderbegum, & Episcopum Dyrrachinum, fœderis fracti autorem, & belli hortatorem. Cum tamen intelligeret Pium secundum Pontificum Romanum novum fœdus moliri militum cruce signatorum; quo Christiani Principes junctis simul viribus Turcis bellum inferrent: ejusdemque Pontificis autoritate Paulum Angelum Ecclesiæ Romanæ Cardinalem factum esse, & Scanderbegum cum titulo regis Albanie insignitū, sacriq; fœderis ducem, & Principem designatum ut impendentib⁹ malis occurreret Mustapham begum in Albaniam ad Scanderbegum literis amandavit, qui illum amicitia & servanda pace retineret: Mustaphas in Epirū venit anno domini 1463. studi utq; qua potuit eloquentia regi persuadere ut pacto staret: Sed cum illum non posset eò adducere, re infecta Constantinopolim reversus est. Mechemetes omni spe pacis sublata, Balabanum Agam natione Epirotam (sed à pueritia Hadrianopolim deductum, quemque Imperator insignibus honoribus affecerat, propter egregiam in expugnatione Constantinopolitana navatam operam) misit cum exercitu 15000 equitum, & trium peditum millibus. Cū igitur in Epirū venisset simulata cum suis amicitia, perfida per fidum exploratorem Scanderbego statim detecta est, iam utræq; acies simul cōvenerant, & ad pugnam accincti ad arma concurrunt: utrinq; multis cæ-

sis Turcæ in fugam vertuntur, Albani eos animosè infecuti, lapsi sunt in insidias in Valle Vascali, ubi nihil tale expectantes ab inimicis excepti sunt: captique viri nobiles, & quorum virtutibus plurimùm fidebat Princeps: Hos Constantinopolim misit Balabanus ad imperatorem, quos licet Scanderbegus tentaverit redimere, vel precio, vel permutatione, nihilo minus restitutionem eorum negavit Turca, exquisitissimisque tormentis excarnificatos, per quindecim dies continuato supplicio illos cute & vita crudelissimè exuit: Iterum Balabanus ad novum prælium se accingens, corruptis excubiis victoria se potiturum speraret, ejus exercitus, qui 18000. constabat, fusus est. Is iterum secundo cum 19000. hostem aggressus, victus est: Tertiòque cum 21000. Et quartò cum 28000. & Iacupes begus cum 16000. profligatus est. Mechemetes per legatos re non procedente ex animi sententia, ipsemet præsens adesse, & Croam obsidione cingere constituit.

Thracia igitur relicta, coactoque exercitu ducentorum millium hominum in Albaniam, qua potuit celeritate, contendit: Sed Scanderbegus qui per exploratores ejus consilia & deliberationē prius cognoverat, suis rebus providit: Croam firmat præsidio valido, cui præficit Balthasarem Perducem hominem singularis virtutis & fidei, annonæ quantum ad multos menses satis esset in urbem invehens, & ea omnia quæ ad machinas bellicas pertinerent, globos ferreos, pulverem sulphureum, & reliqua ad obsidionem tolerandam necessaria. Intra mœnia tamen se non inclusit, ratus esse consultum ut foris cum expedito equitatu quotidianis impressionibus noctu dicque factis obsidentes vexaret; neque illis ullum
 quietis.

quietis tempus præberet. Postquam infinita ab oppidanis ejaculationibus, & excursionibus Scanderbegi Mechemetes damna recepisset, Croamque inexpugnabilem cognosceret, relicto in obsidione Balabano cum octodecim millibus selectissimorum equitum, & quinque millibus peditum: cui & octo adjunxit Sangiacos, quorum consilio & providentia in omnibus uteretur, ipse Princeps Constantinopolim reversus est. Post ejus abitum Scanderbegus urbi bene provisum esse cognoscens, nec multum pertimescendum Balabanum, Romam secontulit, ut auxilium à Pontifice & cæteris Christianis impetraret: sed cum nihil proficeret, in Epirum celeriter regressus est: Scutarum tamen prius adiit ubi consilio habito cum Iosaphato Barbaro Veneto Procuratore, obtinuit copias auxiliares, ad tredecim hominum millia & quadringentos, cum quibus Croam rediit: quam Balabanus compositione transacta cum urbanis sperabat se recepturum: sed ictus globo est tormenti à Georgio Alfio Epirota.

Ejus morte perculsi Turcæ, relictis impedimentis in subitam fugam effusi sunt: cumque Christiani non haberent quibus cum pugnarent, ingenti præda inter se partita, & annona in urbem inuenta, pro consecuta victoria Deo gratias egerunt. 1466.

Anno 1466. Mechemetes iterum ad Croam obsidendam misit Alisbegum & Aiasbagum, qui & ipsi eundem quem priores belli successum experti sunt.

Scanderbegus tandem Ahamate ad Dyrrhachum 1467. cum quindecim millibus hominum superato Alexiam

L

(quæ

(quæ nunc Lissa dicitur) se recipiens, in febrim lapsus,
eaque mortuus est 17. Ianuarij anno domini 1467. ætatis
sux 63. regni vero 24. vir nulli hominum anti-
quorum vel sui temporis rerum expe-
rentia, bellica virtute, aut animi
promptitudine diligen-
tiaque secundus.





EPHESI REGINA VT SIS PRVDENTIA FECIT
QVAEQVE IPSI POTERAT FORMA PLACERE IOVI.



TANTA TVO ES (MERITIS VENIAT SI FAMA) MARITO
QVANTA SVO QVONDAM DEI DAMIA VIRO ,



DONICE SCAN-
DERBEGI V-
XOR.



Nno quarto post eius obitum, subjugata fere tota Epiro & urbe Scutari, Muchemetes quoque Alexiam expugnauit, ubi Scanderbegus sepultus erat. Eius ossa e sepulchro effossa milites Turcici inter se partiti sunt: inclusaque auro vel argento ea gestarunt religiosissimè pro Alexiaco, & mali eventus amuleto. Existimantes in reliquiis tam excellentis viri inesse plurimum energiae & virtutis ad evitanda mala. At Donice Scanderbegi uxor, cum Ioanne filiolo adhuc impubere, quem ex marito susceperat, postquam è vivis decessit, & Epi-

rum à Turcis occupari vidisset , cum aliquot fidis amicis & filio in Italiam navigio transiit , & ad Ferrandum Neapolitanum regem se recepit: qui beneficii priùs ab ejus marito accepti memor reginam humanissimè exceptit, illique montem Garganum in Apulia habitandum concessit.





DICTVS ES EPIRI REX : AT CAPTIVVS HABERIS
DV M PATRV M IN FIDA PRODITIONE PREMIS.



VXOREM ET NATOS BYZANTIA MOENIA SERVET
HÆC FVGE SVNT ILLIC MIXTA ACONITA TIBI.



AMESES CASTRI OTA.



MESES Reposiæ sive Caragusæ Scanderbegi fratris filius fuit, matre natus Turcica. Nam ejus pater Amurati Hadrianopolis sultano cum reliquis fratribus à patre Camusa datus obses, Musulnannicam religionem susceperat, & post circuncisionem Caragusæ nomen sumpsit, uxoremque duxit, ex qua hunc suscepit Amesem: qui semper Georgio patruo adherens, omnibus consiliis ejus aderat, & ejus opera in bellicis expeditionibus libens utebatur. Homo enim erat strenuus ac rei militaris peritissimus, utpote qui institutorem patrum habuit, in bellica arte inter homines sui temporis duces experitissimum. Cum autem Scanderbegus patre mortuo, fratribusque sublatis detineretur in aula Amuratis, sub spe redeundi in Aemathiam patris sui dominium, sentiretque se à Vastro Turca ludificari promissis sine effectu, illius jugi pertæsus, intra se statuit liberratem sibi ac patriæ recuperare. Habebat enim secum semper fideles amicos, cum quibus sua communicabat consilia, & à quibus in doctrina Christiana erudiebatur: Huncque A-

M

mesem

meſem fratris filium inſtituebat in arte militari, & omnibus expeditionibus ſocium ſibi iungebat. At cum Hungari Amuratis provincias invaderent, Scanderbegus electus eſt, qui ad eorum incurſiones opponeretur: contra quos ita militavit ut victor ſine magno hoſtium damno Hadrianopolim rediret.

Anno 1422. Eugenij III. Pontificis Romani iuſſu Iulianus Cæſarinus Cardinalis miſſus eſt in Hungariam ad Vladiflaum regem, qui illi perſuaderet ut ruptis induciis decennalibus paulò antè cum Turcis pactus erat, eorum fines invaderet: Quod ubi factum eſſet, Amurates Maniſæ in Aſia degebat ſenex, & filio Mechemeti juveni adminiſtrationem reliquerat imperij: quia tamen audiret ingentem Chriſtianorum exercitum inſtrui, qui Othmannicam invaderent ditionem, ipſe quoque à ſuis veziribus & præſectis revocatus in Europam, unde quaque novas coëgit copias, quas diverſis commiſit præſectis: inter quos Scanderbegus quoque lectus eſt cuius fidei & magnanimitati multum fidebat. At cum à principio malè cederet Turcis Scanderbegus diffugientibus omnibus ipſe quoque in tutum ſe recepit locum cum Ameſe & aliis aliquot amicis: Illum cum fugiſſe audivit Amuratis Cancellarius, ad eum noctu venit, ut illum reprehenderet, & hortaretur ad recipiendum animum. Hanc occaſionem naçtus opportunam Scanderbegus, Cancellarium comprehendendi juſſit, coëgitque ut illi literas Amurathis nomine ſcriptas, & ejus ſigillo ſignatas (gerebat enim ſecum Principis ſigillum) traderet, ad Præſectum Croæ; quibus juberetur vrbis cuſtodiam Scanderbego committere. Id invitus poſtquam & coaçtus præſtitiffet, ne ad Turcas rediens fugam Albani renunciaret, ab Ameſe

meſe & aliis transſoſſus eſt. Scanderbegus verò cum ſociis ac fratris filio in Epirum celeriter ſe recipiens Croam ingreſſus eſt; expoſitisque Præfecto literis, poſtquam veziris agnoviſſet manum & Sigillum Principis, lubenter urbem curæ & cuſtodix Scanderbegi commiſit, quem ſatis noverat Amurati carum, & plurimum autoritate valere: Poſtquam Muchemetes in imperio ſucceſſiſſet, & adiunctione multarum provinciarum potens factus, ſæpiusque pro recuperenda Epiro magno cum ſuo dâmino cum Scanderbego pugnaſſet: ut vi apertæ dolos jungeret, Amefem ſolicitavit ad defectionem à patruo: quod ſi faceret, illi pollicebatur Epiri regnum, quod ad illum hereditario jure pertinere dicebat: quia Caraguſæ natu ſenioris filius eſſet. Amefes ut ambitioſus erat, ac regni cupidus ad Mechemetem tranſiit, vxoremque & liberos Conſtantinopolim abduxit: Sperabat enim præter regnum Epiri & alias dignitates ſe obtenturum ab Imperatore Turcico potentiſſimo & liberali. Hac defectione lætus Muchemetes acceptisque obſidibus uxore ac liberis Amefis illi commiſit exercitum quinque millium hominum, illique Iſacumbasiam adjunxit cum quo Epirum invaderet: Ita rex ab exercitu fauſtis acclamationibus ſalutatus inſeſto equitum Turcicorum agmine ad Patruſi fines perrexit: à quo inſidiis præventus, ſiſis fugatiſq; & ex majori parte cæſis equitibus, ipſe in patruſi poteſtatem vivus pervenit: qui illi ingrati tudinem & perſidiam in Deum, patriam & conſanguineum genus gravi oratione expro bans, illum arcta juſſit cuſtodia aſſervari: Sed cùm bellis continuis detineretur neque illi qui ſemel tranſfuga fuiſſet ampliùs fidere tutum videretur, illum Neapolim transferri curavit, ad Alſonſum regem, cum quo amicitia

amicitia intima junctus erat. Sed post Alfonsi mortem Andegavenſes Galli duce Picenino regnum Neapolitanum eripere conabantur Ferrando Alfonsi filio, & ſibi vendicare. Quorum viribus impar Ferrandus, ex Epiro Scanderbegum evocavit in auxilium : Regi poſtquam ſuppeticas tuliffet, & Neapolim quietam reddidiſſet, abducto ſecum Ameſe domum rediit: Quem poſtquam defectionis poenitere ſenſit, officiumque in poſterum fidele polliceri, ut erat benignus, illum in gratiam recepit. Sed in retrahenda ex Conſtantinopoli uxore ac liberis ſumma videbatur difficultas, ex Patruſ conſenſu fugam iterum ſimulavit, & ad Mechemetem venit : qui illum quidem excepit, ſed non qua priùs fecerat alacritate: diuque poſtquam eſſet Conſtantinopoli moratus, expectans commodam occaſionem, qua poſſet uxorem inde eximere, ſive fuerit ſuſpectus Turcæ Principi, ſive illi amplius fidere noluerit, dato veneno extinctus eſt; antequam illi in patriam reditus liber conceſſus eſſet.





RES ALBANA TVO EST FORTVNATISSIMA DVCTV.
TERROR ENIM EXPERTIS EST TVA DEXTRA GETIS.



SIVE ANIMVM SPECTET, SEV PVLCHRO I CORPORE ROBRV
NEMO EST EPIRVS QVEM TIBI PRÆTVLERIT.



TANVSAS THOPIVS.



ANVSAS hic filius fuit Goici Thopij, & frater illius Georgij, qui in obsidione Belgradi Macedonij insidijs Sebalix Turcici exercitus ducis præventus, cum aliis multis clarissimis viris casus est magno totius Epiri damno, & Scanderbegi Principis dolore. Patruus hujus vocabatur Andræas Thopius, Musachi & Comini pater, viri omnes illustres, & magnanimi. Maximè hic Tamusas vir fuit animo invicto, unicèque propter virtutum Scanderbego dilectus, cujus opera felicissimè semper usus est in omnibus bellis, quæ contra Amuratem Hadrianopolis Imperatorem, & Mechemetè ejus filium gesta sunt: potissimùm in obsidione Sfetigradi oppidi, Cui Petrus Perlatus à Scanderbego præfectus erat anno 1449. cum Amurates ad occupandam Croam exercitum centum & sexaginta millium hominum adduxisset, quò antequam veniret, Sfetigradum Epiri urbem, à Croa 25. milliaribus distantem, cinxerant Turcici equites, Imperatorem expectantes: in eos Mosacus Golenius Dibriota, Ta-

ta, Tamufas Thopius, & alij rusticanis induti vestibus, fingentes se in urbem convehere annonam asinorum clitellis onustam, Turcas allexerunt ad pugnam, & fugam simulantes pertraxerunt in insidias à Scanderbego locis commodis in valle dispositas, unde irruentes in incautos, omnes fere ad interneccionem ceciderunt. Vrbs tamen non ita multo post capta est proditione nescio cuius nebulonis Dibriotæ, qui precio ab Amurate corruptus, urbem ingressus est, & in puteum (qui unicus in urbe erat, & ex quo aquatum omnes veniebant) canem mortuum coniecit. Dibriotis verò religio est bibere de aqua aliquo cadavere polluta. Cumque nemo ex cisterna vellet vel auderet haurire potum, urbem Turcæ dediderunt. Tamufæ quoque virtus ad Belgradum, apparuit & in pugna, qua superatus Ameses begus, captusq; & ad patrum adductus: Belgradum enim obsederat Scanderbegus duce Mosacho, cui commiserat hominum quatuordecim millia. Ipse verò cum Tamusa, aliis expeditis equitibus dum absens esset, Sebaliasbegus corruptis excubiis, magnam obsidentium stragem edidit: Sed adventu Scanderbegi se recipere coactus est, fusus & fugatus virtute

Tamufæ, qui ad persequendos hostes commissus erat, & in eo conflictu periere Albanorum equitum fere duo millia, & totidem peditum.



NIL TIBI FRAC TA FIDES, NIL AFFECTATA TYRANIS
PRODERIT: IN FIDVS NAM MAHOMETVS ERIT.



SISTE ODIVM: FVROR HIC FACIET MALE SANVS I HOSTEM
DETRACTA VT CAPTVS TV CRVCIERE CVTE.



MOSACHVS GO- LEMIVS.



MOSACHVS qui & Mo-
ises dictus est natione Epirota fili-
us fuit Musachi & Voislavæ: Huius
patrui fuerunt Ariannites Comi-
tatus Scanderbegi socer, & Vladi-
cennas Golemivus Ariamnites, qui
pater fuit Musachi mariti Angeli-
næ Scanderbegi sororis: Hic Mosa-
chus, dictus Dibriota, vir fuit rei militaris peritissimus;
Primumque locum inter Epiroticos Duces, qui Castrio-
tæ militarunt, semper obtinuit: cuius opera contra Amu-
ratem in omnibus expeditionibus felicissimè vsus est,
tam in recuperanda Epiro, quam in ea conservanda
contra Ferisem, Mustaphamque, & contra Venetos
Daini jurisdictionem Leche Zacharia occiso sibi ven-
dicantes. Item in Sfedigradi obsidione: Ante Croam
contra Amesem & Debream: Cumque in obsidione Bel-
gradi absente Scanderbego proditione excubiarum Se-
balias magnâ Epirotarum stragem fecisset. Moyse de eius
reb. rede integrâ spe omni amissa, ac prius multoties iã
à turcis sub ingentibus promissis sollicitatus ad Muche-

metem Hadrianopolitanum Imperatorem transfugit; illiq; suam operam obtulit in expellendo Albano Scanderbego, ea tamen conditione vt rerum potitus ipse stabiliretur in Principatum expulsi, solveretq; Muchemeto quotannis quantum illi tributi injungere vellet. Hunc liberalissime excepit imperator, quod illius generositate, & autoritatem apud suos satis perspectum haberet. Quare trāsfugæ se vltro concedere quod poscebat, & præterea se illi donaturum, post rem feliciter exactam, quicquid posset ab imperatore clemente & liberali expectare. Cumq; ille se Scanderbegum interfecturum spondidisset: Si id præstaret, caputque mortui ad Principem attulisset, percussori promisit munus centenorum millium ducatorum: neq; se vnquam ab eo exacturum vllum tributum, pro possessione AEmathia, quam illi liberaliter indulgebat: sed satis illi fore, si fideliter & constanter perseveraret in officio debito. Vtque hæc firma rataq; essent, chirographo & sigillo imperatorio stabiliri iussit. His promissis onustus Moyse, acceptis quindecim selectorum equitum millibus è Thracia per Macedoniam venit in Epirum: Scanderbegus, qui jam antea de eius defectione certior erat redditus, cum decem millibus equitum illi occurrit ad Dibri in ferioris limites: cuius cum copias egregio ordine instructas considerasset attentius Moyse, motus est non mediocriter: noverat enim Principis Albanii invictum animum, & singularem prudentiam. Prodiens tamen ad primos aciei ordines, illum contumeliosis verbis compellatum, provocavit ad Duellum: Scanderbegus ira percitus, equo citato in perfidum magno ferebatur impetu, sed alter nō ausus expectare huius violentiæ, retrocessit. Subitoq; facta impressione, Scanderbegus cum

cum suis omnib. in agmen adversariorū irruēs, quos iam attonitos turpi Ducis fuga cognoverat, brevi temporis intervallo illos fudit, & viriliter profligavit, elapso fuga proditore cum paucis suorū numero: qui Constanti. regressus, ab imperatore exacerbato hac jactura nō satis clementer exceptus est: & ab omni aulicorū comitatu cum sanna explosus. Homo miser statim cū scientia remordente sensit, se justas suæ proditiōis dare poenas: & ad rerum suarum desperationem actus, intra se non poterat excogitare, quo pacto temeritatis suæ peccatum posset corrigere: Cumq; diu intra se versasset omnia, conclusit expedientius fore ad Clementiam domini refugere, quam ignominiosam vitam inter barbaros vivere. Mutato igitur habitu Hadrianopoli se subducens, in Epirum redijt & ad pedes Scanderbegi cum lacrymis prostratus, petivit delicti veniam: vel si in eius animo exulcerato iusta causa, misericordiæ locus nullus superesset, rogabat obnixè, ut principis manu occideretur. Supplicem Scanderbegus ferre non potuit sed dolenti condolens, illum clementer elevatum jussit secum assidere, dataq; brevi responso veniæ ne diu in tanto doloris cruciatu suspensum detineret, mutato sermone cœpit cum eo colloqui ea qua prius solitus erat familiaritate, datisq; vestimentis illū splendidius tegi voluit, adhibitumq; mensæ regię lautissimè excepit; & liberaliter restituit omnia bona, & patrimonium, quod post defectionem ad fissum fuerat relatum: resarcitaque gratia firmissimè postea perseveravit in officio, & operam fidam navavit principi: potissimum contra Ioannem Andegavensem Principem, regis Galliæ filium, qui Ferrando Arragonum regi eripere conabatur regnum Siciliæ & Neapolis, pertractis iam in suam sententiam du-

cibus Tarenti & Rosanæ; & duce Iacobo Picenino, fere omnes regni vrbes occuparant, præter Neapolim, Capuam Averfam, Gaietam, & Berletam, in qua obsessum Galli tenebant Ferrandum: Obsidionem solvit Scanderbegus adjuvantibus suos conatus Moyse Dibriota, & Gnerico Angelinæ sororis filio: liberatumq; Ferrandum profligatis hostibus restituit regno: Reversus in Epirum invasit iterum Turcarum fines: in quem missus est Aslambegus, qui pugna victus à Moyse vulnus accepit in brachio dextro, vixq; acie evasit: Pauloq; post eandem præstitit operam domino suo adversus Iustumbegum, Carazambegum, & Sereimetum Mechemetis duces. Postremo cum ad vallem Valcalam contra Balabanum bassam pugnaret, & victoriam pertinacius quam par esset persequeretur, in insidias hostium lapsus cum Guirizio Vladienna, Musaco Angelinæ Scanderbegi sororis filio, Gino Musacho, Iano Perlato, Nicolao Berisio, Georgio Churcho & Gino Magnesio insignibus Epirotarum ducibus captus est vivus, & Constantinopolim missus ad Mechemetem imperatorem: qui literis Balabani monitus erat de captivorum nobilitate & bellicis virtutibus. Hos omnes crudelissimus Princeps exquisitissimis tormentis, detracta minutissimis vulneribus cute per dies quindecim excarnificatos trucidari iussit: quamvis eos Scanderbegus vellet redimere vel Turcarum captivorum duplici numero, vel tanto argento quantum ponderabant.





SIC TE VESANO FVRROR ENTHEVS EXCITAT OESTRO!
PRINCIPIS VT VITAE STRVXERIS IN SIDIAS.



BARBARA RELIGIO EST, QVÆ REGVM SANGVINE GAVDIT
NEMO HAC ESSE POTEST IMPIETATE PIVS.





TORLACES DER VISIVS.



TORLACES, qui ab alijs Der-
visius nominatur, monachus fuit Tur-
cicus : qui in Baiazetem Turcarum Im-
peratorem, simulans se Eleemosynam
poscere, irruit, Allahitschi bis procla-
mans, acinacem, quem veste tegebat,
Principem nihil tale expectantem vi-
brans, illi vulnus infixit, & occidisset, nisi Ischenderbas
sa qui præsens adstabat gladium detorsisset, & massa fer-
rea (Pusdoganum quam Turcæ vocant) nebulones ca-
put confregisset : quem statim semianimem milites ar-
reptum frustilatum discerpserunt : Baiazetes hoc tam au-
daci facinore irritatus, Torlaces omnes proscripsit ; &
Constantinopoli, totoq; orientis exegit Imperio : vt eo-
rum vniversus ordo sacer sciret, impietatem summam ef-
se contra suum principem conspirare, & illi manus qua-
cunque de causa inferre. Hoc accidit anno salutis 1493. 1493.
dum Baiazetes expeditionem suscepisset in Chimeriotas
montanos Epiri, qui Acrocerrania incolunt.

Hic notandum est apud Turcas diversos esse religi-
onis gradus ; quos ad imitationem Græcorum sic distin-
xerunt.

Caliphes summus est in religione Musulmanica Princeps, seu vicarius Mahometis Prophetæ: tantę dignitatis, vt etiam hunc titulum vsurpent ipsi Turcarum Sultani, sicut olim Romani Imperatores sibi tribuebant nomen Pontificis maximi.

Secundus à Caliphe est Seriphis locus. Caliphi enim mortuo, Seriphes substituitur, sicut apud Græcos Syncellus Patriarchæ: & Hi recta linea se descendere à Mahomete Prophetâ jactitant: quos Tataři & Turcę summa colunt veneratione, & Scythos vocant.

Pæter hos varij sunt religiosorum hominum gradus. Primo loco Patriarchatum obtinet qui Muphtis dicitur, juris omnis & sacrorum rex: Huic proximi sunt Cadilescheri: qui cum Archiepiscopis nostris conferri possunt autoritate & dignitate.

Cadij sequuntur, locum eundem tenentes, quem apud Christianos Episcopi.

Hogiæ postea veniunt, qui Seniores, vel Presbyteri dici possunt: Deinde Talismani veluti Diaconi: quorum est officium Musulmannos ad preces excitare, interdiu & noctu quinquies. Turres enim messitis adjunctas conscendunt, & acutissima voce clamorem altum tollunt, digitis alteram obturantes aurem & homines ad invocandum numen divinum his verbis exhortantur. In nomine Dei misericordis propicij. Laus Deo regi sæculorum, & pio, regi diei Iudicij. Heus serviamus ei, & heus adiuvabimur. Dirige nos in punctum rectum; punctum eorum, in quibus tibi benè placitum est, & quibus non irasceris, & non errabimus. Hæc omnibus precatio ita est vbique vsitata, vt nobis est Oratio dominica à Christo Iesu tradita.

Postre-

Postremum locum & ordinem servanti apud Musulmannos Dervisij, qui Græcorum Callogeris, nostris verò Monachis comparari possunt: & horum appellatu generalis est: sub qua alij multi comprehenduntur.

Qui simpliciter Derviaſtri à Turcis dicuntur, totum caput abradunt; in suis frontibus & temporibus cauteria inurunt vel ferro candenti, vel accensa spongia, vel linea fascia: aures habent perforatas, quibus inserunt in aures ex iaspide, vel annulos ferreos: Amiciuntur ovillis, vel caprinis pellibus, vna ab anteriore, altera à posteriore. corporis parte adplicata: cætera nudi incedunt tam æstate quam hyeme. In suburbanis, & in pagis habitant: calidior tempore vagantur prætextu religionis: fures sunt, adulteri, prædones, & in quos non sine periculo incidunt viatores, pædicones, & polluti spuris libidinibus: Massaco & oppio vescuntur, vt eo quasi Phrenetici redditi, cultellis sibi incidant vulnera circa collum, brachia, pectus, & latera, sanguinisque fluorem compescunt accensa spongia: & eum dolorem patienter tolerant: habenturq; sancti, & Deo grati. Horum superior sive Præfectus in Anatolia vivit Azembaba nomine: qui Protopapa dici potest.

Calenderes alij sunt apud eos monachi; qui singularem sanctimoniam præ se ferunt; & vitæ continentiam: Sacella minora inhabitant. Tunicas habent curtas absque manicis, strictas instar sacrorum tam è lana, quam ex pilis equorum contextas: Crines penitus abradunt. pileos gestant ex albo filtro, similes Græcanicis quos sacerdotes induunt: nisi quod in horum oris instar fimbriarum dependent vndique longiusculæ equorum jubæ. Annulos ferreos crassos adpendent auribus, collo, & brachiis, imo etiam peni perforato æreum inserunt annulum,

ne etiam si coire cupiant, possint, tantam in sui ordinis sectatoribus sanctitatem, & continentiam requirunt.

Huggiemales alij dicuntur monachi vt plurimum iuuenes, robusti: & inter eos plurimi sunt nobiles & diuites: hi Africam, AEgyptum, Persiam, & Turcarum ditiones religionis prætenu pervagantur. Illis amictus est tunica stricta, Zona lata, serico & auro distincta, cui etiam adplicant tintinabula: cuiusmodi etiam subgēibus adplicāt. Super tunicam leonis, vel pardalis pellem iniiciunt, ungulis in pectoris partem superiorem connexis. Calceos etiam ex funiculis contextos gestant: In aures argenteas vel æreas auriculis adplicant. Capillos in utrumque promittunt humerum, quos oleo terebinthi vel juniperi pervngunt, vt magis promittantur & crescant. Manu vt plurimum tenent librum, & amatorias odas cantant publicè. Formosulos iuuenes, qui fortè occurrunt, medios cōplexi arctissimè deosculantur: & ad cymbalorum tinnitū, & cantilenarum numeros plebem congregant, à qua poscūt munera: dediti sunt vagis, & turpibus libidinibus; quibus non solum in foeminas ardent, sed etiā in mares, & bruta, neq; ab ullo sexu vel ætate abstinent.

Torlaces monachi, sicut & Dervisi, teguntur ovillis, & caprinis pellibus, quibus pallij more induunt & supertrudunt pellem vrsinam: acuminato vtuntur pileo ex albo filtro, qui plicas habet plurimas. alioqui nudi incedunt; cauteriaq; temporibus inurunt. Literarum omnes sunt rudes, ad tabernas, fora publica, & balnea se conferunt vt inde stipem exigant: Rapaces sunt in itineribus, & viatoribus insidiantur, sicut & Dervisi Chiromanticam divinationem exercent: & propterea ad eos magno numero confluunt multi, præsertim mulierculæ, à quibus tanquam

quam sacris vatibus, porrecta manu discunt quæ illis eventura sunt: & hinc quæstum aliquem non vulgarem faciunt: nemo enim illis manum conspiciendam porrigit, sine aliquo munusculo. Ut plurimum senem aliquem sui ordinis circumducunt per pagos & oppida, cui divinos tribuunt honores. Senex ille quasi entusiasmo correptus serio vultu, contortis oculis, caperata fröte se sistit in medium, & nescio quæ profert labris motis, verbis tamen non articulatis, tanquam cœlitus revelata: Nunc instar mortui jacet, nunc rotatis palpebris in cœlum cum suspiriis oculorum aciem attollens ad vitam se redire simulat, & excidium populo minatur, nisi ad pœnitentiam redeat: vel eius intercessione & precibus ira Dei à peccatis hominum avertatur. Hinc modo plebecula, numeribus onerat impostores: hacque liberalitate placatum sibi numen existimant, & Deo grates reddi. Veteratorem hunc proni adorant reliqui Torlaces, & circumvolventis oculos hinc inde, propitium pœnitentibus hominibus Deum pronunciant, onustique præda in suas revertuntur speluncas, turpissimè se invicem libidinibus abominandis polluentes, & adulteriis mulierum, in quas violenter, & quasi cestro perciti feruntur; viri etiam earum nefandos spectantibus & probantibus concubitus: felicesque se arbitrantur, quod eorum vxores viris tam sanctis placuerint; in quarum amorem non nisi spiritu divino moveri putant. Et ideo mulieres hac consuetudine cæteris digniores asserunt.

HIC SI SECRETV SEMPER LATNISSET HEREMO,
PERSA ASIÆ HAUD VICTOS DIRIPVISSET AGROS.



TECKELACHEMENIOS DVM COGIT AD ARMA CVSELBAS,
CAVSAM AIT EXPLOSVM SEDITIONIS HALYN.



TECKEL SCACHO CVLIS.



TECKEL natione Persa, (alij ex Phrygia natum volunt) Chasani Chelisi hominis primarij in Tekiensis regione fuit filius: dictus est Cuselbas, quasi rubrum caput, regium genus con sanguinitate attingebat. Is propter nobilitatem, bonarum literarum cognitionem, & pietatis religionisque cultum, suorum benevolentiam, studium, & admirationem, acquisivit, & divinus Propheta vocatus est. Is Harduelis Aidaris cognatus fuit, & discipulus, præceptori doctrina & religionis zelo non inferior. Cumque Harduelis à lacu Chiorzeynale trucidatus esset, scivireturque in novæ sectæ quam introduxerat, sectatores. Teckel regis metu Euphrate rrajecto in Armeniam fugit, & in Antitaurum spelunca obscura latitans, quæ tamen illi commoda vita est, propter fontium scaturigines, & arbores frugiferas, quæ loco illi vicinæ erant, ibi sexennium fere integrum degens divinarum rerum contemplationi vacabat, contentus eo victu, quem terra suppedabat. Sed tandem

dem à pastoribus cognitus, demum à rusticis, qui vitæ illius austeritatem & pietatem satis mirari non poterant: illi primum necessaria suppeditabant, tandem ab iis per pagos & vicinas vrbes circumductus, ab omni populo pro Propheta divinitatis particeps habitus est: potissimum postquam publicasset suæ religionis dogmata. Inter quæ primum erat, eos ignis æterni supplicio puniendos, qui in Machometis doctrina non sequerentur Halys institutionem. Mortuo enim Mahomete Propheta Musulmanorum, quatuor eius discipuli Homar Honam, & Ebubekir, & Halys Mahometis gener mandata & præcepta defuncti præceptoris, schedulis confusis relictæ, susceperunt, & certo ordine in Alcaronum, sive Alforcanum redegerunt: omnibusq; interpretationem, & commentatitios addiderunt cum alijs quibusdam appendicibus, quæ ad ceremonias pertinent: Tres priores sequuntur Turcæ, Tartari Asiatici, Africanique Musulmani. Halym soli Persæ; Aidaris Harduelis primò, postea huius Tekelis instinctu adprobarunt, tribus prioribus neglectis: qui doctrinam suam crudelitate & voluptatibus involverunt: Utque suos sectatores à reliquis discernant, eos jubent teguminibus capitum rubris redimiri: vnde Cuselbæ dicuntur, hoc est capita rubra, ad differentiam Zagatarum Tartarorum, qui gestant viridia, & Turcæ alba. Harduelem huius doctrinæ autorem interfecit Iacupes Vsumcassanis regis Persarum filius, & in regno successor. Ismael verò Harduelis filius, cum matre Iacupis sorore fugit ad mare Oaspium, ad Pynchalem patris sui amicum veterem, & illius regionis Principem: à quo postea sublato è vivis Iacupe reductus est in Persidem. Is cum audivisset Tekelem ad Tasciam urbem (quæ ad Antitaurum sita est) religionem

nem paternam restaurare, tantumque autoritatis jam esse nactum, ut plus quam sex hominum millia ad se congregasset, qui rubra capitum tegumenta sumpserant, & quos emandabat ad deprædandum vicinos suis dogmatibus adversantes, illum literis monuit & exhortatus est, ut viriliter in cœpto persisteret, pollicitus illi suum auxilium in omnibus. Nam in illum Turcæ iam arma movebant, suasu Cappadocum, & Lycaonum, qui metu Cuselbarum cum vxoribus & liberis Iconium confugerant. Teckel igitur prospero rerum successu elatus, ad urbem Agognem cum magna hominum armatorum multitudine pervenerat, & in eum arma sumpserunt Orchamus & Mehemetes Baiazetis nepotes: nam uterque post suorum patrum Alensaci & Sciansciæ mortem, dominia Lycaonia possidebant. Ii Teckelis potentiam non ferentes in eum surrexerant, tandem viribus impares, ex Lycaonia discesserant. Persæ autem per Asiam minorem vagabundi, & ferro sævientes, usque ad Ancyram, quæ Angori nunc dicitur, penetrarant: & illos Conchutes Baiazetis filius, qui copias non mediocres collegerat Tyatiræ, Sypili, Magnesiæ & in Phocæa, non ausus est invadere. Teckel per Galatiam tendebat in Bithyniam cum exercitu victore, & Caragius bassam sive Caracossam Asiæ Beglerbegum qui auxiliares Asappos ex Paphlagnia, Galatia, Bithynia & Ponto prius congregarat, inopinantem fuderat. Achmetes interim Baiazetis filius primogenitus Cappadociæ & Ponti dominum regens, militem legerat, ut Teckelem opprimeret, sed ij omnes à Cuselbis superati sunt, Caragius bassa vix elabente celeri fuga, amissis eo conflictu plusquam septem Asapporum millibus, & maiori parte Turcici equitatus. Hac victoria potitus Teckel Cuthe-


iam Asia minoris Metropolim obsidet, in quam se Caragiusbassa receperat: Qua expugnata Beglerbegum cum vxoribus, & liberis captivos abduxit. Palatium incendit, urbemque militum prædæ concessit: eosque statim postea duxit ad obsidendam Prusam Bithyniæ urbem opulentissimam: sed ab ea expeditione deturbatus est adventu copiarum Turcicarum, quæ jam ex Europa ad Callipolim per Hellespontum in Asiam trajecerant à Baiazete missæ Halibassaque Eunuchus Macedo bellicosissimus vir cum expeditissimis Macedonum, Mœsiorum, Illyriorum, Epirotarum & Thracum equitibus, & Ianizaris ex Chersoneso in Phrygiam traiecit: monuitque Corchutem & Achmetem, ut convocatis omnibus Hipparchis. (qui Sangiaci dicuntur) illum expectarent in Galatia. Teckel suorum suasu è Ponto discedens abducebat secum infinitam prædam: hanc ut illi eriperet Halybassâ, summa usus diligentia illum adsecutus est in planicie Galatiæ prope Caraassarem. Cuius impetum ut moraretur Teckeles, & locum evadendi tempusque præpararet, vivum Garagiusbassam in via palo iussit affigi. Sed Halysbassâ hoc tam horrendo spectaculo magis irritatus, quam potuit celeritate illum est insecutus cum Achmete, qui se illi prope Angorin sive Aneyram cum decem millibus hominum coniunxerat. Cumq; minus prudenter quam par erat, peditatum longis itineribus defatigatum Achmeti reliquisset, ipse verò cum octo millibus equitum celerissimo cursu fugientes Persas persecutus ad Olygam montem non longè ab Ancyra vehementi solis æstu fractos in eos incurrit: temerèque in agmen hostium se conjiciens, ab ijs cæsus est, cum maiore sui equitatus parte: reliqui amisso duce, fugæ se dediderunt. Teckeles data suis ali-

is aliqua quiete, vt vires reficerēt, traiecto Haly fluvio, Tasciam se recepit. Deinde ad urbem Celenes, quam Maras sive Mariyas fluvius interfecat, venit. Eo prælio quo Halysbassā cæsus est Teckelis quoque pater Chafanes Chelises sagitta ictus interiit: cui mortuo tumulus structus est à Cuselbis, & exequiæ magno ululatu peractæ: Caramusfes autem Vlofeziorum stipendiariorum exercitus Halysbassā præfectus, qui domino suasor erat ne in Persas temere irrueret imprudentius, collectis fusi exercitus reliquiis retrocessit. Halysbassā loco Iunusbassā, Turcico præfectus est exercitui, homo in militari arte expertissimus, & animo invicto: Hinc Achmetes novum commisit exercitum, cum quo Persas insequeretur. Qui non magna mora interposita Teckelem adeo vrsit, vt suis ac præda fere omni relictis in hostium potestatem, compulsus sit in latibula Antitauri; vnde quoque ciectus, in Armeniam cōfugit, omni spe auxilij ab Ismaele recipiendi amissa. Nam qui supererant ex seditioso exercitu viarum longitudine, æstu, & laboribus confecti in Parthiam se recipientes, in via mercatores sericos pannos vehentes interfecerunt, & merces diripuerunt. Tebrisumque appulso Ismael supplicio duces affecit, reliquamq; multitudinem in servitutem redegit. Scachoculim postea captū, vivum cremari iussit: vt auctor est Spandugimis.

PYRCALIS HOSPITIO SOSPES SERVABERE: TANDEM
FATA TVÆ REDVCEM RESTITVENT PATRIÆ.



ALIVATEM EXTRVDES CÆSUM VICISCERE PARĒTEM
INFESTVS TIBI THRAX SED TAMĒ HOSTIS ERIT.



ISMAEL SOPHI.



ISMAEL Persarum rex, Harduelis Aidaris hominis religiosissimi, & novæ sectæ apud Persas inventoris filius fuit. Harduelis hic, licet non usque adeo illustri inter suos natus esset familia, tamen propter pietatem & doctrinam primo in honore habebatur. Divitias enim, deliciasque, & honores, tanquam sarcinas, & impedimenta ad meditationem vitæ æternæ, contemnens, tantum meditationi rerum divinarum sese dederat. Vsum cassanes Persarum rex, pietate illius, & sanctissimis moribus delectatus, illi Martham filiam desponsavit: quam susceperat ex Despina Callojoannis Ponti & Trapezuntij Imperatoris filia. Harduelis propter mutata religionis Musulmanicæ mysteria, quæ ex traditionibus Halys Mahometi generi & discipuli didicerat, tantum autoritatis sibi acquisivit in Perside, & Armenia, ut infinitus hominum numerus illius videndi, & audiendi causa conveniret, possetque ex ejus sectatoribus justus fieri exercitus. Id illum Iacupi Chiorzeynali Vsumcassanis filio (qui patre mortuo regnum occupabat) suspe-

Etum reddidit; cum Iacupis potentia nondum satis in Perside firmata videbatur: & novos motus, quantumvis levissimos, formidabat. Propterea quod Vsum cassanes Assymbeies eius pater Ameniae praefectus paulò antè violentia regnū Persiae occuparat, Malaonchre legitimo rege perempto Post cuius cadem, Persarū Prin., ut fieri solet, alij novi regis Vsum cassanis partes sequebātur, reliqui Malaonchris non deponentes desiderium, ad res novas tendebant. Iacupes igitur non satis certus de rerum suarum statu, potentiamque sororii Harduelis suspectam non ferens, qui Persis jam erat miraculo, propter vitae sanctimoniam, illum per sicarios nihil tale timentem de medio sustulit. Ejusque sectatores quantum potuit è Perside removit. Ismael Harduelis filius adhuc infans, cum Martha matre ad Pyrchalem Hyrcaniae Principem amicum paternum deductus est, & secretò educatus, ut crudelitatem evitaret avunculi. Is paternum dogma firmiter animo retinens, forma corporis venusta, facundia, morumque comitate singulari præditus, jam factus ad ultior summa in æstimatione erat apud omnes. Factum est ut aliquot annis interjectis, Iacupes avunculis uxoris suæ fraude veneno sit sublatus. Quod ubi innotuit: Pyrchales juvenem cum copiis in Persidem reduxit, ut si fieri posset, patenum possessionibus, & patrimonio illum restitueret. Postquam anno Christi 1499. venisset in Armeniam, statim benevolentia suorum magis quam viribus, dominum parenum recepit. Tanto successu elatus, & concursu Persarum, qui eandem quam ipse religionem sectabantur, adjutus, ad Sumachiam Mediae conterminam primò duxit exercitum, quam expugnavit & diripuit: Inde Tebrissum majoris Armeniae Metropolitim

polim, Persiæque caput (quæ Tarva dicebatur antiquis) à Caspio mari itinere dierum quatuor distantem, non procul ab Emporio Derbent, ubi portæ ferreæ Scythas Tataros ab ingressu Persidis arcent) occupavit. Eo tempore Persarum regnum Alvantes Iacupis filius Morarcha fratre seniore expulso post patris interitum tenebat, Tebrisique regium tribunal statuerat. Illi plurimum infensi erant Tebrisini, propter avariciam, & immanem crudelitatem. Quod ubi cognovit Ismael, copias ad urbis portas adduxit: Alvantes motu percitus, cum suis in fugam se dedit, statimque à civibus in urbem est admissus Ismael. Qui Iacupis sepulchrum diruit, ejus ossa dispersit: ut expiaret hac vindicta patris Harduelis necem. Cumque Alvantem fugisse vsque ad urbem Scyram audivisset, oppidaque Persidis & Armenia fere omnia tegumina capitum rubra recepiſſe, ut ad probationem communis religionis testarentur, & jam ad urbem Tasciam, quæ est ad radices Antitauri, conveniſſe plusquam sex hominum millia, qui suafu Teckelis Scachoculis miſſi erant deprædatum contrariæ superstitionis homines, animo concepit totius regni possessionem. Iamque Cappadocas, & Lycaonas belli metus usque adeo perculſerat, ut præcipui illorum uxoribus & liberis Iconium profugerent. Ismael ad Teckelem miſit equitatum Persicum, illumque hortatus est, ut strenuè in incepto perseveraret; se illi opibus & potentia in omni re non defuturum, quicumque belli eventus subſequeretur legatis, interim miſſis in Italiam, Venetos ſolicitabat, ut Turcas bello vexarent, qui jam Teckelem invadebant. Quod cum non impetrassent Legati in Cyprum delati, poſtea in Syriam pervenerunt, ubi Petrus Catharini Zeni filius conſulatum gerebat, & præerat

præerat Venetis, qui in ea regione commercia exercebant: Hunc Legati Ismaëlis rogaverunt, ut Venetis autor esset belli contra Turcas suscipiendi. Baiazetus de hac Persarum cum Veneto colloctione certior redditus, literis apud Campsonem Gaurum Sultanum Aegypti gravissimè conquestus est, quod Persas à Syria salvos abire permisisset. Campson id indignè ferens omnes Venetos qui Alepi, Tripoli, Berrythii, & Alexandria negotiabantur vinctos Memphim trahi præcepit, & immaniter tractatos, magna cum difficultate, vix vita salva, post annum integrum dimisit. Baiazite mortuo cum Selymsu filius barbara crudelitate in suos sæviret fratres: Achemetes natu senior acceptis ab Ismaële copiis auxiliaribus cum quindecim millibus equitum in Galatiam properavit, peditatu sequi jussit: & cum ad Horminum montem pervenisset, & ad Parthenium flumen castra esset metatus, Selymus ad Elatam fluvium pugna habita vicit Achmetem fratrem, captumque strangulari jussit. Amurates ejus filius patris morte consternatus, cum reliquis Persici equitatus in Amasiam rediit, & trajecto Euphrate ad Ismaëlem confugit: qui bello occupatis Othmannicis, subjugatis omnibus provinciis, quæ ab Oceano Persico extenduntur usque ad Servianos, & montem Caucasum, & per oram meridionalem porriguntur ad Hircanum mare, & Coraxeos, & per triennium integrum debellatis Bactrianis & Sogdianis (qui sunt Tataři Zagatæ) ad Oxum & Iaxartem fluvios habitantibus, in Armeniam Achmetis filium invenit, qui Tebrissum se receperat imploraturus opem à rege contra tyrannidem violentam patruī Selymi. Hunc benignissimè exceptum generum sibi data illi in matrimonium filia delegit Ismael: &

el; & cum decem millibus equitum, prope Harsengam Euphrate trajecto, misit in Cappadociam cum Vstaogli Persâ, præcipuo regij exercitus duce. Tantoque successu statim à principio usus est, vt receptis in ditionem multis vrbibus, alijs ferro ac flamma depopulatis, potuisset Asia potiri, nisi Chendemisbassâ Turcici ducis viribus fuisset à felici incepto deturbatus: quem Selymus Sebastâ, quæ Suinas hodie dicitur, reliquerat cum exercitu. Et Selymus ex Hadrianopoli iam venerat Prusam in Bithynia cum quadraginta millibus Asapporum, cum quibus & reliquis copiis, Arsengam, quæ fuit Communa Pontica profectus est: vbi coniuncto cum Chendeme exercitu hostem aggredi statuit. Amurates cum Vstaogli sese iam in vltiorem ripam receperat, regione devastata, ne Turcicis militibus, qui illum in sequebantur, aliquid annonæ relinqueretur. Armenij interim & Aladulienses montani Persarum erant ditionis. Eorum regio per dorsum Tauri à Scordiscis mari finitimis vsque ad Amanum montem, qui Ciliciam cum Syria coniungit, extenditur. Chendemes difficultate rerum, & loci solitudine motus, cum pericula in quæ coniiciendi erant exercitus Mysiorum, Macedonum, Epirotarum, & Græcorum prævideret, hanc expeditionē, quantum poterat, dissuadebat. Sed Selymus viri prudentis consilio non obtemperans, imo falsæ calumniatorum, qui Chendemis gloriæ inuidebant, criminationi aurem præbens, bonum senem proditoris suspectum trucidari iussit. Post eius mortem nemo in contrarium se auso opponere, copias in Armeniam minorem duxit, conniventibus Scordiscorum, & Aladubiensium regibus: progressusque ad montes Moschios, qui ad Iberos, & Colchos porriguntur, & aperiunt Armeniam ma-

Q iorem

iorem ab oriente. Adverso igitur Euphrate venit ad Periardem montem, ex quo oritur Euphrates & Araxes: sed ubique solitudo & rerum omnium horrenda devastatio inventa est: omnibus quæ ad victum pertinebant subtractis, aut vitiatis, nemineque hostium apparente. Postquàm superasset Araxem, Vstaoglis & Amurates obvii Selymo venerunt prope urbem Choïs, quæ olim dicta est Artaxata. Hoc paulo post subsecutus est Ismael cum triginta millibus equitum. Selymus verò plusquam octoginta equitum millia secum ducebat, præter peditatum innumeræ multitudinis, qui sub diversis præfectis agebantur. Europæo equitatu præerat Cassambassa, Asiatico verò Sinambassa Eunuchus. Ibi dato pugnæ signo, primo impetu cæsus est Cassambassa Turcicus, & Vstaoglis Persa. Ismael glande plumbea humerum transfossus è pugna se subtraxit: & suorum suasu in Mediam se recepit. Conflictus hic habitus est ad urbem Choin in Zalderanis campis anno Christi 1514.

In quo Selymus plusquam triginta suorum millia amisit, cum Cassambassa Græciæ Beglerbego, & triginta sex Sangiacis: inter quos fuerunt Turabes & Machometes Malcocis filij. In tanta tamen suorum strage victor remansit Selymus: ad quem statim legatos expediverunt oppidani Choïs & Tebrisi, offerentes annonam, & reliqua necessaria ad reficiendum suum exercitum. Ismael paulo post reparatis viribus cum equitatu Iberorum, Albanorum, & Parthorum redijt in Selymum, qui memor se non potuisse cum centum & quinquaginta millibus selectissimorum hominum sustinere tringinta Persarum millia abductis ex Tebrisi fabricis armorum, multa annona, & pannis omnibus, qui in vrbe erant copiosi, sericis
per

per regionis Hobordenem & Belisenem ad Euphratem redivit: in cuius traiectu duo fere hominum millia perierunt, & impedimentorum plusquam dimidia pars in Iberorum insequentium venit potestatem: maximè bellicæ machinæ, & tormenta ænea, quorum violentia globis ignitis pulvere sulphureo concitatis plurimum cladis Persico exercitui evenerat: Selymus celeri fuga evadens, cum ad Antitaurum pervenisset, ab Aladulienfibus montanis qui in eius milites labore viarum defatigatos diversas fecerunt excursiones, & multos opprefferunt, locorum difficultate attonitos. Salvi tamen pervenerunt reliqui Trapezuntem cum suo Imperatore: postea Amasiam Cappadociæ urbem appulit, vbi hibernavit.

Anno sequenti sub veris principium collecto iterum exercitu in Bithynia, Ponto, Phrygia & Cilicia, accersitisque aliis copiis ex Europæis regionibus Græcia, Thracia, Illyrico & aliis, rediit in Persarum ditionem. Persæ tunc præsidio tenebant Ciammam urbem, sitam in vltiore Euphratis parte paulò infra Melis ostiū. Hanc obsidet Selymus, & expugnat, occupato contra Bacrianos & Hircanos Ismaele, qui cum suis Persis ad Caspium mare militabat: Memor interim cladis acceptæ ad Antitaurum, in Aladoliensem regem arma convertit: quem vi cepit, abduxit, & interemit, defectione suorum destitutum: potissimum Saxovaroglis Principis factione, cuius patrem rex Aladoliensium dolo sustulerat. Fugientem enim Aladoliensem consecuti sunt Sinanbassâ & Saxovarogles, latitantemque in caverna, ac proditum à rusticis, vinctum ad Selymum adduxerunt, qui illum suspendio multavit. Post cuius mortem, regnum in provinciam redactum est, & in tres Sangiacatus distributum.

Q 2 Quibus

Quibus Saxovarogles præfectus est: Relictoque Sinane-
bassa Selymus Constantinopolim repetivit, vt Panno-
nes in Mœsiam & Thraciam incursionem facientes co-
erceret.

Ismael interim rebus in oriente feliciter gestis, è vi-
ta decessit, quatuor superstibus relictis filiis, Tamma, Hel-
ca, Becrane, & Somitza. Quibus regna & provincias ita
partitus est, vt Tamma primogenito rei summam Persi-
cumque diadema reliquerit. Helcas occupavit Assyriam
& Babylonem, quæ dicitur Bagadat, cum tota Mesopota-
mia. Bicran possedit Albanos, Iberos, Medos, & regiones
mari Caspio conterminas. Somitza verò Parthos, Hir-
canos, qui Coraxei vocantur, confines Zagatis Tar-
taris qui olim dicti sunt Arii, Aracosii, &
Margiani, populi Sogdianorum, &
Bactrianorum.






AVCTOR ES VT SELYM⁹ SCEPTRO POTIATVR AVITO!
QVI VITAM RELIQVIS FRATRIEVS ERIPET.



SCRIPTO ACHOMATE SATIS PI⁹ ES DVM PROSPICIS A⁹ MORS
REDDETVR MERCES PRO PIETATE TIBI.



MVSTAPHAS BASSA.



VSTAPHAS primò dictus Callogeros, natus patre Græco sacerdote (qui Callogerorum religionis fuerat sectator) in urbe Seres prope Amphipolim Macedoniae. Homo fuit astutus, dolosus, & fide venali. Quæ interna vitia faciliè manifestabantur signis exterioribus. Vultu maligno, & oculis simulatis. Is in prima pueritia captus, vivente adhuc Muchemete, inter pueros regios, qui Sarraïis nutriuntur, & educantur in omnibus exercitijs militaribus, ut postea idonei reddantur ad Servitium Imperatorum. Sub Baiazeto propter excitatum ingenium & promptitudinem animi, prudentiamque in rebus omnibus circumspectam ad summas provectus est dignitates: Factus enim est Bassavisir, ab ipso Principe, qui primus est gradus dignitatis ab Imperatoria. At cum Baiazetus jam senio pedumque dolore debilitatus esset, cogitaretque de successore imperii, cui adhuc vivens sceptrum regni committeret, Achmetem sive Achamamarem natu majorem filiorum eligere statuerat. Sed Impera-

118 MVSTAPHAS BASSA

peratoris voluntati repugnabant præcipui militiæ Duces, qui à Selynto juniore Baiazetis filio corrupti pecunia erant; quemque noverant animo ferociori, & ambitiore, sperabantque sub illius Imperio majora emolumenta recipere: li enim sub prætextu officii, Baiazeto indicarunt exercitus nūquam permissuros: vt Imperatore vivente & valente, alter rerum gubernacula susceperet: Inter eos qui id suadebant erat hic Mustaphas bassa summus Vezir, Bostanges bassa hortorum Ducaginarum Præfectus, natus illustri familia in Aetolia, homo tamen avarus, ambitiosus, & fide parum integra, sed autoritate apud Principem valens. Horum consilia sequebatur Ajaxbassa Ianizarorum Prætorianorum præfectus, quibus adhæserant reliqui minores duces: Solus Cerseoglisbassa Baiazeto fidelis Achomatis partes fovebat: Is natus erat Chersecho patre, domino montis nigri in Sclavonia. Cui cum desponsata esset puella Serviæ Despotæ filia singularis formæ: nuptiarum die Pater Cerseches Virginis venustate pellectus, illam filio eripuit, sibi que uxorem junxit. Filius patris insolentia & libidine irritatus Constantinopolim relicta patria se recepit, ad Baiazetem, deficiensque à Christiana religione, rejecto Stephani nomine quod in baptismo sortitus erat, post circumcisionem vocatus est Achometes Cherseoglis. Eius virtute & prudentia plurimis in expeditionibus felicissimè usus est Turcarum Imperator. Hoc solo repugnante, reliqui omnes Bassæ Bajazeto erant autores, ne Achomati filio natu majori committeret regni administrationem. Sed cum vita superstiti sibi reservaret. Achomates cum factione Bassarum patris animum immutari vidisset, seque quodammodo spretum, ac sua spe dejectum, indignabundus in Asiam re-

siam rediit, provinciisque deprædatis regem Asiæ se iussit publicè proclamari. Baiazetus filii non ferens audacem temeritatem, & ambitionem, quòdque legatos, quos ad eum pater miserat ut illum in officio retinerent, occidi iussisset, instigatione Mustaphæ bassæ, & aliorum, parricidam filium declaravit, & publicæ quietis perturbatorem. Autorque fuit Mustaphas, ut ex Aegypto revocaretur Selymus, qui patris nomine arma moveret in rebellem fratrem. Selymus igitur Constantinopolim reversus, à Ianizaris, totoque populo Sultanus salutatusest, & instigante apud patrem Mustapha, Imperii administrationem accepit.

Proditum se videns à suis senex Imperator ad Dymoduchum secedens in via æger, porrecta pro pharmaco venenata potione, extinctus est. Selymus rerum potitus fratres suos, fratrumque filias bellis superatos è vita sustulit. Ex quibus cum soli superstites essent Amurates & Aladinus Achomatis filij, qui paulò antè redierant Amasiam, ex qua anno præcedente fuerant à patruo Selymo dejecti Achomate patre in montes Cappadociæ se recipiente. Vt igitur Selymus hos adolescentes incautos opprimeret, delectos & expeditissimos equites præmisit Amasiam, qui illos à fuga impedirent patre in Caramaniam profecto, ut illic auxilia peteret. Urbs Amasiæ invalidis cincta erat mœnibus, & parum firmo munita præsidio. Hæc cum moliretur Selymus, Mustaphas bassas, qui illius crudelitatem & ferociam jam detestari cœperat, sortem adolescentum miseratus, illos de patruo deliberatione & consilio per celerem cursorem literis fecit certiores. Quas cum legissent, citissimè patrem ab itinere revocarunt, qui præsidio fidissimorum, fortissimorumq;

R militum,

militum, urbis custodiam firmam reddidit. Paucis post diebus cum Othmannici equites ad Amasiam venissent, & Achomates eò redivisset, in insidias ejus lapsi, omnes ad internecionem cæsi sunt, aut capti. Sed contigit ut servi Achomatis, qui Selymanis equitibus captivis illudebant, illis objicerent non deesse domino suo ex præcipuis aulicis Selymi, à quibus omnia ejus rescirent confilia; & qui justiori parti faverent, innocentesque tutarentur contra crudelem & barbaram atrocissimi tyranni immanitatem. Postquam aliqui ex his captivis liberati Prusam reversi essent, Imperatori quæ audiverant Amasias ordine declararunt. At ille jam antea suspectum habens Mustapham bassam, cujus animum alienatum à se sentiebat, & illius potentiam nimiam non ferebat, illum jussit ad se venire, exprobansque ingrato priora beneficia, quæ tam pater, quam ipse in servum mancipium contulerant: antequam se posset excusare, jussit in sua præsentia jugulari. Corpus mortui nudatum est, & per ignominiam tractum est in publicum populi spectaculum: qui fortunæ lubricum mirabatur favorem: quod eum virum quem paulò antè tanta autoritate valentem, tantis opibus & potentia fultum, vicissitudinis mobilitate eò reductum cernebant, ut inhumaniter honore sepulchrali, & funebribus exequiis privaretur. Hanc meritorum compensationem retulit à Selymo, qui turpiter ejus gloriæ invidebat, cum beneficia ab eo accepta ex equo non posset remunerare.



TE SYRVS ET PHARII NON SVSTINVERE MANIPLI
INQVE TVAS VENIT GAZA SVBACTA MANVS.



ÆGYPTI ARMATO DIVEXAS MILITE FINES
VICTORI HOSTILES QVÆ DABIT INFERIAS.



SINAN BASSA.



SINAN ex Albania sive Epiro natus est in montibus Lartæ loco ignobili: Illi puero in cunis dormienti scroffa superveniens mordicus avulserat genitalia: pauloque post puer Chirurgorum curæ commissus, pristinae valetudini restitus est, & eunuchus hoc modo redditus. Tan-

dem Constantinopolim deductus ab iis qui Christianorum filios in servitium Principis Othmannici redigunt, & Mechemeto Selymi avo traditus: Qui cum esset habitu corporis præstanti, facieque liberali, & aliquam indolem boni ingenii præse ferret, ab Imperatore amatus est, & ad præcipuos honores postquam adolevit promotus. Eodemque successu sub Baiazete, maximè sub Selymo propter prudentiam, fortitudinem, exactumque in rebus gerendis iudicium usus est: à quo semper inter primos militiæ duces est constitutus. Nam in ea pugna tam celebri, quæ ad Artaxatam in Zalderavis campis habita est.

Anno Christi 1514 inter Selymum & Ismaelem Persam, qua tot utrinque hominum millia ceciderunt, Equi-

tatui Asiatico præfectus erat Sinanbassâ, quem admodum & Cassam bassa erat Europeo : Dumque anno sequente secunda in Persidem expeditione Ciammam urbem ad ripam Euphratis expugnasset Selymus, ejus virtus Turcicis rebus plurimum incrementi attulit : cumque Adululensem regem cum Saxovarogli fuga retraxisset, quo interempto ejus regnum in Provinciam redactum, illique Saxovarogles præfectus, & Sinani bassæ reliquus exercitus Asiaticus Imperatoris iussu commissus est. Cumque defecisset à Turcis Cayerbaies Alepi præfectus, fususque esset Campson Syriæ Sultanus, fugissetque Iamburdus Gazellus cum Mammalucorum reliquiis, & Memphim venissent; dum Damascus, Tripolis, Berythum, Sidon, Ptolemais, & ipsa Hierapolis in potestatem Turcarum devenissent; rebus in Syria compositis Selymus Sinanbassam cum quindecim millibus equitum præmisit in Palæstinam, inde Gazam, quæ desertis arenosis proxima est, per quæ transitus patet in Aegyptum. Sinanbassâ consilio magis quàm vi Gazam occupavit, Arabibus, qui ea loca infestabant, repulsis: Tomombeius à suis post Campsonis mortem Sultanus factus, Gazensibus certior redditus est de Sinanis Bassæ rebus, rationem indicantes, qua posset opprimi incautus, in eum missus est Gazellus cum Mamelucorum equitatu & Arabum turmis velocibus: His per deserta celeri contentione Gazam petentes primus Sinan (prodiones quidem Gazensium ignarus, sed quia ut prudens erat non satis fidebat hostibus recenter superatis & captis) excepit, ab itinere defatigatos opprimit, diffugientibus Arabibus, & cæso Orchania Gobæo Cairi judice, & præfecto Alexandria qui cum Aegyptio equitatu venerant. Gazellus ci-

tissimè

tissimè evadens, Memphim eadem, qua venerat via, remeavit. Gazenses, dum hoc pralio intentus esset Sinanes, irruerunt in ejus castra, ubi aliquot Turcas relictos jugularunt, & impedimenta sarcinasque diripuerunt: duoque millia equitum, quod Selymus ad Sinanem mittebat spoliatos in fugam verterunt: in quos paulo post hostiliter irruentes Arabes, omnes ad internecionem cecidissent, nisi Iulibegi Achaia praefecti adventu repressi essent prope urbem Rama. Hæc postquam nunciata sunt Selymo, illius animum valdè sollicitum reddiderunt: Timebat enim Sinani, in cujus providentia spem omnem occupandæ Aegypti constituerat. Ne igitur tantis difficultatibus laborantem tempestivo destitueret auxilio, properato itinere copias omnes ad Sinanem misit. Qui de proditoribus Gazensibus supplicium sumens, auctores maleficii morte punivit bonaque urbis diripuit, & militibus suis erogavit. Triduoque post in urbe moratus, ne hostibus jam metu consternatis animum recipiendi tempus daret; præparatis utribus, quibus aquæ ad exercitus potum possent importari, octo dierum spatio, superatis desertorum arenis, Memphim pervenit, quamvis in itinere defatigatos, & solis æstu perustos plurimùm infestassent Arabes: Cumque ad Mataream oppidum sex à Memphi milliaribus distantem adpulissent: ad Sinanem compatriotam quatuor equites Albani transfugerunt à Tomombeio, quorum consilio monitus rem prospere ac feliciter contra hostem gessit. Tomombeius enim machinas bellicas sub aggeribus occultaverat, ut Turcas appropinquantibus, & dolorum inscios, ignitorum globorum ejaculatione lethifera posset opprimere. Monitus igitur opportunè Sinanbassa ab equitibus transfugis, in-

gis, insidias hostium prudenter declinavit. Nihilo tamen minus reformatâ acie à tergo instantem Sinanem Tomombeus tanta excepit virtute, tanta utriusque exercitus obstinatione, ut neuter alteri promptitudine aut animositate cedere videretur, & in hoc conflictu cecidit Sinanbassa, Mammelucorum oppressus violentia, qui duce Bidone & Gazello in illum violenter irruerant:

pugnatum est toto die ab ortu solis usque ad
occasum, spectante conflictum Sely-
mo: qui commissus est 24. Ia-
nuarij, anno

1517.



FRATRIB'IMMANE EST SCEPTVRVM VSVRPARE PEREMPTIS
REGNANDI FRANGIT NEMPE CVPIDO FIDEM.



ASSYRIOS, DVM PERSA FVGIT, TIBI REDDE SVBACTOS
ECCE TIBI AEGYPTVS SERVIVET ATQVE SYRI.



SELYMVS OTH- MANVS.



BIAZETO patri mortuo

Postquam solenniter parentasset Selymus, nihil prius habuit, quam cum exercitu in Asiam trajicere: Cuius adventu perturbatus Achomates eius, imparem viribus sentiens, in montana Cappadociæ & minoris Armeniæ confugit, militem coacturus & confœderatorum auxilia. Cumque non posset congregi cum fugiente, Selymus in Bithyniam rediit; pactisque cum Veneto Senatu induciis, & cum Vladislao Pannone rege, & Sigisimundo Polono ne suis obstarent conatibus; neve sibi metueret à filiis suorum fratrum, quinque adolescentes de medio tolli præcepit: inter quos fuit Mahometes Scianfciæ filius, paulo antè captus Laranæ: eadem truculentia sunt interempti Zilib Mechemetis filius & Orfanes filius Alensciati. Cumque in Amuratem & Aladinum filios Achmetis vel Achomati misisset aliquot equites, qui eos opprimerent, res juvenibus declarata est per Mustapham bassam, qui iam pridem Selymi

S 2 crudelita-

131 SELYMVS SVLTANVS.

crudelitatem averſabatur. Paulo poſt ex Pruſa diſcedens iter ſe in Cappadociam ſimulabat ſuſcipere, ſed in Lydiam ſubitò ſe convertit, vt Corchutem fratrem qui tunc Amaſiæ dabat operam Philoſophiæ interciperet. ſed Princeps metuens fratris crudelitatem in Tekienſem regionem fugit: quo cognito vnum è janitoribus ſuis Azemim Caſanem Agam expedit, qui illum è fuga retraheret: Iamque pervenerat cum duobus tantum ſervis ad maritimam oram Corchutes, vt ſcapha piſcatoria in Rhodum tranſiret, ſed Boſtanges baſſa Selymi gener qui illam orā claſſe tutabatur, prope Smyrnam vbi latebat in ſpelunca à ruſtico proditum cepit: dumque illum Pruſam duceret, de Selymi mandato prope oppidum Erigos ſtrangulatus eſt: illiusque corpus Pruſam perlatum, & ſepulchro ſuorum maiorum illatum.

Anno 1512. Achomates reparatis viribus, & adiutus ab Iſmaele Perſarum rege cum quindecim equitum millibus venit in Galatiam, deceptus multis literis, quæ ad illum à pluribus baſſis, & Ianitzaris juſſu Selymi miſſæ erant, pollicentibus defectionem, cum primum præſens adeſſet: quibus fidem adhibens, copias in fratrem adduxit, & ad Neapolim Caramaniæ in planicie conflictu habito victus, fugæ ſe dedit, à qua retractus, & ſtrangulatus, cum reliquis ſepulchro maiorum Pruſæ ſepultus eſt. Amurates morte patris conſternatus, cum reliquiis equitatus Perſici Amaſiam rediit, & communicato cum Aladino fratre conſilio, Euphrate traiecto ad Iſmaelem Perſarum regem confugit, Aladinus ſuperato monte Amano Ciliciæ, in Syriam ſe recepit ad Campſonem Gaurum Sultanum Aegypti. Selymus Amaſia deprædata, abductisque theſauris omnibus, Conſtantinopolim remeavit: ſed cum

sed cum in vrbe sæviret pestis, Hadrianopolim successit; vbi totam æstatem hiememque sequentem venationibus & genio indulgens, loco amœno & salubri exegit. Amuratem Achomatis filium humaniter excepit Ismael, illumque sibi fecit generum: & cum Vstaogli Persici exercitus duce strenuissimo decemque millibus equitum illum remisit in patrum. Primò eius adventu res satis feliciter successit: sed Chendemis bassæ, (qui Sebastæ agebat Anatoliæ Beglerbegus) incursum, vires Persicæ debilitatæ sunt: Adveniente autem Selymo in fugam versi sunt in sequentibus animosè Turcis: quibus ne vlla suppeteret annona, regiones omnes longè latèque, quæ hostes venturi erant, depopulatus est; ferro ac flamma consumens, quicquid ad alimoniam hominum, & pabulum iumentorum faceret: Selymus tamen summa cum difficultate Araxe superato ad Artaxatam penetrans, in campis Zalderanis cum Ismaele, Amurate, & Vstaogli congressus est, pugnaque cruenta victor, & quasi victus evasit. Nam eo prælio Chassambassæ Romanicæ Beglerbegus, & Vstaoglis cæsi occubuerunt, cum triginta tribus Sangiacis, & plusquam triginta Turcarum millibus. Inter Selymi Principes Turabes vel Thures Alisbegus Malcozii filius eum Machomete fratre insignis virtutis specimen exhibuerunt: ruptis enim ordinibus, & facta vi via, ad vexillum regium Ismaelis penetrarunt, & illi vulnus in humero inflixerunt. Excepti tamen à Persis duo fratres, viriliter se defendentes tandem prostrati succubuerunt, & generosè mortui sunt. Ismael verò suorum consilio è pugna se subtraxit. Pugna hæc accidit 26. Augusti anno Christi 1514.

Impedimenta & sarcinæ Persarum in manus Sely-

S. 3. miredata.

mi redacta sunt, & vna vxorum Ismaelis, cum aliis multis nobilium mulieribus: Cumq; Ismael Tebrisijs se tutū non existimaret in Sultaniā fugit: vnde paulo post cum auxiliis Albanorum & Iberorum, Parthorumq;, Turcas invadere conabatur: Sed Selymus post tantam suorum stragē non satis tutum fore manus conferere cum hostibus in tam difficili regione, abductis Tebrisis omnibus fabris armorum & opificibus ad Euphratem suos reduxit, in cuius traiectu, magna impedimentorum, & machinarū facta iactura, multi submersi interierunt, multi ab hostibus insequentibus cæsi. Salvus tamen cum ijs qui superfuervnt, venit Amasiam, vbi hibernavit.

Anno autem sequente reparato exercitu in Persidem reversus est Camachog; vel Ciamma vrbe ad Euphratem sita expugnata, Dulgadirensē ditionem Aladolien sis regis habitationem in provinciā redegit; quam in tres Sangiacatus divisit, iisque præfecit Alibegum Saxovaroglem qui Aladenlis ex fratre natus erat, quiq; paulò antè ad Selymū deficiens, eius res non parum promoverat. Relicto que Sinanebassā cum parte copiarum in Asia, ipse Constantinopolim se contulit.

Hoc tempore Ianizari Pirisbassæ castra per seditionem ingressi, magnas turbas excitaverunt: sed huius seditionis autorē Achmetem bassā Ducaginoglim Vezirazemē curavit interfici Selymus: Constantinopolimq; reversus Ischenderem bassā generum suum, cum Tazifade Cadileschero, & Bali Germe Segnanebassā eiusdem seditionis Amasix factæ conscios supplicio mortis affecit: Pannonum quoque incursiones in Mœsiam & Thraciam, Ionusbassæ Sangiaci Bosnæ Illirici coërcuit.

Cumque audivisset Campsonem Gaurum (qui Can-
saves

faves Gauris à Turcis vocatur) Syriæ & AEgypti Sult-
 anum Ismaelis Persæ res amplexum esse, ad cum misit lega-
 tos Iachin militarem ducem , & suum Cadilefcherum,
 qui Musulmannicæ religionis summus est Pontifex, vthi
 Campsonem ab Ismaelis amicitia & confœderatione di-
 verterent, quod novarum superstitionum autor & fau-
 tor esset, & Mahometicæ legis corruptor. Sed Campson
 Selymo propter crudelitatem infensus, quodque eius vi-
 res potentiam metueret, verereturque ne post Persas sub-
 actos, illum quoque è Syria detruderet, respondit Lega-
 tis sibi nihil esse negotij cum Selymo; se amicis oppressis
 opem quantum illius facultates ferrent, laturum : Legati
 re infecta rediverunt ad imperatorem suum, qui militem
 paratum jam duxerat in Lycaoniam traiecto Bosphoro,
 relicto Solymano filio & Pyrrobassa Constantinopoli: na-
 valibus autem copiis Zafferem Eunuchum, cui maximè fi-
 debat, præposuit. Iamque Selymus venerat Cæsaream,
 cum Iachis & Cadilefcherus à Campsone redierunt: cuius
 responso acerbissimè irritatus est: finxit tamen se iter in-
 stitutum in Persidem velle persequi: vtq; Sultanum delu-
 deret , aliquot ex suis equitibus præmisit, qui Sebastam
 (quæ hodie dicitur Sivas) proficiscerentur. Ipse verò ce-
 lerè regressu à monte Tauro in Commagenam irruit, præ-
 eurrēte Saxovarogli Aladuliense, qui occuparet loca sub-
 iecta Amano monti. Dividit enim Amanus Ciliciam à
 Commagena & Syria. Campson subita Turcarum irru-
 ptione perturbatus Damascum properare studebat. Sed
 interceptus in via, conflictuque habito superatus est, & in
 fuga mortuus: hoc contigit .27 Augusti 1515. eodem die
 quo superiore anno in Zalderavis campis fusus erat Ismael
 Scachus Parthorum rex.

1515.

Mortuo

Mortuo Campsone Caierbeis Calepi, quæ est Hierapolis, præfectus ad Selymū defecit, illique dedit urbem: Ipse vero Iunus bassam misit Damascum, quod ultro dedicationem fecit, cum Tripoli, Berytho, Sidone, & Prolemaide, Mammelucis per desertum in Aegyptum fugientibus.

Rebus igitur summa felicitate, ac pari celeritate in Syria compositis, Sinan bassam cum quindecim millibus equitum præmisit in Palæstinam, inde Gazam, quæ desertis vicina est: Hanc statim Sinan bassam repulsi Arabibus occupavit: Mammeluci, qui duce Iamburdo Gazello Memphim venerant, Tomombeium loco Campsonis Sultanum constituunt: qui apud eos cum magistratus titulum habebat, qui Vlu Duveidar vocatur: qui summus est à Sultano gradus: Is statim Gazellum, (quem Turcis Zamberdim Gazatim Meliculem Vneram, hoc est Beglerbegum Damasci vocant) cum parte sui exercitus remisit Gazam, qui Sinan embassam interciperet, antequam Selymi exercitus iunctus esset: Is per solitudines arenosas prope ratis itineribus festinans, ad confinia Gazæ pervenit, De eius adventu certior factus Sinan bassam, qui Remle erat, nocturna processione copias ducens in hostem, illi occurrit prima luce, invadit, & profligat, magno Circassorum Mamelucorum numero cæso: reliqui superstites compulsi sunt remensis desertis in Aegyptum reverti. Turcæ quos Gazani prodiderant, male excepti sunt à civibus: qui in castra Sinan bassam irruentes, crudeliter sævierunt in ægros, impedimenta sarcinasque diripuerunt. Et duo equitum millia, quos Selymus ad Sinanem mittebat, oppressos spoliaverunt; & in fugam verterunt: in quos Arabes paulo post irruentes, omnes ad internecionem sustulissent, nisi prope urbem Rama adventu Iulij Sangiaci

aci Achaia repulsi essent:quem Selymus ad Sinanē quoque mittebat, vt illius copias augeret, licet inscius esset eorum quæ gererentur. Quem cum postea audivisset periclitari, Hymbracorbassa in limitibus Persiæ constituto, nova auxilia misit iterum ad suos, qui tempestivè succurrerent Iulebo, sive Iulio Sangiaco, inter valles pagi Carabassaræ periclitanti, propter Arabum impetum, qui Turcas infestabāt, Selymus, qui in Sinanis prospero successu & prudentia ad occupandam Aegyptum maximè fidebat, ad illum misit reliquam exercitus partem. Ipse verò paululū à via deflectens loca sancta, & Hierosolymas invisit: peractisque precibus, & muneribus datis Christianis sacerdotibus, postera die ad iter institutum reversus est. Sinan interim de proditoribus Gazanis supplicium sumpsit, eorū facultates militibus suis partitus. Selymus interim Tomombæum legatum misit quendam Muratē Circassum qui domesticus erat Turcico Imperatori, vt cum eo de aliqua compositione honesta ageret: quem Tomombæus, cum ijs qui simul erant in hac legatione iuncti, trucidari iussit. Horum cæde gravissime offensus Selymus, castra Ramam sive Remlen movit: Sed cum eò venisset, audit Remlenses cives, eo tempore quo Sinanbassa nocturno itinere militem duxerat ad opprimendum Gazallum, irruisse in castra, & interfecisse Turcas, quotquot inventi sunt, cadaveraque mortuorum abiecisse in fossas & puteos: horum temerariam crudelitatem cædis autorū morte punivit: Cudsimubarecumque profectus, precibusq; nocturnis in Axameffita peractis, postridie circa meridiem Gazam venit, copiasque suas cum Sinane coniunxit. Cōgregato igitur in vnum exercitu, ne iam perterritis animū recipienti spatium daret, triduo tantum Gazæ moram fa-

T cientes

facientes, superatis desertorum arenis, Sinanus iter Cairū suscepit: preparatis prius vtribus, quibus aqua portaretur ad refocillandos milites sui deficientes: Sed pluvis copiosis refecti sunt, ac sine difficultate solitudinibus relictis Salachigem venerunt: vbi oneratis aqua jumentis, viam continuarūt Sed prius Selymus Chuseinembassam interfecit, quod dixisset temerè inceptam fuisse illam profectiōem. Cum igitur ad Methaream urbem venissent, illic invenerunt Tomombæum cum duodecim Mamelucorum millibus & innumera Arabum multitudine, qui sese hosti viriliter opposuerunt, commissoque prælio, diu incerto pugnādum est Marte: tandem Sinanebassa interempto, ac nocte interveniente, diremptum est prælium quod contigit anno Christi 1517.

Tomombæus celeri fuga se Memphim recepit, cum suorum superstitibus reliquiis. Capti in fuga sunt duo insignes Mamelucorum Duces graniter faucii Bidon & Duveidares Magnus: quos statim Selymus jugulari præcepit. Refecto postea per tridui spatium exercitu Turcico longis itinerum laboribus defatigato, eum statim duxit in planiciem, quæ est inter Memphim & Bulacū, propter aquarum commoditatem: Tandem impetu violento in urbē irruentes, per duos dies, totidemq; noctes, eventu rerum vario, decertarūt: donec re desperata, Tomombæus trans Nilum fugit. Gazellus qui paulo antè missus erat in Thebaidem, ad colligendum militem, cum videret omnia depopulata, urbem captam, Tomombæumque exactum, neque consilio proficere posse, neque recipi, cum aliquot Arabum ducibus ad Selymum transiit, à quo humanissimè exceptus est, & inter primos militiæ duces ob virtutē singularem constitutus. Tomōbæus raparatis in Saiten-
sive

si vel Scieſtica regione viribus rediens, meliorem rei gerēdæ expectabat opportunitatem: Interim Selymus vrbe Memphi potitus, in Sultanino divertit palatio: in superiore conflictu capti erant duo millia & quingenti Circassi, ex quibus duo millia jugulari iusserat Selymus, reliquos custodiæ tradi præceperat. At ne toties rei dubiæque fortunæ eventum experiretur, Legatos ad Sultanum mittere libuit, qui illum ad honestas aliquas pacis conditiones invitarent. Sed hos Mameluci ignominiosè exceptos trucidarūt. Tomombæus cum suis ad Nilum contendit, vt Turcas in traiciendo fluvio impeditos ex improviso adortos opprimeret. Sed in ea contentione, Canoglis Selymi sororius natatu cum suis Tataris superato flumine, Mustapha, Gazello, & Cartbeio advenientibus, Tomombæum in fugam verterūt: Arabes interclusis itineribus illum è fuga retraxerunt: quem Memphim reductum Turcicus imperator iussit strangulari. AEgyptū igitur in suam potestatem redactam in Sangiacatus distribuit: Ionusem bassam præfecit Memphi: inde abiens, iter in Syriam iterum instituit. Alexandriñi re intellecta, dedicationem fecerunt, quos secuti sunt Damiatæ (qui sunt Pelusij) Selymus cum in AEgypto videret omnia pacata, liberalitate sibi conciliavit Arabes, Mauros, & eos qui Syenen habitant. Amyrasses & Rayfalomon, (quos annis superiorib. Campson cum classe miserat ad sinū Arabicū, vt Lusitanos ex emporiis Indicis aromata & odores in Hispaniam divertentes exigerent) cum intellexissent Campsonem & Tomombæum cæsos, AEgyptumque à Turcis occupatam, non parvo metu correpti sunt. Amyrassen Meccam fugientem Rayfalomon in via captum submersit, classeque, quæ Sueflæ erat in portu positus, ad Selymū

defectione transiit. Huius copiis navalibus adiuti Turcæ dextram Africę partem invaserunt; omnesque provincias orę maritimę, quę vsque ad Abyssinorum fines protenduntur, occuparunt.

Selymus igitur redactis ad suum Imperium tot hostium provinciis, bireme per Nilum vectus naclero Curtoglio Halicarnassęo Pyrata, venit Alexandriam prima Iulij anno 1517. ut urbem & arcem lustraret, quę ad Pharium structa est: ut simul videret classẽ, quę paulo antę Constantinopoli illuc appulerat. Cumq; eò venisset, Mamelucos omnes, qui captivi detinebantur, occidi iussit: & quingentas circiter AEgyptiorum potentiorum familias in Thraciam transportari: ne in eius absentia res novas aggredierentur. Simul omnes thesauros tam privatos quam publicos secũ avexit: & marmora exquisitiora, ornamentaq; sumptuosa, quibus Memphitica palatia culta fuerant: præcipuẽ illud insigne palatiũ Dultibę Sultanę, quod ad orientalem partem lacus, qui Memphi est, visitur, omni lapidũ preciosorum incrustatione nobile: quos fama refert fuisse sumptos ex antiquo illo Labyrintho à Meni rege ædificato: id totum denudatum est, & spolia Constantinopolim translata.


At cum intellexisset Ismaelem Scachũ Persię regẽ cum potenti exercitu se accingere ut in fines Turcicos penetraret, constituto Cayerbeio AEgypti præfecto, firmissimoq; præsidio Memphi imposito, in Syriam festinabat, Sed literis Hymbracor bassę (quę reliquerat in limitib. Persicis) certior redditus est, Ismaelẽ impeditum esse bellis contra Scythias & Hyrcanos, neq; quicquam metuendum esse in Perside: Quare mutuo consilio, relicta Gazello Syrię præfectura, Constanti. felici navigatione reversus est. Rebus-
que

que feliciter vbiq; gestis, cum aliquandiu à bellis abstinuisset, Constanti, relicta, voluit Hadrianopolim se cōferre, vt illic aëre benigniore & loci amœnitate frueretur & se recrearet. Hoc in itinere cū Inzuam cum aliquot suorum amicorū venisset, bālneum ingresso tumor & carbunculus pestilēs à tergo circa renes illi emerfit, quo gravissimè tortus est. Inde Chiorlum vrbem Thraciæ contendens (vbi antea cum Baiazete patre conflixerat) urgente necessitate, fixis tentoriis substitit: Dumq; morbo curando intenti essent medici, Dephterdarios quæstores Rationales sive Cameræ præsides, cum Piri & Achmete Bassis præmisi sit Hadrianopolim, qui præpararent omnia necessaria ad festū solenne proximum Bairam, quod incidit in septembrem ieiunio præcedēte, sicut apud nos Pascha. Retinuit interim apud se solum Ferhatem bassam, cum quo de rebus suis ageret: Cumq; illius morbo levamē adferre non possent medici, eodem illo in loco vbi pugnam conseruerat cum patre, & illi venenum dari præceperat, extinctus est anno 1520: postquam imperasset an. 8. & mensibus 8. diebus 8. Princeps acumine ingenij & prōptitudine clarus nisi tantas virtutes infamasset barbara in suos crudelitate. Præter parentem, fratres, ac fratrum filios, sustulerat de medio benemeritos Mustacem Callogerum, Chendemē bassam, Bostangem Ducaginoglin generum suum, Ionusbassam & alios viros illustres: quæ omnia tantum Principem in odium suorum meritò adduxerant.

QVID DUVAT AEGYPTO SYRIAM IVNXISSE, TIBI SI
SVLTANI TITVLVS INVIDA FATA NEGENT



NŌ BENE ACHOMEMOS TENTAS DEFENDERE FINES:
QVI PROPRIIS SELYMVS TE SPOLIABIT ERIT





CAMPSON GAV, R V S.



CAMPSON GAV.

R V S, qui Turcis dictus est Can-
saves Gauris, Aegypti Syriaeque
fuit Sultanus, homo singularis
potentiae & autoritatis inter Ma-
melucos Circassos, qui Memphi
imperabant, & ex sua gente Sulta-
num, hoc est, dominum elige-
bant, penes quem omne jus imperandi consisteret. Is

non mediocriter percussus recenti calamitate, qua prio-
res aliquot Sultani factione militum sublatis erant, cum
à primoribus Mamelucorum tolleretur humeris, & in
palatium invitus deferretur, eam dignitatem obstinate
recusabat, tanquam possessoribus exitialem, rogans cum
lachrymis amicos adstantes, ut illum vivere sinerent in
privato statu, neque illum conicerent in vitae periculum.
Excusabat enim facultatum tenuitatem, quae non suffi-
cerent ad congiarium multib⁹ erogandum; quòdque illi
deesset consilium, & potentia, qua posset tot factionibus
se opponere. Nihilo minus tamen Principes illum hor-
tabantur, ne fortunae munus contemneret, neve repu-
blicam:

publicam, quæ ad illum supplex confugiebat, in tantis rerum perditarum tempestatibus agitatum defereret. His verbis Campsonem adegerunt ad sceptrum capiendum. Statimque Mamelucis distributo decies centenorum ducatorum millium congiario Sultanus communi consensu saluatus est. Inito regno rebelles à vita sustulit, & seditiones, Syriæque & Aegypto summam tranquillitatem reddidit: ita ut sedecim annorū spatio regnum illius nullis bellorum tumultibus vexatum sit. Potuissetque felix dici, si tam potens imperium, quod pace perpetua & immensa opulencia fundaverat, retinuisset tranquillum, neque ad Persarum partes transiisset, irritato Selymo Turcarum Imperatore totum orientem armis subjugante. Fidebat enim Mamelucis suis, qui Turcis non videbantur inferiores, tam arte bellica, quam consilio & experientia: Quique olim Caytbeie duce in Cilicia, Adena & Tarfi magnas clades intulerant Turcis: Misit heum Palæologum, & Cherseoglen Baiazetis generum captivum abduxerant. Hic igitur Campson Baiazete adhuc vivente, cum Legati Ismaëlis Schachi Persarum regis ad Venetos missi essent, ut illos instigarent ad movendum contra Turcas bellum, neque quicquam profecissent, in Cyprum delati, deinde in Syriam multa cum Petro Zeno Venetorum in Syria degentium Consule communicassent, Venetos omnes qui Alepi, Tripoli, Berythii, & Alexandria negotiabantur rogatu Turcæ principis venetos deduci iussit Memphim, indignissimèque tractatos vix vita salva post annum integrum non sine difficultate liberavit. At postquam rerum successu felicissimo Persarum vires non mediocriter diminuisset Selymus Baiazetis filius, qui fratribus omnibus sublatis, Orientis imperium

rium occupabat. Achemete fratre natu majore interempto, eius filius Amurates in Persidem fugit ad Ismaëlem Scachum, alter filius Aladinus superato monte Amanò in Syriam se contulit ad Campsonem Sultanum, ut apud illum tuto vivere posset, à quo supplicis conditionem miserto, benignè exceptus est. Pauloque post Aladulien-
sium regno in provinciam à Turcis redacto, Regis filius Mahometes, Selymi crudelitatem formidans, ad eundem Campsonem transfugit illius opem implorans. Hi duo Principes cum Sultano enarrassent quanta immanitate in populos subactos grassaretur Solymus, & quàm felici successu Asiam fere totam suo imperio subjecisset, homini non mediocrem injecerunt metum, compuleruntque ut armis communibus sese opponeret tyrannidi tantos progressus facienti, ostendentes certò fore ut quærat ambitione & audacia, postquam Persas subegisset, in Syros quoque irrueret, & viribus impares subjugaret. Collecto igitur milite ex Aegypto & Iudæa in Syriam descenderat: Hæc res animum Selymi in Persidem iter molienti non parum offendit. Utque Campsonem ab instituto diverteret, Legatos ad eum misit Cadilescherum summum Musulmannorum Pontificem & Iachin militiæ Ducem, qui belli in Persas causam illi declararent gravissima ratione moti: quod Persæ essent vanarum superstitionum inventores & doctores, totamque Asiam nova religione turbarent, contempta Mahometi prophetæ doctrina, quàm communi sententia inviolatam & immutatam servarant Arabes, Afri, & Asiatici omnes. Legatos Campson longa oratione differentes contra Persas severè reprehendit: addens Sultanorum instituta id jubere ut justitiam colant, & oppressos ab hostium vi-

olentia liberent : Se non posse raptoris iniusti partes sequi, neque Persarum oppressorum injurias inultas relinquere. Selymus cum suos Legatos nihil profecisse videret, superbo Sultani responso irritatus, illum statuit opprimere, antequam suis rebus prospiceret. Et jam trajecto Bosphoro venerat in Lycaoniam, ejusque exercitus Cæsaream attigerat. Campson verò suos milites ab Oronte per Commagenam duxerat Alepum (quæ fuit Hierapolis ad Singam fluvium sita: & quam Hyalon rex Scythiæ evertit, in cuius ruinis Alepius Iuliani Cæsaris temporibus novam urbem de suo nomine iustauravit) Selymus itaque ut Campsonem falleret, intercœptum in Persidem se prosequi sinxit, præmissisque aliquot equitib⁹, qui Sebastiam venirent, ipse converso itinere à monte Taurro, in Commagenam irruit, præcurrente Saxovarogli Aladolienſe, qui Amano monti subiecta loca occuparet. Campson inexpectato Turcarum adventu percussus, suadente Iamburdo Gazello Amani & Apamiæ præfecto viro fideli, & artis militaris peritissimo, statuerat Damascum reverti, & illic belli eventum loco tuto expectare. Sed Cayerbeies præfectus Alepi & Commagenæ, Campsoni offensus, quòd eius fratrem veneno sustulisset, eundemque ipsæ vitæ formidabat exitum, hortabatur ut Turcarum expectaret adventum, & se illis viriliter opponeret: missis interim ad Selymum literis, illi promittebat Alepi deditiōem, & arcis ejusdem urbis, cui præerat. Prælium utrinque summa virtute & animositate commissum est pugnantibus viriliter, Sybeise Balvano Tetrarcha Damasci, & Iamburdo Iazello. Sed deficiente ad Turcas Cayerbeia, interfectoque Sybeise, & alio Tripolis Tetrarcha, Campson jam senex proditiōis dolore

con-

consternatus, & laboribus subitæ fugæ pressus, dum conatur Damascum evadere, in via mortuus est. Gazellus cum reliquiis Mamelucorum equitatus, versus Damascum iter vertit. Postera die Selymus Alepum cum arce recepit, & Ianusbassam cum expeditissimis equitibus celeriter misit, qui Damascum occuparet: Illum cives, postquam Sultani exitum cognovissent, ultro receperunt: Et paulo post reliquæ urbes Syriæ eadem promptitudine deditionem fecerunt. Selymus inter cæsorum cadavera diligenter exquiri iussit Campsonis corpus; quod inventum iussit adferri in publicum, & omnibus videndum proponi: ut hac ostentatione victos perterreret Syros, & in obedientia confirmaret. Nam plurimi conabantur militibus persuadere illum adhuc vivere, & longis itineribus, properataque festinatione Memphim petere, ut illic novo exercitu Aegyptiorum & Arabum reparato, Syria Turcas exigeret, locorum ignaros, & annonæ penuria laborantes. Sed tam lugubri spectaculo consternati, omni spe recuperando libertatis excussa Selymo fidem & obedientiam promiserunt: Qui conditionis humanæ, rerum vicissitudinis memor, suasu amicorum corpus Sultani mortui putredine jam semicon-

fectum capulo claudi præcepit Alepumque transferri, & honorificè sepulchro infer-

ri. Pugna hæc habita est 27. Augusti, anno domini

1515.

INDUBIO SVNT RES AEGYPTI: DESERE SCEPTRA,
QVÆ TIBI SVNT FRACIA NON RETINĒDA GVLA.



RES CIRCASSORVM CVRA FOVLISSE FIDELI,
SORTE ETIAM ADVERSA GLORIA MAGNA TIBI EST



TOMOMBEIVS.



POST Campsonis mortem Mameluci, qui pugnae super-
 fuerant, Duce Iamburdo Gazello,
 (qui Damasci hærere non ausus est)
 via mutata per solitudines areno-
 las Syriam ab Aegypto scernen-
 tes, Memphim (quæ est hodie Cai-
 rus) pervenerunt. Utque rebus af-
 flictis consulerent, Tomombeium sive Tomombaim
 Circassum (qui tunc Deadarus magnus sive Vlu Duvei-
 dar, vel Emir Chebir, hoc est magnus militiæ præfectus
 erat, maximus à Sultano magistratus) singulari virtute ac
 prudentia virum constituerunt sibi Principem. Is enim
 solus erat, qui Mamelucorum dignitatem poterat restau-
 rare jam oppressam & jacentem, & imperij collapsi rui-
 nas in integrum restituere. At cum in armis rei summam
 consistere sciret, & omnem spem salutis in bello versari,
 statim ad arma fabricanda convertit animum, ad deli-
 gendum militem, & convocandum equitatum, aliaque
 necessaria ad militiam. Quapropter missis ad omnes vi-
 cinos Legatis, eorum opem contra hostem publicum
 implovavit, ab Arabibus & Africanis. Nunciosque ad

Ismaelem Persam festinare coëgit, qui illum rogarent ut in Commagenam & Asiam minorem præfidiis Turcicis ex maiori parte destitutam irrueret, hostemque ab incoepto bello averteret ad defendendas suas provincias. Interim Sinanbassa repulsis Arabibus, qui ea loca incursionibus infestabant, Gazam jam occupaverat. Tomombæus à Gazanis de iis quæ gesta erant certior redditus, ac faciliè videri Sinanem opprimere, antequam reliquus illi exercitus jungeretur, Gazellum cum equitatu expedit, qui inexpectato adventu hostes funderet. Is igitur per solitudines celeri festinatione Gazam venit, ubi Sinanem obvium præter opinionem habuit non procul ab urbe Remle, qui nocturno itinere eò venerat hostem excepturus, quem, ut erat consilio bono, non dubitabat venturum. Tanta igitur properatione ad hostem accessit, ut prima luce ejus copias adsecutus sit lōgo labore itinerum emensorum defatigatas: cū quibus non modò conflixit, verum etiam victoria potitus, magnum Mamelucorum numerum interemit, reliquis fuga elapsis cum Gazello, qui remensis iisdem solitudinibus per quas venerant Memphim regressi sunt. Dumque hic conflictus haberetur, Gazenses urbe sua prorumpentes, Sinanis bassæ castra incenderunt & deprædati sunt: qui etsi nihil tale vereretur, paucis tamen antè diebus extra urbem castra fuerat metatus. Hæc proditio Selymum movit non mediocriter, qui propterea reliquam exercitus partem ad Sinanem properare jussit: trajectisque desertorum arenis in Aegyptum pervenit; quamvis illos in via plurimùm incommodarent Arabes, noctu diuque assiduus velitationibus Turcas æstu sitique languidos vexantes.

Tomom-

Tomombeius, ut periculo instanti succurreret, Mathaream oppidum sex à Memphi miliaribus distans, & opobalsami fertilitate nobile, machinis bellicis, fossis, & vallis muniverat: ubi cum duodecim Mamelucorum millibus, & valida manu equitatus Arabica Turcas expectabat. Interim quator equites Albani ad Sinanem (qui & ipse Albanus erat natione) noctu profugerunt à Tomombæo, cui militabat: monueruntque ut Mathaream partem evitaret, ubi sub aggeribus secundum viam regiam, per quam Turcæ venturi erant, occultabantur machinæ bellicæ, quibus hostes invasuri erant Aegyptii. Horum consilio monitus Sinanbassa, deflexit ab ea viâ suum exercitum, ut globorum ejaculationibus non caderetur. Sed Tomombæus reformata copiarum forma, à tergo instantem tanta virtute excepit hostem, ut nihil intentatum relinqueret, quod ad victoriam obtinendam facere videretur. In hac pugna occubuit Sinanbassa Gazelli & Bidonis oppressus violentia. Tandem adveniente nocte, & prælium dirimente, Mameluci fuga elapsi versus montes vicinos, & in ipsam urbem se receperunt. Selymus refecto ad Mathaream & Rhodaniam suo exercitu, post triduum ad urbem venit; hæsitque prope Bulachum. Tomombæus octo servorum Aethiopum millia armis instruxerat; & ex Mauris, Arabibus & Iudæis auxiliariis novas vires reparaverat: cum quibus statuerat Turcarum castra invadere, & impedimenta diripere vel incendere: Sed à conatu impeditus est, re Solymo per transfugas prodita. Memphi igitur obsessus per triduū integrū incerto rerum eventu, & comuni militū strage pugnātū est obstinacissimè; donec immissus undique flammis, ædificia passim cremarentur & decide-

deciderent in obsidentes, domus diripiebantur, & ubique miserabilis hominum strages edebatur. Sultanus salute desperata urbem deseruit, & trans Nilum fugiens in Sejefticam regionem evasit: Propeque Cyrenem reparatis copiis se parabat ad meliorem rei gerendæ opportunitatem, & Gazellum expectabat, quem in Thebaidem amandarat ad congregandos Arabas auxiliares. Dumque illic hæreret, Albuchomar Sejefticæ regionis Princeps ad Selymum venit, illique Sultani consilium aperuit, illi simul suum pollicitus auxilium: sicubi res & tempus requireret. Selymus ne toties incertam aleam, & fortunæ favorem dubium suo tandem damno experiri cogeretur, legatos ad Tomombæum misit, qui illi pacis conditiones tolerabiles offerrent. Audiverat enim ab Albuchomare revocari ex Sueffa maris Erythræi portu Rayfalomonem & Amirassem, quos antea cum exercitu Campson ad sinum Arabicum miserat, ut arcerent ab Emporiis iudices Lusitanos, aromata mercesque orientis in Hispaniam avertentes. Legati erant Sacerdotes Turcæ, & primores Aegyptiorum, quos immaniter trucidarunt Mameluci, antequam ad Sultanium admitterentur. Tomombæus cum exercitu recenter reparato ad Nilum reversus, quò audiverat Selymum venisse, & plurimum in trajectu fluminis impeditum: in quem irruit ex improvise, magnamque Turcarum stragem edidit. Sed Chanoglis Tauricæ Cherronesi Chanis filius, & frater uxoris Selymi, cum suis Tataris natatu trans fluvium evadens, Mauros è ripa ulteriore deturbavit: Mustaphas interim, Gazellus, & Cayerbeies, ad alteram ripam proVecti cum Tataris violenter in Tomombæum irruerant, fugientemque profecuti sunt: & latitantem in palude regionis

gionis Secussæ comprehenderunt , Memphimque captivum perduxerunt: Qui veste pannosa amictus, cameloque inectus per ludibrium spectanti populo perductus est usque ad urbis portam quæ Basuela dicitur, ubi ignominiosè strangulatus est 13. Aprilis anno Christi

1517. Morte quoque cum eo plexi sunt

1517.

Aegyptiorum & Mamelucorum

plurimi, qui cum eo capti fuerant.



VT GENVS A PATRIO DICAR TRAXISSE PROPHETA
SECTATOR RECTI IVSTITIAEQUE VOCOR.



TEQVE TVVMQ. COLIT MEMPHITICA TVRBA TRIBVNAL
DVN LIBRAS IVSTA PVBLICA IVRA MANV.



ORCHAMVS.



ORCHAMAS vel Orchamus, qui dictus est Gobæus, Cairi iudex, inter Mamelucos summo in honore habitus propter Iustitiæ cultum & rei militaris peritiam : Natione fuit Aegyptius, & à Mahometo Propheeta, genus traxisse majores illius crediti sunt. Cum autem defectione Cayerbeij Præfecti Alepi victo Campsone, & in fuga mortuo, cum reliquis Mamelucorum Iamburdus Gazellus Melicules Vmera, hoc est, Beglerbegus Damasci, Memphim fuga evadens, reparatoque exercitu, superatis desertorum solitudinibus in Sinanem bassam occupantem Gazam è Tomombeio missus esset, qui Turcarum vires debilitaret, antequam Selymus Turcarum Imperator integrum exercitum suorum cum Sinanis copiis coniunxisset, cum Gazello profectionem suscepit Orchamas, qui ad desertorum fines Gazam versus cum properarent occupare pagum, ubi fons erat aquæ limpidæ & dulcis, & ex quo hauriebant potum utribus, qui per deserta iter erant facturi. Cum jam prius à Sinane præventi essent,

moque perturbati quamvis essent, urgente tamen necessitate coacti sunt cum hoste congredi, numero quidem superiore sed virtute pari. Conflictu dubio aliquandiu pugnatum inter eos. Tandem Sinanbassa potitus victoria est, Præfecto Alexandria interfecto & Orchama Go-beo Cairi Iudice, multisque Arabibus, & plusquam milleequitibus Mamelucis: Ex Turcis eo conflictu occubuerunt fere duo millia equitum. Fuitque hæc victoria victis & victoribus sanguinolenta. Postera die caëforum capita affixa sunt palmis, tanquam trophæa victoriæ: nam qui evaserunt cum Gazello, per easdem solitudines, per quas venerant, rursus Memphim redierunt.






NŌ TIBI OPES LAVDI. MAIVS NVPSISSE GORÆO EST
NOMEN HABES IVSTI NOBILE LAVDE VIRI.



NŌ TANTŪ OENOTRIÆ CITHÆREA AMAT ALMA PVELLA
FVSCA SVAS FORMAS ET MAREOTIS HABET.




SALOMACHE GO
BAEI VXOR.



SALOMACHE hæc mulier fuit
Memphitica soror Serphis & uxor
Gobæi Orchamæ judicis Cairi.



MAME-



MAMELVCI.



Vm de Mamelucorum Sul-
tanis, & eorum regno supe-
riùs dixerim : Iuvat hic pau-
ca subijcere, qui fuerint Ma-
meluci, & quæ credita sit
origo eorum : de quibus
hæc leguntur in historiis.

Aegyptum Græcanicæ dominationis
pertæsi, excusserunt Constantinopolitano-
rum Imperatorum jugum, & Calipham
Saracenorum Ducem sibi regem elegerunt,
qui à Propheta Mahomete ducebat origi-
nem: ab hoc leges, & instituta religionis, si-
cuti & imperij, receperunt, reliquique Æ-
gyptiorum reges ab hoc primo Caliphæ no-
minati sunt. Cuius nominis ultimus regna-
bat in Ægypto, quo tempore Gothofridus
& Bo-

& Boëmundus Hierosolymitanum regnum occuparant. Nam hic Caliphas ab Almerico, qui Balduino successerat, vexatus, imploravit auxilium Sultani Syriæ: à quo adiutus quidem est, sed Calipham regno spoliatum retinuit vinctum. Ex eo tempore Caliphæ sequentes, quasi pontifices summi, jura regionis tractaverunt, & electionem regum suo consensu adprobaverunt: abstinuerunt autem à regni administratione, quæ penes Sultanos remansit. Primus Sar-raco tenuit sceptrum; cui successit Saladinus filius, qui regno Palæstinæ Christianos expulit. Saladino filij & nepotes plurimi longo ordine successerunt in regno Ægypti. Quorum postremus ex Sarraconis gente Melechsalā amisso suorum veteranorum exercitu, parumque fidens Ægyptiis, suam potentiam peregrinis firmavit viribus: Eo tempore Tataři Scytæ Armeniam & Asiam per portas Caspias ingressi, magnum Comanorum numerum, quos captivos abducebant, Melechsalæ vendiderunt. Illos in Ægyptum transtulit, & militum ordinem redegit. Ho-
Y rum

rum virtute postea felicissimè usus est in tutando regno, Gallorumque regem Ludovicum ad Heliopolim, (quæ vocatur hodiè Damiatam) cepit. Is tamen paulo post servorum factione, maximè Turcomanni cujusdam Comani, jugulatus est, & regno cum vita exutus. Turcomannum Cothos Comanus occidit, & ejus regnum invasit, & Tataros, quos Hyalo in Syria reliquerat, delevit. Postremò à Bandocadore cæsus est, qui Richardum regem Angliæ, cum Christianorum reliquis tota Syria exegit. Bandocadore veneno sublato succedit Elpis. Elpi Melochutreps, qui Ptolomaide & Tripoli expulit Christianos. Hos secuti sunt aliquot Sultani, quorum nomina in historiis expressa non sunt. Inter hos Caytbeies fama illustrior numeratur: qui victis in Cicilia Turcis, repulsisque Persis, qui Syriam ex Mesopotamia invadebant, domitisque Arabibus, finitimis omnibus populis erat formidini. Post Caytbeiesis obitum, Mahometem ejus filium Campsomia & Acbardinus longis factionibus inter se certantes ad patris regnum

gnum accipiendum compulerunt : Quod quia fecisset contra leges & Mamelucorum instituta, à quodam Circasso inter convivas cæsus est: & hunc interfectorem reliqui Mameluci Sultanum salutaverunt , electum communi omnium consensu. Illum tandem Giapalates Damasci & Syriæ præfectus ducto Memphim exercitu cepit, & regia dignitate privavit: Giapalatem avarè & crudeliter imperantem Tomombeies interceptit, & captivum Alexandriam ut illic custodiretur deduci jussit, pauloque post strangulari præcepit: mortuique loco Sultanus proclamari voluit: Cumque Ægyptios Syrosque crudelius quam cæteri vexaret, essetque omnibus odiosus & intolerabilis, octavo post electionem mense à Giapalatis amicis vita exutus est. Post mortem intestinis factionibus inter se per quadriennium dissentientes, Mameluci, rem Sultaninam fere everterunt, nemine hanc dignitatem assumere auso, quam omnes viderent discriminis & periculi plenam: quamque non erat invadere tutum propter factiones & sejunctos diffidiis

assiduus animos Mamelucorum. Cum tamen animadverterent eorum potentiam paulatim dissolvi hac discordia, Campsonem Gaurum hominem Iustitiæ & arti militari addictum elegerunt sibi regem: oblatum diadema pertinaciter recusavit aliquandiu, adactus tandem vi onus impositum coactus est ferre, licet suam tenuitatem excusaret, & fortunarum defectum, quæ sufficere non possent ad congiarium quod militibus solvendum erat. Metuebat enim Mamelucorum inconstantiam & factiones: Sunt enim populi Getæ, Zinchij, & Bastarnæ ad Euxinum Pontum circa Mæotim paludem habitantes, qui vno nomine Circassi dicuntur à Cercieis populis, qui ad Colchos vergunt. Hos Valachi sive Mysi ad Danubium siti, & Tatarî Præcopienses Tauricam Chersonnesum incolentes, Padolijque vicini, Sarmatæ, & Roxolani, quoties per occasionem possunt, captos Alexandriam quotannis venales abducunt ad Sultanos Carri: qui mancipia hæc tenera adhuc ætate curat summa diligentia nutriri & institui militari-
bus

bus omnibus exercitationibus: cumque adoleverunt, prout inveniuntur idonei & rerum majorum capaces, evehuntur ad diversos honorum gradus, in militia potissimum. Horumque virtute & viribus omnem spem conservandi regem reponit Sultan⁹. Quemadmodum Principes Othmannici idem facit de Christianorum filijs masculis, quos certis & constitutis temporibus legunt, & abducunt ex Græcis & Asiaticis Christianis urbibus, educatosq; summa cura præficiunt Provinciis, & exercitibus, vocanturque Genizari: Nam reliquis Ægyptijs aut Syris non licet consilio Principis interesse, functiones bellicas subire, aut ad majores magistratus admitti. Agriculturam tantum, & mercaturam exercent, subjecti Mamelucorum insolentiæ: penes quos est regni administratio.

REIICE SVLTANI TITVLOS NILOTICA MEMPHIS
QVOS CONFERT ERIT HIC PERNICIOSVS HONOS



REGNA TOMOMBEO CAMPSO CVM REGE RELIQVIT
VIRTVTIS SELYMVS DICT ID ESSE TVÆ



IVNVS BASSA.



IVNVS BASSA, qui & Muhemet dictus est, natione fuit Albanus, vir rei militaris peritissimus: in bello contra Teckelem Cuselbam Persici exercitus ducem, dum Cappadociam, Lycaoniam, Pontum, & Bithyniam ferro ac flammis depopularetur, à Selymo

Turcarum Imperatore summo in honore habitus est: Is enim cum Achomate & Corchute Baiazeti filiis, & cum Alybassa Teckelem insecutus est, & ad Olygam montem prope Ancyram cum Persis viriliter pugnavit; cumque Alybassa eo prælio occubuiſſet. Iunusbassa vel Ionusesbassa in illius locum succectus est: Qui acceptis ab Achomate copiis, per Cappadociam ad Antitaurum, deinde Tasciam cum quadraginta millib⁹ selectorum equitum, & infinitis machinis bellicis pervenit. Huic imparem se Teckeles sentiens, per Antitauri latebras, & sylvarum recessus occultos aliquandiu latuit: ex quibus tandem excussus nocturnaue fuga evadens, maiore suorum parte, ac præda locuplete (quam spoliatis Asiæ urbibus, antea fecerat) exutus, cum sibi ab Ismaele Scacho nulla videret auxilia
mitti,

mitti, in Armeniam rediit. Iunusbassa cum hostem non posset comprehendere, neque cum eo manus conferere, tanquam victum & fugientem relinquens, reversusque ab hac expeditione, suppliciis omnibus, ac tormentis sæviit in Asiæ minoris incolas, qui Aidaris & Teckelis religionem fuerant secuti. Postquam autem Selymus Ismaelem superasset, redegitq; Tebrisiū Persarum regiam in suam potestatem; Ciammam urbem in vltiore Euphratis ripa sitam expugnasset, Regem Aladoliensium captivum occidisset, & illius regnum redegit in provinciam, cui Saxovaroglem præfecit Aladoliësis fratre natum, Ismaeleque contra Bactrianos & Hircanos occupato redire cogeretur in Thraciam, vt Hungarorum in Mœsiam & Thraciæ limites incursiones facientium cohiberet audaciam: Iunusbassam (qui tunc Bosniæ illyrici præfectus erat) in eos misit. Is traiecto Savo ad urbem Catin in Croatia, per Slavoniam penetravit, reliqui Turcæ superato Danubio limites Hungariæ depopulabantur. factumque est brevi temporis spatio, vt hujus virtute, Pannonες intra suos fines coërcerentur. Postea cum ad Alepum, deficiente Cayerbeio eiusdem Alepi & Commagenæ præfecto, Campson Gaurus Syriæ & AEgypti Sultanus à Selymo fusus esset; & in fuga iam senex dolore ac laboribus oppressus periisset: Selymus Iunusbassam misit Damascū cum expeditissimo equitatu, vt urbem occuparet, & Iamburdum Gazellum cum Mamelucis è fuga retraheret. Sed is Campsonis morte comperta, cum Sebeise Balvano Damasi Tetrarcha, & alio Tetrarcha Tripolis per solitudines desertorum fugam versus Cairum instituit. Damasceni statim Iunusbassam in urbem admisērunt: & ad eorum exemplum Tripolis, Berythum, Sidon, & Ptolemais dederunt

derunt se Turcis. Selymus hac tam insigni victoria potius, qua potuit festinatione Sinanembassa præmisit, qui occuparet Gazam: Is vrbe capta, repulsoque Gazello, & interfecto Orchama Gobæo Cairi iudice, junctis copiis per solitudines arenosas Nathaream deinde Cairum venit: pugnaque cruenta iterum ad Mathaream, commissâ fusi fugatique Mameluci cum Tomombæo (quem paulo ante Sultanum elegerant) Cairum se receperunt: quos celeriter infecutus est Selymi exercitus: cruentoque prælio in platæis vrbis orto, oppidani devolvebant lapides & imbrices in Turcas, cum omni missilium genere, quæ ex domorum tectis & fenestris certatius eiaculabantur: Vbi Iunusbassa, spectante suo Imperatore, cum audacius & animosius Aegyptiam domum vrgeret, in quam se receperant præcipui nobiles, & primores vrbis iactu ingentis lapidis humi prostratus est, & è conflictu semianimis exportatus, magno principis dolore. Cumq; immisis flammis omnia corripere ac cõsumeret incendium. Tomombæus desperata salute, trans Nilum ad Albuchomarem Seiceticæ regionis principem fugit: vnde iterum reparatis viribus rediens, à Turcis captus est, & ignominiosè strangulatus. Selymus redactis in potestatem hostib. eorumq; provinciis, Cayerbeio præfecturam Aegypti commisit. Hoc indignissimè tulit Iunusbassa, qui Sinanebassa mortuo, reliquos potentia & parte militari longè superabat, occupataq; Diadari principis Aegyptij domo, spolia omnia, vasa aurea & argentea, ingentemq; pecuniæ summâ militib. liberalissimè distribuerat, vt eorû benevolentiam & animos sibi conciliaret, quod Selymum valde reddidit anxium, cui Iunusbassæ potentia & autoritas incipiebat esse suspecta. Cum igitur spe huius præfecturæ ex-

Z

cidisset

cidisset, dolore pressus morbum finxit, neque Selymum per aliquot dies invisit. Alienaverāt illum à Principe multa; autoritas nimia apud milites, animus elatior, potio venenata Cayerbeio præbita, quot recenter aliquot AEgyptiorum potentiorum familias; quæ Constantinopolim transferebantur, retinuisset Cairi: & quod Selymi iram subito inflammavit; Principis jussu militibus præsidariis aucta erant stipendia, idque mandatum (cui res commissa erat) non retulit ad ærarii quæstores; ut milites odio Cayerbeij Præfecti res novas molirentur in absentia Selymi, qui iam ex AEgypto venerat in Syriam, ut in Persidem proficisceretur contra Ismaëlem Scachum. Hæc cum ad Selymum relata essent, quodq; ab aliquot militibus Sultani titulum non recusasset, multa culpæ prætexentem in sua præsentia trucidari iussit.





EST ANIMI, ET CASTÆ TIBI TANTA FIDVCA FORMÆ
SIT TVTELA TVÆ VT FIRMA PVDICITIAE.



QVÆ NVLLI CEDAT DANÆIA PERSIS ALVMNAM
ADDIXIT THALAMIS, MAGNE AGATHYRSE, TVIS



MANTO.



ANTO Muhesumeti
 vel Ionusis Bassæ vxor,
 Græca fuit natione forma
 elegāti Sed quæ à Zebalia
 priore viro in militiam ab
 ducta, cæsoq; marito in
 potestate Turcarū reman
 sit. Pauloq; quos propter formæ venustatem
 ac singulare in omnibus rebus iudicium Io
 nusi Bassæ placuit, interq; illius vxores cha
 rissima aliquandiu habita est. Donec apud
 maritū in suspitionem venit fidei non serua
 tæ. Pertæsa enim Ionusis superbix & morosi
 tatis, clanculum ad suos reditum procura
 bat: Cumq; ad amicos vt abduceretur literas
 mitteret, quæ ab Eunuchō tabellario apertæ
 & marito redditæ sunt. Is rei indignitate mo
 tus, mulierum pugione trās fossam necavit.

SI TV EXPVGNATA SERVASSES FOEDERA BVDA
NOSTE ETIAM ACCITO IVDICE MAGN'ERAS.



AVSTRIACAM ADVERSO TETASTI MARTE VIENAM
SED QVI TE EXIGERET CAROL' INDE FVIT.



SOLYMANNV S



ANNO Christi 1520. debilitatis Persarum virib. AEgyptoque & Syria in potestatem redacta, Selymus anthrace pestilentiali extinctus est: Prius tamen Deferdarios ærarij Quæstores Pirimbassam & Achomatem bassam præmiserat Hadrianopolim, vt illic ad solenne fe-

stum, quod instabat, præpararent necessaria, Solus Ferhatesbassa apud egrotum Principem remansit: quem vbi mortuum vidit, primarium janitorem Manissam expedit ad Solymannum, qui illi patris obitum nunciaret, & in urbem accerferet, antequam res innotesceret Genizaris & Prætorianis militibus, quibus mos est urbem diripere in Principis obitu. Solymannus recognita diurnis nocturnisque itineribus festinans, Ischodaram pervenit è regione Constantinopolis, vbi triremem ingressus cum Genizarorum præfecto vel tribuno in Palatiû Imperatorium perductus, & Sultanus ab omnibus salutatus: peractisq; solenniter patris exsequiis: statim de Hungaria conquirenda cum suis Bassis & consiliariis deliberavit.

Anno.

Anno 1521. congregato exercitu venit ad Belgradum:& in via Burgurdelem arcem, quæ Sabacz Hungaris dicitur, in ripa Savi fluminis sitā, invadit, ad cuius moenia Savus Danubio jungitur : quam statim Hungaris eripuit Achomates Bassa. Pirimbassam interim Solymanus premisit cum copiis, qui loci situm & munitionem cognoscerent: quem cum reliquo exercitu subsecutus est: ad motisque machinis moenia solo æquavit, urbemque expugnavit 24. Iunij anno 1521. propugnaculum fuit singulare Hungarorum, situm ad confluentiam Dravi & Savi, Quod Albam Græcam vocant : idque contigit socordia Pannonum, & regis Ludovici Vladislai filii adolescentis, qui parum autoritatis obtinebat apud suos principes, tam Ecclesiasticos quam sæculares, luxu, ambitione, & fastu intolerabili tumidos: hocque bellum in illos movit Turca, quod Legatos eius qui tributum poscebant, indignissime per contemptum tractatos è suis finibus extrussissent.

1522.

Anno sequenti expeditione suscepta in Anatoliam copias transmisit, præmissis Mustapha bassa, qui Rhodum invaderet navalibus copiis: ipse terrestres adduxit ad oppidum Mermere, quod à Rhodo distat milliaribus Græcis 18. Vnde in insulam traiecit, Rhodiensibus, ludo & spectaculis occupatis contemptis obsidentibus à quibus nihil sibi metuendum stultè putabant. Sed cum seriò rem agi, ubique imminentem montem explanatum & ex eo fossas repletas, actisque sub terra caniculis nutarent & laberentur moenia, Rhodiani de salute desperantes, ad Sultanium cum muneri Cus venerunt, transactaque compositione petiverunt, ut sibi salva vita & facultatibus liceret ex insula discedere: quod postquam clementer obtinissent, cum vxoribus & liberis naves ingressi discesserunt.

Urbe

Urbe & insula potitus est Solymānus die 25. Decembris, anno Christi 1522. Philippo Villerio Liladano Megalomastore, qui Fabritio de Careto successerat. Eodem quoque tempore Coon insulam Rhodiensibus subiectam occupavit, & arcem Bedrum; quam Branchidas Caria, vel Halicarnassum, vel Iassum nonnulli esse putant.

Dum obsideretur Rhodus, Solymannus Ferhadem bassam misit contra Alimbegū, Scachi Suariensis filium, qui ex familia Caramānica adhuc erat superstes: Hunc ut ad se alliceret astu Ferhates, morbum simulavit, velleque testamentum condere, & Alimbego exercitum Turcicum committere, quapropter ad se venire rogat, ut amicum ante mortem adhuc videret. Alimbegus nihil sibi metuens, Turcicum bassam cum duobus filiis adiit, quos statim comprehensos necari præcepit, & ejus ditionem subjugavit.

Rhodocapta, Solymannus Constantinopolim reversus Ianizarorum tumultus compescuit, qui Aigasis, si-ve Aiakis bassæ & Abduselamis supremi thesaurarii ædes diripuerant: Rebus in urbe compositis, exercitum sexaginta millium hominum duxit in Hungariam: Dravoque Savo, & Darubio pōtes addidit: Sirmium quod Varadinum Petri vocatur, cum aliis pluribus oppidis, & arcibus munitis vi expugnavit, unde Budam perrexit. Gallis enim & Hispanis inter se dissidentibus pro regnorum amplificatione, Solymannus opportunam occupandæ Hungariæ nactus est occasionem. Quoddam sciret Ludovicum regem propter ætatis imbecillitatem parum auctoritatis inter suos Pannonas obtinere. Turcarum subito adventu perculsi Hungari, rebus urgentibus conventum Principum in urbe Rhacos convocaverunt. Episcopus

pi & Principes pecuniam nimis parcè conferentes, militemque festinum cogentes, maximè Paulus Tomores Colossensium Episcopus homo audax & temerarius, hortatus est regem, ut celeri conflictu Turcas invaderet: cui victoriam pollicebatur: Repugnantibus reliquis Ludovicus ad Mogacum oppidum inter Budam & Belgradū infelicitè pugnās, amisso exercitu, cum Tomorem casum videret, in fugam versus, equi lapsu præceps in paludē devolutus est, & suffocatus; locum notante Catrisco Bohemo adolescente: cuius indicio post discessum hostium, regis corpus extractum est, & Albam regalem devectum, sepultumque: Solymanus Budam paulo post sine sanguine occupavit anno Christi 1526. omnibus ex ea vrbe cuiusvis sexus & conditionis in servitutem abductis. Reversusque cum ingenti præda est Hadrianopolim: Cum spoliis urbis avectæ sunt tres statuæ antiquæ æneæ, Apollinis, Dianæ & Herculis; quas Matthias Corvinus in arce Budensi collocaverat. Hæ postea Constantinopolim deportatæ sunt, & in Hippodromo positæ, simul avexerat aliquot columnas æneas, & machinas bellicas mirando artificio fusas, quæ olim ex Bosna Illyrici captæ fuerant: eodem tempore Ioannes Sepsius Transylvaniæ Vaivoda, tardius quàm par erat cum auxiliaribus copiis in Hungariam venerat: Qui audito Ludovici regis exitu, regnum affectavit, favore fultus Principum ac nobilium Hungariæ, qui diadema regium ad Germanos volebant transferri: Nam Ferdinandus Austriacus Caroli V. Imperatoris, & Mariæ Ludovici uxoris frater, Boëmiam jam occupaverat, & Hungariam recipere nitebatur. Congregatis igitur in urbe Rhacos Optimatibus, postquam regium funus elatum esset, consensu omnium Sepsius rex saluta

salutatus est: & à Petro Perenne corona Hungariæ est insignitus, consecratusque à Paulo Episcopo Strigonienfi: Ejusque loco Americus Cibachus Transilvaniæ Vaivoda suffectus est. Interim Ferdinandus à Boëmis rex electus, conjunctis Boëmorum, Austriacorum, Carinthiorum & Stirorium copiis Budam contendit, exactoque Sepusio, occupavit: fugientemque insecutus ad Tocaïam arcem prope Tissam fluvium habita pugna illum superavit, receptaque Transylvania, rex ab omnibus declaratus est, cum uxore Anna Ludovici defuncti sorore. Constitutoque Stephano Bathore Pannonum prorege, in Boëmiam reversus est. Ioannes autem Sepusius ad Hieronymum Laschum Polonum transfugit, hominem primæ nobilitatis & potentiæ: qui hospitem benignè excepit, non contradicente Sigismundo Poloniæ rege. Huius Laschi suasu Sepusius à Solymanno petivit auxilium, quo in regnum restitueretur: Missusque est Laschus Constantinopolim qui hoc negotium transigeret cum muneribus. Is sua autoritate, & munificentia statim sibi bassas conciliavit, maximè Lutzibcium Vezirem & Abraimum bassam quî principi facile persuaserunt ut regi supplici ferret opem. Ferdinandus interim & suos Legatos ad Solymannum misit illius amicitiam ambiens & pacem petens: Quibus non tantum denegata est, sed severe minitatum nisi regno Hungariæ Ferdinandus citò cederet, se habiturum Othmannos inimicos & infestos.

Dum hæc in Europa gererentur, mota est seditio in Anatolia autore Kalendere Zelebi: qui ex familia Chafis Beftasis Prophetæ apud Turcas summi nominis & reverentiæ ortus, congregato Dervisiorum magno numero, Sangiacos aliquot fudit, & Asiam turbavit. In hunc

missus est Abraimbassa cum exercitu: qui Kalendere octavo statim motu inter seditiosos ortum compefcuit.

At Solymanus ut Sepusio ferret opem principio veris anni 1529. ex Asia Becrambeium cum equitatu, & Abraimum ex Europa convenire iussit. Hi Subbassas, Vainodas, & Flammuranos militiæ præfectus congregarunt, junctisque simul copiis in Hungariam penetrantes, omnia ferro & flammis immaniter vastabant. Acanziorum quinquaginta millibus præfectus erat Achomates: Michaloglis cum peditatu equites præcedebat. Solymanus Hadrianopoli solvens venit Belgradum: ad quem statim properavit Sepusius, & supplex cum mulieribus ad eius pedis provolutus, illius opem imploravit, ab eo clementissimè exceptus est Transilvanus Abraimi bassæ, & Ludovici Gritti favore: statimque Budam contendens diffugientibus magna trepidatione civibus, urbem cepit, arcemque, cui Nadaštius præerat. Buda recepta duxit copias in Austriam ut Viennam occuparet: quò pervenit circiter 13. Septembris eius anni; capto in via Altemburgo, & depopulata Sibenbugensium ditione.

Viennæ præerat Philippus Palatinus, Nicolaus Salmësis comes, Rokëdor f. & alij, qui viriliter sustinuerunt barbarorum impetum. Vicies enim diversis locis conquassatos urbis muros subierunt Turcæ, & toties magna virtute propugnatorum repulsi sunt. Cumque hæc obsidio non videretur succedere, capiendæ urbis desperatione actus Solymanus, vigesimo obsidionis die Budam rediit, Abraimbassa exercitum reducente. Abducti sunt in servitutem plusquam sexaginta hominum millia: Turca verò Budam reversus Sepusium regem statuit,

tuit, illique Ludovicum Grittum Venetum adjunxit rerum socium, cuius consilio in omnibus uteretur, ipse Constantinopolim versus iter suscepit.

Anno 1532. Ratisponensis dicta convocata est mense Maio, ut de religionis turbatae statu inter se consultarent Christiani Principes. Interim Solymanus, cum exercitu ex Thracia jam pervenerat ad fines Tribalorum, ut Sepusio ferret opem contra Ferdinandum Cuius adventus ita terruit Christianos, ut negotio religionis in aliud tempus dilato, ad arma concurrerent, Turcis jam obsidentibus arcem Strigeniæ cum Ludovico Gritto: reliquus exercitus ad Samandriam confederat. Strigonienses aque penuria laborantes, à Posonnen-sibus vicinis petiverunt auxilium. Ii Viennam miserunt, quia Catianero urbis præfecto impetraverunt, ut navigiis secundo Danubio copiarum mitterentur, auxiliares: Hæ Strigonium pervenerunt, quod à Buda distat milliaribus tredecim, sed infeliciter pugnantes, super flumine superati sunt à Gritto, cæsique, aut in fugam versi, submersis omnibus, aut captis navigiis. Carolus V. Imperator, Boiodurum, quod Patavia vocatur, ad Danubium jam appulerat: Solymanus erat Belgradi unde ad provinciam Valeriam (quæ est Stiria) copiis infestis contendebat. In via Guintzium oppidum, quod non procul abest ab urbe Sabaria, à Nicolizza præsidio munitum per Abrahimum bassam tentavit. Aigas sive Ajax bassa, & Cassines Beglerbegi ducebant equitatum. Asiatici equites Aiaci Cassino Europæi parebant. Hos duos sequebatur Mustaphas Michaloglis Acanziorum voluntarioum equitum præfectus: Acanzios levis armatura equites vocant. Is cum equitatu centum millium homi-

num præcedebat reliquum exercitum itinere duorum dierum. Sed cum ad Guintzium nihil proficeret Abramus bassa, relicto Nicolitzo, in Carinthiam vertit iter: unde paulo post Belgradum reversus est ad suum Imperatorem, quod tutum non existimaret cum Carolo V. manus conferre; cuius præsentiam ac potentiam plurimum metuebat, licet militum numero longè esset inferior. Interim Solymanni mandato Mustaphas bassa Cazonem Michaloglem Vaivodam cum duodecim millibus equitum & aliquot Acanziis misit in hostiles ditones, qui ferro flammaque ubique grassaretur & depopularetur ripas Danubii Lintzam usque. Unde metu aufugit Ferdinandus, disposito ad Pontem Anasij fluvii præsidio. Cazon post ingentem nostris illatam cladem, victor ad suos iter reflectens per Alpium itinera scopulosa & difficilia, non procul à Grætio urbe Stiriaë incidit in Ludovicum Coveium, à quo fusus est: is tamen cum suis, ne reliquorum vires experiretur, relictis impedimentis, & quatuor captivorum millibus occisis, partem suarum militum Ferisi bassæ commisit, qui salvus ad Solymannum rediit. Cazon cum reliqua parte suorum per vallem Storambergi viam instituit, illique ad Leopoldum oppidum factus est obvius Fridericus Palatinus, qui cum duodecim millibus peditum, & duobus millibus equitum gravis armaturæ, ac viginti tormentis bellicis hostem excepit: pugnaq; commissâ Cazon fortiter & animosè dimicans, tandem oppressus cecidit, cum tertia sui exercitus parte, qui tam in prælio cæsi sunt, quam in paludes lapsi periêrunt. Cæteri qui summa cum difficultate elapsi sunt, amisso duce paululum progressi, à Lodrone rursus, Ioachimo Brandenburgico excepti, miserè

miserè confecti sunt. Reliquiæ superfuerunt, celeri fuga pervenerunt Neokirchium, quos iterum invaserunt Turrianus & Catianerus, plurimosque interemerunt, Paucique ex iis sese viriliter è manu hostium expedites, potuissent evadere, nisi à Baltasaro Pamphilo Hungarorum duce, intercepti essent & omnes fere ad internecionem deleti; exceptis paucissimis, qui Belgradum fugæ celeri pervenerunt: Hæc dum fierent, Carolus Cæsar habito cum suis consilio Lintzio Viennam descendit, ubi delectus militum factus est, numeratique sunt præter urbium præsidia, nonaginta peditum millia, & triginta equitum, exceptis lixis, calonibus, & servis, ita ut totus illius exercitus superaret numerum ducentorum & sexaginta millium hominum. Tantum apparatus cum probè cognovisset Solymannus, trajecto Mura fluvio, qui Savaria dicebatur olim, & Dravo superato, nulla re memorabili gesta, Stiriam relinquens Belgradum se recepit, abductis in servitutem plusquam triginta millibus hominum: præter infinitam captivorum multitudinem, quos Mustaphas Michaloglis diversis in locis immaniter iugulaverat.

Turcarum audito discessu Cæsar in Italiam reversus est: Dumque in hac expeditione Solymannus esset occupatus, Andræas Auria cum quinque majoribus onerariis navibus & quadraginta octo triremibus Messinam in Sicilia appulit: unde rebus necessariis acceptis, in Græciam trajecit. Intellexerat enim Himeralem navalium copiarum Solymanni præfectum in finu Ambracio (qui golfo di Larta dicitur) cum septuaginta triremibus satis malè instructis residere. Eo tempore clas-

re classis Veneta duce Vincentio Capello hærebat in Laccyntho, quæ numerum 60. triremium superabat. Ipse Capellus induciis cum vtrisque pactis, spectatorem rerum gerendarum loco tuto se præbebat. Himeralis Aurie metus, superato promotorio Acriti, qui nunc Capo di Gallo vocatur, ad Mulcam se recepit: inde demisso sinu Argolico, Sunium 3. Atticæ venit, deinde Chalcidem: vnde paulo post ad portum Sphragiæ reversus est, prope Methonē Antonius Auria fugientem Humeralem cum septem selectis triremibus persecutus fuerat, nulloque hosti illato damno ad suos rediit. Andrææ autem Aurie visum est expedire relicta Methone, quæ valido Turcarū munita erat præsidio, Coronem obsidere: Quam tormentis ita conquassarunt, vt deiectis inœnibus, impetuque facto inferiorem vrbs partem, quæ dicitur insula, occuparent, Turcis in superiorem urbem se recipientibus. Quæ tamen statim Aurie tradita est, pacta conditione, vt vita, rebusq; salvis, aliò se transferrent Turcæ. Auria urbem Hispanorū præsidio firmans, relicta Pylo, quæ hodie Giunco, vel Navarrino appellatur, Patras venit, quas non multo negotio expugnavit, & prædæ militum reliquit, Turcis compositione transacta in AEtoliam se recipientibus. Andræas Auria, terrestribus copiis alio itinere sequi iussis, cum clas se ad sinum Corinthiacum navigavit. Fauces huius sinus claudunt duo propugnacula, quæ Dardanelli dicuntur; Rhium in Achaia, Molicreum in AEtolia situm est. Rhium statim deditionem fecit: sed Molicreum multò munitius, restauratoq; præsidio firmatum, maiori cum difficultate superatum est. Rebus his in Peloponneso dispositis, relicto Hieronymo Mendosa Coronæ, anno eodem rediit Neapolim Auria, deinde Genuam.

Æstate sequente Solymanus copias misit ad recipienda ea loca, quæ à Christianis in Morea sive Pelopōnōso fuerant occupata, Turcarum adventu percussus Mendosa, opem subito petivit ab Auria. Qui lecto milite Neapolim navigavit, Messinamque, & appulsus in Zacynthum intellexit, Venetorum relatu, venisse Coronem Lutzibeium Callipolis Sangiacum, & Thalassiararcham, cum Solymanobassa Albano, & Assambego Mauro Alexandrino, qui classem 80. triremium habebant. Auria invitis, & summo conatu repugnantibus Turcis, Coronem annona munivit, & abducto veteri præsidio, novum militem urbi imposuit, præfecto Macicao. Veterani illi ad Ticanusam insulam, quæ Venetica appellatur, venerunt, ut cum hostibus si copia daretur, que ad Methonem confederant, congregarentur. Sed cum recusassent pugnam, neque ad conferendas manus vi possent adigi, Auria in Siciliam se recepit. Coronenses interim rerum omnium penuria pressi, & assiduis hostium incursionibus fatigati, rerum desperatione urgente petiverunt à Præfecto Macica, ut in hostem facerent impetum, qui ad Andrusam urbem Messeniensium super Paniso flumine triginta quinque à Corone miliaribus hærebant, ut saltem aliquid laude dignum patrarent, vel viriliter occumberent. His licet invitus, suasore tamen Hermosilla & Diego Tovarre, concessit Macicaus, quod poposcerant. Duce igitur Barbano Græco nocturnis, deviisque itineribus ad Andrusam pervenerunt, ubi Charon Iani zarorū Præfectus habebat præsidium trium millium peditum. Extra urbem erat Infell^o Achomates, qui cum mille selectis sequitibus occupabat suburbia. Hi sentientes Hermosillæ milites adpropinquare, magno tumultu & vocifera-

feratione reliquos ad arma concitaverunt. Nihilo tamen minus impressione facta plurimos ex Turcis interfecit Hermosilla : donec his clamoribus excitatum esset vrbani præsidium, quod ad mœnia confestim accurrit ; in quæ Macicaus cum Tovarre faciebat impetum : sed numero longè inferiores repulsi sunt à Charonte , casis Macicao & Tovarre. Fugientes nostros cum persequeretur Achomates, globo missili transfossus occubuit. Hermosilla cum iis qui superfuerunt agrè Coronæ reversus est. Sed paulo post rerum omnium penuria laborantes, gravique pressi peste, vrbe relicta, in Siciliam rediere. Grave enim erat imperatori Carolo tantos facere sumptus, in conservatione duarum vrbium, quæ rebus Christianorum non multum adferebant emolumenti. Idcirco eas Venetis, postea Pontifici Romano , demum Rhodiensibus equitibus , qui in Melita confederant , obtulerat ; omnesq; earum custodiam recusaverunt.

Anno 1534. Abrahimi , Bassæ suasu Solymanus relicta Pannonia in Persidem arma convertit contra Tammam vel Techmasim Scachi Ismaelis filium : & hanc expeditionem plurimum adiuvit Vlamasbegus Persa , qui Techmasis sororem duxerat vxorem, & ad Solymanum transfugerat : isque se belli huius ducem pollicebatur : nam illi paulo ante Turcicus Imperator Sanguacatum non procul à Carahemida concesserat : præceperatque omnibus finitimarum provinciarum Præfectis, vt Vlamæ, quoties in hostem Persam proficisceretur, opem ferrent , & se illi obsequentes redderent. Cum iis igitur Vlamas begus Churdistano Principi Serefesbegi bellum intulit, eoque interempto regionem eius suæ ditionis fecit. Qua re cognita Solymanus summum suum
Vezirem

Vezirem Abrahamum bassam cum exercitu misit in Anatoliam, vt cum eo in Carahemidam penetraret : Quo cum venisset Vlulam begum in Parthiam pergere iussit, qui illi dux esset itineris, ipse verò cum Romanæ copiis illum sequebatur.

Hi nemine resistente Tebrisium pervenerunt, unde Tammās aberat, bello occupatus contra Kezienbassam Corasānorum Hircanorum Principem: Hos secutus est Solymanus cum Ianizaris & Portæ copiis: Sed Scachus Tammās adparatu & potentia Turcis impar, in Sultaniā se recepit: Fugientibus instabant Turcæ: sed in montana Albanorum & Hiberorum profugerant Parthi: Solymanus ad Sultaniā venerat, quæ sita est in planicie circumdata vndique montibus Niphate, Caspio, Coathra & Zagro, qui omnes à Caucaſo oriuntur: Dumque illic propter amœnitatem hæreret, illiusq; exercitus ad Hemedanem pervenisset: vbi pluviis, frigore, tempestatibus, & rerum omnium penuria usque adeo vexati sunt Turcæ, vt eorum plurimi corriguerunt, & exanimati sunt: gelu alii pedes ac manus amiserunt: innumeraque multitudo hominū miserè periit, cum equis & iumentis: reliqui fluminum inundationibus submersi sunt: His acceptis incommodis Solymanus à persequendo hoste destitit: atque in Assyriam secedens, Babylonem cepit, deditibus se vltro civibus: ibi à Calipha religionis Musulmanicæ summo Pontifice sacris ceremoniis in Imperio confirmatus est. Pauloque post omnes Mesopotamiæ & Assyriæ vrbes missis legatis Solymano deditiōem fecerūt: hæc gesta sunt anno Christi 1535.

Cum esset Babylone Ischenderem Zelebin summū Dephterdarium sive ærarii Præfectum suspendio affe-

cit, & eius bona fisco attribuit, propter infideliter tractatos Sultani thesauros. Præter milites quos secum adduxerat ex Europa & Asia minore, Principes se illi junxerant Præfectus Cairi, Sangiacique Iudææ, Alexandriæ, Syriæ, & Commagenæ anno 1536.

Sequenti anno in Persidem rediit, sed nusquam comparente Tammo, dum in Mesopotaniam revertetur, magna damna ab equitibus Hiberis accepit, & à Delimanno, quem aliqui Agathyrsum nominant: Is per compendia viarum nota, non procul à Bethilisio vrbe ad Antitaurum sita, tam strenuè Turcas invasit & vrsit, vt cum summa difficultate illius impetum effugerint fuga Vlamas begus, & Præfectus Cairi: quæ clades Turcis illita est 13. Octobris anno 1536.

Id gravissimè torsit Solymannum: qui ex Carachemida Alepum petivit, vnde rediit Constantinopolim, offensus admodum Abrahamo bassæ expeditiones istius autore, quem multis criminibus obrutum jugulari iussit; & in eius locum substituit Aigasem, sive Aiacem bassam. Chairadinem verò (qui ad eum venerat expulsus Tunceto) propter rei navalis peritiam, Thalassiarcham creavit.

1536.

Anno 1537. Solymanus non ferens Lusitanos occupare emporia Indiæ, sinumque Arabicum (per quem aromata & odores ex India Memphim & Alexandriam importabantur) Hæc autem omnia magno AEgyptiorum & Turcarum damno, diverteabant Lusitani, & in Hispaniam transvehebant, & ad reliquos septentrionales populos: Huius belli gerendi Solymanno Eunuchus Albanus, Cairi præfecto negotium dedit. Qui etsi illos ab institutis navigationibus non potuerit impedire; plurimum tamen auxit sua virtute Othmannorum potentiam.

Soly-

Solymannus interim suafu fuorum baffarum, potiffimum Ioannis Foreftenij, Galli regis Legati, & Troili Pignatelli transfugæ Neapolitani ad Turcas, & quem Sultanus ob fingularem virtutem militarem receperat inter Mutfaracos equites, qui ex omnibus orbis nationibus collecti, religione libera, militant imperatori Turcico. Is iam antea Chairadim Barbaroffæ notus, & Lutzibaffæ commendatus, hortatorque erat Sultano, vt terra marique Italiam peteret: Qui cum terrestribus copiis ex Thracia per Theffaliam contendit in Albaniam, & Anlonam pervenit: Navales verò in Cephalleniam & Zacynthum prius appulerunt, quam Chriftiani putaffent Constantino- poli folviffe: Statimque ingreffus in Calabriam Lutzis baffa cum Chairadine Castrum urbem ab Hydrunto diftantem milliaribus octo expugnavit, & deprædatus eft; abducto cum reliquis incolis Mercurino Gattinari loci domino. Potuiffentque tota Calabria potiri, nifi Alexandri Contareni Veneti adventu fuiffent repulfi. Andreas Auria ad infulas Merletes (quæ funt Ericufâ, Marathe, Elaphufâ, & Malthace, prope promontorium Caffiopæum tredecim hoftium triremes eodem tempore nō fine fuo damno fubmerfit: nam in cum irruens Chairadines cum 80. triremib. ex Leucade fugiens ad Lacinium promontoriū (quod Capo delle Colonne dicitur) fefe Meffinam celeri curfu recipere coactus eft: Anlonæ interea Solymānus confederat, quæ eft è regione Hydrunti in altera ripa maris Hadriatici, diftantq; ab invicem milliarib. fexaginta. In eius vitam confpirarunt Chimeriotæ montani, qui duce Damiano per prærupta faxa evadentes in tentorium principis irruerunt, parumque abfuit, quin illum incautum occidiffent; fed captus Damianus cum complici-

bus trucidati sunt. Utque totius gentis audaciam vlci-
 ficeretur Sultanus, iustum exercitum immisit in Acro-
 ceramum, qui omnia incenderunt, diripueruntque : &
 incolas omnes in servitutem abduxerunt. Pauloque Post
 Chairadines Corcyram invadit cum Lutzibassa, omnem
 que insulam deprædati sunt, præter urbem & duas arces
 situ ac munitione inexpugnabiles: reliquis oppidis & vi-
 cis depopulatis: vndetantum numerum captivorum ab-
 duxerunt Constantinopolim, vt expositi ad Besictas
 supra Galatam, singuli non pluris quam duobus vel tri-
 bus proclamarentur Sultaninis. Constantinopolim, re-
 versus est Solymanus imperator, rebus in Epiro benè ge-
 stis, anno Christi 1538.

Interea Palarus classis Venetæ præfectus cum Vettu-
 turio Collega Scardonem Dalmatiæ urbem ad sinû Dal-
 maticû occuparunt, & solo funditus æquarûnt, ne Turcæ
 postea illam munirent, in tetrimentum Venetorum. Pari
 successu Argirutû, quod Obroazzo dicitur, occupassent:
 sed Amuratis Sebenicensis adventu ab incœpto remoti
 sunt. Eodem anno Chayradines cum classe Turcica erat
 in sinu Lartæ, in quem Doria cum patriarcha Grimanno,
 Ferdinando Gonzaga, & Vincentio Capello cum reli-
 quis navalibus Christianorum copiis impetum fecerunt:
 classis hæc superabat vela ducenta, Chairadines verò cõ-
 plectebatur 87. triremes, & liburnicas triginta præter mi-
 nora navigia, quæ omnia simul iuncta accedebât ad 150.
 Quæ simul ducebant Tabacus & Salecus Pyratæ famosis-
 simi, & qui iam antea egregiam Chairadini navarât ope-
 ram in Africa subigenda. Prælio prope S. Maurâ commis-
 so magna clade accepta, subitaq; orta tempestate Auria
 spirantibus Euris in Corcyram se recepit 27. Septembris
 anni

anni eiusdem 1538. Tantasque Christianorum copias navales convertit in sinum. Rizonicum, qui Golfodi Cattaro vocatur: vbi castrum novum Turcis ademereunt, & incolas in servitutem redegerunt. In cuius urbis custodia relictī sunt veterani milites Hispani, qui duce Sarmiento Corone fuerant abducti: Solymanus hac Castrī novi occupatione irritatus, præcepit vt novus in Dalmatiam mitteretur exercitus; statimque Chairadines cum Draguthe, & Corsetopyratis, cum 90. triremibus & 4. magnis navibus onerariis maritima navigatione eò appulerunt. Vlmas begus Persā, qui Bosnæ Illyrici tunc erat Beglerbegus terrestres copias agebat: Cumq; ad Castrū novum pervenissent, eiaculatione cōtinua ex propugnaculis & moenib. plusquam mille succubuerunt Turcæ: & Agi Hariadenus urbis Taioreæ in Africa rex prope Tripolim occisus est. Tandē irruentibus magno impetu Turcis urbs capta est. 7. Augusti 1539.

1530.

Sarmento tribus sagittis transosso, cum aliis plurimis ducib. bellicis: reliqui à Chairadine capti cum 800. veteranis servituti mancipati sunt, & Constantinopolim missi. Cattarum quoq; aggressus est Chairadines, sed ab eius obsidione discessit, donis acceptis à Mapheo Bembo urbis præfecto.

Ioannes Sepusius sive Sapolienſis regno Hungariæ præfectus à Solymanno, iam senex duxit vxorē Isabellam Sigismundi Polonię regis filiā: qui Sigismundus antea Ioannis huius Sepusij sororem Barbarā matrimonio sibi copulaverat: qua mortua Bonam Sfortiam Ioānis Galeacii ducis Mediolani ex Isabella Arragonia susceptā substituit. & ex hac Bona nata est Isabella quā Sepusius duxit. Et Ioānes Sigismundus II. qui regno Poloniæ præfectus est.

At cūm

At cùm Maylat & Balas præfecti Transylvaniae defectionem mollirentur, à Ioanne Sepusio sunt oppressi, in qua cum esset expeditione, Isabella illi Silinici peperit filium Stephanum: Rex ægrotus in convivio instituto cùm avidius bibisset, ut gratulationi suorum satisfaceret, in febrim recidens, diem extremum obiit, ex testamento filium heredem relinquens; cui tutores instituit Georgium Varadini Episcopum, & Petrum Vicis consanguineum: Legatique missi sunt Constantinopolim cum muneribus, nempe decem pateris ex auro puro, 600. argenteis deauratis cælatisque: 40. talaribus Syrmatisque vestibus sericis & aureis, & 50. libris auri puri cusi. Puer regius baptismate insignitus est, & diademate regni sacro coronatus.

Mortuo igitur Ioanne Sepusio, Ferdinandus Caroli V. Imperatoris frater regnum affectans, hortatu Hungarorum nobilium, qui ad eum defecerant, arma movit in Isabellam defuncti viduam, venerant enim ad Ferdinandum Alexius Torso Ferentius Gnarus, Petrus Bachit, Baltazar Pamphilus, Francus Capolnates, Ianus Castelamphus, & Casparus Scredus, qui omnes mulieris & monachi Georgii non poterant perferre imperium. Coactio igitur exercitu Ferdinandus Leonardum Velzium Rhætum præmisit Danubio, qui Strigonium descenderet; ac paulo infra, Vicegrade arcem vi expugnavit, cui præerat Valentinus Litteratus. Pæstum etiam pari successu occupavit & Vacciam, quæ se ultro dediderunt. Inde Budam appulit cum omnibus copiis. In urbe erat Valentinus Turacus militiæ magister, qui sese intra mœnia continebat, res urbanas alexæ non ausus committere. Velzium cùm obsidionem in longum trahi videret, militem reduxit

ante

ante Vicegradum, ut arcem superiorem, quam nondum ceperat, cogeret ad deditionem; quod statim contigit: ac paulo post Albam regalem¹, Petri Perennij defectione, in potestatem redegit. Cumque Hungaris non satis benè conveniret cum Germanis, rediit Strigonium imminente jam hyeme.

Isabella & Georgius urgente necessitate petiverant auxilium à Sangiacis vicinis; nempe ab Vstrepho Bosnæ, & Mahomete Iahaogli Belgradi, & ab Amurate: qui jam Clissa occupata prope Salonas, ad Dalmaciæ fines appulerant, sed ulterius progredi sine jussu Imperatoris non erant ausi. Regina igitur rem omnem per Legatos, quos habebat Constantinopoli, Sultano communicavit. Qui munera ad puerum regem misit nempe togam regiam purpuream auro distinctam, clipeum excellenter elaboratum, cum massa & acinace gemmis ornato, illius protectionem se ultro suscepturum promisit. Simulque Vstrepho & Mahometi severè mandavit, ut protectionem maturarent, nequid sinistri Budesibus eorum negligentia & cunctatione contingeret. Cùmque Hieronymus à Lascho venisset Constantinopolim, & Sultanium multis verbis averteret à tutela pueri reges conjectus est in vincula & à Rostano bassa Solymani genero indignissime tractatus.

Anno 1541. ineunte vere Turcæ in Hungariam venerunt, & conjunctis copiis cum Valentino trajecto Danubio Vacciam occuparunt & cremaverunt. Inde perrexerunt Pæstum cui præerat Barcoç & Otho Fotiscus: in cuius obsidione cùm satis malè Turcis cederet, & illis à regina parcius solite elargiretur annona, relicta obsidione reversi sunt in suam ditionem. In quas disce-

dentes impetum faciens Ferentinus Gnarus multos occidit inter quos cecidit Achomates vir singularis virtutis.

Carolus V. ut fratri succurreret, Comitia Principum Ratisponæ convocavit mense aprili anno 1541. ubi de religionis perturbatione actum est. Tandem Imperatoris jussu negotium expeditionis Hungariæ delegatum est Gulielmo Rockendorffio; qui cum Silesiis, Moravis, & Boëmis secundo Danubio Budam descendit: quam machinis tormentisque æneis, & cuniculis sub terram actis usque adeo concussit, ut oppidanos fere moverit ad deditionem: cui accessit & proditio Bornemitzii Budensis, qui Germanis portam secretiorem noctu aperuit: sed cum proditor se videret proditum, cum Germanis an fugit. Solymannus interea Mahometi bassæ injunxit, ut celerrimè Hungariæ regi ferret opem: Mustapham autem bassam Nicopolis Sangiacum misit in Maylatum, qui Ferdinandi partes sequebatur, præcepitque Petreio Moldavo Valacorum Satrapæ, ut Mustapham adjuvaret. Hii iuncti erant Machometes Sangiacus Belgradi, & Vlumasbegus, qui Vstrephe in sangiacatu Bosniæ successerat. Iam perventum erat Budam, vbi Valentinus Turacus, qui in urbe erat, Turcis se coniunxit, ut in Rockendorffium aliquod generosum facinus aggrediretur: Pugnatum est utrinque magna obstinatione, donec Rockendorffius graviter humerum saucius, noctu fugæ sededit. Mahometes Belgradi, & Valentinus Turacus Perennii castra occuparunt, Germanis expulsis: in ea pugna plusquam viginti millia hominum cæsa sunt à barbaris 36. maxima tormēta ænea abducta sunt: sarcinæ & impedimēta, cum innumeris mercatorū tabernis præde-

mili-

militum cesserunt. Rockendorfius, qui se inde subtraxerat æger, per suos invitatus licet schapha delatus est ad insulam Comarem, & paulo post in pago Soma animi dolore, & vulnere quod acceperat pressus, expiravit.

Solymanus cum ingentibus copiis Budam pervenit mense Augusto anno eodem 1541. qui victorem exercitum collaudavit: & Machometem Belgradi Sangiacum, cuius virtute parata erat victoria, equitatu totius Graciæ præfecit: captivosque fere contingentes miseræ destinavit lanuæ: inter quos erat Baltazar Picanus, & Tayscus viri nobiles. Missisque ad regem puerum muneribus, inter quæ erant tres equi generosi, ornati frænis & Ephippijs aureis gemmatisque, & tres togæ clavatæ, auroque distinctæ, reliquis quoque Hungaris optimatibus auro variegatas vestes donavit: simulque petivit ut puer in castra adduceretur, quod factum est, matre tamen dubia de rerum eventu. At dum Principes Hungari opiparè in castris convivarentur, Solyimi jussu missi sunt præcipui ex Ducibus, qui prætextu urbis visendæ, portam Sabbatinam, & compita urbis occupaverunt: Proclamatumque est publica tuba, ut cives nihil formidarent: sed si benè consultum vellent sibi, uxoribus, & liberis, arma in locum destinatum comportarent: quod statim factum est cogente id necessitate. Postquam rem sine tumultu pacificè transactam vidisset Sultanus, puerum sub noctem ad matrem remisit, retentis apud se Georgio Varadinensi Episcopo, Petro Bisc tutore regis, & Valentino Turaco præfecto militiæ. Stephanoque Terbene cancellario, & Urbano Baziano præfecto Vrbi. Regina metu percita ad Soly-

1541.

lymannum misit, qui supplicite rogaret vt datæ fidei memor esset; simulque exquisitas margaritas ad Rostanum Principis generum portari iussit, quæ illius benevolentiam promererentur. Solymanus urbem ingressus 30. Augusti anno 1541. cum duobus filiis Selymo, & Baiazete, quos ex Rossa suscepit. (Nam Mustaphas qui ex Circassâ matre natus erat patri suspectus propter acumen ingenij, & militum favorem, quasi relegatus Magnesiæ vrbe Ioniæ relictus erat. Peractis igitur sacris suâsu bassarum, maximè Rostanis, iussum est reginæ, vt ex vrbe cum filio discederet; & se in Transylvaniam reciperet, donec puer adultus regno videretur idoneus. Illa interim cum thesauris regis Lippæ viveret, suarum rerum secura. Isabella intra se tyranni perfidiam obominata, mandatis tamen illius obtemperavit; relictæque vrbe, & omnibus quæ ad militiam pertinebant, cum suis Satrapis viæ se expedit. Solus Valentinus Turacus homo magnanimus & opulentus, quique munitissimas arces circa Balatonem lacum possidebat, retentus est captivus: quamvis illius liberationem diligentissimè sollicitaret regina, & Agorchus Sigismundi Poloniæ regis Legatus apud Turcam.

Ferdinandus interim misit Leonardum Velzium, quæ fugam suorum compefceret; reliquias colligeret, & confirmaret. Nicolaumque Salmensem ablegavit ad Solymannum, qui novis conditionibus pacem impetraret: Cum eo erat Sigismundus Lithestanus: Hi obtulerunt Imperatori pateram auream gemmis variis ornatam, cû quadam machina argentea, quæ horarum distinctionem, planetarum cursum, & lunæ cum sole coniunctionem artificio mirando denotabat. Hi excepti sunt honorificè, & post

& post aliquot convivias acceptis muneribus in Austriam reversi sunt. Ipse verò Budæ constituto Machomete Hungaro, sed qui ad Turcarum religionem defecerat, adiunctoque illi Stephano Verbeto tanquam urbis iudice sub autumnum Constantinopolim se recepit.

Anno 1542. Comitias Norimbergæ convocatae sunt, ubi de controversiis religionis ageretur, & simul de bello movendo contra Turcas pro regno Hungariæ. Urbes liberæ triginta peditum millia, & septem millia equitum decreverunt, qui sub ductu Ioachimi Brandenburgici secundum dextram Danubij ripam descenderunt Strigonium. Illis se junxerunt decem millia equitum Stiriorum duce Hungaroto: & Hungarorum quindecim millia sub ducta Casparis Seredi. Paulus autem III. Farnesius P. M. misit tria millia equitum, quibus præerat Alexander Vitellius. Præter eos qui iam in Hungaria militabāt. Traiecto igitur Danubio Pæstum venerunt. Solymanus autem magno cum adparatu in Hungariam contendens primò Valpoum, Petri Perennij arcem munitissimam ultra Dravum sitam, expugnavit: unde Pæstum aggressus, nostrisque habita pugna fufis, turpiterque fugiente Ioachimo Brandenburgico, urbe potitus est.

Anno sequenti rursus in Hungariam Solymanus expedit Amuratem, & Vlamam Persam; quos sequebatur Achomates Romaniae Beglerbegus, illi Soclum occuparunt in via, & Strigonium duxerunt copias. Urbem tutabatur Liscanus Hispanus, & arci præerat Salamanca. Moenibus autem continua concussione ex maiori parte deiectis, cum Turcæ per valla & aggeres urbem ingressi essent, multis suorū cæsis, repulsi sunt: inter quos occubuit Baltacus Selymbriæ ad Euxinū pontum Tetrarcha, &

Zimar Persa, cum circiter ducentis Turcis qui ex navibus urbem oppugnabant. Sed postea rebus malè cedentibus Liscano & Salamancæ, 10. Augusti eiusdem anni urbe sunt potiti: qui cladi superfuere, trāfacta cum Turcis compositione, Posonium se receperunt ubi à Nicolao Salmēsi capti sunt Salamanca, Liscanus Vincenti⁹ de la Matrici, Aleſſius Nardous, & Tristanus, & sub custodia traditi.

Solymannus relicto Strigoni Ossano, præmissisque Scythis Tataris, qui usque ad Albam regalem incurſionibus assiduis longè lateque Pannonēs infestarent: Theodatam urbem munitam cepit, & solo æquavit. Inde vires omnes convertit ad expugnandam Albam: Quæ ut palude circumquaque erat cincta, & loci opportunitate munita, videbatur multum facessura negotii obsidentibus. Vrbi præfectus erat Barcocius, qui suadebat, ut suburbia diruerentur: Sed Octavianus Scroſatius cum Albanis, illius consilio non obtemperavit: Factumque est ut impetu facto Turcæ occuparint suburbia; cæsis Scroſatio, Barcocio, Philippo Tornielo comite, & Carlo Secco viris illustribus. Oppidani præsentis periculi metu Legatos ad Solymannum miserunt pro redditione urbis: quibus permissum est discedere rebus salvis: & civibus libertate frui: Sed post abitum peregrinorum militum, Sultanus urbem ingressus supplicium sumpsit de aliquot civibus, qui rejecto imperio Isebellæ, & regis pueri, ad Ferdinandum defecerant: reliquos, nequid novi machinarentur, transtulit Budam, & Belgradum. Balibeium Vrbi præfecit: & toti regno Hungariæ Machometem Iahaogli Belgradi Tetrarcham. Ipse verò cum reliquo exercitu, vergente iā autumno, Constantinopolim rediit an. 1545.

1543.

Anno 1547. Helias sive Ercaſes, Imirſa Tammæ Scacho Persa-

Perfarum frater ad Solymannum defecit: cui commisit exercitum & in Persiam remisit: Sed cum fratrem Tamam non posset assequi, expeditioq; illa laboriosa & infrugifera videretur, Helcā variis criminationib. obrutum coegerūt aufugere: ipsi & infecta redierunt in Anatoliam.

Anno 1550. Aphrodisium (quod Mauris dicitur, Mahadiam, nostris vero Africa) in ipsius Africæ littore occupavit Dragutes Raisus pyrata celebris: quam eodem anno recepit Carolus Cæsar, per Andræam Auriam; cæsis ex barbarorū præsidio 300. & abductis 1200. mancipiisque in Monasterio oppido vicino Africæ capta sunt: ipsumq; Aphrodisium post tertium mensem expugnatum & solo æquatū, abductis inde 7000. captivorum. Id Solymanus ægre ferens, Sinambassam cum Dragute & Sala Raisis remisit, qui Melitensem arcem expugnarent: quod cum frustra tentassent, in Africam trajicientes Tripolim arcem & oppidum ditionis Equitum Melitensem in potestatem Othmannici Imperatoris redegit 15. Augusti, anno 1551. Tripoli præfectus est Dragutes cum Sangiacibegis titulo: Is infestus erat Carvennæ regi vicino, quod obsidenti Aphrodisium suam negasset opem: quare in eum arma movens, eius fere totam ditionem, quæ 300. tantum à Tripoli milliariibus distat, sui juris fecit eodem anno, Alisbassa, qui Cara dicebatur, Budensis præfectus Stephano Lofontio cæso, Temesvarum Hungariæ urbem occupavit, cum aliis aliquot castellis, Erasmumque Tenselum præfectum Ferdinandi Austriaci, cum Sfortia Palavicino, Augustino Scardellata & aliis ad Palastrum fuderat: Quorum rerū successu elat⁹, adjuncto sibi Achomate Romanix Beglerbego, & Casaue: aliisq; begis, Zolnoccū, cedentib. ultro præsidariis militibus, 4. Septembris in ditionem

1550.

1551.

recc-

recepit : Cùmque Agriam tentasset expugnare, cum ingenti suorum clade & dedecore repulsus est: Anno 1552.

1552.

1553.

Anno 1553, sollicitante Aramantano Regis Gallie Legato Solymanus classem armavit, quam cum Gallo coniunxit, Siculisq; & Neapolitanis gravissima damna intulit. Eodemque tempore Genuensibus adempta est Corsica: quam postea receperunt anno 1559.

1555.

Anno 1555. cum legati à Ferdinando de pace tractanda missi essent Constantinopolim Antonius Verantius Agriæ Episcopus, & Franciscus Zais Cassoviensis præfectus, neque adhuc quicquam impetrassent, Tuigon Budensis bassa Capos Vhivarum & Baborzam cepit, unde ad Zigetum tendens, fortiter à præfidiariis retro cedere coactus est.

Anno sequente Selymus & Baiazites vivente adhuc patre de imperio inter se decertarunt, victusque Baiazites in Caramaniam cum quatuor filiis se recepit abductis secum 20000. armatorum. Inde in Persidem perrexit. Sed ne quid novi moliretur, Solymanus Legatos ad Taminam Sophi expedit, qui illum rogarent, ut Baiazitem cum filiis de medio tolleret. Utque de ejus morte non posset dubitare, misit eo Casminum Zeschnegir, hoc, est prægustatorem qui optimè Baiazitem ex facie noverat. In cuius præsentia Principes cum filiis strangulatus est. Et mortuorum corpora Seba stæ sepulta sunt anno 1559.

1559.

Dragutes Tripolis Sangiacus Gerbensem insulam dolo cepit, interempto Soleimane Schoco, quem suspendi iussit, alterique Seecho insulam concessit, ea conditione, ut quotannis illi tributum sex aureorum millium penderet. Cùmque Melitenfes ad recuperandam Tripo-

Tripolim cum Hispanis classem instruxissent; neque illis hæc expeditio successisset, Gerbem invaserunt. Qua de re Dragutes ad Solymannum rescripsit: Atque is cito Pialimbassam cum Genizarorū & Spachiorum manu forti cōmisit, classemque sub ductu caræ Mustaphæ instruxit: hi simul in Christianos invec̃ti, decem & octo millia ex nostris vel cæsa, vel capta, vel vndis obruta sunt: triremes 27. amissæ, naves onerariæ 14. Dux Medinensis cum Ioanne Andrea d' Auria Melitem evasere, Gastone filio Medinensis capto: anno 1560.

1561.

Anno 1561. Græcus quidam Iacobus Heraclides, qui & Basilicus dicebatur, & ab antiquis Valachis originem ducere, Samique Despota, & Pari insulæ Marchio, à Polonis adiutus Alberto Lasco, Philippovio, & Lafocio, regnum Moldaviæ occupavit, expulso Alexandro Despotâ, cuius possessionem illi confirmavit Solymanus: sed quinta Novembris 1563. fraude circumventus à suis Valachis cæsus est: cui substituerunt Demetrium Visnovicum: & eundem Constantinopolim captivum miserunt, accito Tomâ principe, qui paulopost ab Alexandro reverso Despotatu detrusus est, & in Podolia ad Leontopolim capite plexus, Alexandro filius Bogdanus successit. Bogdano Ivonia: qui se Stephani Vaiovodæ filium ex concubina dicebat, qui & à suis ad Danubium necatus est: & in eius locum Petrus alterius Valachiæ principis frater, adiuvantibus Turcis, fuisse cõtusest.

Anno 1574. Garzias Toletanus Pignonem arcem in Barbaria littorali Africæ ora Turcis eripuit: ex qua pyrata multa inferebant damna Italis & Hispanis.

Eodem anno Lazarus Suendius Tocaum & Zerenicum expugnavit in Transylvania, traicctoque Tibisco

Dd

Maximi-

Maximiliani imperio addidit Erdendam, Cuvaram, Batorum, Vibaniam, & Sēderouiam. Cumque rebus Vaivode Transylvani Ioannis Sigismundi succurrere non posset Solymannus: qui suasu Chafanis Chairadinis filij Profubtani Algerij, & Dragutis Sangiaci Tripolitani classem armabat in Melitenfes equites, quæ continebat 250. navigia: & vehebat 4000. idoneorum militum. Classi præerat Pialisbassa cum Dragute: Terrestres copias agebat Mustaphas bassa: & ex Algerio Chafanes adduxit 27. triremes. Hi omnes litus Melitæ legentes, castellum S. Hermetis in ostio portus ceperunt: & hac elati victoria ad oppugnationem munitionis S. Michaëlis se accingebant: sed adpetente iam hieme, & adventante ex Sicilia prorege Garzia Toletano, Turcæ in ignominiosam versi sunt fugā multa clade accepta: nā in hac obsidione cæsus est Dragutes: plusquam 23000. millia Turcarum desiderata, ex Melitēsisibus autem 211. equites interierunt militum 3000. præter aliam turbam bello inutilem: hæc acciderunt 1565.

At Pialisbassa ne nihil in hoc bello videretur præstitisse, in reditu Chium maris Aegei insulam Genuensibus ademit: quamvis Sultano quotannis solveret tributum decem millium ducatorum: id insulanis crimen imponebat, cur illis libertatem tolleret, quod iam biennio tributum non dedissent: quod per nuntios reddidissent certiores Melitenfes de rebus Sultani: & quod multa mancipia Constantinopoli fugitiva se in Chium recipiebant, vnde in patriam remittebantur.

Interea Transylvanus Vaivoda non desinebat assidua importunitate Solymannum sollicitare ad bellum Hungaris inferendum: cui vt aliqua in parte obsecundaret anno 1566.

Palotam mense Iunio cinxit obsidione: à qua discesserunt Turcæ metu advenientis Georgij Comitis Helfstenij: qui Palota Vesprinum se contulit cum exercitu, adiutus præsentia & copiis Egonis Comitis Salmenfis: quo capto Tatam & Gester castellum, Turcis Strigonium se recipientibus, occupavit: ad eos quoq; defecerunt Verthaimenses, Iscochiani, & alij: vnde Turcæ Christianorum metu incensis castellis diffugerunt. Augusto sequenti Svendius Tataros, à Solymano in auxilium Transylvani accitos, superavit; & eorum plusquam decem millia cæcidit: expugnavitq; aliquot castella Georgij Bebeci, qui ad Transylvanum defecerat: nempe Zabaticam, Pelfozium, Gom bazzecum, Crasnahurcam, & Gadingen. Eodem anno se Giulia à Pertavo Vezire bassa, & alio Temesvariensi bassa, & Transylvano capta est, proditione Kerozinii: qui à suo affine Georgio Bebeco corruptus erat: Sed proditor postea Constantinopolim ductus, accusatusque quod Musulmānos captivos crudeliter tractasset, iussu Selymi (qui patri mortuo successerat) inclusus dolio acutis clavis ferreis circumducto, ac de monte devolutus, infelicem per horrendos cruciatus exhalavit animam. Capta Giulia secundo Iulij, ad Zigetum obsidendum venerunt, præsentē Solymano, qui paulò ante eò venerat cum exercitu ducentorum millium, ad subiugandas Hungariæ reliquias: Zigeti erat Nicolaus Comes Zerinius cum aliis multis nobilibus Hungaris: qui licet hostem sæpius viriliter repulissent, locum tamen retinere diu contra violētiam eorum non potuere. Captum est Zigetum 7. Septembris 1566.

1566.

Interfecto Zerino: in ea obsidione plusquam triginta millia Turcarū occubuerunt: Sed triduo ante quā expugnaretur Solymanus diem obiit postremum. Eius mors

Dd 2 tanti-

tantisper occultata est per Vezirem bassam Mechemetem
 (interfecto etiam Sultani Archiatro ne palam id faceret)
 donec Selymes, cuius filiam duxerat, imperiū patris sine
 tumultu sumeret, & ad castra veniret. Nam Ianizzari &
 reliqui milites in monte Principis solent omnia diripere,
 ipsosque etiam Sultani thesauros, cum Christianorum
 Iudæorumque facultatibus auferre. Quæ si in castris con-
 tigissent, maximas clades rebus Turcicis inferre
 potuissent Christiani. Mortuus est Soly-
 -mannus 4. Septembris anno salu-
 tis 1566.





FORMA TIBI LAUDATA QUIDEM MORESQUE POLITI
BARBARA SED CRVIVM PECTORA VIRVS HABET



PHILTRA DOCET TROGILLA CIBIS MISCEDAQUE VINO
SOLA VT DILECTO TV POTIARE VIRGO



ROSSA SOLYMAN NI VXOR.



OSSA, Roxa vel Roxo-
lana Solymanni vxor:
quam duxerat propter
excellentiã formæ cere-
moniis etiam contra mo-
rem Musulmannicum
adhibitis conviviis, ubi vi-
no & omnibus esculentis omnes indulse-
runt. Ea semper unicé dilecta est Imperatori,
& inter omnes eius uxores hæc sola Sultana
nominata est. Habebat Solymanus alias u-
xores & concubinas, inter quas fuit Circassa
quædam, quam ante Rossæ nuptias duxerat;
ex ea Mustapham bassam genuit suorum li-
berorum primogenitum. Sed postquam
Sultanino thalamo excepta est Rossa, oportuit

tuit Circassiam illi cedere: cui ut gratificaretur maritus filium Magnesium in Asia misit, & illi Amasianam provinciam dedit, quò simul cum matre se reciperet: Deinde ut juvenem summo ingenio & virtutibus clarum tumidumque in officio & contineret illi adsignavit Carahemidam in Mesopotamia ad fines Persicos, ut remotius à patre viveret. Amabatur enim à Genizaris & à Principibus. Vtrumque & matrem & filias incantationibus philtrisque à Trongilla venefica Iudæa alienaverat à Solymano Rossa: quæ omni ratione conabatur filiis suis Imperium adstruere: Susceperat enim ex Solymano quatuor filios Muchemetem, Selymem, Baiazitem, & Ziangirem: unicamque filiam Chameriam sive Cumillam, quæ Rusteni Veziri bassæ nupsit. Odium patris erga Mustapham augebat non mediocriter Rustenes gener, multis sinistris accusationibus illum obruens: quod Bassas omnes sibi muneribus conciliaret, quod ficta comitate & simulata liberalitate in spem magnarum largitionum extollebat avaros Genizarorum animos,

animos. Et quod præter cætera maximè exulcerabant Solymanni mentem, addebat Mustapham Tammæ Sophi Persarum regis filiam ambire. Quod si id matrimonium fieret, verendum esset ne tam potèti regno auctus & bellicosissimorum populorum auxiliis fultus arma in patrem moveret, & illo depulso sibi Imperium Europæ & Asiæ vsurparet, interfectis omnibus qui essent ex sanguine Sultanino, vt solus rerum potiretur. His motus Solymannus anno Christi 1552. Rustenem Vezirasemen sub prætextu belli Persici cum instructissimo exercitu in Asiam expedit: sed re vera id struebat vt quavis occasione tolleretur de medio Mustapham.

Cum autem Rustenes in Asiam traiecisset, literis ad socerum missis illum monet circumspectè omnia esse gerenda, Et nihil omittendum quod faceret ad res Imperij servandas in integrum: propensissimos militum animos ferri in Mustapham: actumque de rebus omnibus nisi Sultanus illi intersit expeditioni: & sua præsentia ex-

Ec erci-

ercitus insolentiam refrænaret. His exacerbatus Solymannus, quanta potuit celeritate Alepum venit, quasi bellum Persis illaturus : Eò cum appulisset Mustapham ad se literis ex Carahemida accersivit.

Is sua innocentia fretus (licet de imminente periculo, & alienato à se patris animo ab amicis aliquoties fuisset monitus) nihilominus tamen dissimulato metu ad patrem se contulit, sperans fore ut præsentia sua & excusationibus legitimis calumnias malevolorum à se removeret, sed ingressum Sultani tentorium arripuerunt subito robustissimi viri muti (quos Othmanni principes in deliciis habere solent) humique prostraverunt minaciter id innuentem patre, iniectoque jugulis nervo principem innocentem strangulaverunt. Accersitus interea Zangir filius natu minimus, qui gibbosus erat, jussus est quasi per jocum conspiciere eum à quo nihil erat amplius metuendum, cui pater offerebat interempti thesauros & omnes facultates. Quibus omnibus spretis excandescens in Patrem tam
 imma-

immanis cædis autorem, facinus illi verbis acerbissimis exprobravit. Imperator libertate intempestiva filij offensus truculenter ad se attraxit, & pugionem libratum in nihil metuentis adegit viscera: qui in corpus fratris interempti procumbens expiravit: Pauloque post Rossæ vxoris instinctu & sollicitatione Solymannus Muratem Mustaphæ filium Prusæ in Bithynia cum matre degentem opera Ibrahimis Eunuchi bassæ iniecto nervo guttur elidi iussit: cum sæpius hæc mulier mariti ob oculos non desineret proponere periculum quod posset procurari avo & eius liberis à nepote cuius patrem tantopere Genizari amassent. hæc acta sunt anno 1553.

Mortuæ tandem Constantinopoli Messita sumptuosissima extructa est in qua condita sepulchro precioso est. Et postea à Selyme filio qui successerat in imperio Solymani patris in eadem corpus tumulatum est.

MAGN' ES ET GETICI TIBI GRATIA PRONA TYRANI
SERVIT. AT EX ALTO MAGNA RVINA VENIT.



TE PROGERES ODERE PARESQVÆ ET REGIA CONIVX
HORVM NE PEREAS PRODITIONE CAVE.



ABRAHIMVS

BASSA.



BRAHIMVS Bassa natus ex ignobili villula Albanæ prope Pergam, quæ est ditionis Buthroti. Is ab infantia primæ captus est cum cæteris pueris Christiani nominis, qui abducuntur ad Principes Osmannicos. Dum puer esset, inservivit Scander bassæ (qui olim crudelissimè trajecto Natifone fluvio grassatus est per ditiones Livenziæ, Lisontij, & Tagliamenti, perque Marchiam Trivisanam usque ad Venetias) Abrahamus igitur ingenua forma, singularique animi promptitudine præditus, facetus, & eloquens natura, propter has dotes domino suo gratosus redditus est, & vnicè carus. Qui in Musulmannica religione institutus, ut prompto & acuto erat ingenio, literas Arabicas brevi tempore felicissimè didicit, & omne musices instrumentum expeditissimè tractare: quòdque ad omnes delicias muliebres sese accommodaret, Scander bassæ uxori facilè conciliatus est. A quo donatus est Solymanno Selymi filio, vivente adhuc Baiazeto avo. Educatus igitur cum juvene Prin-

cipe, cui erat coætaneus, illi se idoneum & obsequentem in omnibus præbuit, suosque ad domini mores conformans, tantum de eo visus est mereri, ut adultior factus, Solymanni jussu Scanderbassæ unicam filiam singulari forma præditam desponsaverit, illiusque mortui heres factus, locupletes facultates obtinuerit. Neque id satis visum est Principi, Bassarum Princeps creatus est, & Cairi præfectura donatus, equestrisque militiæ Europææ magister (qui Beglerbegus vocatur) factus est: Tandem vezir inter Bassas promotus (qui summus est à Sultano gradus) sigillum Imperatoris obtinuit & secretioris consilij Princeps vocatus est; hunc titulum adeptus, ut Ser Asker Sultani diceretur, hoc est, supremus Imperator, & dux exercitus Sultani. Iamque solus aulam Imperatoriam pro arbitrio moderabatur & regebat, Sultano comes in omnibus expeditionibus & cōsiliis; imo in secretioribus voluptatibus & deliciis testis intimus. His igitur dignitatibus auctus, in bello Hungarico Beglerbegatum fidelissimè & generosè administratus est: Ac licet Musulmannicam circuncisionem cum religione recepisset, occulta tamen devotione Christum reverebatur & colebat. Assiduè igitur Solymannum hortabatur, ut relictis Hungaris & Pannonia sub gubernatione Ioannis Sepusij regis, & Aloysij Gritti, Germanorum animos non irritaret ulterius, quorum vires non satis esset tutum sapius experiri: Satius esse docens arma convertere in Persas Cuselbas hereticos, qui Teckele Herefiarcha religionem Mahometanam, profanis & intolerabilibus superstitionibus deformabant. Id ut facilius Imperatori persuaderet, illi conciliavit Mulcarabum Damascenum Prophetam, qui tunc Constantinopoli summo erat in honore, propter peritiam

peritiam rerum sacrarum, divinationem, & artem Magicam. Is Sultanum adhortari non desinebat, ut Persas hereticos bellis opprimeret, proposita illi certissima spe victoriæ, quod causa justa esset, & Deo gratissima. Cuius admonitionibus obtemperare statuit Solymanus licet illius mater, & vxor Rossa conarentur illum divertere à tam longa, tamque periculosa expeditione. Huic instituto multum adiumenti attulit Vlmas begus, qui recen- ter à Techmasi sive Tamma, Sophi Parthorum rege de-iciens, Constantinopolim venerat, suamque operam offerebat in debellandis Persis. Convocatis igitur omni- bus Europæ Sanguiacis, cum exercitu in Asiam trajecit, ut Nizzæ militum delectum faceret. Lustibegus in Pelo- ponnesum missus est, qui Coronem obsideret, & Aloysi- us Gritus Venetus in Pannoniam ablegatus est ad Ioan- nem Sepusium sive Zapolienssem Hungariæ regem, ut e- ius consilio & prudentia Pannones in officio retineren- tur. Solymanus interim votis pro victoria susceptis sa- crisque peractis spe elatus rei benè gerendæ Iconium Ly- caoniæ urbem venit, unde per Cæsaream, ad Malathiam perrexit (quæ fuit olim Amaltha) ubi ex Antitauri valli- bus Euphrates emanat in apertiora loc. Postea ad Coin- maioris Armeniæ urbem, quæ antiquis dicta est Artaxata, appulit: neque unquam in tam longo itinere Persa hosti- se ausus est opponere. Vlmas autem cum expeditissimis Acanziorum equitib⁹ exploratum missus est, quid Tam- mas rerum gereret: quem cum accepisset ad Iberos & Al- banos in regionē Montesium & difficilē se recepisse: Soly- mānus nullo repugnante Tebriso occupato, in Sultaniā movit exercitū: ubi propter loci fertilitatē, & amœnitatē per aliquot dies refecit milites longis itineribus defatiga- tos. Herente interim diutius Tāma in Coraxeorū monti- bus, tam immanis tamq; horrenda supervenit tempestas.

vt nivibus, grandine, & imbribus frigidissimis fere dimidi-
 us Turcarum interierit exercitus. Hac tam insigni suorum
 iactura motus Solymannus, in Mesopotamiam cum su-
 orum reliquiis contendit, vt illic hibernaret: Initioque
 veris Tebrisiū reversus non meliore fortuna usus est,
 damna infinita ubique accipiens: quibus rebus offensus,
 subiugata prius Mesopotamia, ac tota fere Assyria, Tebri-
 sioque Persiæ metropoli depopulato, Constantinopo-
 lim iter convertit: Quo postquam rediisset ab Abrah-
 imo belli Persici autore paulatim cepit alienari: Cuius odi-
 um in dies magis ac magis incrementum sumebat facti-
 one & conspiratione matris, & Rossiæ vxoris Imperatoris
 aliorumque Satraparum, qui nimiam Abrahami poten-
 tiam ferre non poterant. Rossa verò illum singulariter
 oderat, quod Mustapham seniore natu filium Soly-
 manni fovebat: Noverca hæc maritum blanditiis & phil-
 tris coimpulerat, vt Mustapham cum matre Circassiā in
 Cappadociam mitteret, proculque à Constantinopoli
 abesset, si fortè contingeret Solymannum mori, & hac
 ratione in principatum substitueret filiorum vnum, an-
 tequam ex Magnesiæ præfectura in Thraciam venire pos-
 set Mustaphas. Ambitiosæ mulieris consilia solus subver-
 tebat Abrahamus: Præter has duas mulieres, Abrahamum
 Imperatori odiosum & suspectum reddebat rumor pub-
 licus, quod Christianis faveret, eorum res promoveret, &
 Christum Deum coleret: Adde quod paucis antè diebus
 Marcum Nicolai Veneti filium secretò jugulari iusserat,
 & in mare proiici, ne quæstioni adhibitus revelaret arca-
 na quædam, quæ Babylone cum eo communicaverat.
 His accusationibus oppressus Abrahamus apud Solyman-
 num, qui illum amarissimè reprehēdebat ingratitude
 & per-

& perfidiæ: quod cum ex servili conditione ab eo prove-
 ctus esset ad tantam honoris & autoritatis amplitudi-
 nem, tantorum tamen beneficiorum immemor, Oth-
 mannici nominis hostes perfidi foveret, id quod ex eius-
 dem Abrahami literis paulo antè interceptis probabatur.
 Is ad Sultani pedes supplex & lacrymabundus provolutus,
 multis verbis veniam deprecabatur, peccatum agnosce-
 bat & fatebatur: Eius tamen preces apud exulceratum a-
 nimum non habuerunt locum: Sed eadem nocte lectulo
 tristis recumbens & dormiens, ab Eunuchò jugulatus est
 cultro recurvo, quem à Principis manu acceperat. Dor-
 mientem jussit ideo interfici: propterea quòd olim data
 fide & jurejurando interposito illi promiserat viventem
 se nunquam vita privaturum. Utque hac obligatione sol-
 veretur Talismanus, qui est legis Musulmannicæ inter-
 pres, apud Principem asserebat somnum esse aliquam
 mortis speciem, & dormientes inter vivos numerari non
 debere, quod omni sensu ferè carerent, & ab omnibus
 actionibus vitæ convenientibus sejuncti essent, & quasi
 Letheo stupore sopiti: His monitis confirmatus Princeps
 Abrahimum occidi præcepit, antequam evigilaret: Eius
 corpus dicitur lapidi alligatum & cum diris imprecatio-
 nibus in mare proiectum: Postera die per quæstores mor-
 tui bona ad ærarium translata sunt, & fisco adplicata:
 servata tamen uxori infelicissimæ perexigua parte, quæ
 dotis nomine illi concessa est. Abrahami loco Vesir fa-
 ctus est Ajax sive Aigasbassa, Prætorianorum Genizza-
 rorum præfectus, Principi clarissimus propter prompti-
 tudinem & fidelitatem. Et Chairadines Barbarossa, qui
 paulò antè cum Sinano Pyrata ad Iconium obviam ve-
 nerat Solymanno, ut illi gratularentur pro occupata AC-

syria, & veniam deprecarentur pro amisso Tuneto: Hunc igitur Princeps ob nauticæ rei peritiam, & magnanimitatem in Bassarum numerum recepit, & Thalassiarcham creavit. Abraimus igitur hunc finem vitæ miserabilem sortitus est, postquam ad tantam potentiaæ amplitudinem profectus esset, ut illi nihil deesse videretur, præter summum Sultani titulum: Sublatus est è vivis 15. Martij anno Christi

1537.



VIS TVA DIREPTO SATIS EST PERSPECTA TVNETO
NVNE CEDE : ADVERSAS CÆSAR HABEBIT AQVAS.



SECVRVS TERETI LASSABIT NAVITA REMO
AEQVORA, DVM LIBYCO PRÆFICIERE MARI



ASSAMBEGV S.



SSAMBEGV S. cognomento Maurus Alexandrinus, Pyrata sui temporis famosissimus. anno Christi 1533. cum Lustibeio Sangiaco Gallipolis Thalassiarcha & Solymanni Othmanni sororio, venit in Peloponnesum ad liberandam Coronen, Patras, & Dardenellos, loca munita, prius occupata per Andream Auriam, & Imperatorios milites. Cum Lustibeio venerat Soleimanes Eunuchus Albanus homo arte bellica clarus. Hi omnes cum octuaginta triremibus instructissimis appulerunt ad Acrite promontorium, quod dicitur hodie Capo di Gallo. Coronæ relictus erat Hieronymus Mendosa Hispanus, ad quem Auria misit Christophorum palavicinum, ut illum de adventu copiarum auxilium redderet certiore: Is per medios hostes viam sibi vi faciens, ad urbem pervenit, obsessosque bona spe confirmavit. Interim Auria cum classe iuventus in Lustibeij naves, eas fudit, & dissipavit non sine gravi difficultate: ea pugna navali captus est Iosupius mille Ianizarorum præfectus: quem paulo post multis affectum muneribus,

& honorificè tractatum, cum libertate remisit ad suos Methone hærentes. Ceciderunt eo prælio fere trecenti Turcæ, Maurus verò cum Soleymane Eunucho & Cairi præfecto, Luftibeiū amarè reprehenderunt, quòd illius negligentia & cunctatione tantam accepiſſent cladem: parumque abſuit quin orta ſeditione ab invicem diſcederent. Auria igitur repulſis hoſtibus frumentum, & reliqua neceſſaria Coronèſibus diſtribuit, & urbi Macicaum præfecit cum novis copiis, abducto inde veteri præſidio: rediitq; Coreyram, deinde in Sicilam trajecit, cum hoſtes ut manus conſererent cogere non poſſet. Paucis poſt diebus Maurus Venetorum naves onerarias in Syriam navigantes, non procul à Creta invaſit quibus præerat Hieronymus Canalis, eaſq; nocturno prælio conatus eſt obruere: Sed ſua ſpe & expectatione fruſtratus eſt: A Venetis enim ſuperatus eſt & fuſus: & ex tredecim triremibus, quibus præerat, quatuor fractæ & ſubmerſæ ſunt, tres captæ, reliquæ Alexandriam fuga diſſiculter claſſæ pervenerūt. Ea pugna trecenti Ianizari, qui Cairum deferebātur, cæſi ſunt; & plusquam mille Turcæ, qui triremibus inſerviebant. Nam pyratae rarò utuntur mancipiorum opera in remigio, nō ſatis fidentes tali hominum generi. Inter cæteros capt⁹ eſt etiā Maurus graviter in frōte ſaucius: Is poſtquam nomen ſuū Canali declarafſet, humaniter ab eo eſt tractatus, & Chirurgorū curæ traditus. Tunc uterq; veniā deprecati ſunt, quod ad arma deveniſſent, putantes hoſtiles eſſe copias. Maurus Auriam ſe aggredi crediderat, Canalis Chairadinem, qui paulò antè tres Venetorū naves interceperat. Ita ſimulatis uterq; verbis factū excuſantes, Maurus liber dimiſſus eſt: Veneti poſtea legati apud Solymanum Imperatorē culpam diluentes verbis ſupplicibus, laudati

laudati sunt à Principe qui generosum Canalis animum multis verbis extulit, & eius magnanimitatē adprobavit.

Anno 1537. Maurus præfect⁹ est Scardonæ oppido Dalmatiæ: quod Pefar⁹ Vetturiusq; eius collega Venetæ classis præfecti obsederunt, expugnarūt, & solō æquarunt; ne postea Turcæ reversi urbem reciperent, & situ opportunā munirent, in detrimentum rerum Venetarum. Maurus inde cū paucis elapsus, fuga salutē quæsit: Anno autem sequenti 1539. Cū Imperator Solymannus Lusitanos non ferret ex occidente in Orientem penetrassē, & pervenisse nō solūm ad Erythræum sinū, sed etiam in extremā Indiam felici navigatione copias duxissē; ubi structis arcibus, oppidis, & propugnaculis oræ maritimæ dominium usurpare moliebantur, & inde in Hispaniam avertere aromatum commercia, quæ prius ex India per Arabicum sinum Sueßum deferebātur, inde Cairum, & Alexandria: demum in mediterraneas Asiæ provincias, Græciam, Italiam, Germaniam & Galliam. Hæ autem merces Lusitanorum navigationibus intercipiebantur, & in Hispaniā avertebantur: unde facillē poterant cōmunicari reliquis septentrionalium regionum populis: His igitur dānis offensus Solymānus Imperator, negotium dedit Soleymāni bassæ Cairi præfecto, ut præparata classē Lusitanos ab incepto impediret. Celeri igitur diligentia octoginta naves ædificari curavit, quas ex Cairo sive Memphi terrestri itinere Arsinoë, quæ dicitur Sueßa, dissolutas transvehi iussit. Et in portu Sueßano compactas mari exposuit: Classis hæc constabat viginti triremibus, viginti septem biremibus, quatuor ingentibus navibus, quæ Galeaciæ dicuntur à Venetis, Septem aliis onerariis quæ Mahones vocantur ad machinas bellicas comportandas, reliquæ numerum supradictum efficiebāt acōmodatæ ad belli apparatus. His

1537.

1539.

navalibus copiis instructissimis Soleymanes Eunuchus,
 & Maurus Alexandrinus (qui paulo ante Sinani Iudeo
 successerat) anno 1539. ex faucibus Arabici sinus, quæ A-
 zamenæ vocantur, distantque ab Arsinoe mille & qua-
 draginta miliaribus, progressi, trajectoque sinu Persico
 pervenerunt ad Indum flumen; ubi summis viribus ur-
 bem Dion Lusitanorum præsidio munitam obsederunt:
 Quos cum superare nequirent, re infecta, & infelici suc-
 cessu irritatus Soleymanes Ademam Indiæ emporium
 celeberrimum occupavit, ejus loci rege suspenso, depre-
 data urbe, & regii thesauris secum absportatis: præsidio-
 que illic disposito ad portum Zidæ delatus, Zibitinum
 regem pari crudelitate truncari jussit, cum omni regia
 familia, fidem datam credulo Principi rumpens, qui illi-
 us amicitiam sumptuosis muneribus affectabat. His avarè
 & immaniter perpetratis terrestri itinere Mecham se
 contulit, ut in fonte Mahometis prophetæ ibi sepulti fa-
 cinora commissâ expiaret. Exeuntibus enim ex faucibus
 sinus Arabici ad lævam occurrit urbs Ademiorum Ara-
 biæ felicitis emporium, ad dextram autem versus meridi-
 em ad littus Trogloditarum regna sunt Selan, Monba-
 zan, & Melindæ usque ad promontorium bonæ spei ex-
 tremum Africæ & in hac Africæ parte longe lateque pro-
 tenduntur regna Abyssinorum magni regis: qui reli-
 quos omnes potentia & opibus superat: Mauro au-
 tem Alexandrino classem ad portum Arsi-
 mes reducendam commisit, quæ
 & ipse peracta profectioe
 ex Mecha rever-
 sus est.



Gg

CAPTIVOS PRÆSENTE VIRO DVM DEPERIS, ILLIS
CONCILIAS LAQUEOS: TETRA VENENA TIBI.



AFRA TIBI PATRIA EST, NOMADVMQ; É GENTE PARĒTES
SED DIGNVS GRÆCA VIRGINE VVLTVS INEST



TAMIRA ASSAM BEGI VXOR.



A M I R A Assambegi Alexandrini vxor: vel, vt alij volunt concubina: Alarbæa natione, colore fusco, sed forma gratiaque non vulgari: Erga maritum fide singulari: sed contra barbarorum morem animo miti, & ad clementiam inclinato: cum truculētiam & crudelitatem viri sui non obscure improbaret, qui erga captivos Christianos durus, & inexorabilis esset, sæpius illum à crudelitate divertit lacrymis & precibus: Sed hæc benignitas & mansuetudo non fuit mulieri perpetuo utilis: Nam in bello Dionis contra Lusitanos Assembegus duos Hispanos abduxerat, quos

cum duriore premeret servitute, & insolentius iusto se cum iis gereret, Tamira eorum vicem ægrè ferens, imprudentius apud maritum pro cis deprecata, eorum gratiam & virtutem extollebat: Hac re offensus, suspectamq; vxorem habens (quod potissimum illis cibum ministrari curaverat, & vestimenta dari) captivos adhibito gulæ nervo strangulari iussit in præsentia vxoris, illamque vt venenum biberet, coëgit, quo extincta est paulo post.





BIS TIBI VIGITI EST REGNORVM SVMA POTESTAS;
TAM LATÈ EXTENDI QVIS PVTET AETHIOPAS.



CHRISTVS ABYSSINIS NŌ EST IGNOTVS IN ORIS
GENS EST IVDÆO SED RECVTITA MODO.

DAVID ABYS SINVS.



DAVID Abyssinorum Æthiopum rex natus est patre Nao, matre verò Helena. Pater Naus suis propter avaritiam odiosus, dum moreretur filium impuberem sub tutela matris mulieris prudentissimæ reliquit: quæ filium sanctis eruditum moribus, regnumque illius tamdiu moderatissimè gubernavit, donec ad ætatem sceptro idoneam pervenisset. Regem suum Æthiopes vocant Acegua, & Neguz: vel, ut alij volunt Beldugian, hoc est, gaudium inestimabile, vel gemma precij indicibilis: ab hoc nomine nostri corruptè Pretergiam nominant. Mauri illum appellant Ariclibassi. David hic peculiari titulo vult dici Atanadidenghel, hoc est, thus Virginis: Imperare dicitur regnis septuaginta duob. quæ linguis & moribus distincta sunt.

Anno 1533. Legatos misit Romam ad Clementem VII. P. M. cum literis, quibus se regem multorum regnorum dicebat: quorum nomina hæc recitantur: Xoa, Caffa-

Cassate, Fatigar, Angote, Barti, Adecar, Bellangangue, Vangue, Gazame, Amara, Baguemedi, Ambea, Trigremahō, Sebaim, Bernagues, & alia. Præcipuum regnorum est Scevæ, vbi fere semper David magnifica degit aula, propter æris temperiem, fertilitatem terræ, & hominum ingenia. Vergit hoc Scevæ regnum ad Antarcticum, Vingt duobus gradibus. Palatia habet & templa magnis sumptibus extructa, irriguis aquis, & herbosa regione amœnum. Fertile est hordei, frumenti, & omnis generis leguminum. Ter quotânis tellurem colunt; perpetuo fere illic autumnus vigente. Inter omnes Abyssinos Scevenses reliquos ingenij promptitudine superant, & morum gravitate; justiciam & æquitatem colentes, & principem suum summa veneratione observantes. Templa habent non multum à nostris cultu diversa, & ceremoniis sacris. Instituti dicuntur S. Bartolomei apostoli prædicationibus, & Philippi Diaconi: quos regina Candace recepit, & tractavit honorificè. Baptizantur more nostro; & ferro candente fronti inaurunt cicatrices quasdam. Circumscissione utuntur, tam viri in præpucio, quam mulieres in myrtio particula eminente. Severissimis suppliciis delicta puniunt; maximè blasphemos in Deum. Rex ab occupationibus & administratione regni liber, lectione sacrarum literarum horas impendit vacuas. Vetus & novum testamentum, & Pauli Epistolas habent ex Chaldaica lingua in Abyssinam translata. Moderatis utuntur exercitiis, & balneis odoratis. Solus cibus capit, mensa aurea sine mappa. Vinum bibit aurea patera, vel cristallina. vel Zittum ex pomis acidis & copioso Zaccaro. Dum mensæ accumbit, trecenti juvenes principum filii mensæ adstant, qui illi inserviunt; vel circa tentorium illius excubant more satellitum.

tellitum. Semper in illius præsentia se sistunt quatuor reges subditi, qui per vices illius aulam sequuntur, cum aliis Satrapis & nobilibus. Prandet tantum quotidie: festis diebus coenam adjungit prandio. In eius tentorium post cibum admittuntur regum uxores, quæ reginam honorēt, & exhilarant cantu & saltationibus. Rex quatuor sibi jungit uxores ex regum vicinorum filiabus. Vnius tamē tantum complexibus fruitor: quæ si sterilis inveniatur, aliam thalamo excipit. In publicum rarò prodit, ac velata facie, crucem argenteam manu tenens. Præferuntur, dum equitat, septē coronæ laureæ, quæ victorias illius enotent. Super illi caput prætenditur conopeū ex velo serico. Tributa illi penduntur à cæteris regibus vel auro, vel aliis metallis, vel pecudibus, serico, lana, tritico, sale fossili, pipere, aliisque aromatibus, & mæcipiis, pro facultate uniuscuiusque. Reliqui tigres, leones, & alias feras ad regiam adducunt; vel pelles ferinas, quibus Abyssini milites in bello utuntur. Exercitus regius innumeram hominum secum ducit multitudinem. Utuntur jaculis, sagittis, & fundis. Illius tamen vires præcipuè in equitatu consistunt. Casside, thorace, clipeo rotundo, acinace, & hasta bellum gerunt. Reliqui qui galeas non habent, tegunt caput pileo rubro & villoso, qualem gerunt Mameluci Memphis. Elephantēs turrītos in prælia agunt. Animant pugnas tympanis & tubis æreis. Monetam cusam non habent, peregrinam tamē admittunt signatam literis Arabicis & auream tantum, quam Pardales & Seraphos vocant. Propriam non habent signatam, sed diversis ponderibus distinctam: ut ea stipendiis militum, & mercimoniis accomodari possit. David hic regnavit annis viginti septem extra matris tutelam. Vixit annis quadraginta octo. Princeps fuit animo

miti, & ad clementiam prono, literis adprimé institutus, & arte militari clarus. Corporis statura mediocri colore subflato, oculis vivacibus, capillis crispis & cincinnatis. Ex una uxore liberos suscepit novē, quatuor mares, & quinque fæminas. Primogenitus filiorum occubuit in pugna contra regē Selam: in cuius loco regni relictus est heres à patre; secundus filiorum cognomento Clade⁹: qui difficilibus bellis, pugnavit contra regem Selam, ut fraternam eadem ulcisceretur. Potentissimus enim dicitur inter omnes Africæ reges, ut pote qui exercitum instruat decies centenorū millium hominū. Militat contra Idololatrias, & Mauros Mahometanos. David eius pater Trogloditas bello superaverat, rege eorum Casano captivo, & capite truncato, cuius regnum in meridiē protenditur ad Oceanum Mozambicum. Vicit & reginæ Bethsagæ ducem, cuius ditio ad promontorium bonæ spei vergit: Regina hæc Davidis Imperium receperat, quod illius dux detrectabat. Mani congrorum quoque regis vires & potentiam attrivit. Et Tormedam Nigritarum Principem subegit. Selamq; Mahometanum regem gravibus præliis domuit molestantem reges Barnegam & Tigrim subditos Davidis. Nam cum Africa speciem Δ vel pyramidis præferat, à Nili ostio usque ad columnas Herculis mari mediterraneo alluitur: eius latus sinistrum premitur sinu Erythreo, dextrum Oceano Athlantico, finiuntque latere utraque in promontorium bonæ spei. Medium intervallum occupant reges diversi ab utraque æquinoctialis parte. Inter hos Aethiopum populos Trogloditæ crudelissimi caver-
nis & speluncis subterraneis propter solis ardorem habitant: Sunt & Nigritarū diversæ nationes, quas alluit Melas fluvius, qui hodie Gambra dicitur. Inter hos præcipui
sunt

sunt Guinei nigerrimi, qui venustiore sunt vultus & corporis forma quam ceteri: repandum enim non habent nasum, neque prominentia labra. Hos sequuntur Mantiges colore maturarū olivarum. Manicongres, Gilopes, & Zapæ tertium servant ordinem & ceteris ignobliores.

Inter omnes Abyssini nobilissimi, humanissimi, & religiosissimi judicantur, quorum potentia longissimè se expandit & extendit. Eorumque imperium promontorio bonæ spei, & utroque Oceano terminatur quadraginta regnorum præcipuorum numero distinctum. Patriarcha unicum habent, qui rebus sacris præest; & reliquis sacerdotibus dominatur, severissimè castigans eos, qui à religione vel bonis moribus aberrant. Habitat in urbe Barrara loco amœnissimo. Amplissimi sunt illius reditus, quos in alimoniam pauperum elargitur. Celebs perpetuò vivit, quamvis reliquis sacerdotibus uxorem ducere permittatur, sed semel tantum, nunquam reiteratis nuptiis. Abyssino regi subest regnum Gogiani, in quo præruptæ, altæ, & inaccessæ rupes extolluntur, quas Lunæ montes vocat. Ex his oritur Nilus vallibus difficilibus & occultis, qui Beth dicuntur, hoc est, deserta. Ex Nili fontibus & aliis rivis palus amplissima efficitur nomine Saphè, quæ suis ripis tria regna alluit, nempe Gogian ad meridiem, Beghemede ad ortum, & Dambaies ad occasum. Ex hac palude Nilus præceps fertur per Nigritas, Gogianos, & Amaranos Aethiopas, donec ad Cataractas pervenit, quos Catadupas vocarunt: unde longis & tortuosis Mæandris & voluminibus ad Meroes insulam, quæ Naulebahem dicitur, venit: & inde navigatione quatuordecim dierum Alexandriam, & in mediterraneum mare septem ostiis influit. Nilus ab incolis Abahuis vocatur, hoc est fluminis pater.

SMYRNA MIHI PATRIA EST. IVDÆA EX GĒTE PARĒTES
PYRATAM EMENSI ME TVLIT VNDI SALI.



DVM REDVCEM OPTATIS COMPLEXIB' IMPLICIO NATVM
ME SVBITA EXTINXIT MORS FERA LETITIA.



SINAN COEFVT.



INAN cognomine Cœ-
fut, hoc est ludæus, Smyrnæ-
us archipyrata homo singularis
prudentiæ & industriæ, in re
nautica maximè. Is viginti qua-
tuor celocibus & una trireme
(quam Gallis ademerat, illique
præfecerat Galicolam Corsum,
qui & ipse aliam triremem habu-
it propriam) mare mediterraneum diu infestavit: Et ad
littus Libycum appellens ut navigia reficeret, necessari-
isque oneraret, Halicorium pyratam Caramannum il-
lic reperit, cum quo contrahens amicitiam, simul trans-
egerunt, ut conjunctis navigiis ad Chairadinem transi-
rent, qui tunc degebat Algerij. Halicotius quatuor possi-
debat Lyburnicas, & duas triremes, quas paulo ante pro-
pe montem Argentatum Neapolitanis ademerat. Con-
cordi igitur navigatione Algerium appellentes à Chaira-
dine benignè sunt excepti, qui & ipse Pyratice maximas
opes conflagraverat, & Algerij regnum occuparet. Accessi-
one igitur navigiorum Sinanis & Halicotii classem ar-
mavit sexaginta navium: cum quibus statuit Calizium

freti Gaditani Emporium celeberrimum invadere, ut eo expugnato præda locuplere suas augeret fortunas, utque ad hanc expeditionem se præpararent, Andreas Auria, ex Genua cum classe solvit, ut violētiam horum latronum cohiberet: cui se junxerunt aliquot Gallæ naves, felicique cursu cū triginta octo triremibus appulerunt Cercellum, ubi Halicotius in statione continebat sua navigia. Mauri è speculis vela Christiana videntes, existimaverunt Chauradinem adventare: sed cū propiùs ad littus appulissent naves, tum primùm hostiles agnoverunt copias, & ad pugnam se accinxerūt. Adegerat ad remos Halicotius octingentos captivos Christianos, quibus cū fidere non esset tutum, in tanto rerum discrimine, eos cellis & carceribus subterraneis inclusit vinctos, navigia quæ in portu erant submersit, ne in hostium venirent potestatem, ipse verò cum Turcis quos secum habebat, se recepit in arcē, Mauris imperans ut urbe relicta in eandem arcem cum uxoribus, liberis ac facultatibus, quæ celeriter transportari possent, se conferrent: Alarbæoyum interim vicinorum per nuncios auxilia convocavit. Auria urbem desertam ingressus, quicquid in ea reliquum invenit suorum præda concessit. Christianos captivos, quos carceribus detineri cogovit, vinculis solvit: Classici interim milites cū prædæ urbis inhiarent, relictis navibus ad rapinas conversi, invito & reclamante Auria sine ordine per vicos discurrebant, & sarcinis onusti hac & illac vagabantur rerū suarum securi. Quos cum palantes ex arce conspexisset Halicotius, subito irruptione facta, nihil tale expectantes oppressit, & eorum plusquam quadringentos interemit: reliqui qua potuerunt festinatione in naves se receperunt: Auria verò suorum necem indignè ferens, graviter

temeritatem superstitum reprehendit, & eorum aliquot severe castigavit: cumque vacuos ordines cum dolore videret, necesse fuit caſorū numerum adimplere captivis, qui è vinculis libertati erant, quod munus lubentiffimè ſuſceperunt, ſpe libertatis recuperandæ: quòdque tolerabilius Chriſtianorum ſervitutē paſſuri viderentur, quàm barbarorum immanem crudelitatem.




Anno 1534. Carolus Cæſar in Africam trajecit, ut Tunetum à violentia Chairadinis liberaret, & Muleaſſemum regno reſtitueret. Eius adventu non expectato graviter perterritus eſt Chairadines; Nunquā enim tam periculofam navigationem ſuſcepturum Imperatorem crediderat: in tantis tamē rerum difficultatibus conſtitutus, ut erat animo forti, & ad meliorem ſpem elato, non deſiit ſuos ad fortiter reſiſtendum animare: Sinanum ſuorum ducum conſenſu militiæ principem elegit, cui ſummam rerum adminiſtrationem conceſſit. Secundum locum obtinuit Haidines Caramannus, quem Chriſtiani Caiciadiabolo vocabant, proptereaudaciam, & celeres excuſiones hoſtibus plerumque pernicioſiſſimas. Sequebantur Salec Idonius, & Tabach Laodicenſis, & Giaffer Ianizzarus, viri omnes arte militari, & animi invicti promptitudine celeberrimi. Dum igitur Cæſar Goletam obſidet, Saleci impetu caſus eſt Comes Sarnenſis, cuiusq; caput & dextra amputata & haſta affixa ad Chairadinem delata ſunt. Paulo poſt eodē ſucceſſu Tabachus Hiſpanos graviter afflixit Mendefio occiſo: eoſq; facilè oppreſſiſſet, niſi adventu Caroli repulſi eſſent Turcæ. Goleta tandē expugnata, & Turcis in fugā adactis, Chairadines rerū deſperatione animo fere deficiēs, quid actur⁹ eſſet, in tanta ſuorū trepidatione non ſatis perſpiciebat claſſem ad fugā
ador-

adornare non poterat : parùm oppidanis fidebat, qui Pyratæ tyrannidem jam dudum averfabantur, & res ad faciendum opportunas expectabant : Sinanem ad se accersitum superbè & amarè reprehendit, quasi eius culpa esset amissa Goleta: Sed ut erat prudens, tyranni iram qua potuit excusatione demulsi: suorum fugam in fortunam Caroli Imperatoris inexpugnabilem rejecit, & rerum vicissitudinem, quæ in vita hominum inevitabilis est. Chairadines ex ærario Numidis & Turcis stipendia distribuit, eosq; adhortatus est ad res strenuè & animosè gerendas: Sed Cæsar victoria potitus, & in urbem receptus, Pyratas cum Turcis inde exegit. Restabat arx expugnanda, in quo negotio non parum erat difficultatis: In ea detinebantur sexcenti circiter captivi Christiani, quos præcedenti die Chairadines vinctos & in custodia detentos cremari vivos jusserat: sed ab hac tam impia truculentaque crudelitate revocatus est à Sinane: qui tam immane facinus meticulosi & desperati potiùs animi, quam magnanimitatis inditium præ se ferre ostēdebat: parùm ex eorum morte damni Christianis accessurum, infamem autem notam inde virtuti Principis inuri: clementiam commendari in iis qui rerum potiuntur, & ex ea omnium subditorum animos conciliari, & in officio retineri. Crudelitatem odium secum attrahere, & fere cum infelici exitu ruinam habere conjunctam. His exhortationibus à proposito barbarus abductus est: quod sui etiam detestabatur, & oderant. Et jam conspiratione facta Giaffer Aga Mendelinus Memis duo Chairadinis Euntuchi, captivorum fortè miserati, cum in urbē domino male succedere intellexissent, Christianos vinctulis solverunt: li libertate recuperata, impetū fecerunt in Ramadā arcis præfectū, cumq; inter-

interfecerunt, arreptisque armis in propugnacula confédentes signū dederunt Imperatoris militibus, vt propius accederent, se illis atcem dedituros: statimque apertis portis Alonsū Guasteū admiserunt. At Chairadines rerum desperatione actus, fortunæ cedēs, cum Turcis, qui illi superfuerunt, in interiora Numidiæ se recepit: in ea fuga Haidines multa siti & solis æstu oppressus, dum ad Bagradam fluvium pervenisset, nimio aquæ potu sese ingurgitans periit. Reliqui cum Chairadine, & circiter septingentis Turcis Hipponum pervenerunt, vbi reparata classe Algerium navigavit: Sinanes paulo post missus est ad Soleymanem Eunuchum Albanum præfectum Cairi à quo humaniter exceptus est, propterque virtutem, & rei navalis experientiam inter præcipuos militiæ duces receptus. Cumq; ad Lusitanorum navigationes in Indiam impediendas, classē iam adornasset instructissimā in portu Arsinoes (quæ Sueffa nunc vocatur) ad Erythræum sinum, illi cum imperio præfecit Sinanem: atque in ea expeditione quam Soleymanes suscepit eo tempore viriliter se gessit. Chairadines interim Constantinopolim navigans à Solymanno Imperatore missus est in Galliam dūce Polino: sed cum Nicæa capta nihil admodū memoriæ dignum gereret ad mare Ligusticum, acceptis à rege Gailo muneribus, ad Aethaliā insulam (quæ nunc Elba dicitur) se recepit: vbi ab Appiano insulæ domino servabatur Assam Sinanis filius antea ad Tunetum captus: quod postquam rescivisset Chairadines, juvenem ab Appiano repetivit: id cum esset illi recusatum, insulam hostiliter depradatus est, abductis in servitutem omnibus incolis, & præda in naves vndique importata: miseranda suorum clade & insulæ totius devastatione mo-

tus Appianos, inito cum suis consilio quid gerendum esset deliberavit. Restituendum suis adolescentem omnes fatius esse duxerunt, quam propter vnum hominem tam multa millia miserè abduci & servituti mancipari. Sacerdotes è contra asseverabant. Assanem restitui sine gravi piaculo ac Dei offensa non posse, cum potissimum Christianæ religioni esset initiatus, aqua discedere illum necesse erat, si ad suos rediret. Vicit tamen aliorum sententia, qui publicæ utilitati benè prospectum cupiebant: Remissus igitur est juvenis ad Chairadinem, quem statim benignè exceptum tribus triremibus præfecit, multisq; donatum muneribus saluum & incolumen paulo post ad Sinanem patrem amicum veterem, & tunc in Arsinoes portu degentem remisit: Is senio iam pressus, cum filium reducem cōspiceret, in illius amplexum cum lacrymis profusus nimia lætitia solutus expiravit: Homo, licet pyrata, summa præditus virtute & generositate: minimè in captivos sævus, quique Chairadinis truculentiam sæpius retardasset, commemoratione sortis humanæ, quæ varia est & inconstans: in hostes interim acer, & in propulsandis adversariorum conatibus vigilantissimus.





TV RATIBVS NE FIDE TVIS LIGVR AVRIA VICTOR
INSTAT ET HISPANI CASTRA RELICTA TENET.



PERFIDIAM CVMVLASSE DOLIS EST TVRPE PROBARE
BARBARICVM VIRI? HOC STRATA GEMA NEQVIT.



SOLEYMANES BASSA.



SOLEIMANES bassa
Albanus origine, homo acerrimi
Iudicij, & promptitudinis singula-
ris. Eunuchus fuit, Solymāno Tur-
carum Imperatori vnicè charus. Is
anno 1533. cum Lustibeio & Af-
sambego Alexandrino missus est à
Sultano in Peloponnesum, vt Co-

ronem urbem ab Andrea Auria recipere occupatam.
Classem octoginta triremium agebant: Cumque ad Ac-
rite promontoriū pervenissent, navali conflictu habito du-
as naves onerarias, quibus Hermosilla Hispanus præerat,
occuparunt: Auria verò qui per medios hostes penetraret,
cum in discrimen venisse Hermosillam animadverteret,
in hostes conversus, subito reditu Lustibeium cum Soley-
mane in fugā compulit, navesq; interceptas liberat, inter-
fectis plusquā trecentis Turcis, qui iam in transtra irrupe-
rāt. Iusuphium simul mille lanizzarorum præfectum ea
pugna cepit, & captivum abduxit: quem tamē paulopost
muneribus ornatum ad suos remisit Methonem.

Interim Hieronymus Mendosa præfectus Corones, cum auxiliarem suorum classem agnovisset, vrbe egressus Turcarum castra, ad quorum custodiam pauci erant relictæ, irruit, & deprædatus est. Solymanus imperator vt Soleymanis virtutem aliquo compensaret beneficio, illum Cairo præfecit: In qua cum esset præfectura, anno nempe 1538. Nugas Acugnanus, Orientalis Indiæ prorex factus à Ioanne Lusitanorum rege, Diensem urbem præcipuum felicitis Arabiæ emporium Zambrio regi Cambaiæ ademerat. Is erat Ethnicus & idololatra, Hispanorumque hostis acerrimus: quibus cum non posset resistere, imploravit opem à Soleymane Cauri præfecto: Negotium per se aggredi non audens, rem Solymano Imperatori per literas communicavit, petivitq; vt quam celeriter fieri posset iuberetur agere quod ex re esset Imperatoris: Illi igitur belli grandi cura commissæ est: Iamdudum enim Sultanus Solymanus ægerrimè ferebat Lusitanos suscepta per occidentem navigatione penetrare ad Indiam, & illic jam multa loca occupasse, vrbes munivisse præsidii, arces & propugnacula erexisse, vallis & fossis cinxisse, & ex Orientali India odores, aromata, gemmasque, & preciosiores merces in Hispaniam transferre: quæ omnia distribuebant populis Septentrionalibus, maximo Aegyptiorum & Turcarum damno: qui eadem per Arabicum sinum ex Sueffa Cairum, & Alexandriam advehebant, & ingenti cum lucro reliquis Asiæ Europæque populis impartiebantur. Cum igitur Sultanus à Soleymane Cauri præfecto de iis quæ gesta erant certior esset redditus, illi mandavit, vt Classe octoginta triremium bellicis tormentis & reb⁹ omnibus necessariis instructa Zambrio ferret opem

opem contra Hispanos communes hostes : Imperatoris
 iussui obtemperans , sub finem Iunij 1538. ventis secun-
 dis vectus ad Thorum Madianitarum urbem non procul
 ab Orebo & Sina montibus in Arabiae solitudinibus sitam
 pervenit, postquam solvisset ex Sueffe portu:quo prius ter-
 restri itinere navigia ex Cairo transferri curaverat (distat
 enim tantum Sueffa sive Arfinoe à Memphi octoginta
 miliaribus) Thoro tandem relicto, Giden Arabiae Pe-
 treæ urbem venerunt; demum Ademam felicis Arabiae
 emporium circa mensem Octobrem attigerunt. Quo cū
 appulisset classis Turcica in statione remota à portu sub-
 stitit : Soleymanes cum reliquis ducibus consiliorum in-
 certis quid acturi essent ignorabant. Rex Ademiorū dele-
 ctos ex suis aliquot Satrapas misit ad Turcas, qui ab iis sci-
 scitarentur qua occasione eò navigassent. Soleymanes
 bassa perbenigne Legatos excipiens , amicum se esse regi
 Ademiorum dixit; Muneribusque ad eum missis, illi dici
 jubet ne ab eiusdem religionis cultoribus sibi metueret.
 sed Musulmannorum classem in portum admitteret,
 quæ eò venerat comparata ad expellendos Lusitanos cō-
 munes omniū hostes. Rex credulus verbis his irretitus ul-
 tro portum ut ingrederentur concessit, liberumq; in vr-
 bem ingressum indulsit, ut necessaria coëmerent. Cum-
 que per aliquot dies ultro citroque se invicem inviserent,
 nihil periculi metuentes, Rex ad convivium invitatus est
 à Soleymane bassa, cum tribus præcipuis sui regni Satra-
 pis : qui ingressus navim prætoriam lautèque exceptus,
 post epulas à bassa reprehensus est, quod primus suum of-
 ficiū , & submissionem non obtulisset magno totius
 mūdi Imperatori, sed superbè tolerasset eius legatum pro-
 cul à portu tempestatib⁹ & æstui maris expositū fluctuare
 mediis

mediis in vndis. His atq; aliis criminationibus obrutum
 multa; excusantem trahi iussit ad malum navis, Deum-
 que implorantem in ultionem tam barbaræ proditionis
 ex antenna suspendi iussit, cum tribus illis Satrapis qui cō-
 viuæ vocati erant. Interea plurimi Turcæ milites urbem
 ingressi erant, sub prætextu victus cōparandi, qui subito
 dato signo portam urbis, qua ad portum patebat aditus,
 occupaverunt; & sine difficultate domitis & metu cōster-
 natis oppidanis, urbi præsidium imposuerunt, antequā ab
 Arabib. vicinis adjuvari possent. Adema capta & annonæ
 navibus imposita, navigatione novendecim dierum per
 Oceanum delati sunt Turcæ ad urbem Dion sive Denon
 quam terra marique arctissima cingi iussit, obsidione: op-
 pugнатаque est per dies quadraginta, irritum tamen cona-
 tu. Nam cum Lusitanorum classē novam adpropin-
 quare audivisset Soleymanes, nocturna fuga se recepit Ze-
 bethum, quod fraude intercept, sicuti paulo ante Ademā
 ibi octoginta Lusitanos, quos in obsidione Dionis cepe-
 rat in turri ab urbe remota, quam Turcæ dediderant acce-
 pta fide, ut vita salva ad suos in urbem redirent, nihilo ta-
 men minus occupata turri, captivos abduxit, & in littore
 ad Zebatum immaniter jugulari præcepit. Non leve
 officium hoc visum est Solymanno Imperatori, qui ob
 res præclarè domi militiæque gestas, Soleymanem Ve-
 zirem, hoc est, Bassarum principē creavit, & hac dignita-
 te celebris erat anno 1543. quo tempore capta est Alba lu-
 lia. Ruffum enim Italum (quem Albani cives Legatū mi-
 serant ad Solymanū pro rebus urbanis) quantū potuit,
 hic Soleymanes Vezir sollicitavit, ut relictis Ferdinādi Au-
 striaci partibus ad Sultānū transiret, & illi militaret: cum
 hoc Ruffo colloquebatur per interpretes Italos quos se-
 cum

cum habuit, Ioannem Neapolitanum, Vincentiū Vencum, & Hieronymum Faventinum, qui Strigonio capto, ad Turcas transfugerant. Sed cū non posset Ruffum ad defectionem adducere, honorificè tractatum, donatumque talari veste holoserica purpurea aureis floribus distincta, saluum & incolumen dimisit: obtinuerat & antea honorificas inter suos dignitates, nam superato Tamma Persarum rege Babyloni præfectus fuerat cum Beglerbegi titulo: adjunctis illi triginta duobus Turcarum millibus, quorum præsidio Mesopotamiam & Assyriam conservaret à Persarum incursionibus, si quid in eas provincias aggrederentur, ita honoribus opibusque maximis cumlatus usque ad senium perseveravit Solymanno Imperatori militans: illiusque potentiam & imperium armis & consilio promovens: Mortuus est tandem annos natus septuaginta octo, relictis infinitis opibus, quas multis annis præda populorum debellatorum, & in præfecturis accumulaverat. Hæc omnia post eius obitum in Imperatoris venerunt potestatem, cum mortuo deesset heres ex eius sanguine procreatus.



QVÆ TIBI CVM MOLLI RES EST, POLIVTE CYNÆDO!
CVM CVBET IN THALAMIS REGIA NYMPHA TVIS.



EX HVMLI FORTVNA LOCO EE EVEXIT IN ALTVM
EX ALTO MAIOR SÆPE RVINA VENIT.



LUTSIS BASSA.



LUTSIS BASSA, qui ab aliis Lustibeijs nominatur, Thrax fuit origine, natus humili loco, homo audax, & in omnibus rebus perspicacissimus, quæ virtutes illum Solymanno Turcarum Imperatori gratissimum reddiderunt: Illum ideo Vezirazemem, hoc est, supremum consiliarium, & principem bassarum constituit, secretiusque sigillum Sultanicum commisit, quo literæ maioris momenti obsignantur: utque hanc dignitatem arctiori consanguinitatis vinculo sociaret, & illustriorem redderet, illi sororem suam desponsavit forma insigni virginem, cui locupletissimam dotem consignavit, & Sangiacatum Callipolis tribuit; voluitque illum habere socium in omnibus bellicis expeditionibus, ut cōmunicatis omnib⁹ consiliis, nihil gereretur sine illi⁹ arbitrio. His auctus dignitatib⁹ & muneribus, in Aula Imperatoria facilè prim⁹ habebatur Lutsis bassa, officia aulica singulis distribuebat prout lubebat, & quicumq; ab Imperatore cupiebat aliquid impetrare, sive esset peregrin⁹, sive dominio Principis subjeçt⁹, primū ad Lutzī veniendū

K k 2 erat,

erat, & muneribus illius gratia erat promerenda. Anno enim 1533. cum esset Thalassiarcha, instructa classe 80. triremium cum Soleymane Eunuchō Albano Cairi præfetto, & Assambego (qui Maurus Alexandrinus vocabatur) jussu Solymanni Imperatoris navigavit in Peloponnesum, ad recipiendam Coronem urbem, paulo antea ab Andrea occupatam : quam cum Hispano præsidio non posset eripere, solvere inde coactus est, non sine suorum clade, & ingenti damno. Sed anno 1538. suafu Troili Pignatelli Neapolitani transfugæ ad Turcas, navales copias quanto potuit apparatu armavit, ut Italiam invaderet, quam facili negotio, nulloque resistente potiturum assebat transfuga, dummodò repentinis incursio nibus litus Calabrum occuparet, præsidii is fere omnibus destitutum. Cum igitur in Calabriam appulisset, Castrum urbis prope Hydruntum diripuit, abductis omnibus incolis in servitutem, cum Gattinara loci domino, qui se illi cum urbe dederat, data fide, ut vita salva se aliò reciperet: quam cum non servasset, sed perfidè & immaniter se in captivos gessisset, Solymannus Imperator (qui jam ex Constantinopoli cum pedestribus copiis venerat Aulonam Epiri) Lutzis bassæ actum non probavit, sed Gattinarum liberum remisit: Multum enim oberat dignitati Imperatoriæ hæc suorum perfidia, quæ poterat Italos à barbaris alienare, quos tamē clemētiæ titulo cupiebat ad se allicere, & suæ potestati submittere: Castrensibus igitur fidem servari præcepit, Lutzique bassæ, Chairadini, Saleco, & Tabaco, qui socii erant illius expeditionis, severe injunxit, ut salvos & incolumes remitterent captivos, pro ut pacto deditiois actum erat: Calabris violentia Turcarum miserabiliter agitis, ut subveniret & opitulare-

turetur Auria, classe instructa contendit ad insulas Merletes non procul à Corcyra, ubi tredecim hostium triremes submersit : His moti damnis, jussu principis Lutzis bassa cum sociis & Calabria citò revocati sunt, Auriamque tanta virilitate sunt prosecuti, ut illum ferè obruerint. Ille tamen viribus imparem se sentiens, maluit fuga sibi consulere, quàm nimia temeritate sese opponere Turcis, & dubiam fortunæ aleam cum periculo experiri: Celeri igitur receptu ex Leucade discedens, in Siciliam navigavit, Messinamque venit. At Lutzis bassa cum Chairadine & aliis hostiliter Corcyram ingressi, ferro ac flamma insulam depopulati sunt, incolasque omnes captivos abduxerunt, omni ditione crudeliter devastata, præter urbem & duas arces, quæ ne annonæ penuria conficerentur, uxores, liberosque, & omnes ad belli functiones inutiles non sine gravissimo animi dolore portis extruserunt, & hostium potestate permiserunt, ut salvi loca munita possent retinere sub Venetorum domino, visum enim est præstare, partem populi imbecillionem amittere, quàm totius insulæ robur simul perdere. Bello hoc ex animi sententia absoluto, Solymannus Constantinopolim reversus est: Interim Lutzibassæ irreconciliabile odium cum uxore contigit, quod illum à Principis amicitia plurimum divertit. Cùm enim in amorem masculinum esset proclivior, & libidinibus variis pollueretur uxore neglecta, ab ea non sine causa abalienatus est : potissimum quòd juvenem singularis formæ domi aleret, cuius consuetudine uteretur assiduò: Mulier quæ jam antea viri conditionem abjectam ægrè tolerabat, superior redditu quòd Imperatoria esset soror, & ex hoc matrimonio nobilitatum esse maritum non ignoraret, hac

turpitudine & contemptu irritata , illum amaré reprehendit,acerbissimis verbis illi exprobens,se illi matrimonio junctam,ut propter maritum cubaret, non cynædus, indignum illum esse consanguinitate regia , & abuti ea autoritate & potentia , quam ad illum singulari clementia & beneficio transfulerat fraterSolymannus,non ut eam ingratitude, perfidia , & turpibus exerceret libidinibus. Hac exprobratione ad iram provocatus Lutzis, uxori colaphum infregit, & tanquam stolidam,& importunam in conclave se recipere coëgit. Illa quæ se Imperatorio stemmate ortam sentiret; hominemque nullius nobilitatis gloria fultum ferre non posset fastu turgentem, & à quo indignè , & per contumeliam tractaretur, ad Solymānum fratrem plorabunda se contulit,Lutzimque maritum accusavit,petivitque ut divortio factō separaretur à thalamo polluti hominis, & tantis nuptiis indigni. Imperator hanc contumeliam non ferens, Lutzim omni dignitate & autoritate exutum , ablatoque sigillo Imperatorio, in privatum ordinem redegit: parumque absuit quin hominem morti adiudicaret,memor tamen illius intimæ amicitiaë, qua illum antea fuerat persecutus, amorumque secretiorum qui illis interessestant, vita illi conservata hominem relegavit in Macedoniam: ubi reliquum vitæ spatium sine ullo publico munere exegit.





LESBIA PYRATAM MITYLENE PROTULIT, ATQVE
INGENVIT SCEPTIS AFRICA PRESSA TVIS



DIGNVS ERAS MAVRI CAPERET QVEM REGIA IVBÆ.
TVRPE TAMEN LESA HANC OBTINVISSE FIDE.



HORVCCIUS BAR BAROSSA.



HORVCCIUS, cognomento Barbarossa, natus Mitylenis vrbe Lesbi patre Græco, sed qui abdicata religione Christiana, ad Musulmannicam defece-
rat. Is moriēs filios duos reliquit Horruccium natu maiorem, & Chairadinem juniorem: qui facultatum & patrimonij tenuitatem, cum animis essent excelsis, non ferentes, ad maiora aspirabant. Occupata igitur Liburnica, statuerunt pyratice exercere, & prædis rem domesticam augere: omnem suæ fortunæ spem maritimis excursionibus statuantes. Primò igitur ad Kama-lem archipyratam sui temporis famosissimum se contulerunt, vt sub eo latrocinantes aliquid corraderent: sub cuius ductu locum statim honorificum inter pyratas adepti sunt, propter singularem audaciam, ac vigilantiam in rebus gerendis: maximè Horuccius natu maior; qui statim ingenti præda mancipiorum, & navigiorum cum esset ditatus, ad societatem alios pyratas accivit Haidinum Smyrnæum (quem propter temerariam audaciam

L I nostri

noſtri Cacciadiabolum vocitabant) Sinanum Iudæum, Salecum, & alios. His auctus ſociis, eorumque navigiis factus potentior, prædabundus pervenit in Mauritaniam: quo tempore Selymes Arabs rex Iuliæ Cæſaræ (quam Algerium vocamus) de regni poſſeſſione cum fratre diſſidebat. Hic Alarbæos equites ſtipendio conducens magnas vires contra Mechemetem fratrem conſtabat: qui pyratarum adventu opportuno latus, eos in amicitiam ſuam muneribus allèxit: ingentiq; præcio ſoluto, tam Horuccio, quàm ceteris, eos induxit & perſuaſit, vt ſui deſenſionem ſuſciperent, & regni paterni conſervationem. Suam itaque ſalutem conſtituens Selymes in Turcarum manibus, qui iam cœperant eſſe terrori & formidini Afris oram maritimam incolentibus, fraternas vires non admodum metuebat. Negotium hoc tam feliciter proſecutus eſt Horuccius, potiſſimum auxilio Selopetariorum militum, quorū ignavoma tormenta Numida ac Mauri formidabant, paucis diebus effecit, vt Alarbæis Numidis repulſis victor evaſerit, Selymemque regno tranquillo reſtituerit: Sed cum illum animo mitiori perſpiceret, nec ſatis cautum, ſperavit fore vt dolo circumventum de medio tolleret: erat enim Horuccius ingenio, perſpicaci & ambicioſo, & qui iam antea ad regni titulos aſpirare cœperat: Cum autem Mauros rei militaris non admodum peritos animadverteret, leves, inſtantes, mutuas, ac perpetuas inter ſe inimicitias exercere: Numidas Alarbæos vagabundos, ingenio nobili. fide venali, rerum omnium egentes, & inter ſe diſcordes, quiq; pecunia in amicitiam adduci, vel armis cogi poſſent. His occaſionibus facile ſibi perſuaſit fieri poſſe, vt à fide pacta cum Selyme diſcedens Algeriū occuparet. Quod paulo poſt contigit, nam
Selyme,

Selyme , qui fraudem Larronis non metuebat , in bal-
 neoperfidè ac crudeliter cæso,rex ab omnibus declaratus
 est:illiusque electionem adprobarunt Algerienses , con-
 spirationi potentiorum non audentes sese opponere.Oc-
 cupato Cæsariensi regno vt viciniam adjungeret , & suæ
 potestati assereret,Cercennam coloniam (quæ Cercello
 dicitur) sexaginta milliaribus ab Algerio distantem,
 fraude interceptit,misiss eò militibus,qui sub speciem mer-
 cimoniorum & viciniæ,vrbis dominum inde expulerunt.
 Augebatur indies eius potentia , novæque vires ad eum
 confluebant,facilèque primus in tota ora maritima vide-
 batur,& Afris omnibus terrori. Neq; eo contentus,cum
 Chairadine fratre mediterranea simul, & loca maritima
 continuis excursionibus, & prædationibus sine intermis-
 sione infestabat,nihil intactum relinquens,quod vi aper-
 ta,vel dolis posset intercipi. Vtq; regni fines latius exten-
 deret , Bugeam suæ ditioni adiecit, exactis inde Hispanis,
 qui urbem emporio celebri claram scholisq; Musulman-
 nicæ doctrinæ , & habitatione sacerdotum sacram occu-
 paverant. Conflictu cum iis habito Horuccius superior
 evasit: sed tormenti manuarij globo vulneratus dextram
 manum amisit. Animo tamen non defecit, sed Chirur-
 gorū opē medicatus , convalescentiæ brevi restitutus est:
 manusq; amputatæ loco aliam ferream adaptavit,qua fe-
 liciter postea multis in congressibus cum hoste usus est.
 Nam prope Algerium Hispanos iterum fudit cum eorum
 duce Diego de Vara. Pauloque post Hugonem de Monca-
 da redeūtem ex Italia cum veteranorum legionibus,nau-
 fragioque elapsum cum omnibus suis ad internecionem
 fere cecidit,& qui elapsi sunt,captivos,ad triremes adegit.
 Tanto rerum successu elatus , tentandam fortunam ulte-

rius existimavit expedire: Regem Tremissenorum, quod esset imperatori Carolo V. fœdere & amicitia junctus, invasit, & aliquot præliis superatum tandem regno detrusit, & eius ditionem suo dominio adiecit. Sed ut rerum omnium variæ sunt vicissitudines, Prædoni semper non fuit successus felix, fortunæ inconstantem experto favorem. Cum enim Oram & Portum magnum loca munita, Hispanorumque præsidiis firmata tentaret occupare, à Christianis & Mauris equitibus primo repulsus est, postea cum maiore militum numero reversus in hostes, audacius pugnæ insistentes ab Hispanis superatus est, maxima suorum cæde, plurimisque captivis, & servituti mancipatis. Horuccius verò cum paucis familiaribus in fugam se dedit, à qua retractus celeritate hostium, qui illum insequerantur, supplicio affectus est: Caput eius lancea affixum per omnes Hispaniæ maritimas oras deportatum est, & publicè ostentatum, tanto omnium gaudio & lætitia, ut morte immanissimi pyratæ salus omnium restaurata quiesque publica restituta crederetur: cuius crudelitate & latrocinii non solum Africa, sed etiam Hispania multis antea annis cædibus frequentibus, & depopulationibus vexata fuerat & oppressa, abductis in servitutem incolis, cæcis urbibus, & tota regione divitiis facultatibusque spoliata: quæ omnia mala sublato autore videbantur tandem sopiri posse & emendari.





LITTORA TE HESPERIÆ TIMERE VTRIVSQ. LYBESQ.
OPPRESSI DEXTRA SVCCVBVERE TVA.



NUQVAM TE LY PARE, CORCYRAVE DILIGET, HARVM
CVM SIS IMMERITOS DEPOPVLATVS AGROS.



CHAIRADINES BARBAROSSA.



HAIRADINES mortuo Horuccio fratri successit, cognominis Barbarossæ, regni, saculcatumq; heres relictus. Is singulari felicitate postea se gessit in bellis contra Numidas Alarbegos, quorum regulos Hametem & Benchiadem prope urbem Coco superavit: Amidam ex Tre-

missena regione in mediterranea loca se recipere coëgit: Moncadam Hispanum graviter saucium in fugam vertit: Portundum cum filio, & eorum classe confecit: Quotidianis recentibusque victoriis, ac prædis frequentibus actus, navigiis maximè Siculis, Neapolitanis, ac Venetis interceptis, repulsoque à Cercenna Andrea Auria, & submersis prope Plumbinum duabus Genuensium navibus onerariis, cum omnibus esset terrori, tam in Africa quam in Hispania, & Italia, à Solymanno Turcarum Imperatore Constantinopolim vocatus est, & in eius amicitiam receptus magnas obtinuit dignitates, egregiamque Turcico Principi navavit operam; potissimum in recuperanda Co-

da Corone, patris, & Dardanellis arcibus, quæ prope Nati-
 pactum Corinthiacum sinum claudunt. quæ omnia in
 Christianorum potestatem devenerant Himeralis culpa.
 Et iam dicebatur Auria cum classe ex Sicilia adventare, vt
 obsessis Coronē sib⁹ opem ferret. Missus est igitur ad Chai-
 radinem Sivan portitorum aulæ Imperatoriæ præfectus,
 cum Mangale Rhodio Pyrata, qui illum ad Solymannum
 venire juberet. Chairadines nullam moram differens, re-
 gnū novum cum Assano filio vix dū annis octodecim na-
 to cōmisit sub tutela Ramadæ Celebini patruelis, & Agij
 amici intimi, de quorum fide neutiquā dubitabat. & cum
 Legatis Turcicis per Tyrrhenum pelagus navigās Genu-
 ensem classē, quæ in Siciliā tendebat, conflictu difficili
 superavit: in quo Delisus pyrata homo acerrimus cæsus est.
 Inde ad Elbā insulam veniens, Rhiū urbem nocturnis oc-
 cupatā insidiis prædatus est, abductisq; omnib⁹ oppidanis
 cum ingenti præda Constanti. appulit anno 1533.

1533.

Illum Solymannus Imperator perhumaniter excepit,
 & ad summas dignitates promovit, non sine aulicorum
 & Bassarum invidia: qui ægrè ferebant pyrata, nato hu-
 mili loco, parentibusque obscuris, tantum autoritatis
 tribui. Cumque de statu Africæ, ac de inferendo Christia-
 nis bello sæpius multa cōtulisset in medium in præsentia
 Solymanni, qui eius promptitudine & facundia mirificè
 delectabatur, eius consilium adprobatum est: missusq; ad
 Abrahimū bassam, qui eo tempore sūmum locum obti-
 nebat inter Satrapas Turcicos, degebatq; Alepi vrbe Cō-
 magenæ, vt cum eo conferret de tantis rebus, quas Soly-
 māno communicaverat. Abrahimus bassa cum Chaira-
 dine collocut⁹, quemq; iam antea diligebat propter virtu-
 tē bellicam, illum cum literis remisit Cōstanti. quib⁹ Im-
 peratori

perator, commendabatur: Hac igitur commendatione redditus charior Principi, ab eo in numero Bassarum adscriptus est, & Thalassiarcha creatus. Ex Africa secum Chairadines abduxerat. Roscetem Muleassemi Tunetani regis fratrem, ut apud Solymannum conqueretur de injuria fraterna: qui cæsis aut expulsis fratribus, regnum per vim usurpabat. Maris igitur adeptus imperium anno 1534. Solymanni Satraparumque reliquorum communi consensu Bassa quartus creatus est cum Abrahimo, Biace, & Calsino solenni pompa in armamentarium, præeuntibus suæ dignitatis insignibus, perductus est: & ex ærario octies centena millia ducatorum illi commissa sunt ad bellum in Africa gerendum, cum octingentis Iannizzaris, & classe octoginta triremium: Cum qua ex Hellesponto solvens, in Italiam cursum instituit. Eò cum venisset Tempfam urbem Calabria (quæ S. Lucidio nunc vocatur) incēdit & diripuit. Prochytā cepit. Neapolitanis summo metu consternatis; præteritaque Caieta speluncam urbem occupatam deprædatus est. Fundos quoque & Terracinam pari clade affecit. Festinabat enim in Africam ut Muleassemum incautum opprimeret eius adventum minimè expectantem. Ex Ponza igitur insula solvens Bisertum venit; illum oppidani ultro exceperunt, existimantes cum eo esse Roscetem: nam eius redditum summopere exoptabant, pertæsi tyrannidis Muleassimi: Biserto solvens Tunetum venit: suoque adventu cives ad seditionem movit: qui tumultu in urbe facto, diffugiente rege, Chairadinem exceperunt: Post regis abitum Abezes Granata Præfectus arcis, & Fetuches Arrago, qui tunc Manifesti magistratum gerebat, defecerunt ad Chairadinem. Abezes uxorem & liberos Roscetis, quos captivos

detinebat Muleaffemus, liberavit, eosque cum thesauris regiis tradidit Chairadini, cum quo rediisse credebat Rosicetem: Sed cum eum Constantinopoli relictum intellexissent, seditione facta in Turcas irruerunt, & non expectata clade oppresserunt. Compulsique in arcem cum essent, non sine ingenti metu, Halis Levani Granatæ, qui ad Mahometicam defecerat religionem, consilio, hortatuque Agi, & Mosis, qui paulò antè vinculis soluti erant, quibusque se junxit socium Naidinus Smyrnæus. Hi omnes impetu facto in urbem irruunt, civiumque maxima strage perpetrata superiores evadunt, Muleassemo in fugam compulsò, qui in urbem revocatus erat. Victor factus Chairadines, creato magistratu novo, & urbe pacata, Numidas vicinos per legatos missis muneribus ad amicitiam invitavit, & reliquas urbes maritimas in suam potestatem redegit. Eodem anno 1534. Cæsar Carolus V. statuit Tunetum armis recuperare. Instructa igitur classe in Africam trajecit, cum copiis Hispanicis & Siculis, quas Alfonsus Guasteus in Sardiniam jam adduxerat, expectans Imperatorem: Hi simul conjunctis viribus felici navigatione Uticam appulerunt: Vnde ad Goletā postquam pervenissent, ingenti metu perculsus est Chairadines, qui nunquam existimaverat fore, ut Cæsar mari se committeret. Sed tamen ut animo erat indomito, præcipuos sui exercitus duces hortatus est, ut Caroli Cæsaris impetum fortiter sustinerent. Christianorum autem magna violentia oppugnata est, & capta Goleta: ex qua Chairadines, Sinanus Cœfut, Salecus, Tabacus, & Haidinus cum Giaffare expulsi in urbem confugerunt. Cumque de rebus gerendis inter se consultarent, duo Chairadinis Liberti Franciscus Medelinus Hispanus, dictus Giafferagas, &

gas, & Vincentius Catharensis, dictus Memis, captivos Christianos (qui in arce Byrsa vinculis servabantur) solverunt, & libertati restituerunt. Hi circiter sexcenti, facto impetu, occiso Ramada Celebino arcis præfecto, armisque ex armamentario raptis, arcem occuparunt, & Cæsarianis ducibus tradiderunt. Chairadines rerum desperatione actus, cum septem Turcarum millibus urbe fugiens, ad Bragadam fluvium (quem Mauri Magiordech appellant) contendit: ubi Haidinus Smyrnæus insatiabili pressus siti, ex flumine avidius bibens, ruptis iliis mortuus est. Reliqui cum Chairadine pervenerunt Hipponum, ubi in statione tutissima reliquerant prius quatuordecim triremes. Cæsar Carolus hostis fuga intellecta cum victore exercitu, Muleassimo comitante, qui paulo antè in Imperatoria castra se receperat, ad urbis portas venit. Tum cives cum magistratu processerunt obviam victori, veniam deprecantes, ac rogantes ne urbem prædæ militum permitteret: quod lubenter fecisset, si suorum aviditatem potuisset cohibere: Muleassimo in regnum restituto, Cæsar Palermum, deinde Messenam trajecit, ac postea Neapolim. Romamque triumphali pompa ingressus est 5. aprilis 1537. Paulo III. Pontificatum tenente: At Chairadines navibus refarcitis, Algerium rediit, quod audiret Auriam adventare cum navalibus copiis: quibus Hipponum occupatum mœnibus nudavit, arcemque, ubi Alvarus Gomet sese interfecerat, evertit. Eodem anno Solymannus in Christianos arma moturus, Lutzi bassæ & Chairadini præcepit, ut Italiam terra marique opprimerent: Hi Calabriam ingressi Castrum urbem non procul ab Hydrunto deprædati sunt: potuissentque tota Calabria potiri, nisi ab incepto fuissent disturbati, Alexandri

1538.

Contareni adventu, & Andreæ Auria, qui ad insulas Merleres Turcicam classem affligerunt, tredecim trirēibus hostilibus submersis: sed & ij repulsi sunt à Chairadinis navalibus copiis: à quibus pressus Auria ad Lazinium promontorium Calabriae (quod Capo delle colonnae dicitur) compulsus est, deinde Messenam Siciliae secepit. Chairadines verò Corcyram hostiliter ingressus, totam Insulam ita depopulatus est, ut præter urbem, & duas arces munitissimas in scopulis inaccessibilibus sitas, nihil integri reliquerat: Tanta hominum multitudo inde abducta est Constantinopolim, ut singuli vanirent duobus tribusve Sultaninis: Buthrotum deinde cepit, & evertit. Annoque sequenti 1538. cum classe centum & triginta navigiorum in Cretam trajecit, frustra que obfessa Cydonia, quæ Canea nunc dicitur, & Rithimno, quæ est hodie Retimo, similique eventu oppugnato Cytheo, quod Candiam vocamus, metu classis Venetae, quam adpropinquare intellexerat, Cretam relinquens secessit in Ambracium sinum, qui golfo di Larta nominatur. Illum insecuti sunt Auria, Capellius, & Grittus, cum ducentis & quinquaginta navibus; sed tempestatibus acti, simulque hostium violentia repulsi, in Corcyram cursum vertere coacti sunt: 7. Sept. anni 1538. Neq; multo post Castrū novū urbem munitā in sinu Rizonico (qui golfo di Catharo vocatur) Turcis ademerūt. Ad quam recuperandā Chairadines cum Vlamabego Persa, Bosnae & Illyrio, Saggiaco missus est: Ille cum Draguthe & Corseco pyratibus maritima expeditione, hic terrestri cum triginta Turcarū millibus quos alij Sangiaci agebāt, & innumera multitudine montanorum Haidonū, Vsurcharum, Marzellorū, Cimeriorum, & Morlacharum: Hi omnes magna vi terra
marique

marique oppugnantes Castrum novum receperunt, interfectis ex majori parte veteranis omnibus Hispanis, aut in servitutem abactis. Anno 1541. Remissus est Chairadines cum navalibus copiis in Auriam, qui Clupeam, Neapolim, Adrummentum, Ruspina, Tapsumque Turcis ademerat, & reliquas urbes Africæ, sola Lepti excepta, quam nostri Africam, Mauri Mahomediam vocant. Eodem anno Carolus V. Romanorum Imperator collectis undique militibus in Africam navigavit, ut Algerium à tyrannide pyratarum liberaret. Vrbi validissimæ præerat Asan Agas natione Sardous. In hac Expeditione Carolo cesserunt omnia infelicissimè. Amissa enim majore sui exercitus parte, totaq; annona, & plusquam centum & quadraginta navibus, quæ horrendo naufragio perierunt: id quod à Propheta quodam mago suscitatum fuisse Mauri asserunt, cuius adhuc sepulchrum prope urbem religiose colitur: Rebus igitur pessimè succedentibus Cæsar in Hispaniam reverti coactus est cum suorum reliquiis, anno eodem circa finem Septembris.

Anno 1543. Chairadines cum classe centum & decem triremium Massiliam missus est à Solymano: Dux huius expeditionis fuit Polinus, quem Rex Galliæ Constantinopolim miserat ad concitandum Turcam contra Carolum Imperatorem. In hac navigatione occupavit Rhegium, urbem sitam ad fretum Siculum: Vnde prope Terracinam, Ostiam, maritimamque oram Hetruriæ litus legens Massiliam appulit. Nicæam cepit, quæ Gallico dominio adjuncta est, arce tamen non expugnata: Dumque Tolone morâ duceret, Assano Celebo viginti quinque triremes commisit, quibus oras maritimas Hispaniæ depopularetur. Is statim dimisso sinu Narbonensi, Cade-

1543.

chesium caput Illiberis, & Rhodam cepit, & deprædatus est: unde trajecit Algerium, ut illic prædam deponeret, & hibernaret. Chairadines interea navigia reparabat, triremesque novis restaurabat auxiliis, ope Genuensium adjutus; potissimum Andreae Auriæ: qui licet Imperatoris partes tueretur, ne patriæ non opportuna pertinacitate noceret, hostem quibus poterat officiis juvabat, conferebatque quicquid putabat necessarium, tam ad annonam, quàm ad reficiendas naves. Polino enim infensus esse cœperat, quòd eius persuasione ac ductu in Galliam navigarat: cùmque eò venisset nihil parati, nihil ad bellum gerendum invenisset necessarium, imo in Nicæa obsidione, cum tormentarium pulverem & globos à Chairadine petivisset, ad quatiendos muros, illum amarè & iracundè reprehendit Chairadines, ac socordiae negligentiaeque supinæ accusavit, quòd tam malè providisset rebus bellicis, auderetque exigere à peregrino ea, quæ abunde debuerant omnibus suppeditari à Gallis, propter quos ex Græcia longo itinerum tractu & labore, classẽ cum milite adduxerat: parumque absuit quin hominem captum, & ignominiosè tractatum, ad triremes victum adigeret. Cùm igitur se ad Ligusticum littus sine magno fructu detineri videret, parumque animadverteret expectantum emolumentum à Gallis, moræ ignavæ pertæsus, acceptis à rege muneribus, Maurisque & Turcis captivis, qui ad trirentes erant redacti, ad Elbam insulam navigavit: ubi Sinanis Iudæi filium ad Tunetum antea captum, & ab Appiano Elbæ domino detentum recepit. Elba relicta, Hetruriam ingressus Telamonem, & Monteanum diripuit, & incendit, abductis omnibus in servitutem. Eadem calamitate Portum Herculis affecit: ubi nihil intantum

etum reliquit, quod ad miseros incolas inclementissime
 vexandos faceret. Sed cum ad Orbitellum obsidendum
 se prępararet (quod in lacu Prilino situm est) Cosinus
 Medices Florentinorum dux, ut rebus suę Hetrurię con-
 suleret, jam collegerat militem quanta potuit festinatio-
 ne, quem commisit curę Ioannis Lunę, & Chiappini
 Vitellii, qui homines erant strenui & vigilantes: Vterque
 cum auxiliariis copiis maturę se hosti opposcentes, illū
 ab Orbitelli diverterunt obsidione. Sua spe frustratus
 Turca ad Ziglium insulam milliaribus duodecim a Por-
 tu Herculis distantem petivit, urbem cepit & diripuit, om-
 nemque multitudinem cuiusvis sexus & conditionis
 abduxit. Tanoem pręteriens Pyrgęum promontorium
 (quod Capo Linaro vocatur) rectę venit ad Ischiam insu-
 lam ę regione Neapolis sitam, quam abactis omnibus
 incolis, vastatisque & incensis oppidis Forino, Pausa, &
 Varano, totam ditionem in solitudinem redegit: Urbem
 tamen Ischiam munitam, & ab hominibus validis defen-
 sam, non potuit expugnare. Quare inde solvens, & Pro-
 chytem linquens, in Baianum sinum classem deduxit, ut
 duce Saleco pyrata Puteolos invaderet: & urbem depo-
 pularetur: Sed Petrus Toletanus regni Neapolitani pro-
 rex, ut imminenti periculo tempestivę provideret, citis-
 simę ex omnibus oppidis vicinis copias coęgerat: quas
 in hostem ducens illum Bais solvere & discedere adegit:
 Barbarus qui ex professo Neapolitanos aggressus non e-
 rat, sed tantum in reditu quicquid ad prędam videba-
 tur faciendam invadebat, Constantinopolimque pro-
 perabat, Capręę littus relinquens, pręteritoque Athe-
 nęo promontorio (quod dicitur hodie Capo Căpanello)
 dum Salernum occupare conatur, orta subitō tempesta-
 te non

te non sine periculo in Calabriam est compulsus: ubi Careato urbe direpta & devastata, in Liparem insulam trajecit: quam miserrimè afflixit, devastata regione, & vrbe eversa septem millia Liparensium abduxit captiva: Constantinopolimque ingenti præda, & infinitis captivis ditatus pervenit anno domini 1544. Vbi à Solymâno imperatore exceptus est honorificè & laudatus ab omnibus, propter res terra marique egregiè administratas.

1547.

Anno autem 1547. è vivis decessit rerum gestarum gloria, & annis plenus: sepultusque eo in loco qui Besiçtas vocatur: est enim ad Bosphorum Thracium in Europa situs, versus os Euxini Ponti, ubi Christiana mancipia distrahi solita sunt: nam ibidem paucis antè annis plusquam sedecim Corcyrensiump millia divendita fuerant à Chairadine: qui ut locum hunc nobilitaret, & suæ destinaret sepulturæ, ibidem Messiram novam suo

sumptu condidit: locus hodie vo-

catur à Græcis Diplokionion

antiquis erat la-

honium.



SIDONIA QVODAM CARTHAGINE REGNA TENEBAS,
AVSTRIACAM PVLSVS QVI PETIS EXVL OPEM.



RESTITVIT REGNV M FRVSTRA TIBI CAROL^{VS} EX QVO
TVRPTER A NATIS EIICIERE TVIS.



M V L E A S S E S.



VLEASSES, vel Mule-
assemus, qui Mule Assam, hoc est
Rex Assam Mauris dicitur, longa
generis serie descendit ex gente
Chorresis, ex qua olim natus est
Homar, cognatus & discipulus
Mahometis Prophetæ Arabis: cu-
ius traditiones cum Haly, Hona-
ne & Elubekire collegit, & in Al-

coranum sive Alforcanum simul redegit. Reges verò Tu-
netani per nongentos quinquaginta & quatuor annos
vsque ad Muleassemum sine interruptione dominatio-
nis, aut alterius sanguinis admixtione, potentes regnaue-
runt. Qui quia in doctrina & traditionibus huius Homa-
ris constantissime perseverarunt, vocati sunt à Mauris, &
Alarbæis Nomadibus Emir Mumeni, hoc est, Principes
Orthodoxi, & benè de religione, quam Mahometes suis
sectatoribus servandam reliquit, sentientes. Ideo reliqui
Africam ab iis, tanquam à sacris Pontificibus, religio-
nis ceremonias discere soliti sunt. Et vrbs Carvenna sacer-
dotum Musulmannorum habitatione sancta tribus à Tu-
neto diebus distat: in qua TUNETANI, MAURI, & ALARBÆI

Principes propter loci sanctimoniam sepeliuntur : creduntq; illic sepulcorum animas exquisitoribus ceremoniis expiari , Deoq; reddi acceptiores. Muleassès natus est patre Mahomete , & matre Lentigesia Alarbæi Principis filia. Eius pater iam senex , postquam regnasset annis triginta duobus , morti proximus sceptrum traditurus erat Maimoni filio natu maximo : Sed Lentigesia filium adhortata est vt regiam dignitatem mature invaderet; qui statim fratrem Maimonem ex alia natum matre in vincula coniectum , tanquam tyrannidis affectatæ reum trucidavit : Roscetes natu secundus Muleassèm metuens , fuga sibi consuluit : Reliqui Mahometis filii ex diversis vxoribus geniti numero viginti , à Muleassè inhumaniter perempti sunt : Ex his Barcha ; Beletb , & Saeth ferro candenti sunt excæcati. Biduo post Solax Alarbæus Lafellum & Abramum filios regios adhuc impuberes , Bragadæ fluvii longis imbribus tumefacti vadum tentantes cepit , precioque Muleassi fratri vendidit jugulandos. Roscetes & Abdemelech soli crudelitatem regis evadentes , ad Morhabitum Alarbeorum Principem confugerunt : quos cum per sicarios persequeretur Muleassès , ad urbem Biscari in mæditerranea Numidiæ se receperunt , vbi Abdemelech , vt vitam tutaretur , & se periculis imminetibus eximeret , religioni initiatus est , & sacerdos factus. Sed Roscetes sub custodia & amicitia Abdalæ Principis Biscariensis diu servatus est , & eius gener factus. Muleassès interim regno potitus , fratrum filios , ne quid postea in eum molirentur , è vita sustulit : Manifestum & Mesuarum (magistratus præcipui post regiam maiestatem sunt nomina) patris defuncti amicos familiares , & quorum ope Maimo-

nem

nem occiderat, eorum veritus auctoritatem, longis cruciatibus excarnificatos interemit. Novercas quoque occidi iussit : quas dicebat Patri libidinibus diffuenti multos filios regni vnus competitores generasse. At Roscetes collecto exercitu, traiectoq; Bragada, ad urbem Bacciam vnus diei à Tuneto itinere distantem venit, vbi conflictu habito cum fraternis copiis victor evasit, compulsis in urbem Tunetanis. Is suorum civium fidei incertæ non satis fidens, cum eos hac victoria non moveri animadverteret, neque alacres ad ferendum regi auxilium concurrere, sed tyrannum Muleassem fovere, vt in illum odia civium concitaret hortos & oliveta Tuneto adjacentia succidit, & devastavit : Et cum hac ratione parum quoque proficeret, neque Tunetanos moveret vt illum regno restituerent. Algerium se contulit ad Chairadinem, suadente id Vlethe Alarbæo, cuius filiam sibi iuraverat uxorem secundam. Chairadines juvenem Principem humaniter excepit, cui omne officium amicitie promisit : Illum tamen paulo post Constantinopolim abduxit, vt apud Solymannum conquereretur de fratris immanitate, & auxilium ab Imperatore posceret, quo posset regno paterno restitui. Sed Chairadines Bisertum navigans (quod triginta tantum milliaribus ab Utica distat) à Bisertinis ultro admissus est, qui credebant cum eo esse Roscetem. Inde Tunetum petivit : cuius adventu cives non mediocriter exultarati sunt, qui regis crudelem tyrannidem coeperant execrari : existimabant & Tunetani Roscetem advenisse cum Chairadine. Muleasses inconstantis plebis favore parum fidens, Abdaharis Mesfari consilio fugit Tuneto. Post cuius discessum Abezes & Futuches urbem & arcem

Chairadini cum thesauris regiis tradiderunt : Sed iidem cum cognovissent Roscetem Constantinopolim missum , seditione facta in Turcas irruunt , & non expectata clade oppressos extrudunt , revocata Mulcasse : qui non procul ab vrbe , cum vxore , & Dorace hærebat in hortis Restabianis. Regis reditu ferociores redditī Tunetani, Chairadinem, qui se in arcem receperat obsident , & inde deturbare conantur non satis fidētem loco incognito , paucaque annona munito. Is verò Halys Levani Hispani , Mosisque , & Agii (qui vinculis liberati erant) & Haidini Smyrnæi consilio , subito impetu urbem ingressus, plusquam tria civium millia interfecit, reliquam multitudinem in fugam vertit. Mulcasses magna difficultate evadens , ad Bragadam fugit; quo traiccto ad Cyrtham urbem Numidiæ se recepit. Victor Chairadines urbem pacata , creatoque novo magistratu , Alarbæos vicinos in amicitiam compellavit : paucisq; diebus omnes vrbes tam maritimas , quam mediterraneas in suam potestatem redegit.

1534.

Anno domini 1534. Carolus Cæsar vt Tunetum è manu barbarorum pyratarum eriperet , instructa clas se cum Andrea Auria Barcelona solvens , ad portum Mahonis Balearis insulæ transfretavit , inde Cogliarum Sardinia : vbi invenit Alfonso Guastæum cum navibus Siculis : Felicique navigatione simul appulerunt Vticam: pauloque post totam oram maritimam, quæ dicitur Martia, vbi Carthago vetus sita erat, nunc sunt hortiregij, occupavit. Eius adventu non expectato percussus est non mediocriter Chairadines : Quod hostium classem septingentis fere constaret navigiis, inter quæ erant octo-

octoginta duæ triremes armis, & bellicis machinis instructissimæ. Statuit tamen Caroli impetum fortiter sustinere, & quantavi posset, depellere: Inter eius duces primum locum obtinebant Sinan Cœfut Smyrnæus, Hadimis Caramannus, Salec Idonius, Tabach Laodicensis omnes pyrata, & Giaffer ex ordine Ianizzarorum. Postquam Imperator cum suis in continentem descendisset, castraque opportunè esset metatus, Mauri in munitiones continuò incurfantes nostros graviter vexabāt, Comite Sarnensi & Belinghero cæsis à Saleco. Postera die Tabach, occiso Mendelio duce Hispano, superatisque aggeribus, Imperatorios plurimos occidit, victorque sine damno suos in urbem reduxit. Triduo autem post Giaffar à nostris cæsus est, & eius Ianizzari in fugam versi: Arxque Goletana maxima tormentorum violentia, & fragore deiecta est, & occupata. Sinan cum suis celeriter se recipientes evasit. Muleasses interim cum aliquot equitibus ex interiore Numidia venerat in castra Caroli: quem de statu urbis Tunetanæ, deque civium moribus exactissimè edocuit. Conflictu habito Christiani superiores evaserunt, Turcis cum Chairadine Tunetum compulsis: Qui cum de rebus gerendis inter se anxij consultarent, Christiani captivi, qui in arce detinebantur, vinculis soluti, portas Guastæo aperuerunt. Chairadines rerum afflictarum desperatione actus, cum septem Turcarum millibus, qui illi supererant, fuga clapsus Hipponum se recepit (quod Bona nunc dicitur) ubi in statione quatuordecim triremes antea reliquerat. Carolus Imperator cum exercitu victore ad urbem contendens, à civibus & magistratu summo honore & gratulatione exceptus est, & in arcem admissus: Milites

ab urbis præda impediri non potuerunt, licet Muleasses pro facultatibus suorum civium sæpius precatus esset Cæsarem: Thesauri regis, & aliquot ducatorum millia, quæ Chairadines in cisternam coniecerat, inditio captivorum Gualteo cesserunt: jactura hæc regem maxime commovit: quodque annales & historias suorum maiorum perditas audiret, quibus res gestæ suæ gentis continebantur: quod prædonum pedibus odores preciosi, & sacci pleni cocco & purpura conculcarentur: imo vnam suarum vxorum captivam & viri opem implorantem cum lacrymabili ciulatu vili precio redemit: Expulso igitur Chairadine, & Muleasse in regnum restituto, Carolus Cæsar Palermum Siciliæ, inde Messenam, deinde Neapolim navigavit, vbi Bacchanaliorum tempore Margaretam Austriacam filiam suam nuptui dedit Alexandro Medicæo: postea 5. Aprilis anni 1536. Romam triumphans ingressus est, Paulo III. Farnesio pontificatum tenente.

1536.

Anno 1541. Chairadines cum classe in Africa rediit, vt inde exigeret Andreæm Auriam, qui Clupeam, Neapolim, Adrummentum, Rusponam, Tapsumque Mauris ademerat; totaque ditione, excepta Lepri (quæ Mahomediam Mauris, nostris verò Africa dicitur) statim potitus est. Eius adventu perterritus Muleasses spe regni retinendi amissa, anno 1543.

1543.

In Siciliam venit, deinde in Italiam: vt cum Carolo Imperatore, qui Genuam venerat, colloqueretur, & ageret cum eò de extrudendis Tuneto Turcis: Discedens autem Amidam filium regno præfecit, & suo exercitui: Mahometemque Tentem, qui eo tempore Manifestis magistratu fungebatur, custodiæ Leptis constituit. Absente

ſente patre Amidas ſtatim Tuncetum cum arce occupa-
vit; concubinas & uxores paternas inceſtu polluit, cuius-
que amicos & magiſtratus de medio ſuſtulit. Hæc filii re-
bellio miſerum patrem movit, ut collecto in Italia milite
(cui Loſredus præfectus eſt) Goletam trajiceret, Amidæ
refrenaturus audaciam: qui ad rebellandum patri incita-
batur ſuaſu Mahometis Bohamaris filii, quem ſingulari
iniuria & contumelia Muleaſſes affecerat. Bohamare-
nim duxerat uxorem Rhahamanem Abderomenis fili-
am, inſigni pulchritudine præditam, quam audenter de-
peribat Muleaſſes. Hoc matrimonio irritatus rex, Boha-
marum caſtravit, & ignominioſe cum filio tractavit:
Huic malo acceſſit, quod rex Mechemetem Adulzi filiū
hominem prudentiſſimum, & cuius opera multis in re-
bus prius uſus fuerat, per contemptum cognominare ſo-
lebat ſuorum ſervorum peſſimum: Hi duo ut acceptas
iniurias ulciſcerentur. Muleaſſem non deſinebant in po-
puli odium adducere: quod ut facilius facerent, ſamam
ubique ſparſerunt illum à Muſulmannorum religione
deſeciſſe, & Neapoli Chriſtianam fuiſſe amplexum: poſtea
ignominioſe & cum contemptu apud peregrinos mortu-
um. Hoc rumore primò motus Amidas ſolum regium
occupavit, ne fortè Muchemetes eius frater, obſes Gole-
tanis Hiſpanis traditus, illi præferretur. Sed Maniſetis au-
toritate repulſus, ad hortos Martios extra urbem ſeceſſit:
pauloque poſt in urbem rediens, occiſo Fare arcis præfe-
cto, Maniſeteque cum tota familia extincto, in ſamulos
regios, omnesque ſuæ ſactionis adverſarios immaniter
ſævit. Muleaſſes jam venerat Goletam, qui nulla mora
dilata cum Loſredo Italo, & Tovarre Hiſpano Goletæ
præfecto urbem invadit: Ea pugna rex in fronte graviter

faucius, vix se inde extricavit; Lofredus in paludes præ-
 ceptus suffocatus est cum Carolo Tocco natione Græco,
 & aliis plurimis; qui barbarorū furore cōfecti sunt. Tan-
 dem captus est Muleassēs cum Nahasare, & Abdalaso fili-
 is, quos ex alia uxore susceperat. Hos simul ferro candenti
 excacari iussit: Renovatoque cum Goletanis fœdere,
 Tovari dedit obsidem filium suum Schitum. Nihilo ta-
 men minus Tovarres Abdamelechum Muleassīs fratrem
 ex Numidia è domo Anemischis Alarbai revocavit: qui
 statim velo capiti obducto Mauritano more, in urbem &
 arcem ab omnibus est admissus, qui credebant esse Ami-
 dam tunc absentem. Abdemelechus regno potitus paulo
 post ingravescente ætate, & morbo, è vita decessit, relicto
 Mahomete successore filio, qui tunc vix decimum ætatis
 annum attigerat: quique videbatur impar tanto oneri,
 propter pueritiam & rerum inexperience. Eius nomi-
 ne regnum administrabat Abdaleges Temtis Manifestis
 frater, & Abdelchirinus Mesnarus, autoritate & potentia
 inter Tunetanos excellentissimi uterque, & cum iis Scy-
 riffus Bugeates Maurus, in lege Mahometana peritissi-
 mus, primumque locum in ea gente obtinens, propter
 prudentiam, justiciæ studium, & vitæ sanctimoniam.
 Cum iis junctus erat Ioannes Parellus Tarentinus, ex Ra-
 batinorum equitum ordine, homo promptus & magna-
 nimus. Paulo tamen post interfecto Abdelchirino, reli-
 qui tres, qui pueri non poterant ferre imperium, trium-
 viratum inter se instituerunt, & dominationem rerum
 omnium partiti sunt. In hoc officio crudeliter & avarè
 se gesserunt, & jam intolerabiles omnibus videbantur;
 Interea huc & illuc Amidas apud amicos vagabundus er-
 rabat, eorum opem implorans: Sed Muleassēs à juniore
 rege

rege (qui patruigener factus erat Meluca consobrina uxore ducta) sub specie religionis è carcere liberatus, Gole-
tam perductus est. Hoc matrimonio irritati Tunctani
Amidam in urbem revocarunt : Mahometes rex junior
fuga sibi consuluit. Amidas Perellum captum genitali-
bus abscissis vivum cremari jussit, quòd insolenter in re-
gium gynecæum irrumpens, uxoribus & concubinis A-
midæ stuprum intulerat Abdalegem & quadraginta ex
ordine Rabatinorum trucidari jussit, & eorum corpora
canibus devoranda proponi. Muleasses autem qui

Goletam fugerat, Tovarîs avariciam de-
testatus, in Italiam devectus
Romam venit.



VT TIBI NOBILITAS A POENO SANGVINE VENIT,
CONVENIENS TYRIO STEMMA PECTVS HABES.



FIDVS ALARBÆO DEFENDIS ACINACE REGEM!
PYRATA HOC LAUDAT LESBIVS OFFICIUM.



DORAX ALAR- BAEVS.



DORAX, cognomento Abusaidas, Alarbæus Princeps, Lentigesia matris Muleassis frater fuit; homo singulari prudentia & arte militari clarus. Fidus Muleassii comes in omnibus bellorum expeditionibus. Lentigesia enim eius soror mulier animo virili, cum Mahometem maritum propensio-
rem videret in Maimonem filium natu maiorem inter viginti duos fratres, qui ex diversis uxoribus regi nati erant, regium diadema filio procurans privignum apud patrem traducebat, tanquam tyrannidem affectantem. Cuius instinctu irritatus Mahometes Maimonem custodiae tradi iussit: captivumque mortuo patre in vinculis detentum Muleasses jugulavit, & regnum occupavit, interfectis reliquis fratribus, Roscete & Abdamelecho ad Numidas fugientibus. Dorax interim sororis favore summus regiae militiae magister factus est, & in Meschinem Alarbæum Principem arma movit, ut ulcisceretur injurias,
O o 3 rias,

rias, quas ab eo acceperāt vivente adhuc Mahomete, cuius hic Mefchinus erat amicus intimus, plurimumque apud regem autoritate valebat. Mortuo autem rege seniore, & regnum occupante Muleasse, Mefchinus viribus impar, Doracisque potentiam metuens fuga sibi mature consuluit: collectoque exercitu ex omni Alarbæorum ditione adjunxit se Rosceti Muleassis fratri, qui Bisçaro accersitus cum Vlethe, Iacupo, & Morhabithe junctis copiis ad Bechiam urbem diei unius spatio à Tuneto dissitam castra metati sunt.

Horum adventu cum Muleassès gravissimè perculsus esset, metum tamen suum dissimulans Amidæ filii interim nuptias in urbe summo apparatu celebravit, distributis populo cibariis & donis, reliquisque Alarbæorum nobilibus, maximè pyratibus Turcicis, cum quibus antea fœdus inierat, hac conditione, ut quinta prædæ pars regio fisco cederet: Hac ratione in portum Tuncetanum secure degebant: & in eo erant frequentes, nuptiarum Amidæ tempore: quæ celebri pompa & solennitate fiebant. Roscetes paucis antè diebus, trajecto Bragada Vlethis filiam duxerat uxorem, isque cum socero & Mefchino cæterisque cum exercitu ad urbem veniens, regionem totam depopulabatur, ferro & incendiis omnia devastans. In illum missus est Dorax cum Solace, Africanorum numeroso peditatu, & cum circiter septem Alarbæorum equitum millibus: cum quibus erant duo fratres Bencanones viri illustres & generosi inter Africanos. Alarbæum equitatum agebat Chairadines, regi amicitia junctus. His additi erant aliquot equites Christiani nomine Rabatini, qui custodiæ regis præerant. Conflictu igitur habito, superiores evaserunt Mefchiniani suis Tuncetanis; qui

qui in fugam effusi celeriter in urbem se receperunt. Roscetes victor conabatur civium factione in urbem irrumperet: quorum hortos & oliveta incenderat hoc consilio, ut illos irritaret in Muleassēm; cuius odio tantadamna perpeSSI essent. Sed cum cives non videret moveri Vlethi socii suasu ad Chairadinem, qui Algerium redierat, se recepit, illius opem implorans: Barbarus Pyratalicet juniorem Principem comiter exciperet, illum tamen Constantinopolim duci jussit: Bisertumque celeriter navigans, ab oppidanis ultro admissus est, existimantibus cum eo esse Roscetem: Biserto Tunetum properavit, parique astu cives delusit, Muleassis avaritiam pertæsos qui jam urbe cesserat, non audens fidei civium se committere. Sed cum Tunetani Roscetem abesse cognovissent, facti pœnitentes, regem ad se revocarunt, qui cum Dorace & uxoribus non procul ab urbe in Restabianoshortos secesserat. Reditu regis Tunetani animosiores redditi, magno conamine ad arma concurrunt, impressioneque facta Turcas telis opprimunt, qui jam in arcem excepti erant ab Abaze Granata & Fetuche Arragone, eadem impostura delusit. Pœnituerat quidem eos facti, sed culpa remedium seruum non admisit, Pyratanomunita loca thesaurosque regios occupante.

In hoc rerum turbatarum discrimine licet agigaretur Chairadines, animum tamen resumens, cum sociis Haidino, Mose, Agio, & aliis in urbem irruit, civesque vagabundos & tumultuantes repressit, & strage maxima plebis, patrata reliquos metu percussos intra dominorum privatos parietes compulit. Rex Muleasses cum Dorace, reliquisque fidelibus amicis, ne fortunæ dubium eventum experiretur summa cum difficultate evasit ex urbe:

urbe: trajectoque Bragada, ad Cyrtham Numidiæ interi-
oris urbem fugit: unde postea multis laboribus perpeſſus,
rediit Tunetum Carolo V. Romanorum Imperatore, qui
in Africam venerat, Galetam obſidente: cum Dorax va-
ria uſus fortuna, ſororio continuis afflicto calami-
tatibus, tandem ab Amida regno & oculis
privato, ipſe quoque annis jam
gravatus è vita de-
ceſſit.



QVÆ PREMIERES THALAMOS DORACIS LECTA, CLEONE, ES
DEBETVR FORMÆ GRATIA TANTA TVÆ.



DVM DONIS HOMINVM MORTEM MERCARIS ET AVRO
MASSILA NATAM TE ARGVIT ESSE LEA.



CLEONE ABVSAI DAE VXOR.



LEONE, quæ & Caly-
ne vocabatur, Alarbæa na-
tione Doracis uxor, mulier
sanguinis Christiani appe-
tentissima: cum enim reli-
gionis Mahometicæ super-
stitiose studiosa esset, quicquid illi doctrinæ
adversabatur oderat perditæ: Cumque Mu-
leasses ab imperatore Carolo Tunetano re-
stitutus esset regno, ut pro tanto beneficio
gratus esse videretur, suis liberum reliquit
Christum colere: Christianosque in suam
ditionem venire, commercia habere, & ha-
bitare permisit. In tanta tamen rerum per-
turbatione, & variis mutationibus, quæ mi-
seræ urbi Tunetanæ evenerunt quandiu vi-

xit Muleaffes, dubia sæpe fortuna pugnatum est tam cum Turcis, quàm cum peregrinis. Cleone verò ad Alarbæos consanguineos bellis æstuantibus se recipiens, clade Christianorum delectata, cum militibus pacifcebatur, ut pro singulis occisorum capitibus ducatos duos penderet: cuius feritatem licet sæpe reprehenderet Dorax maritus, non potuit tamen mulieris animum immitem placabiliorem, vel humaniorem reddere. Vivebat enim cum Alarbæis sequentibus partes Roscetis: ideo omnia Muleaffis & Doracis consilia improbabat, qui ad Christianorum auxilia confugiebant, qui Musulmannicam religionem studebant subvertere.

Cùm de Alarbæis superiùs facta sit sæpe mentio: proderit scire qui sint, quæque eorum extiterit origo prima. Alarbæi enim sunt Numidæ & Nomades Africæ populi; Inter omnes eius regionis sese jactitant nobilissimos, ut pote qui à Poenis se genus ducere asserant: neque eorum gens ulli peregrino populo admixta fuerit, vitam liberam ducunt,

ducunt, bello & armis vacantes: & ut plurimum præda viventes. Prædia per servos Æthiapas colunt. Hieme se recipiunt ad limites Æthiopix propter aeris temperiem: æstate redeunt ad loca maritima, ut in alienas messes vixdum benè maturas involent. Pauci ex iis literas discunt, exceptis sacerdotibus, qui plebi instituendæ præfecti sunt. Neque se curiosis, aut exquisitoribus dedunt superstitionibus, sicut Mauri vicini; quos tamen fidelitate, integritate vitæ, & bellica virtute superant. Religionem simplicem retinent: Deum brevibus venerantur precibus: Sobrii sunt admodum in victu ordinario: Dactylis, ficibus, pulmentis, acidoque lacte vescentes. Et si genio lautius indulgere velint, & opipare convivia instituere, ut in celeberrime nuptiarum, in sacris feriis, & amicorum tractatione, esculenta venatu, & aucupio quibus maximè delectantur, & animum recreare solent, liberaliùs præparant. Non desinunt hilariori consuetudine inter se vivere, se invisere, & quæ possident amicis communicare. Eorum patrimonium fere con-

stat equo generoso & celeri, quem precio coëmunt maximo; & in eo tractando & curando multum adhibent sollicitudinis. Suppellectilem domesticam vilem & exiguam possident, ad necessitatem potiùs quàm ad ornatum accommodatam. Seminudi fere incedunt, de vestimentis sumptuosioribus parùm solliciti: licet & matronæ nobiles non careant mundo muliebri gemmis & vestibus sericis versicoloribus. Eorum uxores e- quos tractant, maritis servili more obtemperantes. Villosis pellibus amiciuntur. Et involucris velorum capita tegunt, quæ sub mentum reducta spiris comprehendunt tortilibus. Horum ditio in mediterranea protenditur, subjecta diversis principibus à Nilo usque ad Oceanum Athlanticum. Hi quamvis domicilia habeant incerta, eorum tamen fines certis terminantur limitibus. Tunesanorum dominatus longè cæteris potentior est & amplior, ad oras mediterranci maris protractus usque ad arenas Æthiopix; ad quem pertinebat olim Bugea & Tripolis. Fessani verò Mauritaniæ Tingitanæ,

tanæ, & Salæ fluvii accolæ triginta equitum
millibus suum regnum tutantur contra Lu-
fitanorum impetum. Reliquæ juris di-
ctiones minoribus Satrapis pa-
rent, qui Secchi sua lin-
gua vocatur.



TAM-

THREICIIS VEXAT TE ARDENS BELLONA MANIPLIS:
MARTE ANIMO, HOSTIB' EST PAENA PARATA TVIS.



VT TIBI NOXIUS EST VLAMAS, SIC PRODIOR HELCAS
TV CONSANGVINEVM LEDERE PARCE GEN'.

TAMMAS SOPHI.



TAMMAS SOPHI, sive Techmafes Scachi Ismaëlis Persæ filius fuit. Moriens enim Ismael quatuor reliquit heredes filios Tammam, Helcam, Becram, & Somitzam. Helcas occupavit Assyriam, Babylonem cum Mesopotamia. Becran possedit Albanos

Hiberos, Medos, & regiones vicinas mari Caspio. Somitzas verò Parthos & Hircanos, qui dicuntur Coraxei. Tammæ natu maiori evenerunt Persia, Armenia, & provinciæ quæ usque ad Oceanum Indicum protenduntur: Populique harum provinciarum Persico imperio subiectarum, licet varium sint, vno tamen nomine omnes vocantur Agiamesi. Ut igitur patriorum regnorum, sic & religionis heres factus est Tammās. Quæ res movit Solymanum Imperatorem Turcarum, per se ad exterorum regnorum affectionem pronum, ut illi bellum moveret; idque suasu Abrahami bassæ, qui prima erat in autoritate apud Principem. Christianis enim ut clanculum favebat, Imperatorem assiduo hortabatur, ut relictis Pannonibus, arma trāsferret in Orientem contra Persas, novam religionem & diversas ceremonias sequentes, magno Musulmannicæ doctrinæ scandalo. Adiuvit non mediocriter hanc expeditionem Vlamas begus Persa Princeps, qui

ad Tur-

ad Turcas defecerat. Post cuius è Perside decessum Tammas Sophi VVanum eius ditionem, cū vxore & liberis in suam potestatem redegit. Et hinc prima belli occasio suum habuit initium. Cum enim Vlamas Constant. venisset, illi liberaliter excepto Imperator centum millia Sultaninorū in annuo reditu donavit, cum Sangiacatu locuplete prope Charahemidam, illique negotium cōmisit belligerendi contra Persas cum Abrahamo bassa: qui ingentib⁹ collectis vnde quaq; copiis, in Asiam ex Thracia properarunt. Alepum postquam venissent, inde in Charahemidā, Abrahamus præmisit cum parte exercitus Vlamā qui Tebrisiū Persarum regiam si fieri posset occuparet. Urbem tenebat Musa Sultanus, Tammæ affinis & cognatus, qui Turcarū adventu perterritus, Tebrisiū aufugit: eius fuga per cives delatores nunciata, Vlamas urbem in ditionem recepit: Statimq; literis ad Abrahamum datis, illum reddidit certiorē de rerum felici successu: illūque monuit vt nulla mora dilata, Persidem cum reliquis copiis ingrederetur. Id statim Bassa fecit Tebrisiūq; ingressus eo sine difficultate potitus est, reliquasq; vrbes vicinas suo imperio adiecit. Solymannum interim per expeditissimos cursores monet, vt eò veniret, nequerem feliciter cœptam mora non opportuna defereret. Imperator hoc eventu prospero lætus, quanto potuit exercitu ex Europa & Asia collecto, traiecit Iconium urbē Lyconie, vnde per Cæsaream pervenit ad Malathiam urbem, & ad Euphratem fluvium: Quo superato, quinquaginta quatuor stationib⁹, postquam à Nizza Bithyniæ solvit, pervenit ad Coin Armeniæ maioris urbē, quæ olim dicebatur Artaxata. Tunc temporis Scachus Tammis bello detinebatur contra Kesim bassam Chitainū Chanem, qui illi

Cora-

Corasanem regionē Persiæ interioris eripere conabatur. Vnde noluit reverti, vt Turcis se opponeret, donec adpropinquarent frigora, & hibernæ tempestates, quas sciebat Turcis fore intolerabiles, in Carahemidam iam adpulerat Solymannus Imperator cum tantis copiis, & secū totam fere Europam & Asiam agere videretur. Is postquam diligenti indagatione explorasset vbi essent Persæ in eos selectissimum quemque militem expedit, qui hosti negotium facesseret, donec ipse cum toto venisset exercitu. Vtq; essent expeditiores, tormenta bellica ahenea, machinasq; cum præsidio trecentorum lanizzarorum & trium Sangiacorum Tebrisiū misit, hostemque Persam, qua potuit celeritate persecutus est. Hæsit aliquandiu Solymannus Tigranocertæ (quæ hodie Sultania dicitur) vbi propter amœnitatem loci expectare statuit, donec Scachus Tāmas è montanis Albanis & Hiberis, vbi morabatur, descēderet. Dumq; illic degeret, illius exercitus ad Hemedanem pervenerat: ubi pluviis assiduis, frigore, & tempestatibus vsq; adeo vexati sunt Turcæ, vt bona pars militū cum equis & iumentis dirigerint, & mortui sint. Atque in traiectu fluvij Doci Gesid imbris tumidi, cum sarcinis & impedimentis perierint. Huic malo accessit & rerum omnium penuria. Tammas enim vndiq; annonā avexerat aut corruerat, ne hosti vsui esse posset. Quod nisi Armenij aliqui precio ingenti Turcis necessaria vendidissent, omnis eorum multitudo fame & frigore fuisset extincta. Constitutos igitur in his difficultatibus Turcas animadvertens Tammas, cum decem suorum millibus è Corasane regione Tebrisiū contendit, vbi plusquam triginta Turcarum millia sub tribus ducibus moram faciebant, sub Vlama, Sirvanogli, & Iadigiare be-

ego, quorum quisque decem millibusequitum præfectus erat. Hi Tebrisio egressi, ut hosti occurrerent venienti, nescio quo metu perciti in fugam se dederunt, antequam cum hoste congredierentur. Tammam urbem suam ingressus, quamque hostes sex fere mensibus teruerant, arcem ab Abrahamo bassa paulò antè structam à fundamentis, evertit, & solo adæquavit. Trecēta & quinquaginta ænea tormenta illic relicta comminuit, & ex iis Māguros æreos nummos conflavit. Solymanus, qui ad Sultaniā hērebat omnium rerum difficultate pressus, cum nusquam apparerēt hostes, vt hiemis sævitiam vitaret, iam se Bagadati, quæ est Babylon, cōtulerat, vt illic aëristēperie tolerabiliore frueretur, & loci vbertate suos reficeret. Babylonii præerat Satrapas Muchemetes Persā natione, eo missus à Tāmā post Becranis fratris obitum, qui eam urbem obtinuerat defectione Helcæ. Muchemetē oderāt Babylonii propter avariciam & tyrannidē. Quem cū ad defectionem sollicitaret Vlamas, & cum eo collocuturus copias ad moenia adduxisset, inopinantē oppressit, coēgitq; Bitilisiū urbem Mesopotamiæ fugere. Cives enim Solymani potestati sese ultro submiserunt, apertisq; portis Turcas in urbē admiserunt, quorum eemplum statim secutæ sunt reliquæ vrbes Assyriorum, cum vidissent Babylonios clementer tractari: hæc contigerunt anno domini 1535.

His ex animi sententia feliciter peractis, Solymanus in Thraciam reversus est: vnde anno sequenti Abrahami & Vlamæ consilio in Persidem rediit, quod nuntiatum esset Tammam venisse Tebrisium, & inde fugisse Satrapas quorum custodiæ commissā vrbs fuerat. Turcarū adventum non ausus est expectare Scachus, sed corrupta vel avecta annona, rebusque omnibus necessariis, abdu-

ctisq;

Atque oppidanis cum omnibus facultatibus, se in Corax-
 eorum Hircanorum montes iterum recepit. Solyman-
 nus Tebrisiū nullo repugnante ingressus, Iadigiarem
 begum Eminem suspendi iussit, cuius culpa factum erat
 ut reliqui fugerent ante pugnam cum hoste consertam:
 Cnmque ad prælium non possent adduci Persæ neq; per-
 sequentes Turcæ eos possent assequi fugientes per scopu-
 losos & inaccessos montes, omnique annona vacuos re-
 gione funditus devastata, Solymanus graviter irritatus,
 quod tantis regionum itineribus cum summo sumptu
 & laboribus superatis eò venisset, ut à Persis ludificaretur
 fuga se subtrahentibus, Tebrisiū regressus, cives, qui re-
 liqui erant suppliciter veniam deprecantes miserrimè tra-
 ctavit, eorumque bona militibus diripienda permisit.
 Scachi Tammæ regumque Persarum regias, amœnaque
 palatia incendit, cum hortis & domo Iacupis Sultani V-
 sum casanis filij, quam Hestebehiste vocabant. Primores-
 que cives coëgit Constantinopolim migrare. Hæc cum
 egressit, neque usquam appareret hostis, exercitum in Ca-
 rahemidam reduxit: & sub æquinoctium æstivum in Me-
 sopotamiã se recepit, non tamē sine magna difficultate.
 Nam equites Hiberi continuis velitationibus Turcas in-
 festabant, & vexabant: quorum impetum vix sustinebant
 Aegyptij, & Syriæ præfecti cum Vlamabego locorum li-
 cet perito, & cui primæ partes in sustinendis hostibus cō-
 missæ erant. Tammæ autem cum magno Coraxeorum
 numero Tebrisiū redierat, existimans illic esse relictum
 præsidium, quod ut aīno superiore, faciliè posset opprimi.
 Sed cum omnes cum Solymanno Imperatore vidisset
 abiisse, urbem incendiis & ruinis fœdatum, regionem fa-
 cultatibus omnibus spoliata, tantam tamq; deploran-

dam rerum faciam, & locorum devastationem iniquissimè ferens, Agathyrsum Delimannum Satrapam hominem vigilantissimum & audacissimum expedit, cum Corizzorum quinque millibus equitibus selectissimis, qui Turcas properatis itineribus insequeretur. Is per compendia locorum festinans, prope Bethilisium ad Antitaurum urbem sitam in eos incurrit, cum profusissimi de coelo imbres ruerent, neque quicquam ab hostibus formidarent Turcæ, ex improviso oppressi sunt plusquam duodecim millia: quod contigit Octobris 1536.

Cumque accepta damna damnis paribus compensata videret Tammas, cum victore exercitu domum rediit vixitque felicissime usque ad annum 1575. quo annis rerumque gestarum gloria clarus è vita decessit.





VT GEINMIS, MVLTQVE NITES SPECTABILIS AVRO
FORMÆ MAIESTAS EST SOCIATA TVAE.



FIDA VIRVM GETICIS VEXATVM TECHMASI ARMIS
PROSEQVERIS STVDILS ET PIETATE PARI.

CORASI TAMMÆ

VXOR.



CORASI, five vt alij volunt Martha, Tammæ Scachi vxor, matrona illustri Persarum nobilitate orta, mulier forma singulari, moribusque regiis ornata: animo insuper prædita virili: vtpote quæ in omnibus fere expeditionibus marito semper fida comes adhæserit, officiis iuuerit, consolationibus opportunis illius animum leniens & in spem meliorem extollens, quotiescunque illum deiici aut frangi animadverteret, propter tam atrocia damna à Turcis illata, Persidis deuationem, vrbium incendia, & ruinas: quæ omnia bonum Principem mirum in modum angebant, & cruciabant.

Virum tamen sua præsentia sustentabat regina neque patiebatur illum vel for-

R r midine

midine fluctuare, vel ira percelli: cum ea omnia evenire iusta Dei providentia doceret: quæ licet acerbissima essent, toleranda tamē viro magnanimo monebat. Propterea quod is vini tyranni oppressoris propulsaret, & patriam religionem fortiter tutaretur. Eius ornamenta, mundusque muliebris fere omnis deperiit cum Palatium Iacupis Scachi everteret Solymanus, & hortos amœnos regis succideret.





Rr 2

MAGNA TVA EST VIRTUS TURPI TAME OBSITA NAUO
DVM PATRIÆ FERRIS PRODITIONE REVS



INDIGNE TOLERAS CHADAI VINCLA SATRAPÆ
PERFER,ERVNT TANDEM MITTA FATA TIBI.

VLAMAS BE GVS-



VLAMAS BEGVS, qui & Zilamas, & Vlamannus ab aliis dicitur, vir Persæ primæ nobilitatis: homo acerrimi & promptissimi animi. Is cum res insignes gessisset pro patriæ conseruatione, Techmasis Scachi benevolentiam promeritus, eius sororem duxit vxorem, & VVa-

num ditionem amoenissimam & fertilissimam in Media beneficii loco obtinuit, quam feudi nomine obtinebat. Cumque rei malè administratæ, & raptorum coram rege suo ageretur, veritus punitionem, ab eo defecit, & se ad Turcas conferre statuit. Cuius rei certior per literas factus Solymanus Imperator, nuncium misit ad Serefem begum Curdistani Principem (cuius ditio Babylo-nica vicina erat & Carahemidæ, quæ vocatur Diarbekir, olim Chaldæa) is iuebatur vt Vlamæbego comitatum & militem daret, cum quo secure & tutò ad Sultanum Constantinopolim venire posset. Vlamas igitur VVano discedens Bethilisi, quod quatuor dierum itinere distabat, & vbi Serefes begus habitabat, se contulit. Hospitem Persæ Chaldeus primo excepit vultu benigno, illique suum officium & fidem in omnib⁹ obtulit: sed cum illū haberet in sua potestate, illū inhumaniter corripit iussit, & vincitum cito ad Solymanum misit, qui perfidiam & improbitatem.

Serefis vehementer doluit & indignè tulit. Vinculisque Vlamam solvi præcepit clementerq; dextra porrecta illum consolatus est, & iniuriæ acceptæ ultorē se fore promissimulq; donis ingentibus, & preciosis donatum vestimentis familiariter compellavit, & cum eo de statuerum Persicarum contulit, & quid Tammās ageret, quæ illius opes, vires, et potentia esset diligenter expiscatus est, de quibus omnibus accuratissimè Imperatorem Vlamas edocuit. Subiectionisq; & fidelitatis præstito juramento, se suamq; operam Solymano in posterū promissit: Cui ut gratus videretur Imperator, de suo stipendium ceterum Sultaninorum millium quotannis legavit: beneficiiq; loco delegavit illi Sangiacatum non procul à Carahemida. Ut eò se recipiens, patriæ vicinus esset & Persas, cum opus foret, bello infestaret. Mandatumque illi dedit ad omnes suæ ditionis Sangiacos vicinos, ut quotiescunq; in Persas arma moturus esset, illum in omnib⁹ necessariis promptissimè iuarent. Postquā igitur tam liberaliter ab Imperatore exceptus in suum Sangiacatum venisset, Solymano ita jubente, Serefesbegum perduellionis reum proscripsit, & Bithilisium timarii loco accepit, exacto inde Serefe. Hæc prima causa exarsit belli inter duos potētissimos Principes, Vlāmā Turcarum partes sequente, & Serefe ad Persas transfuga. Pluribus itaque præliis inter vtrumque commissis, fusus est tandem Serefes, captusque ab Vlāmā, & vita privatus: eiusq; caput ab humeris recissum ad Solymanum missum est: eiusq; ditione in Vlāmæ potestatem devoluta. His gestis legatos ad Tammā Scachum expedit, qui ab eo repeterent uxorē & liberos, quos post patris defectionē rex ad se accersiverat, & detinebat, reductis eius bonis ad fiscum. Tammās
ne iam

ne iam prius irritatum magis offenderet, & bellorum causas daret ad eum quos petebat sine difficultate remissit anno 1533.

Paulo post Solymannus Abrahamum bassam Alepum cum exercitu contendere iussit, ut adiuuante Vlamma, & eius consilio de rebus gerendis agerent. Quò postquam venisset, ad illum Serefisbegi vxor & liberi supplices se contulerunt laqueos cervicibus gestantes, & veniam criminum parentis cum lacrymis deprecantes. Abrahamus bassà ut erat animo ad clementiam proclivi, supplicum miseratus, eos non durius excepit: sed de corū negotio ad Solymannum rescripsit, rogans quid de iis acturus esset. Respondit Imperator non reiciendos perduellis liberos, qui culpæ parentis non erant participes: iussitq; ut quadraginta Ianizzari darētur filio Serefis mortui, qui illum cum matre Bithilisium comitarentur, & inde thesauros omnes paternos aufportarent, quòq; postea vellent proficiscerētur: nullum se illis habitationis locū prescribere, præter eum quem ipsi voluntariè delegissent. Quod si Turcarū partes sequi vellent, se illis donare Alepum honorarij muneris nomine: Sed iuuenis Bithilisio aufportatis thesauris patriis, cum matre & sororibus in Persidem se recepit ad Scachum Tammam. Abrahamus bassà paulo post præmisit Vlammam cōtra hostem, qui dux itineris esset, iubente hoc Solymanno: Ipse verò illū cum reliquo exercitu subsecutus est. Vlamma nullo resistente Tebrisiū occupavit, Tamma absente & bellum gerēte contra Chitainū Chanem. De occupata vrbe literas statim per citissimum cursorem ad Abrahamum expedit Vlamma, qui eo contendit cū reliqua parte exercitus. Rerumq; potit⁹, arcem Tebrisijs cœpit extruere, & machinis bellicis

bellicis ahencis, omniq; telorum genere munire. Soly-
mannus cum in Perside res benè geri intellexisset, suaden-
te Abrahamo ipse quoq; cum numeroso venit exercitu.
Tebrifiumq; postquam esset ingressus, & urbem ex maiori
parte civib⁹ vacuum, Tammam foris occupatum bellis
ad pugnam nō posse provocari, adpropinquare hiemem
immitib⁹ frigoribus intolerabilem: quibusq; iam sui pars
exercitus fuerat extincta, contulit se in Assyriam mitioris
aëris causa: & ad hiberna suum militem duxit Babylonē:
vnde postea Tebrifium reversus est, quo venisse Tāmam
audiverat: Sed ad eius advētum Persa in montanas regio-
nes cum suis regressus est, devastatis omnibus rebus, quæ
hosti poterant esse vtilis. Defectu igitur necessariorum
pressus Turca, iterum in Assyriam remeavit: in cuius redi-
tu cum parti extremæ exercitus, quæ Dundar vocatur, præ-
fectus esset, Vlamas begus cum aliis aliquot Sangiacis,
Agathyrfus Delimannus à Tamma Scacho cum Albano
Hiberoq; equitatu expeditissimo missus est. Is nocturna
oppressione, facto impetu Turcas adortus est, oppressit,
& attrivit. Ceciderunt eo prælio tres Sangiaci, quartus
captus est. Quintus cum Vlamabego vix sibi fuga commi-
luit: Sed Delymannus ulterius periclitandum non esse ra-
tus, victor ad Tammam rediit. Hac suorum strage gravis-
simè indoluit Solymannus, qui ex Charahemida Alepum
suum abduxit militem, & inde reversus est Constantino-
polim. Reversus in Europam Vlamas donatus est Sangia-
catu Bosnæ Illyrici, Vstreso Sangiaco paulo antè mortuo:
ita enim satius visum est Solymanno, vt re contra Persas
non satis benè cedente, hunc procul à patriæ limitibus
abduceret, ne fortè secutus fortunam ad Tammam ite-
rum deficeret. Vlamas igitur cū Chairadine Barbarossa,

Dra-

Dragute, & Corseto Pyratis missus est ab Imperatore in Illyricum, ad recuperandum Castrum novum ad sinum Rizonicum situm, quod paulo ante Andreas Auria occupaverat: in hac expeditione Vlmas innumeram multitudinem montanorum Vsfurcharum, Morlacharum, & Haidonum agebat: quorum parti præfecerat Testogin Turcam hominem promptum: Is olim Abrahami bassæ fuerat Citharædus, & dominum criminatus erat apud Imperatorem, quòd literas à Christianis sæpius reciperet: quare factum est ut post domini mortem ad maiora munia, & conditionem altiore profectus fuerit. Chairadines in hoc bello navalium copiarum duxerat. Hi omnes terra marique Castrum novum adorti, magna Christianorum strage locum expugnaverunt, occiso Sarmento præsidii præfecto, Cusano Burgundione nobili, Sanchio Fria duce peditatus Hispanici, Iano Navarrao, Dominico Ariadano, Serone Arragone, Oliverio Valentino, aliisque ducibus strenuissimis, qui mortem honestam prætulērunt ignominiosæ servituti. Reliqui in manus hostium vivi devenerunt, ut Arrius Mancinius, Diegus Maschaferus, uterque Hispani, Lazarus Coronensis Græcus, Andreas Scrapula ex Neapoli Romaniae natus, cum octingentis aliis veteranis militibus Hispanis, qui omnes Constantinopolim translati sunt: Vrbs recepta est anno domini 1539. Veneti hac clade perterriti, Rizanā arcem Turcis reliquerunt: Hi Catarū obsidentes, cui Maphaos Bembus præerat; re infecta discesserunt. Anno 1542. Vlmas tria millia equitum adduxit Budam pro urbis defensione, quam Ferdinandi nomine Ioachimus Marchio Brandeburgicus obsessurus erat. Budæ præfecturam gerebat Halibassa Albanus post mortem Mahometi Hungari.

At Vlamas suos equites trans Danubium Pestum duxit quod nostri obsidione cinxerant, in qua Iacobus Trucesius Marchio VValpurgi, equitatus Suevici præfectus cæsus est: & eius caput hastæ affixum ad Solymannum portatum est. Anno 1543. Vlamas iterum in Hungariam profectus est ad Strigonium oppugnandum: illiusque statio fuit ad eam mœnium partem, quæ portæ Budensi vicina est. Hanc ipse continuis tormentorum ictibus concussam dejecit; actisque sub turri munita cuniculis, eam tentavit subvertere incenso pulvere tormentario, quem doliis clausum sub turris fundamentis locaverat. Sed cum ea res non succederet, monitus est à quodam sene Calabro Crotoniata, qui ex urbe ad Turcas transfugerat, ut turrim aliam, quæ ad Danubium sita est, insulamque vicinam occuparet: quod fecit Vlamas, Crotoniataque monitu turrim dejecerunt, & in urbem ingressi sunt. Mortuus est Vlamas anno domini 1548.





CARCERIBVS LÆSI SERVATVR TECHMASIS HELCAS!
CAVSA PATROCINIO NON EGET ISTA TVO .



FID' AMICITIÆ VETERIS TV CVLTOR HABERIS
CAPTIVO VTILIS HÆC SED NEQVIT ESSE FIDES.

O L Y N D V S.



LYNDVS Arabs natione ex Adene oriundus qui multis annis sub signis Solymani Imperatoris Constantinopolitani militaverat, homo strenuus, & qui per militiæ gradus ad magnas dignitates pervenerat; unicè dilectus à Soleimane Præfecto Cairi, cuius ca-

stra secutus est, & ab eo equitatu Arabico præfectus est: Contigit autem ut Elcas sive Ercafes Imirsa Tammæ Scachi Persarum frater, Sirvaniæ summo cum imperio Princeps, cui post patris Ismaelis obitum Assyria & Babylon cesserat, cum tota Mesopotamia, à fratris amicitia defecit, quòd imperii partitione non contentus esset, & Tammæ Scachi imperium non toleraret æquo animo: Quod cum animadvertisset frater Helcam ad se venire iussit, ut rationem redderet huius similitatis: ille gravius periculum metuens, cum fratri non satis fideret, malorum consiliorum conscius, ad Solymannum Imperatorem defecit, eiusque fidei se permisit: cuius partes secutus est Olyndus in illius familiaritatem paulo antè receptus, & illi ad defectionem hortator, multis verbis enumerans Persæ Principi, quàm clemens quàm benignus, & liberalis esset Tur. Imp. erga eos, qui eius partes sequerentur: Idque Vlamæ begi, exemplo probabat qui tanta autoritate, tantis opibus valeret, ut reliquis Tammæ fratribus conferri posset. Quòd si erga hominem nobilem quidem, se parvæ ditionis dominum, tanta contulisset beneficia, non po-

terat dubitare illum multo-plura præstiturum in regium fratrem: cuius opera Scachus debellari, & opprimi poterat, vel regno Persico penitus detrudi, Helcasque in eius locum substitui; hac tantum servata conditione, ut Solymannum Imperatorem summum agnosceret. His persuasionibus Helcas, qui ad regnum aspirabat, Persidem relinquens, longis itineribus per Circassorum regiones in Tauricam Chersonnesum Cosem venit, inde Constantinopolim. Eius adventus Solymannogratisissimus fuit: quem summo honore exceptum, amplissimis donavit muneribus: & postquam cum eo per aliquot dies familiariter cõtulisset, de ratione & modo, quo Tammas opprimi posset, collectis undique copiis summo cum apparatu in Persidem remissus est: iussuque est cæteris præfectis, & bassis, qui cum eo profecti sunt, ut illi in omnibus fidelem strenuamque navarent operam. Postquam igitur in hostilem penetrasset regionem, statim VVanum VVastani obsedit, & parvo momento expugnavit urbem. Persis non admodum resistentibus, quod undique esset aperta, majori tamen difficultate arcem obtinuit, quæ firmo militum præsidio defendebatur: Ea tandem in potestatem redacta, milites Turcici nullo resistente totam regionem diripuerunt & depopulati sunt: More enim solito sese Tammas Scachus in montes Albanorum receperat, neque unquam ad manum conferendam se obtulit. Helcas interim omnia moliebatur nullum detractus laborem ut loca Persidis munitiora occuparet, thesauros omnes corraderet, & ad Solymannum mitteret. Sed cum hoc bellum traheretur in longum, neque usquam appareret hostis, tandem laborum tædere cœpit Turcarum Duces & milites, qui rerum penuria laborantes, exitum huius
expe-

expeditionis in frugiferum futurum perspiciebant. Cum-
que Persicum Principem summa cum potestate impe-
rantem non ferrent, illum apud Solymannum literis
criminari sunt: afferentes leporem dimittendum, & ca-
piendum potius canem. Nempe Tammam formidolo-
sum & fugientem contemnendum, & hunc canem perse-
quentem Tammam de medio tollendum. Helcas con-
spiratione Turcarum cognita, in cuiusdam Curdistani
Principis domum confugit, quem olim habuerat ami-
cum: sed cuius fidem mutatam deprehendit: nam statim
captum Helcam vinctumque cum aliquot eius amicis ad
Tammam Scachum transmisit: Is fratrem proditoris
severè castigans, illum custodiæ commisit arctissimæ:

Olyndus autem ab amicitia Helcæ non discedens,

sed graviter reprehendens eos qui illum ini-

quæ criminabantur, insidiis Turca-

rum circumventus oc-

cisus est.



VIRTVVS OCCVBVIT. NŌ VIS SVPERESSE. SED AVDES
VT CAPAVEI STRVCTOS Vxor INIROS ROGOS.



ET CASIA ET NARDO DIVES CELEBRISQVE PVELLIS
QVAS VNETA REGIO GIGNIT ODORA SABÆ.

M E D A B E.



E D A B E Arabis Olyn-
di uxor, ipsa quoque ex A-
rabia felice originem tra-
hens: mulier singularis er-
ga maritum fidei & perse-
verantissimi amoris: Ea,
dum Olyndus Helcæ mi-

litalet, ad Curdos cum duobus filiis se rece-
perat, quòd exercitum huc & illuc vagabun-
dum, & Persarum excursionibus assiduis
minimè tutum sequi non posset sine gravis-
simo periculo, & mariti anxietate, qua à so-
lita promptitudine revocabatur: Cùm igitur
matrona fama ubique sparsa inaudisset Hel-
cam à Curdistano principe captum, vincitū-
que ad Scachum Techmasem missum, Co-
piasque auxiliatrices fusas, ipsos Turcas infi-
dos erga eum cuius patrocinium susceperāt
eorumq; perfidia casum esse Olyndum, illa
dolore, amorisq; impatientia percita cū duo-
bus filiis impuberibus gladio mariti in pect⁹
adacto, mortem ultro sibi concilavit, recu-
sans vivere post mortem illius quē vitæ pro-
priæ præferebat.

T t

SE-

DVM CVTE NVDATVR BRAGADIN' ET IN CRUCE PEDES
TEVPOLE TVM CYPRVS TVRCICA IVRA SVBIT.



VERBA SVPERB' ALLIS PERTAVI AVDIRE RECVSANS
DVRA CORINTHIACIS FATA SVBIVIT AQVIS.

SELYMVS II. SOLY- MANNI FILIVS.



VLTANVS Selymus
vel Selymes eius nominis secundus anno Christi 1566. Septembris 23. post Solymanni patris obitum Imperio successus est, annum jam agens quadragesimum secundum. Hunc exceptum Ischodarae è regione Constantinopolis Bostanges bassa triremi

in urbem vexit ubi ab Ischendere bassa Constantinopolis Profultano genero suo, solempni pompa ad tribunal Imperatorium perductus est; publicèque vota concepta pro eius incolumitate & acclamationes factae, quibus omnia secunda, & felicia populus precabatur Sultano recens electo. Postero die epulum paravit funebre pro parentatione, donativoque populo distributo, in Saraium reductus est: Ianizzarisque congiarium largitus centum millium Sultaninorum, ad Albam Græcam profectus est, ubi corpus paternum quod eò advectum fuerat, lugubri palla amictus excepit, Constantinopolimque transvehi curavit curante funus Achmete bassa, Ferhate Capiziliorum Aga, reliquisque Begis & Ianizzaris praecedentibus. Postquam Constantinopolim pervenissent, Muphtis summus Musulmannicæ religionis Pontifex, & sacrorum rex corpus defuncti præcedebat, cum Ischendere Profultano, & Dephterdaris ærarii præfectis pullatis omnibus, sequente populi turba, eiulantibus & pectora flebilem in modum plangentibus Talismanis, qui funus

utrinque stipabant lacrymabili voce alternatim concinentes. Sandalipa, qua Sultani corpus clausum erat, Cymatili preciosissimo panno erat instrata: super quo injectum erat stragulum auro intertextum: ad latus pendebat acinax gemmis exquisitis ornatus: & ad caput positum erat Tulipantum capitis tegumen orbiculatum, & in conis speciem modicè prominens, lineis spiris subtilissimis, candidissimisque distinctum: cui impositæ erant Ardearum penne nigræ exquisitæ, ad Sandalipam applicati erant cerei rotundi ingentes & ablongi. Talismanicum Hoggiis divaricatis cruribus humi sedentes, pro anima defuncti preces fundebant. Postquam hoc modo Patri parentasset Selymus, Pertavum bassam cum Valachorum, Tartarorum, & Turcarum copiis in Hungariam misit, Vaivodæ Transylvano succurreret bellum gerenti contra Maximilianum secundum Germanorum Imperatorem. Is eo tempore Tocaïum arcem in Hungariæ & Transylvaniæ limitibus obsidebat, cui præerat Maximiliani nomine Iacobus Ramingerus. Sed cum audivisset Tataros qui ad illum missi erant,, immani crudelitate grassari in suos, ut imminenti periculo succurreret, obsidione soluta domum regressus est. Habitoque cum Tataris latrocinantibus conflictu, aliquot ex iis millia trucidavit: Reliqui in Rusciam & Podoliam fuga dilapsi, à regionis Vaivoda cæsi sunt. Lazarus Svendius interim Zavarum arcem Georgii Bebeci in Transylvania obsedit, quam tandem non sine difficultate, & vitæ periculo mense Ianuario anni 1567. deditione recepit. Neque multò post Muncazium obtinuit: castrisque hostilibus Hustianam munitiorem cinxit: Id postquam ad Selymum perlatum esset, Pertavum bassam cum Romanicæ

Be-

Beglerbegis in Hungariam proficisci iussit ; quos tamen statim revocavit : quod audiret Maximiliani Legatos Constantinopolim venire. Budensis quoque bassa literis ad Maximilianum Imperatorem missis, rogabat ne bello hoc intempestivo permetteret pacis inducias interrumpi. Cumque Svendius Cassoviam se recepisset, Vaivoda Transylvanus Risvarum arcem inexpectatus occupavit: quam non multo post recuperavit Rubertus Svendij Legatus. Anno 1568. inter utrumque Imperatorem renovata sunt pacis foedera: Svendiusq; occupatus in Trāsylvania arces Germanorum præfectorum curæ commisit, ut fidelius in potestate Maximiliani servarentur.

Anno 1569. mense Septemb. armamentarium navale, quod Arsenalè dicitur, Venetiis conflagravit, maximo & irrecuperabili reipublicæ damno: Hæc res movit Selymū ut illis bellum inferret: eiusque prætextum sumpsit quòd Cyprum nullo jure occuparent : quæ ad Imperatores Constantinopolitanos pertineret, Sultanis AEgypti & Syriæ victus, quibus Selymi I. tempore erat tributaria. Anno enim 1423. Ianus Petri filius rex Cypri ex Lusignana familia oriundus, cum Melechella Sultano AEgypti bellum gessit, In quo captus est: precioque centum & quindecim millium Seraphinorum persoluto in regnum remissus est, quod tributarium Sultano fecit. Ianus hic mortuo patre primis nuptiis uxorem duxit filiam Marchionis Montis ferrati : eaque sine liberis defuncta, Helenam Paleologam superinduxit, ex qua suscepit unicam filiam Caroletam : quæ adulta marito nupsit Ioanni Lusitano; eumque dissidio inter eos orto offensa veneno sustulit : Erat illi frater Iacobus illegitimo natus toro, Famaugustæ Archiepiscopus : Is reginæ
vene-

veneficio offensus, relicto sacerdotio, regnum occuparet expulsa Caroleta, quæ Ludovico Sabaudò secundis nuptiis juncta est: Cum quo in Cyprum reversa Jacobum expulit, & regni possessione iterum est potita. Jacobus in Aegyptum navigans ab Alesserapho Cairi Sultano imploravit opem: à quo adjutus Cyprum recepit, quam tributariam Sultano in perpetuum esse voluit. Iamq; senex Venetias profectus Accaterinam Carnaram puellam forma singulari à senatu uxorem poposcit, prius tamē à Republica adoptatam. Is moriens uxore gravidam reliquit, quæ posthumum peperit: isq; infantulus morbo extinctus est. Veneti regnum mulierculæ relinquere non satis tutum rati, illam amicè monuerunt, ut rebus suis maturè consuleret: illam regnum Turcis & Mamelucis vicinum possidere procul à patria, quod diu retinere non posset, facultatibus idoneis & consilio destituta. Itaque consultum videri Senatui, ut Cyprum Reipublicæ Venetæ relinqueret: ipse verò in patriam reversa, honore summo à suis coleretur, quos tam excellenti beneficio sibi obligasset & devinxisset: Monitis suorum lubenter paruit regina, acceptisque à Republica in annuo reditu quinque Cichinorum millibus Cyprum Venetis reliquit: qui ut priorum regum pacta ferebant, tributum quotannis Aegyptio Sultano pendebant, donec anno 1517. Tomombæus à Selymo primo victus est, & Syria Aegyptusque in Turcicorum Imperatorum potestatem redacta est. Cui ut armorum jure, legitimo possessori tributum solitum solverunt, ac Solymanno eius successori: Selymus autē secundus Venetos nullo jure insulā possidere causatus jam de tributo nō cogitare, sed de regni totius occupatione cœperat, quod sibi vicinum, opportunumq; sciebat. Cuba-

teru igitur Zausium anno 1570. ablegavit ad Venetias Cyprum repeteret, & recusantib⁹ bellum indiceret. Cubates Venetias appulit sub initium Aprilis eiusdem anni; repulsamq; passus, Constantinopolim reversus est: Instrui copias & militem legi ex Europa & Asia statim præcepit Selymus. Terrestres Mustaphæ bassæ cōmissæ sunt, navales Piali & Aly bassis. Pialis bassâ Tenum insulam in Ægeo mari sitam, & Venetis subditam ferro flammisq; devastavit, Eiusdem anni mense Iunio Sebastianus Venerius Corcyræ præses Soppotuum Albanix castrum expugnavit, cui præfecit Manuelem Murmuriū Napolianum. Eodem mense Marcus Quirin⁹ Hadriaticæ classis præfectus Mainā arcem (quæ olim Leuctra vocabatur) ad sinum Messeniacū sitam occupavit, & solo æquavit. Sub initiū Iulij. Nicosia Cypri coepta est obsideri à Mustapha bassâ: quæ capta est, & crudelissimè direpta decimo Sept. cæsis fere omnibus qui in urbe inventi sunt, & eorum parte in servitutem abacta. Victor Mustaphas insolentior redditus de Famaugusta invadenda cum reliquis bassis egit: ad quam cum esset. castra metatus, Alis bassâ cum classe Cretam ingressus est, multaque damna Cretensisibus intulit: Vluzalis quoque Africanæ Barbariæ Prosultanus, Rhetymum urbem in Creta ab oppidanis desertam incendit. Cumque reliquis ei⁹ insulæ oppidis tēpestivè à Venetis provisum esset, amissis suorum tribus millibus & septingentis, Alis bassâ Creta relicta Citheram, quæ nunc Cerigos vocatur, Venetorum juris insulam petivit: & portu S. Nicolai ex majori parte direpto, Zacynthi & Chephalenix suburbiis incensis, Soppotoum invadit, recepit, Manuele Murmurio capto. Pauloque post Dulcinium in limitibus Dalmatiæ, & Albanix finibus perditionem occupavit. Pari felici-

felicitate Butua & Antibari potitus est. Vluzalis & Garagosa Raifus in Liefena Insula Fari suburbia depopulatus est: uterque etiam Curzolam pari damno affecit: quamvis ab urbo Curzula, quam viri deseruerant, Turcas repulerunt mulierculæ intra mœnia relictæ. Interum Famaugustani per annum integrum obsessi, rerum omnium penuria laborantes, deditiorem facere, compulsi sunt: hac conditione, ut vita rebusq; salvis, Veneti in Cretam incolumes ducerentur. Cyprii verò Christiana religione retenta, domos & prædia sua possiderent. Conditiones istæ adprobata & signata sunt à Mustapha: nihilo tamen minùs Marcus Antonius Bragadinus urbi præfectus post ditionem ab immani barbaro vivus est excoriatus. Hoc modo Cyprus, quæ Venetis paruerat ab anno 1470. in Turcarum potestatem redacta est. Quæ dum oppugnaretur fœdus sacrum ictum est inter Pium V. Pontificem maximum, Philippum Hispaniæ regem, & Senatum Venetum. Christianis omnibus copiis dux & Imperator summus autoritate omnium designatus est Ioannes Austriacus, Caroli V. Romanorum Imperatoris filius. Classi Venetæ præfectus est Sebastianus Venerius: Pontificias triremes agebat Marcus Antonius Columna: his se junxerunt alii plurimi, illustres viri: ut magnus Castiliæ Commendator, Ascantus, à Corgna, Ioannes Andreas Auria Melphiti princeps, & Veneti tres patricii, Augustinus Barbarigus, Marcus Quirinus & Antonius Canalis: Præterea Alexander Farnesius dux Parmensis, Octoviani filius, Franciscus Maria Princeps Vrbinutum, Paulus Iordanus Vrsinus, & Alvarus, Marchio S. Crucis. Hi omnes instructa classe ex Sicilia solventes mense Septembri Lepantum (quod ab antiquis

tiquis Naupactum dicebatur, Turcæ vocant hodie Inebectin) pervenerunt. Nauales copias Turcicas in sinu Corinthiaco continebat Alisbassa; Pertavus verò terrestribus præerat. Alisbassa pugnandum esse dicebat cum Christianis, cuius opinionē adprobabant Chasanes Chiradinis Barbarossæ filius, Vluzalis Profulanus Cæsariensis, & Chaisbegus Smyrnenfis Sangiacus. Horum sententiam improbabant Pertavus, Sirocus Alexandriæ Sangiacus, Carabuzes Sonrisaris in Cilicia præfectus, & Mechmetes Salæ Raifi filius Sandiacus Euboeæ. Vicit tamen Alisbassæ autoritas. Orto igitur ad Cuzolares insulas magna animositate prælio, Christiani superiores evaserunt. capto occisoq; Alibassa: Pertavus suorum stragem animadvertens scaphæ beneficio elapsus in continentem, salutis suæ consuluit. Vluzalis & ipse cum triginta triremibus evadens, fuga celeri vitam tutatus est. Reliqua classis Turcica, cum infinita præda in Christianorum potestatem redacta est. Perierunt hoc navali conflictu Turcarū viginti quinque millia: capta quatuor millia: liberatiq; captivi Christiani ad quatuordecim millia. Gesta hæc sunt septimo Octobris anno 1572.

Hac clade perculsi Turcæ, Margaritinum arcem in Acrocerauniis Chimeriodis dediderunt Venetis 12. Noembris eiusdem anni, quod igne consumpserunt. Sopotoum quoque Albani occupaverunt, & Venetis restituerunt.

Eodem tempore Amidas Muleassemi Tunetanorum regis filius, à Turcis regno expulsus, cum duobus filiis ad Franciscum Tovarem Goletæ præfectum profugerat, & cum Hispano præsidio vitam agebat privatum. Cum autem accepisset tantam cladem Turcas accepisse ad Nau

V u pactum,

pactum, Legatos misit ad Ioannem Austriacum tunc in Sicilia moras facientem, qui eius auxilium suppliciter imploraret ad regnum Tunisis recuperandum, promittens liberaliter annonam, reliquaque ad bellum necessaria: Austriacus Princeps, ut supplici regi gratificaretur, in Africam expedit Duce[m] Sueffanum, & Melphitanum Principem cum Ioanne Andrea Auria, qui in Barbariam trajicientes Tunisini urbem occuparunt, militumque prædæ permiserunt. Sed Amidas promissis non stetit, Christianosque perosus, clandestina conspiratione cum Turcis consentiens, exitium Christianis procurasse creditus est. Quod postquam nostris innotuisset, infidum regem cum duobus filiis in Siciliam transinserunt, ipsiusque fratrem Machimetem, qui Hispanis inviolabilem fidem se servaturum in posterum promittebat, regno Tunetano præfecerunt. Selymus Imperator tantos Christianorum in Africa successus ægerimè ferens Sinanem Bassam creavit Thalassiarum: eumque cum centum & sexaginta triremibus, trigintaque tribus altis navibus in Africam navigare iussit, commissâ illi summa totius belli gerendi administratione, & summa auctoritate: qui in Barbariam appulit mense Iulio anno 1574.

Ioannes Austriacus ex suorum consilio præceperat arcem strui inter Goletam & Tunetum cuius rei causa Gabrielem Serbellonium Mediolanensem cum duobus Italicorum millibus, & Salazarum Hispanicum cum toridem Hispanicis relinqui iussit Goletæ, quicam munitionem perficerent: nam uterque muniendarum urbium peritissimus habebatur: Sed cum Sinanes bassâ eò venisset, nondum arx erat absoluta: præterea exauctorati fuerant plurimi veterani milites præsidarii Goletæ: Turcæ igitur

cæ igitur celeritate in rebus gerendis usi, parva difficultate munitionibus novis potiti sunt : Goletam demum arctissima cinxerunt obsidione, obstinationeque summa oppugnarunt, Petro Carrera Hispano arcem fortiter propugnante: Cum autem Turcis impares essent, neque illorum impetui resistere possent, Goletam hosti reliquerunt. In qua inventæ sunt quingentæ belli machinæ, cum ingenti pulveris tormentarii, armorumque & annonæ copia. Hæc contigerunt anno 1574. Quo tempore Veneti cum Selymo pacis inducias iterum pacti sunt. 1574.

Ipse verò Turcicus Imperator anno sequen-

ti 1575. vita decessit. Murate fi-

lio Imperii successore

relieto.



PRODET AVARITIAM MAXVDES PERSA, TVAMQVE
PERFIDIAM : FATIS OBRIVS ITO TVIS .



DVM TVA CASTRA FAMES, PESTISQ, GELVQ, LACESSIT
TVTATVR MEDOS PARTHICVS HOSTIS AGROS .

MUSTAPHAS

BASSA.



VSTAPHAS BASSA

Selymi secundi Præceptor fuit, junioris Principis institutioni præfectus à Solymanno Imperatore, quod esset homo promptus, facundus, & ad arma natus: Illum postquam adolevisset Selymus, & ad Imperij dignitatem provectus es-

set, ad Cairi Beglerbegatum promovit, quamvis illius superbiam sæpius improbareret, nihilo tamen minus, ut gratus videretur, illum ad summas evehit dignitates. Cum autem Venetis eripere Cyprum vellet, Mustapham cum terrestribus copiis eò misit: navales verò commisit Piali & Ali, bassis. In Cyprum igitur cum exercitu veniens Mustaphas, Nicosiam regni Metropolim obsedit, & in suam potestatem redegit decimo die Septembris anno 1570.

1570.

Cæsisque ad internecionem præsidariis militibus, omnique nobilitate, reliquum vulgus servituti mancipavit. Paulò post omnes copias Famaugustam transtulit quam obsidione cinxit sub medium Augustum eiusdem anni: duravit ea obsidio annum fere integrum, non sine Turcarum maximo dispendio, quorum plusquam octoginta millia perierunt. Urbani tandem rerum omnium penuria laborantes, ad deditionem faciendam compulsi sunt: hac conditione tamen, ut Veneti omnes qui ea in Insula erant rebus salvis in Cretam traicerent Mustaphæ

V u 3 salvo

salvo conducta, Cyprii verò domos suas prædiaque retinrent, & religione Christiana viverent. Conditiones has adprobavit Mustaphas, sanxitque, & propria manu data fide signavit: Cuius fidei se submittens Marcus Antonius Bragadinus urbi Præfectus, Famaugusta cum præcipuis nobilibus egressus, claves portarum in castra attulit: Illum principio satis comiter excepit barbarus, illiusque consilium laudavit, simulque omne humanitatis officium illi sociisque obtulit: dedita vrbs est principio Augusti, anno 1572.

1572.

Sed statim postea violata fide Bragadinus in vincula coniectus est, ac per omne scelus & ludibrium ab immani bellua tractatus, tandem cute cum vita crudelissimè privatus est: cæterique miserabiliter pecudum more trucidati sunt. Laurentius Tempolus præfectus Paphi, qui in defensione urbis fortiter militaverat, ad furcam adactus est. Mortuo tandem Selymo, cum Murates eius filius Imperium sumpisset, Mustapham anno 1578. cum exercitu ducentorum milliū hominum in Persidem misit contra Muchemetem Techmasis filium qui auxilio Chitaini Chanis, & Georgianorum, Turcas à suis finibus arcere & propulsare studebat: Cum Mustaphas ad Georgianos (qui Iberi sunt) pervenisset, eorum fines crudeliter depopulatus est. Cuius potentiam metuens Princeps quædam mulier (quæ annosa vetula vulgo nuncupabatur, apud Georgianos, inter quos autoritate & opibus primū locum obtinebat) duos quos habuit filios in Mustaphæ castra misit cū muneribus, ut se illi dederent, fidemq; Imperatori Turcico jurarēt. Mustaphas duos juvenes Principes humaniter excepit, & ut erat dolosus, & perfida

1578.

perfida simulatione plenus, illis patrique sanctè juravit, se non permitturum, ut quicquam damni acciperent eo bello, imo illis suum patrocinium in omnibus promissit. Non desuit tamen duos juvenes Constantinopolim mittere, literisque monuit Muratem ut alterutrum, vel si fieri posset utrumque, ad Musulmanicam religionem cogeret: alioqui difficile esset illos in officio ac fide retinere. Postquam in Europam deducti essent, Murates illorum egregia indole delectatus, studuit imprimis ut honorificè tractarentur: tandem hac benevolentia pellectos paulatim illis religionis proposuit observantiam, promissitque se illis patrè ac benignum fore tutorem, & protectorem, si Musulmanorum devotioni se ultro dederent. Senior natu precibus anteminis nunquam potuit adduci, ut Christi observantiam desereret: protestatur sapissime se in Muratis obsequio & fide semper perseveraturum, facultates ac vitam pro eo, si esset, lubentissimè profusurum, dummodo illi relinqueretur eius religionis exercitium, quam simul cum lacte ab infantia imbiberat, quamque à suis maioribus sacrosanctam acceperat. Eius frater natu minor multis promissis persuasus, ac minis etiam territus, ne si in Imperatoris odium incurrisset, malè cum eo ageretur, procul à patria abducto, & omni suorum ope destituto, circuncisionem recepit die 25. Iunij. 1579. Cuius rei gratia illi materna ditio, quæ Siphliis & Tschildir contermina est, sub Beglerbegatus titulo concessa est. Reversi uterque sunt in patriam 15. Augusti ubi subita morte expiravit natu maior, non sine dati veneni suspitione, dum esset Constantinopoli. Mustaphas interim non sine discrimine, & summa difficultate versabatur inter hostes. Nam Toemaces Sultan Revani Persarum partes secutus, habita pugna 15. Turcarum

1579.

millia

millia stravit, Tiphlisumque cepit mense septembri anno 1578. Hac victoria potitus, quotidie magnos progressus faciebat, Georgianorum Principum qui defecerant fines diripiens. Mustaphas cum trans amnem Carasû copias duceret, septendecim suorum millia amisit, vorticibus & rapacitate fluvii absorptos, præter Camelos & jumenta quæ simul cum sarcinis absumpta perierunt. Sirvanum cum reliquo invadens exercitu cepit, Persis ac Medis vrbe diffugientibus, & facultates suas in loca tuta aufportantibus: Hoc anno Persici belli primo satis infelicitè Turcis semper successit: eo enim plusquam septuaginta eorum millia variis conflictibus occubuisse constat: Mustaphas, qui se in Armeniam maiorem receperat, ex Arzerume sæpius in Persarum fines irrumpens, ab hostibus semper non sine magno suorum damno repulsus est. Deiecti enim erant omnium animi, propter fortunæ adversantis iniuriam: cui accedebant frigus intolerabile, & annonæ penuria, quæ Mustaphæ avaricia & negligentia defecerat, imminutusque ex maiori parte fuerat exercitus peste vehemènti, quæ in castris paulò antè fuerat grassata: His omnibus incommoditatibus ab eo abalienati erant non solum milites, sed etiam ipsi Beglerbègi, qui ducis superbum fastum, avaritiam, & crudelitatem detestabantur, Dilabebantur itaq; plurimi quotidie, seseque subtrahebant è castris. Interim se anxium Mustaphas continebat Arzerume, quæ vrbs est præcipua maioris Armeniæ, nescius quid sibi opus esset factò: Nam illum literis iam semel atque iterum revocaverat Murates, certior redditus de iis quæ in Perside gerebantur, illumque in Amasiam remeare iusserat, ut illic aëre salubriori, & annona copiosiore reficerentur milites omni rerum penuria languen-

tes,

es, morbisque, & contagiosa peste confecti. Principis tamen mandato parere recusavit, prætexens gravissima incommoda Turcicis rebus impendentia, si retro quasi fugiens cederet: Persas interim non latebant hæc omnia: qui data occasione redditi audaciores, vagabantur liberè per fines hostium populabundi, & prædas vndique sine impedimento avertebant. Ipsoque Muchemetes Scachus Tebriseum iam receperat victor. Id simul & Muratis mandatum coëgit Mustapham exercitum ex Armenia reducere in Persidem. Sed illius imperio desierant obtemperare milites, præfectique superbix illius avariciæque pertæsi. Quod postquam Murati innotuisset, veritus ne res in peius laberetur, Mustapham, severissimè minitatus, exitium ni pareret, Constantiæ populum revocavit: & in eius locum substituit Sinanem bassam, qui paulo antè crepta Hispanis Goleta, totaque Africæ ora maritima, clarus in aula Imperatoris habebatur. Isque ut erat animo elato, confidenti, & iactabundo, passim asseribat, si illi res, publicæ committerentur, brevi effecturum, ut Scachus Sophi tota Perside spoliatus, tandem catenis victus vilis instar mancipii Constantinopolim captivus traheretur. Semel igitur iterumque revocatus Mustaphas, cum reditum obstinatus differret iram Muratis metuens conscientia pressus rerum crudeliter avarèque administratarum: Imperator tandem irritatus Capiziliorum Kihaiam, hoc est Portitorum præfectum, cum aliis quindecim portitoribus robustissimis hominibus in Persidem misit, qui quavis occasione Mustapham victum adducerent, vel interimerent. Illi cum eo venisset, diuque in castris hæsisent, ad colloquium cum Mustapha non admissi: tandem virgente necessitate, cum reditum differre ultra non

posset, autoritate sua fultus, qua apud Selymum Imperatoris patrem valuerat, existimansque satius esse suo Principi se submittere, & illius clementiæ subiici, quam perpetuo in discrimine vitæ & metu torqueri, Kihaiæ tandē se dedit fide accepta & iuramento, Kihaiam reliquosq; Portitores nihil durius aut sua conditione vel statu indignum molituros. Quod ubi iureiurando se præstiturum promississet, cum Nitchanzi qui Cancellarius est, & Dephterdaro rationum magistro, Constantinopolim abductus est, quo pervenerunt die 9. Aprilis 1580. Custodiæ primum simul traditi sunt, sed liberiori, ad conspectum tamen Principis neutiquam admissi. Non tamen desinebant cum amicis de rebus necessariis consultare: omnes illi suaferunt, vt largitionibus & muneribus consiliariorum animos sibi benevolos redderet, ipsumque principem demereretur, qui Mustapham propter ætatem ac dignitatem non ita alienatus colebat: verebanturque in illius vitam aut statum durius quicquam aggredi, Largitione igitur incolumitatem omnes mercati sunt: sed tanquam privati cum suis vivebant, & arcebantur à conspectu Imperatoris. Paulò antè Achmetes Vezirazemes Selymi secundi gener à Dervisio quodam monacho domi suæ nefarie cæsus erat. Illius dignitatem Mustaphas affectabat, quod inter bassas senior, & autoritate facilè primus haberetur. Hanc tamen præter omnium expectationem Murates Sinanibassæ cum sigillo Imperatorio commisit, cum in Persidem illum ablegaret, vt exercitum susceperet, & in Scachum bellum gereret. Accidit paulo post vt 4. Augusti 1580. Constantinopolim missus à Muchete Persarum Scacho veniret Maxudes Chan, vt de pace tractaret, & dein uriis acceptis conquereretur. Illius ad-

ventu

ventu Mustaphas perterritus, metuens ne eius accusatio-
ne rursus in odium Imperatoris iam aliquantulum alie-
nati traheretur, à quo se donis & astu difficulter paulo an-
te aextricaverat, iamque passim per urbem fama sparge-
batur illum brevi supplicium subiturum, domum anxius
se recepit, peponesque largius vorans, & Zerbetum poti-
onem ex aqua saccharoq; & cinnamomo confecta, hauri-
ens, cui vt creditur venenum admiscuerat subito
extinctus est. Mortui bona ad fiscum re-
lata, portione per exiguam nepo-
tibus parvulis concessa.



SOMNIA QUID VANO VERSAS INTERPRETE: PARTHV
ACCIPET FVSLIS MEDICA SCEPTA GETIS.



MVSTAPHÆ EAST' COHIBE: ATQ. SVPERBA SINANIS
RESPONSA: POENAS QVAS MERNERE IVANT.

MVRATES III.
SELYMI II. FI-
LIVS.



NNO Christi 1575.

Selymo secundo mortuo, Murates tertius huius nominis, postquam solemnibus exsequiis parentasset, paternum occupavit Imperium, annum agens vigesimum septimum. Is maiorum suorum more, ut solus rerum potiretur, quinque fra-

tres natu minores in sua presentia strangulari iussit: Eodem quoque anno Techmases sive Tammas Sophi Scachus Persidis è vivis decessit: cui successit Haidat Mirises natu tertius, excluso Muchemete Hodabende primogenito, & Ismaele secundo eius fratris. Haidarem oderant Persæ propter fastum, illumque vita privarunt, & Ismaelem eius fratrem regno præfecerunt: qui à patre Tamma in vinculis diu fuerat detentus, propter certas calumnias quibus illum delatores apud regem onerabant. Is cum primum ad regni moderationem venisset, accusatores, fratresq; suos de medio sustulit, ne quis illi insidiaretur. aut regnum inturbaret. Cumq; in suos principes propter leves etiam suspensiones faviret, & Persis intolerabilem se præberet, omnium animos à se abalienavit: Procurarunt itaq; Satrapæ aulici, ut in cibo per sororem regi venenum præberetur, quo extinctus est sexto regni mense.

Xx 3 & in

& in eius locum suffecerunt Muchemetem Hodabendē, qui Tammæ filiorum natus erat maximus.

Anno 1576. Stephanus Batorius Somlianus vir animi generosi (qui mortuo Ioanne Sigismundo Vaivoda, Transylvaniam occupaverat) Muratis Turcarum Imperatoris ope creatus est rex Poloniæ, vnde Henricus Valesius, Carolo fratre Galliarum rege mortuo, discesserat, ut in patrium regnum reverteretur, quod Polonico non sine causa prætulerat: Interim Muchemetes Persarū rex à Turcis bello laceffit, exercitum quantum potuit ex suis & vicinis confederatis collegit, cui cum summa potestate præfecit filium suum Emirem Chanan Mirisem. Causam belli præbuit cuiusdam Sangiaci Curdi, sive Chaldei defectio ad Persas: cui Muchemetes Scachus omnem operam promisit, in recuperanda sua ditione, quam Muratis iussu alter obtinebat. Husreves autem, reliqui que Sangiaci Turcici ad Persiæ limites constituti collecto milite Persidem iam invaserant, asserentes pacis iura violata fuisse ab Ismaële, qui rebelles in suam protectionem susceperat. Nam vivente adhuc Ismaële ad Persas se contulerat Curdus iste Sangiacus: & ante illius mortem Turcæ arma iam sumpserant, infestis agminibus limites Persidis molestantes: inchoatum igitur bellum oportuit Muchemetem prosequi, cum de pace transigenda nihil posset obtinere apud Muratem iam dudum Persico regno inhiātem. Hunc præter ambitionem maximè movebat religio turbata, & diversæ de ea controversiæ, & opiniones totam Asiam pervagantes. Multa enim hominum millia (quos Schophtalarios vocant) per totam Anatoliam turmatim congregabantur, qui assererent publicè, ac docerent Persarum religionem Turcicæ

cicæ præferendam: neque decrant Constantinopoli, qui cam adprobarent: Præterea Murati Imperatori somnium tale contigerat, dum quieti daret operam: Alii idem quoque accidisse Scheichi cuidam Sacerdoti vitæ sanctimoniam inter Turcas clari. Somniū tale fuit: Visum enim tibi erat sedere in medio mundi sub arbore patula, cuius rami duo longissimè porrigebantur. Vnus ad extremum solis ortum, alter ad occidentem. Ex orientali plaga provolvebat se tortuosis voluminibus, squamoso tergo varius, christisque rubris insignis serpens ingentis magnitudinis, ad quem accedens Murates, scipione quem dextra tenebat colubri caput obtrivit, iterum iterumque duplicatis ictibus belluam insurgentem, & sibilis hiantique rictu morsum minantem stravit, & demum interfecit. Iterum postquam obdormivisset Scheiches, Vidit prope Paradisi portam Eburhanifem Imamum Azemen summum sacerdotem & doctorem, qui ad Scaichem conversus, Abi, inquit, ad Muratem terræ Chalifem Mahometis Prophetæ vicarium, cui meo nomine, hoc refer, Imamum Azemem cum è Paradiso egredi vellet, offendisse ante portam Sceichem Haidarem Persicæ herefæos autorem, qui à Paradiso excludebatur: cum quo post longas altercationes de religione conferens, victum tandem, & falsitatis condemnatum interemit, eiusque liberos discerpfit, & superstitionem abolevit. Quare monebis Chalifem arma ut moveat in sectarios hereticos, quos divino auxilio vincet & superabit. Hæc duo somnia Murates cuidam Hoggia sacerdoti communicavit, & Scheichi in sacris literis optimè versato. Uterque interpretatus est, Constantinopolim in medio mundi sitam, quod illic arbor

arbor Imperii plantata sit, cuius rami ab oriente ad occidentem extenduntur. Serpentem illum esse Scachum Persicum, quem Murates attriturus sit & interfecturus. & Ebuhanisem occidisse Haidarem, significare, sectam Persicam interituram, & brevi subversam iri: Turcæ tres Imamos sive doctores summos primo in honore colunt Ebubekirem, Osmanem, & Omarum, qui Mahometem prophetam proximè sunt secuti, & in regno illi successerunt. Præter illos, venerantur alios quatuor quos Imamos hoc est Doctores vocant. Primus est Ebuhanis Imamus Azemes: Secundus Imamus Melichis. Tertius Imamus Scaafis, Quartus Imamus Achmetes Hembelis, & his quatuor summam auctoritatem tribuunt in interpretatione sacrarum scripturarum, & in ceremoniis stabiliendis. Apud Persas summa est in veneratione Alis Mahometis Prophetæ gener, & interpret: Post quem sequitur Scheichs Haidar, Alis doctrinæ restaurator, auctorque sectæ Persicæ (vñ in vita Ismaelis primi recitavimus) & Imamus Harussis. Hi duo in vrbe Persidis Reza vixerunt tempore Erdebilis Ismaelis Scachî patris: & cum Persæ horum scripta tantum approbent, Turcæ superiorum instituta sequuntur cum Tartaris omnibus, & Africanis: reiiciuntque alia cum Haidare, tanquam religionis corruptores, & depravatores Alcorani doctrinæq; magni Prophetæ, Mahometis, & seductores hominum, qui eorum sectâ adprobant. Duobus somniis superioribus in vanam spem erectus Murates, nihil aliud animo versabat quàm de bello Persis inferendo, Muchemetes interim Sophi regnū fraterna temeritate & crudelitate turbatum sedare cupiēs, & in statū tranquilliorē reducere, pacē cum Turcis stabiliendā indicavit consultius, quā ad bellum redire,

Legat-

Legatos Constantinopolim misit, qui pacis inducias cum patre & fratribus pactas confirmaret: Sed Murates literis Sangiacorum, qui limites Persidis regebant, certior redditus, Scachum Sophi pacem non expetere, sed bellorum dilationem, donec turbatum regnum componeret, & necessaria ad bellum procuraret, Legatos contempsit ac remisit. Copiasque quàm potuit maximas congregavit, idque Hufrevis bassæ consilio, qui VVanensi provinciæ Persidi vicinæ præerat, & Turcicum Imperatorem quotidie nunciis stimulabat ad arma cōtra Persam sumenda. Cùm igitur Muchemetes animadverteret se pacem impetrare non posse, sœdus iniit cum Kesie bassâ, qui Vlu Chan Chitainus vocatur, cumque in bellorum societatem accivit cum Iberis Georgianis: Turcico exercitui præfectus est Mustaphas bassâ, qui cū ducentis hominum millibus Bosphorum trajiciens anno 1578. in Asiam venit: illique se junxerunt omnes Anatoliæ begi, perveneruntque ad Georgianorum limites sub Augusti principium, quos ferro & flammis crudeliter devastaverunt. Tocomaces Sultanus Revani primus Turcas excepit, quorum uno prælio plusquam quindecim millia cecidit, eorumque vires non mediocriter attrivit; Capto Tiphlisio civitate celebri Georgianorum tamen damnum acceptum utcunque refarcivit Mustaphas: ubi postquam Beglerbegum, & Depterdarum constituisset, in trajectu Carasû fluminis, qui Mediam à Georgianis terminat, multa suorum millia amisit. Cū reliquis autē copiis S rvanum Mediæ Metropolim adortus, cū cives inde aufugissent, eam cepit. Beglerbegoque illic & Quæstore relicto, commissaque exercitus parte Osmani bassæ ad tutandos fines, ipsæ Arzerumen majoris & Armeniæ urbem, & à Trape-

zunte dierum sex spatio distantem se contulit. In eius absentia Persa Scachus in Mediam irrumpens Sirvanum recepit, caeso Beglerbego cum omnibus præsidariis militibus illic relictis: Osmanes bassa rebus malè succedentibus suæ salutis metuens, cum iis copiis quas superstites habuit, Temircapina sive Derbentum ad mare Caspium fugit: Schemhalin Chanem regionis sibi conciliavit, eiusque filiam uxorem duxit: Quæ paulo post instinctu mariti patrem veneno sustulit, ut solus rerum potiretur. Hoc facto nuncios statim per Capham expedit ad Muratem, qui illi narrarent res ad mare Caspium gestas: rogarentque ut pecuniam, annonam, copias, & alia necessaria mitteret, quibus adiutus Moscoviam, Indiamque Orientalem, Samarcandam, & alias regiones vicinas commodius posset aggredi. Murates nihil cunctandum ratus, ad Osmanem statim misit quæ poposcerat, laudans illius consilium, simulque illum exhortans ad res strenuè gerendas. Iussit quoque duos Tatarorum Principes, fratres Mechemetis Keraiorum Chanis cum sexaginta millibus hominum ad Osmanem contendere: Horum auxiliis celatus, Persarum fines quotidianis excursionibus infestabat, donec Persæ coacto simul exercitu illum adorti. Tataros omnes ad internecionem deleverunt; altero Tata-ri Chanis fratre interempto, altero verò ab hostibus capto. Osmanes bassa suis exutus copiis, cum paucissimis reliquiis Temircapim repulsus est: unde latrociniis, & incursionibus repentinis in Persidis fines irrumpens prædas avertebat, & iis victitabat. Rebus igitur infelicitè ubique succedentibus, postquam Mustaphas Carsecum & Tschildirim munivisset, sæpiusque cum hostibus congressus, ab iis fusus fugatusque esset, anxio admodum animo ef-

mo esse cepit, prævidens infelicem suarum rerum subsecuturum finem. Milites enim annonæ defecturumque omnium necessariorum penuria laborare cœperant, miserèque contagiosa peste conflictabantur: Quæ res occasione multis præbuit, ut relicto duce dilaberentur, ac sese è castris subtraherent, neque illius imperio se submitterent. Murates ut huic malo succurreret, Mustapham Constantinopolim redire iussit, & in eius locum Sinanem bassam substituit, quem Vezirazem creavit, commissio illi sigillo Imperatorio. Hac insigni dignitate, summaque autoritate præditus Sinan bassâ 25. Aprilis 1580. Constantinopoli in Anatoliam cum exercitu transfretavit: Cumque pervenisset ad Georgianorum fines, nihil admodum memoria dignum præstitit, quòd in exercitu omnia turbata invenisset, consumpto peste, fame, ac frigoribus hibernis. Constituit tamen Batini & Sochumæ Beglerbegos & Dephterdavos, per quos Georgianorum Iberorum refrænaret audaciam: At cum Tiphlisum obsidione cinxissent Persæ, Sinanes aliquot suorum milia eò misit qui obsessis opem ferrent: sed ab obsidentibus tanta animositate excepti sunt, tam duriter tractati, ut pluribus cæsis, amissis sarcinis & impedimentis, reliqui vix incolumes ad Sinanem redierunt: Tantorum interim tamque diuturnorum bellorum pertæsus Muchemetes Scachus, Maxudem Chanem Persicum Satrapam delegavit Constantinopolim, qui cum Murate de pace componenda ageret. Is ab Imperatore humaniter exceptus 17. Augusti 1680. rationem suæ Legationis frequente senatu ad Portam reddidit.

Sed conditiones pacis nullas admittere Turca voluit, nisi Persæ Sirvanum, omniaque loca Turcicis

armis prius occupata relinquerent. Re igitur infecta Muxudes in Persidē reversus est: qui paulo post à Muchemete Sophi deficiens Murati se adjunxit: Sinan bassa interim belli tam longi & tam infrugiferi pertæsus Constantinopolim rediit: Scacho prius Persico auctor, ut alium legatum prudentem, rebusque gerendis magis idoneum ad Muratem remitteret, qui cum eo de componenda pace transigeret in quo negotio fidelem se Persis operam præstiturum pollicebatur.

1581.

Anno igitur 1581. die 29. Martii Constantinopolim de pace tractanda Legatus venit Ibrahimes Chan, à Muchemete Scacho missus, & cum eo Legationis comites plusquam trecenti equites. Dum hæc gererentur Osman bassa ex Temircapi in Persidem irruptionem faciens Sirvanum invadit, maximaque damnaincolis infert, induciis violatis. Medi tamen collectis copiis fortiter se defendunt, prædones in fugam vertunt, ac prædam recuperant. Huius cladis nuncii Constantinopolim venerunt, quo tempore Murates solemni pompa Muchemetes filij circuncisionem frequenti legatorum totius orbis conventu celebrabat: Defecerat & à Turcis annosæ vetulæ filius Georgianorum Princeps, qui paulò antè Musulmanicam religionem fuerat amplexus, cumque suis Georgianis ac Persis magnam Turcarum stragem ediderat: Quapropter Murates Sinanis loco Ferharem remisit in Persidem, illique negotium dedit ut Georgianum Principem quo posset modo, sive vi, sive astu de medio tolleret, Simonemque & Tocmacem Sultanum Revani dominum Georgianos Principes cum Persis fœderis sacramento victos interficeret. Ferhates postquam in Persidem venit, Tocmacis impetum cohiberet, inter Carseum &

um & Revanum arcem extruxit munitissimam, cui præfecit Cigalogeni bassam: qui ex hac munitione perpetuis excursionibus non desinebat Toemacis ditionem infestare, majore tamen suorum quam Persarum damno: nam primo victus fugatusque est, deinde reparatis viribus rediens conflictu acerrimo ab hoste vulneratus est, postremò in Persarum venit potestatem. Osinen qui Temircapi degebat petivit à Murate ut ad eum pecuniam cum annona mitteret, & fabros qui classem ædificarent, Raisésque navalium copiarum præfectos, & auxiliarem militem ex Græcia & Anatolia simul delegaret, cum quo posset Persidem depopulari. Osmanis petitioni ex tempore satisfecit Murates: qui Temircapin exercitum cum ingenti pecunia statim properare jussit. Hoc adjutus Osman Persas invasit, multumque damni illis, omnibusq; vicinis amicis, & inimicis intulit: à quibus tamen animosè exceptus est, & duriter tractatus fusus fugatusque. His cladibus acceptis excandescens Murates, Sinanem bassam ad se accersitum amarè reprehendit, qui anno superiore jactabundus promiserat se effecturum, ut Persa Scachus Constantinopolim captivus traheretur, illiusq; regnum in Turcarum potestatem redigeret. Quod itie tamen contrarium succedere videretur, Persarum viribus invalentibus. Ille ut animo erat arroganti, & insolens redditus tam propter Goletam in Africa occupatam, quam propter insignem dignitatem, & auctoritatem, qua illum Turcicus Imperator ornaverat, superbè respondit, Scachum Scacho opponendum: innuens his verbis necessarium esse ut Murates exercitu collecto ipsemet Persarum regem invaderet, & præfens experiretur quanta cum difficultate bella cum remotis gererentur hostibus:

qui potentia, & rerum experientia non cederent Turcis: & hac in parte superiores essent, quòd in patria hostem exciperent, regionem montosam, difficilemque, & rerum necessariorum penuria laborantem colerent: quòd fuga in præruptos dilapsi montes cum omnibus facultatibus suæ salutis facillè consulere, regionemque foedissimè devastatam Turcis relinquerent. Hoc responso exaudiscens Murates, Sultanae præterea matris precibus (quæ filium hanc expeditionem suscipere volebat) irritatus, Sinem Masulem pronunciavit, hoc est, in privatum statum redegit Vezirisque dignitate privatum exilio multavit, & eius bona ad fiscum retulit. In cuius locum successus est Siauses bassâ, qui Muratis sororem uxorem duxerat. Osmanes acceptis iterum aliis copiis auxiliariis, Somachiam in Sirvaniaë confinibus occupavit: & Tabassaram non procul à Temircapi, Calbamque vicinam subegit: quæ omnia loca præfectis, præsidis, & machinis bello idoneis munivit. Sed cum Muchemetes Keraiorum Chan juberetur ad Temircapim contendere cum exercitu, ut auxiliaretur Osmanni ipseque cognovisset ideo hoc sibi præcipi, ut dum foris abesset bellis occupatus, Murates eius ditionem subjugaret imperio. Is igitur pecuniam, annonam, resque necessarias ad hanc expeditionem petivit. Murates ad eum centum jumenta misit aspris argenteis nummis onusta, qui ultra centum & quinquaginta Sultaninorum millia efficiebant, simulque vestes plurimas tam sericas, quam lancas, & arma omnis generis, quibus Tataři munirentur. Non audebat enim Muratis imperium detractare Tatarus Princeps, qui à Turcico Imperatore stipendium ducentorum millium Sultaninorum recipiebat, collatis in singulos dies mille

mille aspris : & hac largitione continebatur in obedientia Muratis. Accepta igitur hac pecuniæ summa, Crimnio profectus cum Tatarico exercitu, versus mare Caspium iter suscepit: Sed à via domum statim regressus est, excusans anni tempestatem importunam, & huic profecti-
 onis minimè idoneam: quodque Colacorum vicinorum motus metueret, qui jam se præparabant ad invadendas Tatarorum provincias. Delusum se, & expectatione sua frustratum dolens Murates, Osmanem iussit Capham venire, & de Tataro ultionem sumere. Quod statim præstitit, Muchemetemque correptum cum duobus filiis strangulari iussit anno Christi 1384. & in regnum Keraiorum successus est Isan Chan Muchemetes frater quem Muratis iussu Capham deduxit Vluzalis bassa: Rebus igitur ex animi sententia succedentibus Osmanes Constantinopolim cum Vluzali navigavit, & à Murate Vezirazemes creatus est, reiecto Siause bassa, qui Masul factus erat, propterea quòd auctor fuisset mittendæ ad Muchemetem Tatarum Chanen pecuniæ, quòdque occultas cum Osmane exerceret inimicitias, & quod Muratem Sultanum in Muchemetem filium exacerbasset. Indignè hoc tulit Sultana Muchemetis mater, quæ ut Siausem à dignitate removeret, Murati marito persuasit dolo malo Siausem patrem in filium fuisse irritatum, ut filio ira paterna sublato, Siauses postea imperium suisq; liberis (quos ex Muratis sorore susceperat) hereditarium invaderet. Siauses his criminationibus onustus, vix vita uxoris beneficio impetrata, ex aula imperatoria expulsus est, & omni dignitate privatus: Muchemetes Keraiorum Chan, cū ab Osmane bassa perimeretur cum duobus filiis superstitē reliquit filium natu maiorē, qui paterna cæde
 perter-

1484.

perterritus & offensus, Nogaiorum Tatarorum Chanen, cuius filiam duxerat uxorem, stimulavit in ultionem: collecto igitur exercitu, acceptisque omnibus ad bellum necessariis in patrum Islanem Chanen profectus est, eumque Criminio & maiore ditionis parte eiecit, & Capham Tauricæ Chersonnesi urbem compulit. Murates ut Tatarum impetum averteret, Osinanem iussit cum terrestribus copiis Islani Chani suppetias ferre, qui Castamoniam ad Euxinum Pontum urbem sitam properavit, ut illic verum tempus expectaret bello gerendo magis idoneum. Vluzalis verò classem Sinopem deduxit, ut navibus milites Caypham trajicere commodè possent. Revera tamen hic apparatus ad cōtinuandum bellum Persicum fuerat institutus, ut postea experientia docuit.

Eodem anno uxor Ramadanis bassæ Tripolitani vidua cum familia, suisque facultatibus (quæ octies centenis aureorum millibus æstimabantur) ex Africa Constantinopolim navigabat. Triremis, quæ vehebatur, tempestate acta, in sinum Hadriaticum compulsa est: Huic mari præfectus erat Petrus Emus patricius Venetus: qui Turcicam triremem cum aliis navigiis conjunctis oppressit, omnes interfecit, illato foeminis omnibus stupro, occisorumque corpora foedè polluta & mutilata in mare projecit. Murates reintellecta apud Venetos per Zausium conquestus est de iniuria suis illata, deque nefaria & barbara crudelitate quam in innocentes exercuerat Petrus Emus, illumque sibi dedi postulabat, & omnium quæ raperat restitutionem. Veneti, qui prius immane facinus cōmissum detestabantur, ut iustis de causis animum Muratis offensum sedarent, triremem cum omni præda remiserunt Constantinopolim, & Petrū Emum in præsentia Zausij condemnatum capite plecti iusserunt. Fer-

MURATES III.

Ferhates Bassa, qui in Persidem missus erat, annonam militibus avarè subtrahebat, eosque indignè tractabat, adactis Spachijs & Ianizzaris ad functiones etiam sordidas & ædificia munitionum extruenda: quam iniuriam Murates aliquandiu dissimulavit, quod rebus ubique turbatis, eius opera opus haberet. Osmanes interim Serdar (hoc est, summus Imperatoriarum copiarum dux & Præfectus) inter omnes Turcicos Bassas longè nobilissimus, (natus enim erat patre Damasci Beglerbegi, & matre Babylonij Beglerbegi filia) Is anno 1585. in Persidem remissus est: sæpiusq; cum Persis dimicatus, multa suorum millia amisit: Tandem Tebrisis potitus est, dedentibus urbem civibus. Munita itaque regia bellicis tormentis, armis, annona, & mille Spachiorum, duorumque Ianizzarorum millium præsidio, postquam Tebrisis abivisset cum exercitu reliquo, quinto post die in via mortuus est dissenteria. Post cuius obitum Cigaloglis Reuani Beglerbegus supremum adeptus imperium militum non sine magna difficultate incolumem reduxit, & Vvaum vsque pervenit. Neque multo post Persa Scachus Tebrisiū recepit, cæso, quod ibi relictum erat, præsidio. Diversisque conflictibus cum Turcarum copiis, superior evasit, quibus hostium plusquam octoginta millia dicitur occidisse: Recepta tandem ditione, & Turcis expulsis, Muchemetes Sophi Persarum Scachus sceptrum regni que administrationem filio remisisse fertur, & ad priuatam vitam se contulisse, in qua reliquum senij tempus exigit.

Sequentibus annis pauca memoratu digno præstitit Murates: nisi quod anno 1586. Ferhates Bassa delusis Persis (dum se Casminum proficisci simulat ad occupandam Persidis interiorem regiam) Cigaloglis arcem Te-

brisinam, quam adhuc Turcæ tenebant, supplemento novo, annona, rebusque necessariis quibus indigebant confirmavit. Eodem anno mense Decembri Turcæ in Croatiam irruptionem facientes à nostris cæsi sunt: inter quos Bassa Bosnensis captus, & capite truncatus est. Sequenti anno, mense Februario nostri Copanum arcē ad Balatonem lacum sitam Turcis ademerunt. Ex mille præsidariis qui illic erant, capti sunt fere ducenti, & fami nę septuaginta cētum, equi gencrosi, & præda precij quadraginta ducatorum millium æstimata: reliqui vel cæsi vel fuga elapsi sunt. Tres Sangiaci, qui eò conuenerant, ita tractati sunt, vt primus tantum evaserit: secundus in loco subterraneo, quo fugerat, pulvere tormentario accenso suffocatus est; Tertius Cara Alis Copanensis Sangiacus captivus Viennam abductus est, inde Pragam ad Imperatorem Rudolphum.

Anno 1588. Turcæ iterum in Christianorum fines irruperunt, & sedecim pagos deprædati sunt circa Limpacum, abductis omnibus in servitutem incolis. Sed Georgius comes Zerinius, Nicolai ad Zigetū mortui filius, coacta subito militum expeditissimorum valida manu in prædones irruēs, eos crepusculo matutino super Catzerolacum, inter paludum angustias ita pressit, vt aliquibus in sylvas diffugientibus, alis in paludes sese præcipitantibus, maiorem eorum partem ceciderit. In hoc prælio Machimutes Sangiacus Quinquecelesensis Alisbassæ filius captus est. Sinanbegus Mohazienensis in paludes cum equo lapsus ictu globi tormentarij transfossus interiit. Zigetanus bassa, cum Chafane Copanensi evaserunt: sed hic paulopost è fuga retractus est in sylvis oberrans: ille fame ac dolore animi semiconfectus die septimo pedes

Bre

Bresenzā peruenit. Capti ex hostibus mille & trecēti: cēsi vel submersi fere duo millia: mille & quingenti equi in nostrorum venerunt potestatem; prædaque omnis cum captiuis Christianis recepta est. Cœsorum capita quadringenta, & sexcenti captiui Canisam relata sunt. Nostrorum copiæ constabant quingentis equitibus, & mille & quingentis pedibus, ex quibus tantum desiderati sunt vndecim, & pauci vulnerati.

Murates anno 1595. sexta Ianuarij è vita decessit. Muchemete filio Imperij successore relicto: qui statim post patris obitum maiorem suorum morem secutus, nouendecim fratres interfici iussit, vt solus regnaret, & octo patris vxores simili crudelitate sustulit.



INDEX.

A *Brahimus* bassa 217. eius res gesta *ibid.*
Acequa regem suū vocant *Æthiopes*. 229.
Achmetes in *Galatiam* venit. 38. eius ami-
 ci qui. *ibid.* strangulatur. 131.

Achomates globo missili transfossus occubuit.
 184.

Ægyptij dominationis pertasi *Constantinop.* u-
 gum excusserunt. 158.

Agi Hairadinus *Tairoea* rex occisus. 189.

Aiabassa *Abrahimobassa* substituitur. 215.

Aladeules *Baiazetem* vincit. 52.

Aladinus *Muratis* filius moritur. 33.

Alarbai qui. 290.

Alexander *Conteranus* *Turcas* repellit. 187.

Alisbegus ad *Muchemete* in deficit. 22.

Alisbegus *Saxorvarogles* ad *Selymū* deficit. 133.

Amasia à *Soleimane* *Scacho* occupata. 2.

Amesic vita & res gesta. 79.

Amurates *Mechemetis* filius patri in Imperio
 succedit. 29. eius res gesta *ibid.* occupavit *Mē-*
tesianam regionem, *Aidinam*, *Sarchaniam*,
Chemidam, *Serviā*, *Zietucam*, *Thessalo-*
nicam, *Burnūzen*, *Semendriam*, *Novogradem*
 31. 32.

Amurates *Achmetis* filius depopulatur *Cappa-*
dociam III. cum *Ismaël* generum facit 132

Amyrassem *Raysalomon* *Meccam* fugientem
 submergit. 197.

Andreas *Auria* *Coronem* occupat. 181. item *Pa-*
tras, *Rhium*, *Molhereum*, *ibid.* tredecim hosti-
 um milites submersit. 187. *Aphrodisium*
 recipit. 197. *Crecellum* prada suorum conce-
 fit. 236.

Arichibassi *Mauri* regem vocant. 229.

Armamentarium navale *Venetij* conflagra-
 vit. 323.

B

B *Baiazitis* *Gilderum* circumcisio. 7. eius res
 gesta *ibid.* oppugnavit *Kiratorum*, *Vidi-*
nam, *Paxiaces*, *Citron*, *Hypsipolim*, *Ai-*
dinam, & *Sarchaniam*, 11. provinciā *Be-*

rucis, *Erzingam*, *Silistriam*, *Empolim*, *Ferin-*
gen, *Iconium*, *Caesaream*, *Mygdiam*, *Acasarā*,
Borbem, partem *Ismendiariis* provincia, *Seba-*
stem. 12.

Baiazites *Bassa* ad *Dusmen* deficit. 29. eius pa-
 na. *ibid.*

Baiazites *Mechemetis* filius Imperator saluta-
 tus eiusq. gesta. 94. cepit *Chilium*, *Monca-*
strum. 52. *Neupactum*. 53. *Metbonem*. *Coro-*
nem. 54.

Baiazites *Solymani* filius *Selymo* de Imperio
 contendit. 198. strangulati. 198.

Balabanus ictus globo tormenti moritur. 71.

Balibegus ab *Hungaris* casus. 451.

Balibegus *Pamphilus* *Hungarorum* Dux *Tar-*
cas superat. 181.

Belcham vi capit *Zingis*. 2.

Beldugiam regem suum vocant *Æthiopes*. 229.

Borcuces *Alcain* Sultanus diem obiit. 12.

Boztanger bassa *Selymi* gener *Corcuthen* capit.
 137.

Burgluzes *Mustaphas* in frustra dissectus. 26.

Burgos *Murates* occupat. 7.

Burgosinē *Murates* occupat. 7.

C

C *Adū* qui. 96.

Cadilecherique. 96.

Calenderes qui. 97.

Calapinū in *Italiam* ad *Calipsum* P. M. fugit.
 41.

Caliphes qui. 96.

Callipolis occupata ab *Vrchane*. 7.

Campsonis *Gauri* res gesta. 141.

Captivi duobus vel tribus Sultanis proclamā-
 tur. 185.

Caracossa bassa palo insigitur. 55.

Caramania ad *Othmannorum* redacta est
 imperium. 51.

Carolus V. Comitissā *Principum* *Ratisbona* con-
 vocat. 192. *Turcas* retollit. 237. *Goletam* expu-
 gnat

INDEX.

gnat. 264.
Caruallum Murates 1. capit. 8.
Caierbeis Calepi ad *Selymum* deficit. 135. *Ca-*
yerbey praefecturam *Aegypti* commisit *Sely-*
mus. 167.
Cerafum Murates 1. cepit. 7.
Chairadines ab *Appiano Sinanis* filium captum
repetit. 239. *Bassa* 1111. creatur. 263. *Tempfam*
capit. *ibid.* mortuus, 270.
Chasani *Chelifes* *Scachoculis* pater sagitta i-
ctus perijt. 56.
Cherfches Sponsa filij venustate pellectus, illam
filio eripuit. 118.
Chimeriota intentorium principis irruerunt.
187.
Chorasaniem regionem *zingis* vi capit. 2.
Christiani à *Turcis* casi 192. 199. *Turcis* supe-
rant. 200. 327.
Chuscinis *begus* deficit là *Muchemete* 29, *Ser-*
ras expugnat, item *Hadrianopolim*. *ibid.*
Circassa *Solymani* concubina. 205
Circassi. 162.
Cleone *Doracis* uxor. *Christiani* sanguinis appe-
tentissima. 289.
Corasi *Tamma* uxor marito semper fida. 303.
Corcuthes ad patrem *Baiazetem* venit *Constan-*
tinopolim. 60. *Selymo* obviam prodit. *ibid.* in
Phoceam se iterum recipit. 61. fratris crude-
litatem metuens in *Tekiensem* regionem fu-
git. 131. à *Bostangebassa* *Selymi* genero captus
frangulatus. *ibid.*
Curifemes armis opprimitur à *Zingi Chan*. 2.
Cuselba cur sic dicti. 102.
Chendemis proditiōis suspectus trucidatur. 112

D

*D*ait *Caratzes* interijt. 42.
Damianus cum complicibus trucidatus.
187.
David Abyssinus imperavit regnis 27. qua mo-
ribus & legibus distincta sunt. 229. eius re

gna quadam recitantur. *ibid.*
Delimannus strenuè *Turcas* invadit. 186.
Derviasri qui. 97.
Dorax *Alarbaus* militi à regia magister factus,
283. ab *Amida* regno & oculis priuatus. 286
Dracuthes occupat *Aphrodisium*. 197.

E

*E*rtucules *Galatiam* occupat & incurfioni-
bus infestat. 3. eius somnium. 1

F

*F*erdinandus *Hispania* Rex *Cephaleniâ* *Tur-*
cis adimit. 54. item *S. Maurum* *ibid.*
Ferdinandus *Austriacus* *Hungariam* occu-
pare nititur. 178. *Sepusio* exacto regnum oc-
cupat. 177. *Vicegradem* arcem vi expugnat.
190. item *Pastum*, *Vaccium*. *ibid.* *Albam* re-
galem. 191.
Ferhates *begus* occisus. 51.
Fadus inter *Venetos* & *Scanderbegum*. 69. in-
Pium *V. Pont. M.* & *Philippum* *Hispania* regem
326. & *Senatum Venetum*, *ibid.*
Fridericus *Palatinus* *Cazonem* vincit & inter-
fecit. 180.

G

*G*Arzias *Toletanus* *Pignonem* arcem *Turcie*
eripuit. 199.
Gaxellus ad *Selymum* à *Tomombao* tran-
sit. 536.
Genizari diripiunt *Constantinopolim*. 49
Geduchassa interfectus à *Baiazete*. 50.
Georgius *Castriotâ*, videri *Scanderbegus* *Gabri-*
el Trivisanus *Procurator*. 68.
Georgius *Helsenstenus* *Vesprinum* expugnat.
201. item *Tatam* & *Gester*. *ibid.*

H

Z z 3 Haidi-

INDEX.

H Aidinus Smyrneus Cacciadiabolus vocatus. 256.
 Halicotius Auria milites inexpectantes opprimis. 236.
 Halys dogmata Persa amplectuntur. 102.
 Hamon ludas Baiazetem veneno extinguit. 62.
 Hermosylla plurimos Turcas interfecit. 184.
 Hieronymus Mendoza Turcarum castra depraedatus est. 244.
 Horruccius Pyrata vita. 255.
 Hungari Turcas vincunt. 34.

I

Iacobus Heraclides regnum Moldavia occupat. 199. à suis Valachis casus. ibid.
 Iacupes Aga Dreenzenum superat. 53.
 Ibrahimus Caramani Principis filius moritur. 50.
 Inducia inter Despotam & Amuratem pacta. 34. item inter Amurathem & Caramanum. ibid. inter Baiazetem & Tataros. 51. inter Baiazetem & Sultanium Alcairum. 53. inter Venetos & Baiazetem. 55. inter Mechemetem & Scanderbegum. 67. renouantur. 68. inter Selymum & Senatum Venetum. item inter Vladislauum & Selymum. item inter Selymum & Polonum. 130. inter Solymannum & Ferdinandum. 194. inter Venetos & Selymum. 11.
 Ioachimus Brandenburgicus Turcas superat. 180.
 Iohannes Haniades Mesitembegum cum 20000. Turcis fudit. 33. item 30000. ibid.
 Iohannes Sepusius Transylvania Vairvoda regnum Hungaria affectat. 176. à Petro Perenne Corona Hungaria insignitus. 177. Solymani opera implorat. 178.
 Isabella in Sigismundi Polonia regis filium ducit. 189.
 Ionissis vita & res gesta. 166.
 Iosapius captus. 219.

Isenderesbegus captus à Sultano Alcairo. 52.
 Itali Hydruntum recuperant. 49.
 Iusufzesbegus captus est à Mustapha Muchemettis filio. 44.

K

K Alédere Zelebi seditionem in Anatolia mouit. 177. ab Abrahamo bassa occiditur. 178.
 Kamalis Archipyrata famosissimus. 255.
 Kerozinus inclusus dolio acutis clavibus ferreis circumducto de monte deolutus. 201.

L

Lazarus Suendius Tocaium expugnauit. item Zerencium. 199. Erdendam, Cuuaram Batorum, Vibaniam, Senderoviam. ibid.
 Tataras vincit. 201. expugnat Zabeticam Plefozium, Gombazecum, Crafnahurcam & Gadingan. ibid. Zatvatum deditione recepit. 322. item Muncaxium. ibid.
 Leocrates Mechane dominatum obtinuit. 1.
 Ludovicus Rex Hungaria equi lapsu in paludem deolutus & suffocatus est. 176.
 Ludovicus Coveius Cazonem superat. 180.
 Lutzisbassa Castrum expugnat. 287. 250.

M

Mamaluci qui fuerint & quos reges habuerunt. 158.
 Mamaluci Larendam diripiunt. 52.
 Manto Ianusibassa Vxoris vita. 171.
 Maroliam Murates I. occupat. 7.
 Marcus Antonius Bragadinus virtus excoriat. 326.
 Maurus Alexand. à Venetis superatus. 220. à Canali captus rursusq. dimissus. ibid.
 Maylat & Bales praefecti Transylvania à Sepusio oppressi. 190.
 Meda-

INDEX.

Medabe Arabis Olyndi Vxor. 319
 Mendosa operapetit ab Auria. 183.
 Mosachi Golemij vita & res gesta. 91.
 Muchemetis Musa fratris vita. 22. subegit Var-
 sacum. 25. Serrus. ibid.
 Muchemetis Amuratis filij vita. 41.
 Muchemetes Constantinopolim occupat. 41. item
 Novograd. 42. Sinderoviam item, Castamo-
 nem, Sinopem, Trapezuntem. ibid. item Vala-
 chia ditionem, Lesbium Insulam, Iaitzam,
 Herzegovinam, Coradsam, Albaniam, Gi-
 olodisarem arcem, Euboeam insulam. 43. Co-
 rrycum. 44. Cosen cum tota Chersoneso. item
 Kerimos, Crimios, Destenses. 45. Semendriam
 à Matthia Vngaria rege obsidione cinctam li-
 berat. Iscodaram recipit. Hydruntum. ibid.
 Muchemetis II. circumcisio celebratur. 346. pa-
 tri in imperio succedit. 353. novèdecim fratres
 interfici iussit. ibid. octo patris uxores. ibid.
 Muleasses viginti fratres interimit, eorumq. filios
 274. tres excecari iubet. ibid.
 Murates Chaz Vrchani patri in regno succedit.
 7. eius vita. ibid.
 Murates Mustapha filius strangulatur. 209.
 Muphtis quis. 96.
 Musa Vidinam ad imperium reducit. 21. occupat
 Bunivadam, Medaram, Chinpurlim. ibid.
 Mustaphas Zelebis Baiazitis filius casus. 13.
 Mustaphas Solymanni filius strangulatur 208.
 Mustaphas Callogerorum sectator. III. homo
 astutus, dolosus. ibid. factus Bassa visit. ibid.
 auctor fuit ut Selymus ex Ægypto revocaretur.
 119. Selymi consilium Achomatis filijs per-
 legatos aperit. ibid. 130. iungatur. 120. corpus
 eius nudatum in publicum populi spectaculum
 tractum. ibid.
 Mustaphas bassa Cairi Beglerbegus. 331. mortuus
 337.

N

N Eupactenses se Baiazeti dedunt. 54.
 Nuguas Acugnans Orientalis India pro-
 rex Diensem urbem Zambrio adimit. 244.

O

O Lyndus à Turcis occisus. 227.
 Orchamus Cairi iudex. 153. à Sinane inter-
 fectus. 154.
 Ofmanes Ertuculus filius. 3.
 Ofmanes bassa Schemhalim Chanæ sibi conciliat
 344. Persis maxima damna infert. 346. Mu-
 chemetem Tatarum strangulari curat. 349.
 Vezirazemes creatur. ibid. dissenteria mor-
 tuus est. 352.

P

P Auli Pratoris filia mori maluit quam Muche-
 metis complexum admittere. 44.
 Pax inter Gracos & Turcas. 12.
 Persa Scachus Sirvanum ab Amurate III. occu-
 patum recipit. 344.
 Persa Tataros superant. 344. item Turcas. 345.
 Petrus Albifonius Gallus 30000. Turcas interfe-
 cit. 45.
 Petri Emi Patricij Veneti facinus immanè. 350.
 capite plectus est. ibid.
 Prusa ab Vrchano occupata. 6.

Q

Q Virinus Hadriatica classis prefectus Mai-
 nam arcem occupat. 325.

R

R Atisbonensis dicta convocata fuit. 179.
 Rauesteinus naufragium passus. 51.
 Rhodum Solymannus occupant. 174.
 Rossa Solymanni Vxor. 205.

S

S Alomache Gobai Vxor. 157.
 Sarnensis Comes casus. 237.
 564.

INDEX.

- Scachoculis* vita & res gesta. 101.
Selymus & *Baiazites* *Solymanni* filij de Imperio inter se decertant. 198.
Selymus parent alia celebrat. 321. aliquot millia *Tartarorum* trucidat. *ibid.* Tenum in insulam ferro & flamma deuastat. 325. *Amidam* regno expellit. 327.
Seriphes qui. 96. summa veneratione à *Turcis* coluntur. *ibid.*
Servia Despotia ad *Albertum* II. Imp. profugit. 32. inde ad *Vladislaum* Polonium. 33.
Soleimanes *Vrchani* filius *Atramylium*, *Porgamum*, *Madylum*, occupat. 6. *Calliopolim* ite 7
Soleimanes arma sumpsit in *Musam*. 17. à *russis* trucidatus. 18.
Scerua principum regnū *Abyssinorum*. 230. eius descriptio & mors. *ibid.*
Seditio in *Anatolia* excitata à *Burgluze* *Mustapha*. 25. à *Scachocule*. 55. *Kalendere* *Zelibi*. 177.
Selymi vita & res gesta. 57. 58. 61. 62. 113. 120. 131. 132. vsq. ad. 139.
Suendi vide *LaZanis*. 38.
Sultanus *Egyptia* *Turcis* superatur. 52. *Adenā* *Turcis* adimit. *ibid.* eam cum *Tarso* *Turcis* instituit. 13.

T

- T* *Alismani* qui. 98.
Tamerlanes *Parthiam* ferro concussit. 12.
Tanussas *Topius* *Turcas* in insidias pertrahit. 86.

- Tartarus* *Chan* *Muchemetes* centum iumentis aspris argenteis onusta pro stipendio recipit. 348. *Amuratem* deludit. 349. strangulatur 349.
Teckel vide *Scachoculis*.
Tocmates *Sultanus* *Revani* *Persas* superat. 343.
Tomombaus loco *Campsonis* *Sultanus* constituitur. 135.
Tomores *Colossensium* *Episcopus* homo audax. 176.
Torlaces qui. 98.
Torlaces quidem *BaiaZetem* II. acinace stricto petit. 53. 20.
Turca à *GaZanis* male excepti. 135.
Turrianus & *Catianerus* *Turcas* vincunt. 181.

V

- V* *Ayvoda* *Transylvanus* *Risuarum* arcem occupat. 523.
Veneri pacem ineunt cum *Baiazete* II. 55.
Leucademq; illi restitunt. *ibid.* *Scanderbego* persuadent ut rursus in *Turcas* bellum susciperet. 68. *Scanderbego* copias auxiliatrices mittunt. 71.
Vladauveider quis gradus. 135.

Z

- Z* *Ambrig* opem à *Solymane* implorat. 244.
Zangir *Mustapha* filius pugione à *Solymano* transfossus. 209.

FINIS.



4900
103

Pat

Collated & Perfect
Feb 28/65 CP

JH CON 408



VITA
ICONE